

~~111456~~

Reg. 30.986

FD 1486

Arrendo de la casa



27 191
JOANNIS DEVOTI,

DEI ET APOSTOLICÆ SEDIS GRATIA

EPISCOPI ANANIENSIS,

INSTITUTIONUM
CANONICARUM.

LIBRI IV.

TOMUS TERTIUS.

EDITIO TERTIA MATRITENSIS.

*A plurimis quibus anteriores scatebant mendis
expurgata.*

D. Manuel Bouteau.

CURANTE D. JOSEPHO MARTINEZ.

MATRITI MDCCCXIX.

EXCUDEBAT JOSEPHUS COLLADO.

Superiorum facultate.

*Se hallará en las librerías de Martinez, frente San Felipe
el Real, y de Calleja, calle de Carretas.*

Quid adhuc quæris examen, quod apud Sedem Apostoli-
cam factum est? *S. Agostinus Oper. imperf. contra Julia-
num lib. 2. opp. t. 10. col. 993. ed. Maurin. Venet. 1735.*

PIO SEXTO,

P. O. M.

JOANNES EPISCOPUS ANANIENSIS,

FELICITATEM.

Magna, ac singularis est, quod Tu plane nosti
PIE PONTIFEX OPTIME MAXIME, Canonici Juris præ-
stantia, non solum in regulis, quæ honesta imperant,
prohibentque contraria, sed etiam in ordine, & ra-
tione judiciorum, in quibus jus suum unicuique red-
ditur. Cum enim Jus civile sæpe misera, attenuata-
que diligentia, sæpe inanitate verborum, & formu-
larum, aut longa, implexaque methodo spinosiora pe-
perisset, laqueisque pene inextricabilibus litigantes
irretisset, Jus Canonicum, omnibus amputatis tricis,
& ambagibus, iisque patefactis, & illustratis, quæ
involuta, obscuraque erant, judiciorum methodum de-
dit aptam, concinnam, sobriam, cui nihil deesset,
neque aliquid redundaret, quod esset ad hominum
usum, communemque intelligentiam accommodatum.
Quo factum est, ut jam antiquata methodo judicio-
rum, quam Jus civile proposuerat, ubique fere inva-
luerit ratio illa judiciorum à Jure Canonico constituta;
quod sane fererunt non tantum ii, qui cum tua
hac veritatis Cathedra cohererent, sed etiam qui ab
ea disjuncti, ac dissociati sunt.

Hanc ego partem Juris Canonici, quæ ad judicia
pertinet, complexus sum tertio hoc Institutionum li-
bro, qui nunc iterum in amplissimo tuo nomine di-
vulgatur. Nam tibi primum, tibi item alterum obtuli

earundem Institutionum librum, nunc tertium offero; deinceps offeram & quartum vide quo progrediar tua fretus humanitate, ac facilitate animi incredibili, planeque singulari, ut offerre audeam confidenter, quod offerre exquisiti beneficii habendum loco est) offeram, inquam, & quartum, quem brevi me in lucem emissurum spero. Erit autem quartus liber de judiciis criminalibus; tertius hic civilia judicia complectitur. Equidem eorum ordinem, rationemque explicavi, qualis à Jure Canonico constituta est, & qualis in Foro viget; indicavi ea, in quibus Jus Canonicum à civili discrepat, itemque ea, quæ nunc obsoleverunt; aliquas etiam illustravi civiles leges, quas enucleatius explicandas putavi, quasque in primis ad propositum, & materiam suscepti operis pertinere animadverti. Non enim quod te omni doctrina præstantem, Optime, Sapientissimeque Pontifex, minime fallit, recte cognosci res canonica, & percipi potest, nisi quis omnes habeat Juris civilis notos, & tractatos locos, nec qui tantum artis præcepta perceperunt, quicquam sine fori usu, & exercitatione consequi possunt; ut proinde mihi neque rem ipsam, neque suas vires satis æstimasse videantur, qui scribunt, Institutiones Juris Canonici, cum semper procul fuerint à pulvere, & acie forensi, neque unquam Jus civile didicerint.

Initium hujus libri feci titulum de judiciaria Ecclesiæ potestate, in quo quidem titulo paulo longiorem me esse oportere existimavi, ut satisfacerem ratiunculis quorundam, qui cum Du-Pinno, Bodino, Fevretio, Giannonio, Van-Espeno, cæterisque similibus antiquissima ætate Ecclesiam vera judicia, qualia nobis sunt, exercuisse inficiantur. Ego do, & concedo libenter, ab Ecclesiæ judiciis abfuisse captiones illas, ambagesque forenses, quas civiles leges invenerant; sed in his profecto vis, & natura judicii nequaquam inest. Ecclesia sine il-

lis laqueis, & involucro solemnitatum, ac formularum celeriter judicia expediebat, audito actore, & reo, utriusque expensis probationibus, lata deum absolutionis, aut condemnationis sententia, cui litigantes, vel invitati parere cogebantur. An non hoc verum iudicium est, an non in iudice qui imperio utitur in repugnantes, vera potestas, & jurisdictio? Titulum etiam de appellationibus paulo longius producendum putavi, ut jus earum in primatu, quem à Deo accepisti, penitus insitum, & affixum adversus invidos vituperatores Sedis Apostolicæ vindicarem. Qua in re mihi maximæ agendæ, & habendæ sunt gratiæ Cl. Viro, qui totam hanc tractationem de appellationibus ad Sedem Apostolicam, quam litteris mandavi hoc tertio Institutionum libro, in Germania typis evulgavit *, ut refelleret Scriptorem quemdam Historiæ appellationum in tribunalibus ecclesiasticis, qui jura certissima Sedis Apostolicæ audacter, & imperite in discrimen revocaverat. Fecit id quidem ille gratia, & benevolentia in me sua, non merito aliquo meo, ut tenues labores tam gravi, tamque exquisito iudicio comprobaret; sed ego in illo majorum vigiliarum opere, quo complectar, si vita, viresque suppetant, rem Canonicam universam, totum hoc argumentum plenius, & uberius explicavo. Interim his Institutionibus ea collegi, quæ præsertim bene cognita, & comperta esse oportere existimavi, atque in illis paulo longiori sum usus oratione, ut mature discant adolescentes jura Ecclesiæ, ejusque Capituli Romani Pontificis, cunc-

* Edita est hæc tractatio in Germania anno 1789. cum titulo De appellationibus in ecclesiasticis tribunalibus genuinum systema compendiose excerptum ex pretiosissimo quodam opere non ita pridem vulgato, quo retunditur cacohetes novicii Auctoris Historiæ appellationum in tribunalibus ecclesiasticis pro dilucidatione, articuli XXII. Congressus Ratisensis nuper Bonniensibus typis, Francuforti nomine ementito editæ.

tisque instructi præsidiis in ipso ingressu studiorum suorum pro iis propugnare viriliter assuescant; quod me efficere non posse intellexi, si jejune, & exiliter de his rebus disputarem. Eadem hæc causa est, propter quam superioribus quoque libris locos quosdam Juris Canonici plenius, & uberius pertractandos existimavi; sed caute tamen in notas conjeci quidquid Institutionum sobrietati non satis apte congruere videbatur. Ipsa hac methodo, & ratione Petrus Leopoldus Guadagnius, qui non multis ab hinc annis cessit è vita, Juris civilis Institutiones tradidit, quas utinam absolvisset! nihil jam esset amplius, quod in hoc genere desideraremus.

Hoc mihi unum optandum maxime restat, idque à tua præclara, & excellenti natura, magnopere expectandum est, ut quemadmodum eo me hactenus honore dignatus es, ut labores meos non improbares, ita pari bonitate, benignitate, clementia tertium hunc accipias librum, quem iterum valde auctum, & amplificatum in lucem emitto. Judicium tuum non tantum quod es Summus Pontifex, sed quod talis es Pontifex, qualem te omnes admirantur, tantum, ac tam præclarum est, ut majus, atque præclarius esse non possit. Ac tu quidem nunc etiam in maximis occupationibus, quibus distensus es, atque in hac excelsa, cæloque proxima Dignitate, fere quotidie refers animum ad studia litterarum, & in illa tua optimis referta libris Bibliotheca versaris, & scribis litteras, præsertim cum res Ecclesiæ postulant, quas equidem legens (legi autem sæpius, eæque mihi in his Institutionibus magno adjumento fuerunt) mihi videor audire loquentes Leonem, & Gregorium Magnos, quorum ut pietatem in Deum, ita doctrinam, atque sapientiam imitaris. Itaque hoc perpetuo tuo vitæ instituto effecisti, ut omnes intelligerent, quam scienter, egregie, perite, simul & illa optima studia exerceas, & populis imperes, & Ecclesiam modereris. Quorum

quidem rerum omnium ubique sunt notuerunt, non impressa leviter ad exigui praeudicationem temporis, sed fixa ad memoriam hominum sempiternam. Ecce intuentur (intuentur autem, & admirantur cuncti) proximis agunt habentque gratias immortalis, ac prepotenti Deo, qui tam bene Ecclesiae suae, humaneque generi consuluit, cum in hac rerum perturbatione Te, Pie Sexte, Vicarium inter homines constituit, ut malis rebus tua in se ipsum fides, consilium, fortitudo, constantia mederetur. Illis porro armis, non illis, quae sunt castitatis, caedisque sociae, Transalpinum illud malum, quod jam undique serpebat, propulsasti, & amorem auxisti populorum, quos imperio regis, atque admirationem Orbis terrarum universi. Sed ut hoc placuit Deo, quo volente, aut saltem permittente geruntur ea, quorum nostrum non est scrutari causas, ut nobis adversa illa evenirent, sic eidem placebit, ut Christianae Reipublicae dignitatem tua virtus, & sapientia in veterem integritatem, splendoremque restituat, eosque à summis erumnis, & difficultatibus erectos ad summam tranquillitatem, felicitatemque traducat.

APPROBATIONES

secundæ editioni redditæ.

Postquam de personis egit, ac de rebus ecclesiasticis Cl. Anniensis Antistes, ad iudicia se convertit in tertio hoc *Institutionum Canonicarum* volumine, & rem universam ita tractat, ut nec elegantiam, & ordinem copia, nec brevis perspicuitatem desiderare faciat. Quæ autem accesserunt in altera hujus Operis editione novis Cl. Auctoris curis, vehementer probo. Dabam ex Magna Curia Innocentiana IX. Kal. Majas anni MDCCXCIII.

*N. Riganti Majoris Præsidentis Abbr.
& AC. in Civilibus Locumtenens.*

Tertium *Canonicarum Institutionum* volumen clarissimi Scriptoris sapienti manu expolitum novis divulgari typis non utile modo, sed ob aliorum exemplarium defectum cumprimis arbitror necessarium. Dabam Romæ ex Collegio Germanico IV. Nonas Apprilis MDCCXCIII.

*J. Castellonens Proton. Apost. Apostolicæ Pœnit.
Litterarum Corrector & S. Congr. Boni Regi-
minis à Secretis.*

Novæ adjectiones, quibus tertium hoc volumen *Institutionum Canonicarum* V. Cl. Joannis Devoti, Episcopi Ananiensis auctum est, non ita copiose, attamen utilissimæ mihi attente legenti visæ sunt: quare eas probatissimo jam operi insertas, ut ab iis, quorum hujusmodi curatio est, Romanis formis evulgandi potestis sit, è re studiosse juventutis esse censeo. Dabam Romæ XII. Kal. Majas anni MDCCXCIII.

*DeCoppola Proton. Apostolicus, & S. Rit. C.
Secretarius.*

LIBER III.

TITULUS I.

De Judiciaria Ecclesiæ Potestate.

- I. Omnis bene constituta respublica suos habet magistratus cum imperio, & jurisdictione.
- II. Ecclesia distincta est à civili republica, quæ suos habet cum imperio, & jurisdictione magistratus.
- III. Potestas judiciaria pars est hujus imperii, & jurisdictionis.
- IV. Eam habet Ecclesia non hominum beneficio, sed suo imperio, & jurisdictioni cohærentem.
- V. Judiciaria potestas vel in personas, vel in res, quæ ad rempublicam pertinent.
- VI. In quibus æqua sit ecclesiasticæ, civilisque reipublicæ conditio; in quibus hæc ab illa differat?
- VII. & VIII. Potestas à Christo Ecclesiæ data tum in interiori, tum in exteriori foro.
- IX. Locus Joannis, & Lucæ expenditur.
- X. & XI. Potestas, quam Apostoli exercuerunt.
- XII. Paulus ecclesiasticum judicium expresse memorat.
- XIII. & XIV. Apostolorum Successores, Ethnicis dominantibus, non solum in interiori, sed etiam in exteriori foro judicia exercuerunt.
- XV. & XVI. Atque hi quidem veri judices erant, non arbitri litigantium voluntate electi.
- XVII. & XVIII. Eorum judiciis nihil deerat, quod verum, perfectumque judicium requirit.
- XIX. Concordia Sacerdotii, & Imperii sub Christianis Imperatoribus.
- XX. Utriusque Potestatis regimen, & administratio.
- XXI. Ecclesiæ coercitio.
- XXII. Judicia Ecclesiæ sub Christianis Imperatoribus.
- XXIII. Læges Principum Christianorum de clericorum causis tantum ab ecclesiasticis judicandis.
- XXIV. Civiles quoque laicorum controversias Episcopi judicaverunt; verum ex voluntate litigantium.
- XXV. Cur ecclesiasticum judicium sæpe à forensi distinguatur?
- XXVI. Otto judiciorum à Jure Canonico constitutus etiam in foro civili receptus.

Ecclēsiā visibīlem ēssē sociētatē, & ideo visibīli regendam esse gubernatione, sine qua nulla hominum societas diu stare, & conservari potest, superiore loco demonstratum est (1). Hæc autem gubernatio non tantum pertinet ad ferendas leges, quibus jubeantur, quæ faciendæ sunt, prohibeanturque contrariæ, sed etiam comprehendit jus curandi, & providendi, ut hæc leges vim, atque exitum obtineant. Frustra enim leges feras, nisi etiam cures, ut his obtemperent, & obediant, qui societate continentur; & frustra cures, nisi imperium, & potestatem habeas, per quam repugnantes ad parendum cogas. Quare in omni bene constituta republica magistratus esse oportet, qui non tantum cura, & providentiā, sed etiam imperio, & jurisdictione faciant, ut ab omnibus observentur leges, quæ sunt ad societatis commodum, utilitatemve comparatæ.

(1) Confer ea, quæ diximus in *Prolegomenis* cap. 1. §. 4. & seq. & *cap. 2. t. 1. p. 3. seq.*

§. II. Christus Ecclesiam constituit ad instar reipublicæ à civili distinctæ (1), eique dedit magistratus, qui huic hominum societati cum imperio præsent (2). Quare in hos magistratus omnem contulit potestatem, qua opus est, ut recte administretur, regaturque respublica, atque ut optimis abundet legibus, quibus cuncti pareant, & repugnantes etiam in officio pœnis coerceantur. Nam quomodo stabit respublica sine magistratibus, aut cum magistratibus ociosis, & inanibus, qui jurisdictione, imperioque careant?

(1) Consule, quæ dicta sunt in *Prolegomenis* cap. 1. §. 6. p. 6. & seq. t. 1., & quæ complexus solide, copiose, diligenter est doctissimus Mamachi in *Epist. ad Febron.* 11. §. XVIII. seq. p. 265. seq. t. 1. ed. Rom. an. 1776. & *Antiquitat. christianar.* lib. IV. c. III. p. 270. seq. t. IV.

(2) Magistratus à Cujacio ad tit. 2. de *Orig. jur. opp.* tit. 1. col. 629. edit. Venec. 1758 definitur qui juri dicendo, & assidua jurisdictione servando præest. Atqui hanc à Christo Episcopis datam in Ecclesia potestatem constat; & huc etiam spectat Apostolus ad *Hebræ.* XIII. 17.

obedite Præpositis vestris; & subjacete eis. Ipsi enim pervigilant quasi rationem pro animabus vestris reddituri. Quibus quidem verbis imperii potestas in Ecclesiæ Præpositis sine dubio continetur. Nam si Christiani obedire, & subjacere jubentur Præpositis suis, in his certe imperandi potestas esse debet. Similitum præceptorum plenæ sunt litteræ Ignatii Martyris, qui in Joannis Apostoli disciplina fuit: *studeamus*, inquit ipse in *Ep. ad Ephes. n. 5.* apud Cotelierum PP. *Apostol. t. 2. p. 13. ed. Antuerpiæ 1698.* Episcopo non resistere, ut simus subjecti Deo. Magnesianos similiter n. 13. p. 21. vult subjectos esse Episcopo, ut Christus Patri, & Apostoli Christo. Iisdem pene verbis alloquitur Trallianos n. 2. p. 22. Philadelphenos n. 2. 9. p. 31. 33. Smyrnæos n. 9. p. 37. Atque ætate quidem Origenis, quæ pertinet ad exitum sæculi II., aut initium III., ita certum, atque exploratum omnibus erat, Episcopos in Ecclesia gerere magistratum, & habere illam, quæ magistratus est propria, jurisdictionem, & potestatem, ut id tamquam certissimum ipse Origenes adversus Celsum proponat, Ecclesiamque conferant cum republica, & cum civilibus ecclesiasticis magistratus *contr. Cels. l. 3. p. 466. & 467. tom. 1. ed. Paris. 1733.* Memorat etiam Ecclesiæ imperium, & Magistratus S. Gregorius Nazianzenus *Orat. 17. num. 15. opp. tom. 1. p. 271. ed. Colonia 1690.* Vos quoque, inquit, imperio meo, ac throno lex Christi subiecit, Imperium enim nos quoque gerimus, addo etiam præstantius, ac perfectius, nisi vero æquum est, spiritum carni fasces submittere, & celestia terrenis cedere. Hinc ipse Gregorius *Ep. 46. Africano p. 807.* Episcopatum *τὴν ἐκκλησιαστικὴν ἀρχὴν* incruentum magistratum, & S. Joannes Chrysostomus *Hom. 3. in Ep. ad coloss. to. 11. p. 349. ed. Monsfaucon. Paris. 1734. πριγκιπατικὴν ἀρχὴν* spirituales magistratum vocat. Quin omnes universe Græci Patres Episcopatum *ἀρχή*, hoc est Magistratum, aut Principatum appellant. Similiter omnes Græci, & Latini Patres ex divina institutione repetunt hanc ecclesiasticum magistratum, ejusque potestatem, & jurisdictionem. Quare nihil agunt, qui tantum potestatis, & auctoritatis, non item jurisdictionis vocabulum ab Ecclesia usurpatum putant ante ætatem S. Gregorii M., qui certe eo vocabulo usus est *Ep. 8. l. 14. opp. t. 2. col. 1266. ed. Maurin. Paris. 1705.* Nam si ecclesia ipsius Christi voluntate, & institutio semper habuit magistratus cum potestate condendi leges, coercendi, infligendi poenās, habuit certe jurisdictionem; nihil autem refert, num Ecclesia jus suum potestatis, & auctoritatis, an potius jurisdictionis vocabulo explicaverit. Modo Ecclesiæ detur, quod certe habet à Christo, ociosum est de vocabulis disputare.

S. III. Hæc autem jurisdictio, quam habent in republica magistratus cum imperio præpositi, sine dubio comprehendit judicariam potestatem. Nam qui leges condit, atque omnibus observandas curat, imperioque tuetur, qui in subditos habet jurisdictionem, is etiam suam explicat potestatem in judiciis, in quibus ortæ inter subditos controversiæ diri-

muntur, legumque observatio præscribitur. Itaque judiciaria potestas non cujusquam hominis beneficio data est Ecclesiæ, sed penitus affixa, acque insita est in potestate condendi leges, in imperio, atque in jurisdictione, quam Christus in eam contulit.

§. IV. Qui hanc potestatem aut Ecclesiam habere negant, aut eam ab hominum beneficio repetendam putant, ii magistratus, & omnem jurisdictionem Ecclesiæ adimant necesse est (1). Nam pugnantia hæc sunt, esse in republica magistratus cum imperio, ac jurisdictione, & hos magistratus non habere judicandi potestatem, quæ eorum juri, & officio cohæret, quæque in primis est hujus imperii, & jurisdictionis propria. Atqui Ecclesiam habere magistratus, quorum administratione, cura, potestate, imperio illa Christianorum hominum societas, illaque à civili distincta respublica regenda sit hoc est Episcopos à Christo constitutos, inter catholicos omnes constat.

(1) Primus Aetius omnem Ecclesiæ jurisdictionem, & legislativam potestatem eripere conatus est: ejus errorem sequuti sunt Valdenses, Joannes Hussius, Marsilius Patavinus, Jandunus, Lutherus, Calvinus, Grotius, qui falso putarunt, nullam Ecclesiæ esse jurisdictionem, sed omnem ejus in dirigendo, & suadendo positam esse auctoritatem. Horum exemplo Protestantes omnes, qui jus Principis in sacra tuerentur, Ecclesiæ adimunt judicariam potestatem. Qui cum Puffendorffio Ecclesiam non distinctam rempublicam, aut *statum*, ut inquirunt, sed tantum *collegium* esse contendunt, ut Moshemius, Bohemerus, Budæus, alique, omnem Ecclesiæ esse negant judicariam potestatem, sed hanc ad jus majestatis Principis sæcularis pertinere arbitrantur, atque Ecclesiæ tantum jus collegiale tribuunt. Joannes Bodinus *lib. 3. de Republic. ecclesiasticæ jurisdictioni*, ac foro vehementer adversatur, atque eum sequutus est Carolus Loysæus in suo *Traité de Seigneuries*. In eodem luto hæsitat P. la Borde, qui opusculo cui titulus *Principes sur l'essence, la distinction, & les limites des deux puissances spirituelle, & temporelle*, datam à Christo Ecclesiæ potestatem non solum dirigendi per consilia, & suassiones, sed etiam jubendi per leges, cogendique, & pœna coercendi eos, qui pœna sunt digni, labefactare, ac tollere conatur, atque ecclesiasticum ministerium ita sæculari potestati subjicit, ut ad hanc pertinere contendat de externa omni, ac sensibili gubernatione cognoscere ac judicare. Prævum ac perniciosum opusculum damnavit Benedictus XIV. *Const. Ad arduum* 44. *tit. 4 ejus Bullar. p. 163. ed. Rom. seu Ven. 1758.*, & similis Marsilii Patavini, & Janduni error multo ante damnatus est à Joanne XXII.

Conti. Licet juxta doctrinam apud Raynaldum tit. 5. p. 247. ed. Lucæ. Morinus in opere de Pœnitent. administr. lib. 1. cap. 10. forum contentiosum Ecclesiæ non distinguit à foro pœnitentiali, atque illum tantum post XI. aut XII. sæculum Ecclesiæ habuisse putat. Cum Morino sentit Van Espenius Jur. eccles. univers. lib. 3. tit. 1. Fevretii celebre est opus de Abusu, quo ipse ecclesiasticam jurisdictionem, & judiciariam potestatem acriter insectatur. Inde du-Pinuis de Antiqua Eccles. discipl. Diss. VII. §. ult. judicium ecclesiasticum in civilibus, & criminalibus clericorum causis, & potestatem ex Principis permissu repetit. Petrus Giannonius in Histor. civil. Regn. Neapolit. lib. 2. cap. ult. tit. 1. hostis infensissimus contentioso Ecclesiæ foro omnem ejus potestatem in docendo, orando, suadendo, & per censuras corrigendo ponit, & Morino etiam assentitur. Jacobus quoque Gothofredus ad. L. 47. Cod. Theodos. de Episc. & Cler. tit. 6. p. 105. & seq. ed. Lipsiæ 1743., & Jacobus Cujacius in Paratit. Cod. de Episcop. audien. opp. tit. 2. col. 30. ed. Ven. 1758. judiciariam Ecclesiæ potestatem negant. Novissimus Canonicus Litta in opere iterum edito Ticini an. 1783. del Diritto di disporre gl' impedimenti divinenti nel matrimonio, è di dispensarne Tom. II. p. 125. Morini sententiam ad VIII. sæculum contraxit, atque ante hoc tempus Ecclesiæ veram judicandi potestatem solum in rebus Religionis adscribit. Plures viri docti hanc Ecclesiæ potestatem vindicarunt, quos inter præstant Ven. Moneta Adv. Cathar. & Valden. l. 5. c. 13. §. 5. & seq. p. 532. ed. Rom. 1743., Dadinus Altaserra in opere de Jurisdic. eccles. adversus Fevretium, & in libro peculiari adversus Gothofredum, Joan. Antonius Bianchi Della potestà è della polizia della Chiesa l. 1. c. 5., Joannes le Gendre Judicium Episcopale, adversus calumnias J. Gothofredi acerrime vindicatum, Doctissimus Mamachius Epist. II. ad Febronium §. XIX. seq. p. 285. Tom. I. & p. 300. seq., & Auctor operis Le storte idæe raddrizzate c. 5. Videndus est etiam Fleuryus disc. 7. sur l' Histor. Eccles. de la Jurisd. essent. a l'Eglise.

§. V. Jam vero pars hæc jurisdictionis, quam judiciariam potestatem vocamus, in omni republica vel in res, vel in personas à magistratibus explicatur. Nam qui reipublicæ cum imperio præpositi sunt, in omnia, quæ ad rempublicam pertinent, habent potestatem; hoc est in personas, ex quibus ea constat, atque in res quibus utuntur, fruuntur personæ ad vitam traducendam. Quare etiam Ecclesiæ magistratus in res, & personas suæ reipublicæ habere debent judiciariam potestatem, quam in res, & personas suarum rerum publicarum habent ceteri magistratus.

§. VI. His in rebus æqua est conditio civilis, & ecclesiasticæ reipublicæ, quæ utraque imperium habet in res, & personas suas; verum ecclesiastica respublica habet etiam

præcipuam spiritualem potestatem, qua civilis respublica prorsus caret. Scilicet Christus non tantum Ecclesiam instituit, quæ esset perfecta respublica, & ideo juribus frueretur ceterarum rerum publicarum, sed etiam ejus unius esse voluit præesse rebus sacris, atque divinis, & curam gerere eorum, quæ ad æternam hominum felicitatem pertinent. Itaque Ecclesiæ potestas non tantum est potestas propria cujusvis reipublicæ; sed etiam sese exerit in stabilendis fidei, morumque regulis, in sacramentis administrandis in cultu Religionis, in sacris ritibus, in ceteris generis ejusdem.

§. VII. In hæc quidem omnia Christus expresse dedit uni Ecclesiæ potestatem; & vero ita dedit, ut in ipsum Christum contumax haberetur quisquis Ecclesiæ præceptis non obediret (1). Hæc autem potestas à Christo data duplex est; altera, quæ in interiori, altera, quæ in exteriori foro exercetur. Primam expressit Christus his verbis: *quorum remisistis peccata; remittuntur eis, & quorum retinueritis, retenta sunt* (2); alteram his: *Si peccaverit in te frater tuus, vade, & corripe eum inter te, & ipsum solum; si autem te non audierit, adhibe tecum adhuc unum, vel duos testes; si non audierit eos dic Ecclesiæ* (hoc est Conciliis, aut Episcopis, accepta eo loco Ecclesia ex sententia Judæorum, quales erant Apostoli, quos Christus compellat; Judæi vero Ecclesiam appellarunt aut conventum in Synagoga habitum, aut Principes Synagogæ). *Si Ecclesiam non audierit, sit tibi sicut ethnicus, & publicanus* (3), quos Judæi synagoga excludebant. Habes hic omnia, quæ sunt exterioris judicii propria, accusatorem, reum, judicem, causæ cognitionem, sententiam, coercionem.

§. VIII. Potestas in hæc à Christo Ecclesiæ data nomi-

(1) *Qui vos audit, inquit Christus, apud Lucam X. 16., me audit qui vos spernit me spernit.* Latinis autem, uti & Hebræis, & Græcis, *audire* idem est, ac *obedire*. Porro ei parendum, cui jubendi jus est.

(2) Joannes XX. 23.

(3) Matthæus XVIII. 15. seq. Vide Auctorem operis *de Deo puitantices* Chap. 5. t. 3. p. 154. & seq., in primis autem vide CL. Mamachiam Ep. 1. auctorem operis *inscripti. Quid est Papa n. XV. p. 60. seq. ed. an. 1787.*

natim est, quoniam eam nonnisi à Christo acceptam Ecclesia habere potuisset. De reliqua potestate, quæ ad Ecclesiam pertinet eo jure, quod ipsi cum ceteris Rebus publicis commune est, nullas Christus leges separatim dedit, neque profecto eas dare necesse erat. Nam cum Ecclesia tamquam propria, & distincta re-publi- ca ab eo instituta fuisset, cum ejus reipublicæ status, & gubernatio constituta, cum ei dati, magistratus, atque inter eos unus, qui omnibus dignitate & jurisdictione præesset, consequens erat, ut haberet omnem potestatem, quæ reipublicæ propria est: neque Christus inter homines versabatur, ut rerum publicarum imperium, & jura constitueret, sed ut sanciret leges, quæ ad Religionem pertingerent, atque ad æternam felicitatem eorum, qui hac reipublica continentur.

§. IX. Ea de causa declaravit, *regnum suum non esse de hoc mundo* (1), & ortam controversiam super familia eriscunda judicare noluit, quoniam ejus rei judex à nemine constitutus fuerat (2). Non hæc certe dixit, quod in *hunc* etiam *mundum* non haberet potestatem, aut quod ab hominibus judex constitui deberet, qui omnium dominus erat, quique à Patre *omne judicium* acceperat (3); sed ut demonstraret, maxime se esse sollicitum de rebus Religionis, deque æterna hominum felicitate (4). Verum post Christi mortem Apostoli utramque potestatem exercuerunt, & quam à Christo nominatim acceperant in res sacras, atque divinas & quam habebant tamquam magistratus Christianæ reipublicæ cum imperio præpositi (5).

(1) Joannes XVIII. 36. Locum hunc expendens Augustinus *Tractat.* 115. in *Joan.* n. 2. *opp. tom.* 3. col. 792. *ed. Venet.* 1729. rectissime, verissimeque animadvertit, Christum non dixisse *regnum suum non esse in hoc mundo*, sed dixisse solum, non esse *de hoc mundo*, quibus verbis significare voluit, regnum suum non ab humanis causis, atque ab hominum electione, sed aliunde, hoc est ab ipso Patre originem habuisse. "Hic non ait, inquit ipse Augustinus, regnum meum non est in hoc mundo, sed non est de hoc mundo. Non ait, nunc regnum meum non est hic; sed nunc regnum meum non est hinc." Confer Cl. Mamachium *del Diritto libero della Chiesa l. 1. cap. 1. numer. 8. p. 64. seq. tom. 1. & l. 2. §. 3. pag. 93. seq. tom. 2. part. 1.*

(2) Lucas XII. 24. Vide eundem Mamachium *loc. cit. lib. 1. cap. 1. §. 3. p. 37. & seq. tit. 1.*

(3) Joannes V. 22. 27.

(4) Aptissime S. Thomas. *g. p. qu. 59. art. 4. ad 1. Christus*, inquit, "quamvis esset Rex constitutus à Deo, non tamen in terris vivens terrenum regnum administrare voluit. Similiter etiam judicariam potestatem exercere noluit super res temporales, qui venerat homines ad divina transferre. Unde Ambrosius. . . nec iudex dignatur esse litium, & arbitri facultatum &c."

(5) *Obedite*, inquit Paulus *ad Hebræos XIII. v. 17.*, *Præpositis vestris, & subiacete eis*. Apostoli autem constituerunt legem, quæ divina certe non erat, de sanguine, & suffocato. Id vero non fecissent, nisi à Christo potestatem accepissent. Hinc Paulus *Act. XV. v. 41. Perambulabat Syriam, et Ciliciam. . . præcipiens custodire præcepta Apostolorum, et Seniorum*. Negat quidem Witacherus, hoc in græcis codicibus extare; sed in vetusto Codice Alexandrino reperiri eruditus Milius Anglus in hoc cap., et v. *Act. Apostol.* confitetur. Fac tamen non extare; quid tum? Lucas cap. XVI. v. 4. dicit hæc: *cum autem pertransirent civitates, tradebant eis custodire dogmata, quæ erant decreta ab Apostolis, & Senioribus, qui erant Hierosolymis.*

§. X. Itaque non tantum de rebus, quæ ad Religionem, & Ecclesiæ gubernationem pertinerent, tum voce, tum scripto præcepta constituerunt, quorum quidem sacri libri pleni sunt; sed etiam legibus repugnantes, statumque reipublicæ pervertentes poenis compresserunt. In primis Paulus, cujus plura, quam alius cujusquam Apostolorum, scripta extant, *virgam* minatur Corinthiis (1); profitetur, habere se *in promptu ulcisci omnem inobedientiam ex potestate quam dedit*, ait, *nobis Dominus* (2), ac ne eos denunciatione potestatis frustra per epistolas terrere videretur, *quales sumus*, inquit, *verbis, tales & præsentibus in facto.*

(1) *I. ad Corint. IV. 21.* Ad-sis Mamachium lib. II. del *Diritto libero della Chiesa* cap. I. §. III. p. 131. seq. Tom. 2. Part. II.

(2) *II. ad Corint. X. 6. seq.*

§. XI. Thessalonicensibus quoque imperat, ut sibi obediant: & si quis non paruerit, eum à Christianorum societate exterminandum jubet: *Si quis*, inquit, *non obedit verbo nostro per epistolam, hunc notate, & ne commisceamini cum illo* (1). Quam eandem poenam pluribus quoque criminibus constituit (2); & eadem etiam coercuit tum Hymenæum, & Alexandrum in fide naufragos (3), tum Corinthium incestus

in novercam reum (4). Quin ne sola severitate jus sacræ potestatis exercere videretur, eundem Corinthium postea resipiscentem Ecclesiæ communioni restituit (5).

(1) Apostolus II. ad Thessalonicen. III. 14.

(2) I. ad Corint. V.

(3) I. ad Timot. I. 20. et II. ad Timot. IV. 15.

(4) I. ad Corint. V. 1. seq.

(5) II. ad Corint. II. 6. seq.

§. XII. Qui tantam in Ecclesiæ subditos habet potestatem, ut eos omnino ad parendum cogat, pœnis coerceat, in eorum crimina animadvertat, an non etiam tribunal habere poterit, in quo eorum controversias judicet? Certe Paulus (1) vehementer objurgat Corinthios, quod extra Christianam rempublicam iudices quærerent, qui eorum sæcularia negotia cognoscerent & abjectum quemque hominem à Christianis aptiorem ad judicandum dicit, quam potentiores quemlibet, qui Christianus non sit. Tum, *Nescitis*, inquit, *quoniam Angelos judicabimus? quanto magis sæcularia?* Ipse Paulus (2) Timotheum docet iudicii methodum, quam Episcopum contra Presbyterum servare oportet.

(1) Apostolus I. ad Corint. VI. v. 1. et seq., quem locum ita interpretatur Joan. Chrysostomus *Hom. 16. in I. Ep. ad Corint. n. 2. p. 136. t. 10. opp. ed. Montfaucon. Paris.* "Volens nos docere quodcumque tandem fuerit, non oportere nos externis committere, cum objectionem, vel quæ talis esse videbatur, movisset, prius illam solvit. "Hoc enim vult significare. Fortasse dicet quispiam, nullum esse apud vos sapientem, neque ad iudicium ferendum aptum, sed contemptibiles omnes. Et quid hoc? Etiam si enim nullus sit sapiens, *inquit*, vos minimis permitte. Hoc autem ad verecundiam vestram dico &c."

(2) I. ad Timoth. I. 10. Confer Tertullianum *contr. Marcion. l. 5. c. 12. p. 477. ed. Ven. 1744.* Atque hæc quidem ab Apostolo proposita iudicii contra Presbyterum agenda ratio tanquam firma, constansque regula in omnibus ecclesiasticis rebus observanda semper agitur, uti ostendit Theodoretus *lib. 1. c. 21. p. 47. ed. Laurin. 1743.* & Acta Cleri Gallicani *De la Jurisd. Ecclesiast. part. 2. p. 36. seqq. t. 6. ed. Paris. 1718.*

§. XIII. Vita functis Apostolis, eorum Successores suam semper exercuerunt potestatem, non solum in interiori, sed etiam in exteriori foro (1); habueruntque judicia non tantum de rebus fidei, morumque regulis (2), sed etiam de controversiis, quæ inter Christianos oriebantur. Id vero factum est non modo cum Christiani, sed etiam cum ethnici imperio potirentur. Hoc enim temporis intervallo semper Ecclesiæ Magistratus, hoc est Episcopi, ea curarunt, quæ ad Religionem pertinent, atque etiam pœnis coercuerunt crimina Christianorum, præsertim pœna excommunicationis, qua nulla gravior est, & quam servato ordine judiciario inflixerunt (3).

(1) Joannes Morinus *de Administr. sacram. pœnitent. l. 1. c. 26, n. 18. et 19. et l. 6. c. 25. n. 12.* demonstrare conatur, per plura sæcula in Ecclesia censuras à publica pœnitentia distinctas non fuisse, recentiori autem disciplina inductum fuisse, ut censuræ sint actus judiciales in foro contentioso, qui ex jurisdictione procedunt, atque has à publicis pœnitentiis distingui, & tanquam judiciales actus haberi cœpisse, cum forum exterius ab interiori distinctum est. Verum falsa prorsus hæc sententia est, & veteri Ecclesiæ disciplinæ adversatur. Certissimum enim est, semper ab Ecclesia censuram fuisse distinctam à publica pœnitentia, atque habitam tanquam sententiam, qua servata iudicii methodo reus criminis condemnabatur, ita ut prorsus à Christianorum societate repelleretur, & cum eo reliqui fideles nullam societatem, rerumque communicationem haberent. At vero publica pœnitentia non ita gravem afferebat pœnam, atque, ut plurimum, erat signum reconciliationis, quoniam sæpe imponebatur iis, quibus dabat Ecclesia pacem, posteaquam ipsos ab se omnino rejecerat. Qui publicæ pœnitentiæ subiectus fuerat, semper ecclesiasticæ communioni restituebatur, eaque imponebatur pœna, ut post emensa legitimæ pœnitentiæ spatia restitueretur; sed alia erat censurarum ratio. Similiter exploratum est, Ecclesiam semper habuisse forum exterius ab interiori, & pœnitentia distinctum, neque aliquis ignorare potest, eam semper contra reos criminum accusationes, & denunciationes accepisse, audivisse testes, cuncta expendisse, ac denique sententiam in reum protulisse. Certe ad interius forum non spectat Paulus I. *ad Timoth. V. 19.*, cum vetat Episcopum *adversus presbyterum accusationem recipere, nisi sub duobus, aut tribus testibus.* Canon autem Apostolorum 66. & 67. apud Cotelierum *PP. Apostolic. t. 1. p. 451. ed. Amstelæd. 1724.*, itemque Concilium Antiochenum *sub Julio I. can. 5.*, & Carthaginense I. *can. 10. apud Labbæum t. 2. col. 590. et 1247. ed. Ven. ut mit-*

dicilii formam, quæ in exteriori foro adhibetur, disertissime proponunt. Videndi quoque sunt Balsamon, & Zonaras in *can. 37. Apostolor.* apud Beveregium *tom. 1. p. 25.*, à quibus multa de ecclesiasticis judiciis asseruntur. Quia etiam certus erat iudicii exercendi dies, nimirum *feria secunda*, uti tradit Auctor *Constit. Apostolic. l. 2. c. 47.* apud Cotelierum *t. 1. p. 257. ed. cit.* Consule Jo. Antonium Bianchi *della Potestà, e della polizia della Chiesa l. 1. c. 5. §. 2. n. 11. t. 3. seq. p. 443. seq.*, & Mamachium *lib. 11. del Diritto libero della Chiesa Tom. 2. Part. 1. p. 131. seq.*

(2) Confer Doujatium *Prænot. canonic. l. 2. c. 2.*

(3) Cyprianus *Epist. ad Corneliū* apud Labbæum *t. 1. col. 716. ed. Ven.* "Nam cum statutum sit, inquit, omnibus nobis, & æquum sit pa-
-riter, ac iustum, ut uniuscujusque causa illie audiat, ubi est cri-
-men admissum... oportet utique eos, quibus præsumus, non circum-
-cursare, nec Episcoporum concordiam cõherentem sua subdola, &
-fallaci temeritate colidere, sed agere illi causam suam, ubi & ac-
-cusatores habere, & testes sui criminis possunt." Hæbes hic accusa-
-tores, testes, sententiam; quid aliud ad verum iudicium, forumque
constituendum requiritur? Ipse Cyprianus *l. c.* narrat solemne iudicium
actum adversus Privatum, & adversus Jovinum, ac Maximam, qui
omnes re primum diligenter quæsitæ, & cognita plurium Episcoporum
sententia damnati sunt. Huc etiam referendus est Tertullianus, qui
in *Apolog. c. 39. p. 31. ed. Paris. 1675.* "Coimus, inquit, in cœtum,
-& congregationem... Ibidem etiam exhortationes, castigationes, &
-censura divina. Nam & iudicatur magno cum pondere, ut apud cer-
-tos de Dei conspectu, summumque futuri iudicii præiudicium est,
-& si quis ita deliquerit, ut à communicatione orationis, & conventus,
-& omnis sancti commercii relegatur." Quibus ex verbis intelligi-
tur, causam ecclesiasticam, ac præsertim excommunicationem, de
qua Tertullianus loquitur, fuisse actam iudicalem, eamque ab Eccle-
sia re primum cognita, & expensa diligenter, ferri consuevisse.
Quæ dicam de Concilio Eliberitano, quod habitum est anno 305.?
In eo duò sunt canones, nimirum *Can. 74. & 75.*, in quibus agi-
tur de accusantibus, quæ contra clericos proponantur, gravesque
contra calumniatores indicuntur pœnæ, ac ea de re tota agi dicitur
in *conventu clericorum*. Duo hi canones sine dubio pertinent ad iudicia
ecclesiastica, ut rectissime observat Alaspianus in *Nor. opp. 185. ed. Neapol. 1770.*

§. XIV. Temporales quoque causas Christianorum, eth-
nicis dominantibus, ab Ecclesie magistratibus iudicatas
fuisse, vel ex eo intelligitur, quod per tria sæcula aliquæ
certe inter illam hominum multitudinem existere debue-
runt controversiæ, quæ ne defuerint eodem initio Ec-
clesie, ac vivis Apostolis, & tamen nullus unquam Chris-

tinus eas detulit ad ethnicos magistratus. Manebat enim alta mente repostum præscriptum Pauli, quod Christianos coram ethnicis magistratibus litigare vetabat, & ideo qui Christianæ reipublicæ cum imperio præerant, hanc etiam sui imperii, & officii partem in suum cuique red-
dendo explicabant (1).

(1) Secundum Apostoli præceptum Auctor *Constit. Apostolic. l. 2. c. 45.* apud Cotelierum PP. *Apostolic. t. 1. p. 256. ed. Amstelæd. vetat*, ne quis audeat ad iudicium gentilium, imo ne patiamini, ait, ut *seculares magistratus de causis vestris judicent. Et c. 46. pag. ead. ne igitur*, inquit, *disceptationes vestras gentiles cognoscant.* Concilio Hipponensi anni 398. *can. 87. t. 2. coll. 1444. collect. Labbæi, ed. Ven.* item statuitur, "quod catholicus, qui causam suam sive justam, sive injustam ad iudicium alterius fidei iudicis provocat, excommunicetur." Hinc S. Augustinus in *Psalm. 218. Serm. 24. opp. t. 4. col. 1340. & de Oper. monac. c. 29. n. 37. col. 499. t. 6. ed. Maurin. Ven. 1730.* ex Apostoli præcepto repetit iudicandi munus, quo ipse tanquam Episcopusungebatur. Uterque hic Augustini locus dignus est, qui sedulo expendatur, ut pateat, Ecclesiæ iudicia, vera fuisse iudicia, & veros item iudices fuisse Episcopos, non arbitros litigantium consensu constitutos, eamque Augustini fuisse sententiam, quod Episcopi ex Apostoli lege iudicia exercerent. Inquit enim ipse Augustinus *cit. Serm. 24.* "Maligni infirmos premunt, & causas suas ad nos ferre compellunt, quibus dicere non audemus: dic, homo, quis me constituit iudicem, aut divisorem inter vos? Constituit enim talibus causis ecclesiasticis Apostolus cognitores in foro prohibens iurare Christianos." Habes hic iudicia acta ab Episcopis in invitos, non in eos, qui illos sua voluntate tanquam arbitros elegerent. Hæc autem ipse Augustinus *de Oper. monach. cit. cap. 29.* dicit: "malem manibus, quid operari... quam tumultuosissimas perplexitates causarum alienarum pati de negotiis secularibus vel iudicando dirimendis, vel interveniendo præcidendis. Quibus nos molestiis idem afflixit Apostolus non utique suo, sed ejus, qui per eum loquebatur, arbitrio." Locus hic ostendit Episcopos non solum fuisse arbitros controversiarum, neque solum eas officiis composuisse, quo spectant verba *vel interveniendo præcidendis*, sed etiam veros fuisse iudices, quo referenda sunt verba *vel iudicando dirimendis*, & hæc quidem iudicia habuisse tumultuosissimas perplexitates, quibus verbis judicialis strepitus, cursusque multiplex indicatur. Hoc ipsum Apostolicum præceptum agnoscit Concilium Cartaginense III. *can. 9. t. 2. col. 1401. collect. Labbæi, & Concilium Cartaginense V. can. 1. col. 1454. eod. t. 2.*

§. XV. At enim Ecclesiæ Magistratus arbitri potius

erant, qui mutuo litigantium consensu dissidia componebant, quam veri iudices, cum neque jus coercionis haberent, neque jus redderent servatis iudiciorum solemnitatibus, neque litigantes eorum sententiis parere cogerentur. Sed primum nego, tantum ex consensu litigantium, non item jure suo, & proprio Ecclesiæ Magistratus fidelium controversias judicasse. Apostolus Christianos apud ethnicos litigare vetuerat, neque id consilii, sed præcepti loco constituerat (1); & vero consequenti ætate Christiani omnes huic Apostolico præcepto paruerunt. Si Christiani apud Ethnicos iudicium exercere non poterant, consequens est ut ea agerent vel apud *Sapientem*, quem Paulus eligendum suaserat, quique eligi non poterat sine auctoritate eorum, qui Reipublicæ præerant, vel apud Apostolos, & Episcopos, hoc est apud illos, qui summum in Christiana Republica magistratum obtinebant.

(1) Verba Pauli cit. *Ep. I. Corint. VI.* sunt: "Audet aliquis vestrum habens negotium adversus alterum, judicari apud iniquos, & non apud sanctos?" Qui tam graviter objurgat eos, qui hoc *audent* facere, nonne evidenter ostendit, indignum esse hoc facinus, ac nullo modo ferendum? Quare qui in illis Apostoli verbis non præceptum, sed consilium inesse putant, illi mihi non videntur animadvertisse, Paulum legem dedisse adversus *aurum*, quem ipse graviter reprehendendum putabat, & in hunc quidem *aurum* non consilium, sed præceptum cadere debebat. Consilii quidem est electio *Sapientis*, qui possit *judicare inter fratrem suum*; sed quam dissimili ratione id Paulus urget, quam diversis hoc loco verbis utitur! Revera Apostoli præceptum memorant Auctor *Epistolæ ad Jacobum*, apud Cæterium t. i. p. 611., Auctor *Constitutionum* & ceteri, quorum paulo ante facta mentio est; & Concilium Hipponense l. c. excommunicationis pena pleccit catholicum, qui ad iudicium alterius filii iudicis provocat. Adde observantiam trium sæculorum, quo spatio temporis neminem è Christianis ad ethnicos iudices ivisse scimus. An id tam longo temporis cursu, atque licet ingentem illum hominum multitudinem tam diligenter observatum fuisset, nisi Christianis omnibus persuasum fuisset, ab Apostolo datum non consilium, sed præceptum, cui omnes parere oportebat? Ipse Augustinus *Enchirid. de Fide, Spe & Charitate* cap. 78. opp. tit. 6. col. 226. ed. indu. Paulum illis, quæ supra descripsi, verbis non merum dedisse consilium, sed *terribiliter* *veritate* docet, ne Christiani extra Ecclesiam iudicii exercerent. Neque vero obtrudi potest factum Pauli, qui ad Cæsarem provocavit *Act. Apostol.* *XXV.* Ipse enim comprehensus à Festo Præside, qui ei vim inferre volebat, ne-

cessario provocare debuit ad Cæsarem; hoc est ad eum, cui Festus suberat, quique ejus vim reprimere posset.

§. XVI. Itaque Christianorum judicium in aliorum Christianorum controversiis non voluntarium erat, quodque à litigantium arbitrio penderet, sed necessarium, quoniam ipsi extra Christianam rempublicam iudices quærere prohibebantur. Atque hi quidem iudices omnem habebant potestatem, & jurisdictionem, qua præditos esse oportet Magistratus, qui Reipublicæ cum imperio præsunt, & quam Apostoli non semel ostenderant, præsertim Paulus qui se *in promptu habere* declaraverat *ulcisci omnem inobedientiam* (1), qui Alexandrium, quod verbis suis *restitit* *debitari* jusserat (2), qui eum, qui sibi non obediebat, *notari*, & cum reliquis fidelibus *commisceri* noluerat (3). Re vera toto illo temporis cursu, quo ethnici imperio potiti sunt, adeo certum, fixumque Christianis erat, controversias suas ab Ecclesiæ magistratibus, esse definiendas, sequæ, eorum judicio parere oportere, ut nemo adversari, atque ad ethnicos iudices adversus illorum sententiam querelas deferre ausus fuerit.

(1) Apostolus II. ad Corinth. X. 6. seq.

(2) II. ad Timoth. IV. 15.

(3) II. ad Thessalonic. III. 14.

§. XVII. Quod si Ecclesiæ magistratus formidolosis illis temporibus jus non reddebant ea pompa, & splendore, quo ethnicorum iudices, si non erant stipati ministris, qui adversus repugnantes vim adhiberent, si illas iudiciorum ambages, & solemnitates non observabant, non inde certe effici potest, quod ii Christianorum controversias non iudicaverint. Quando Christiani non alios habere iudices poterant, quam Ecclesiæ magistratus, quando hi in Ecclesia imperium, & potestatem habebant, quando ipsis cuncti parere cogebantur, quis neget, eos vera iudicia exercuisse, aut saltem, quoties opus fuit, suo jure exercere potuisse? Pompa, ministri, solemnitates nihil ad iudicii naturam pertinent. An non etiam summarium iudicium, in quo hæ solemnitates omittuntur, verum iudicium est?

§. XVIII. Judicium faciunt duo litigantes, quorum alter actor, alter reus est, causa, seu controversia, & magistratus, qui judicat, suaque sententia controversiam dirimit. Quando hæc sunt, verum judicium est; cetera non inherent in rei natura, atque usu fori extrinsecus accesserunt. Itaque si Christiani controversias, judicia etiam habuerunt, & harum controversiarum iudices non alii esse potuerunt, quam qui Christianæ reipublicæ cum imperio præerant, quibus omnes parere debebant, semperque paruerunt.

§. XIX. Atque hæc quidem in Ecclesia iudiciorum ratio fuit, donec ethnici rerum potiti sunt. Delato ad Christianos imperio, consequens erat, ut illa inter ecclesiasticam, civilemque rempublicam conciliaretur concordia, quæ inter Christianorum, atque Ethnicorum societatem esse nequiverat. Ecclesiæ Magistratus curam abjecerunt earum rerum, quas antea administraverant, quod dedeceret ethnicos magistratus miscere se in rebus Christianorum, curamque retinuerunt rerum spiritualium, atque omnem in clericos potestatem. Nam utraque respublica civilis, & ecclesiastica in suo genere perfecta, ac distincta est, utraque suos habet magistratus, & subditos, certasque res suæ potestati subjectas.

§. XX. Ad Ecclesiam pertinet divinarum, sacrarumque rerum administratio, atque in his nulla clericorum, & laicorum distinctio est, sed omnes, qui per Baptismum inter Ecclesiæ filios recepti sunt, ejus potestati subjiciuntur. Civilis Potestas curat res temporales, & in his quidem in omnes suos cives imperium exercet, uti etiam Ecclesia imperio utitur in cives suos, qui clerici sunt. Utraque respublica omnem habet potestatem in res, civeque suos utraque imperat pœnisque coercet eos, qui latis ab se legibus non obtemperant.

§. XXI. Sed ecclesiasticæ coercionis summus est gradus ejectio eorum, qui in religionem, vel in societatem peccarunt. Si quis religionem violare ausus fuerit crimine, schismate, hæresi, neque monitus redierit in bonam mentem, cum sive clericus, sive laicus sit, Ecclesia ejicit à sacris, & societate Christianorum, propter potesta-

tem, & officium, quod habet in omnes Christianos, curandi, regendique cuncta, quæ ad religionem pertinent. Qui aliquo crimine societatem læsit, si clericus sit, Ecclesiæ judicio subest, non propter rem ipsam, quæ propria est civilis reipublicæ, sed propter personam, quia scilicet ecclesiasticæ reipublicæ civis est. Itaque in eum Ecclesia animadvertit carcere, aut alia pœna corporali (1), & si gravius crimen sit, cui non parem habeat pœnam Ecclesiæ lenitas, & mansuetudo, eum de gradu deiecit, hoc est non amplius suæ reipublicæ civem esse sinit, sed ad instar ceterorum laicorum subjicit civili potestati. Ipsa vero in hunc hominem, qui jam suæ reipublicæ civis est, imperium exercet, quod habet in reliquos cives suos, eumque coercet morte, ceterisque pœnis, quæ sunt à civilibus legibus constitutæ.

(1) Agande his pœnis copiose Lib. IV., ubi de criminali Ecclesiæ potestate disserendum erit. Interim, quoniam carceris feci mentionem, hoc animadvertam, jam inde à IV. sæculo Ecclesiam ad puniendos clericos criminum reos carceres habuisse, qui *Decanici* appellabantur. Pater id ex Arcadii, & Honorii constitutione quæ est L. 30. *Col. Theod. de Heret.* Hos carceres memorant etiam Justinianus *Novel. 79. c. 2.*, & *Capitularia Caroli M. l. 5. c. 378.* apud Balluzium t. 1. col. 604. ed. Ven. 1772, ubi dicitur in *decanicis*, alii in *catenis*, Ecclesiæ recludatur, competenter pœnas luiturus. In Græcorum paratitlis apud Henricum Justellum *Biblioth. jur. canon. t. 2. p. 1335.* habentur hæc: *ἐν τῇ ἐκκλησιαστικῇ ὑπὸ τῶν ἐκκαθημένων ἐν κλειστροῖς ἐκκλησιαστικῶν* in claustrum ecclesiasticum conjiciuntur. Eorundem carcerum mentio est apud Basilium Diaconum in *libello ad Theodosium*, et *Valentinianum in actis Concilii Ephesini part. 1. cap. 30. n. 3. col. 977. t. 3. concilior. Collect.* Labbæi ed. Ven., & apud Gregorium II. in *Ep. Leonem Isaur. t. 8. concilior. col. 671. ejusdem Collect. Consule Dufresnium Comment. in Paul. Silent. p. 594.*, & Jacobum Gothofredum in *cit. Leg. 30. Cod. Theodor. t. 6. p. 166. ed. Lipsiæ cit.*, qui tamen vir doctissimus hoc loco deridendum se præbet, cum fatetur "in decanicis, quæ proculdubio loca conclusa fuere, immorigeros clericos asservati non consuevisse; inquit tamen, quod Ecclesia his temporibus jurisdictionem propriam non haberet, sed audientiam tantum." Sed quomodo sine jurisdictione potuisset Ecclesia clericos in carceres detrudere, in hisque conclusos, & custoditos retinere? An signum esse inuolentis, & præclarius jurisdictionis potestatis Decanici secretarii partem tulisse potat Binghamus *Orig. eccles. l. 8. c. 7. §. 9. t. 3. p. 204. ed. Halle Magdeburg. 1758.* De verberibus, exilio, mulctis pecuniariis, ceterisque pœnis, quæ ab Ecclesia dabantur, sequenti libro suis erit agendi locus. Confer præterea la Cerdam *Adversar. c. 39. n. 2.*

§. XXII. Ita sane postquam ad Christianos Imperatores rerum summi delata est, Ecclesia non solum de rebus spiritualibus (1), sed etiam de civilibus clericorum controversiis (2), adhibitis solemnitatibus, quæ in veris, perfectisque judiciis adhibentur (3), & in suo quidem foro (4) judicavit. Quia etiam ne qui clericus minus ecclesiastico iudice contentus ad laicum iret, graves constitutæ sunt pœnæ, quibus huiusmodi facinus coaceretur (5). Hæ autem clericorum controversiæ, ut plurimum, in provinciali synodo (6), sed sæpe etiam Episcopi iudicio dirimebantur (7).

(1) Cunctas de religione controversias à sola Ecclesia definiri posse, ac semper definitas fuisse, inter catholicos omnes constat. Sed in his definiendis judiciariam quoque methodum adversus hæreticos adhibitam fuisse, facile intelliget quisquis ad ea adverterat, quæ in conciliis gesta sunt. Nicæni Patres antequam in Arium sententiam ferrent, eum ad synodum vocarunt, tum eum, tum ejus accusatores audiverunt, denique re cognita, expensaque diligenter, cum plane convictus esset, adversus eum sententiam protulerunt, sicuti patet ex Socrate *lib. 1. cap. 6. part. 11. ed. Vales. Cantab. 1720.* aliisque. A Patribus Ephesinis ter citatus, atque ad synodum vocatus est Nestorius, ut adesset *justa canones* (quorum nomine Beveregius *Cod. Can. Primitiv. Eccles. vindic. l. 1. c. 5. n. 4.* apud Cotelerium *PP. Apost. tom. 2. p. 23.* designari putat Can. Apostolor. 74.), *quoniam nihil, iniquebant, ex iis omnibus, quæ ad ecclesiasticum ordinem pertinent, prætermittere par est.* Legatorum, quos postremos misit Concilium, monita fuerunt, *quod nisi coram de omnibus, quæ scripto contra te allata fuerint, sive citra scriptum te expurgaveris, eum Synodus condemnasset.* Vocatus bis, & tertio Nestorius venire noluit, atque in contumacem, & absentem sententia lata est, quæ omnia narrantur in relatione Concilii ad Cœlestinum Pontific. *tom. 3. conc. Labbæi Ven. ed. col. 1190.* Vide etiam Bossuetum *Remarques sur l'Histoire des Concil. d'Ephèse et de Chalcedoine. de M. Dupin. t. 15. ed. Leod. & Cl. Card. Gerdilium Confutatione di due libelli contro il Breve &c. tit. 1. p. 319. seq.*, à quibus ostenditur, quemadmodum totum illum iudicium contra Nestorium jussu Cælestini P. actum fuerit. *Trina monitione Eutyches à Concilio Constantinopolitano, & trina item monitione Dioscorus vocatus est à Concilio Chalcedonensi, ac denique expensis omnibus contra utrumque lata sententia est, quæ omnia patent ex relatione ejusdem Concilii ad Leonem apud Labbæum t. 4. col. 1778. & col. 1811.* Quid aliud hic restat, ut omnes iudiciorum solemnitates adhibitæ videantur. Concilii Patres, qui ejus controversiæ iudices sunt, reum citari jubent, repetunt bis, & tertio citationem, quæ solemnitas iudiciorum est à legibus inducta, ut nonnisi post unam peremptoriam, aut tres simplices citationes adversus contumacem reum senten-

tia proferatur: Emissis tribus citationibus, itemque secundum judicariam methodum *clapsis terminis* sententia emititur. Quid aliud egisset judex laicus, si de re sui fori propria judicare debuisset? Atque in omnibus aut Episcoporum depositionibus, aut hæreticorum condemnationibus occurrunt accusationes, citationes, testes, judices, cetera ad verum perfectumque judicium necessaria.

(2) Concilium Nicænum *can. 5. t. 2. collect. Labbeæi ed. Ven. col. 35.*, Constantinopolitanum I. *can. 6. cit. t. 2. col. 1128.*, Carthaginense I. *can. 10. col. 1247. eod. t. 2.*, Carthaginense IV. *can. 23. eod. t. 2. col. 1439.*, Andegavense *can. 1. col. 18. t. 5. col. 526.*, Agathense *can. 32. cit. t. 5. col. 526.*, Aurelianense III. *can. 32. eod. tem. 5. col. 1281.*, Aurelianense IV. *can. 20. cit. tom. 5. col. 1367.*, Veneticum *can. 9. col. 81. eod. t. 5.*, Matisconense I. *can. 8. col. 662. t. 6.*, Innocentius I. *Ep. 11. ad Victic. Rothomag. c. 3. apud Constantium Epist. Pontific. Roman. col. 749.*, Gelasius P. *can. 13. c. 11. q. 1. Joannes VIII. can. 11. dist. 96.*

(3) Ecclesiam in exercendis judiciis adhibuisse methodum judicariam, ostendunt tum ea, quæ paulo ante diximus præsertim de Nestorio, Eutyche, Dioscoro, tum indoles ipæ rerum, de quibus Ecclesiæ judicio agendum erat. Definiendæ erant controversiæ, quæ ferebant inter duos, pluresve clericos, qui ad laicos judices ire non poterant. Quomodo hæ controversiæ sine vero, perfectoque judicio definiri potuissent? Revera in hoc judicio erat causa, actor, reus, judex, non deerat citatio, testes, probationes, cuncta demum, quæ in judiciis requiruntur. Judex expendebat actoris petitionem, reique exceptionem, ac denique, cum explorata erant omnia, sententiam ferebat, cui clerici, qui judicium illud egerant, parere cogebantur. Quid aliud agebat judex laicus in causis, quæ ad ejus tribunal deferbantur? Fateor, hæc judicia, quæ ab Ecclesiasticis fiebant, cursum, atque exitum habuisse celeriorum, quam ea, quæ à laicis exercebantur, atque ab illis procul fuisse tricas, ambagesque forenses; verum hæc non pertinent ad intimam judicii naturam, neque iis neglectis minus verum, minusque perfectum judicium videri potest. In summa judicia ecclesiastica verà erant judicia, quæ ex litigantium contentione, & judicis potestate, imperioque fiebant, ac judex audito actore, & reo, expensisque probationibus *absolutoriam*, vel *condemnatoriam* sententiam proferebat, cui litigantes parere cogebantur. Jam pars illa, inquit S. Joannes Chrysostomus *de Sacerd. Lib. 3. c. 17. t. 1. opp. p. 399. ed. Paris. 1718.*, "quam »Episcopum tractare in judiciis convenit, infinita certe odia, infinitas »offensiones parit." Hæc certe in judicem dei, & offensionis causa quem alium attingere potest, præter litigantem, qui condemnatus est, ac sententiæ parere invitus cogitur? Simile est, quod habet Concilium Tarraconense I. *Can. 4. apud Labbeum t. 5. col. 698. ed. Ven.*, quo sancitum est, "ut nullus Episcoporum, aut Presbyterorum, vel Clericorum die dominico propositam cujuscumque causæ negotium audeat judicare." Ergo clerici exercent actus vere judicarios, & contentiosæ jurisdictionis, qui die dominico fieri non possunt. Verum etiam, perfec-

tumque iudicium ecclesiasticum memorat Sidonius Apollinaris *l. 2. Ep. 12. col. 522.*, & *l. 6. Ep. 2. & 4. ed. Sirmondi int. ejus opp. ed. Ven. 1728. col. 575 & 577.*, Synesius autem *Ep. 105. p. 248. ed. Petavii 1633.* Episcopum vult esse *legum Doctorem*, ut *quæ legibus contentantur sunt*, loquatur. Sed videndus est in primis Ambrosius, qui graviter reprehendit Syagrium Veronensem Episcopum, quod in iudicando non eam adhibuisset methodum, quam adhibere oportebat *Ep. 5. opp. t. 5. p. 479. ed. Maurin. Venet. 1781.*; ex qua quidem epistola manifestum est, quæ solemnitate ab Episcopis iudicia agerentur, & quemadmodum in iis nihil omittentur eorum, quæ ad verum, & perfectum iudicium requirebantur. Quin & Episcopos non solum iudicasse, sed & iudices suo arbitrio dedisse, testatur Socrates *Hist. lib. 7. c. 37. pag. 387. ed. Valesii Cantabrig. 1720.*, qui narrat. Silvanum Troadis Episcopum, cum suos clericos, quos dirimendis controversiis dare iudices solebat, aliquod inde lucrum quærere animadverteret, laicos iudices elegisse, qui controversias illas definirent. Hi laici, qui Episcopi jussu, & clericorum loco iudicabant, quam in iudicando methodum servare debebant? Adde ea, quæ in causa S. Athanasii à Liberio Pontifice dicta sunt adversus Constantium Imperatorem, qui sanctissimum illum virum vehementer condemnari cupiebat apud Constantium *Epistol. Roman. Pontifi. col. 433. seq.* Ex quibus intelligitur, quam accurate, diligenterque ab Ecclesia iudicia agerentur, diu multumque audito reo, datis ei defensoribus, excussis omnibus probationibus, servatis demum omnibus, quibus opus erat, ut verum, perfectumque iudicium haberetur.

(4) Qui Ecclesiam vera, & propria iudicia exercuisse inficiantur, ii negant, habuisse territorium, & forum, in quo jus diceret, atque ajunt, Episcopale iudicium non verum, propriumque iudicium, sed *audientiam*, hoc est arbitrium appellari. In primis autem obtrudunt Novelam Valentiniiani III. quæ est *Novel. 12. de Epist. judic.*, & qua scriptum extat: "Quoniam constat, Episcopos forum legibus non habere, nec de aliis causis, quam de Religione posse cognoscere, ut Theodosianum corpus ostendit; aliter eos iudices esse non patimur, nisi voluntas iurgantium sub vinculo compromissi procedat; quod si alteruter nolit, sive laicus, sive clericus sit, agent publicis legibus, & jure communi." At si territorii nomine intelligimus locum intra certum terminum positum, in quo magistratus jus dicit, & suam jurisdictionem exercet, quis neget, jam ab ipso initio Ecclesiam territorium habuisse? Cum divisæ sum dioceses, cum instituta sunt jura metropolitica, quæ sane Titum, & Timotheum habuisse constat, cum item jura patriarchica, quorum initia aut ab Apostolis sunt repetenda, aut certe Nicæno Concilio antiquiora sunt, nonne Episcopis, Metropolitibus, Patriarchis datum est territorium, in quo jus dicerent, suamque potestatem exercerent? Concilio Nicæno *Can. 6. apud Labbæum t. 2. col. 35. ed. Ven.* designata sunt certa loca, quorum omnium Alexandrinus, & Antiochenus Episcopus habere potestatem. An non his locis eorum Episcoporum territorium est? Postremo ipsum territorii vocabulum expresse me-

morat Zosimus P. Ep. 5. apud Labbæum Collect. Concil. t. 3. col. 409. ed. Ven. Omnes sane, inquit, admoneantur, ut quique finibus, territoriisque suis contenti sint. Quod si Episcopi habebant territorium, in quo imperabant, jus dicebant, penis coercerant, consequens est, ut etiam forum habere debuerint. Nam forus locus est, in quo inter litigantes jus dicitur. Neque refert, quod non hoc ipsum fori vocabulum occurrat; nam satis est, quod fuerit res ipsa, hoc est potestas, & locus reddendi iuris, ut deesse non potuerit forus, quo tandemcumque vocabulo appelleretur. Quid quod Constitutiones Apost. l. 2. c. 47. apud Cotelierium PP. Apostol. t. 1 p. 257. ed. Amsteladami 1724. expresse memorant *ἡ δικαστήριον*, *ἡ ἀρχὴ τοῦ φόρου*? Quod vero *audientiæ* nomine interdum ecclesiastica iudicia nuncuparentur, id certe argumento esse non potest, quod vera iudicia non essent, sed potius arbitria haberentur, quæ sententia est Cujacii in Paratit. Cod. de Ep. aud. opp. t. 2. col. 30., Caroli Loysei de Seigneuries c. 15., Fevretii in Libro de Abusu l. 4. c. 1. itemque Van-Espenii Jure eccles. par. 3. tit. 1. c. 3., Jacobi Gothofredi in Extravag. de Episcopali judic. Cod. Theodos. t. 6. p. 340. ed. Lipsiæ 1743., aliorumque maximæ Protestantium. Principio apud Jurisconsultos in juris civilis voluminibus *audire* causam idem significant, ac *rite cognoscere*, & *judicare* litem L. 1. C. de Lit. contes. L. 2. C. Si ex fals. instrum. vel testim. L. 6. §. Super his C. de Appellat. & auditorium sæpe pro tribunali, foroque judiciario usurpatur L. 54. ff. de Re jud. L. 5. ff. de Offic. Adress. Deinde vero ad ecclesiastica officia designanda utrumque vocabulum & *judicii* & *audientiæ* usurpatum constant; quod evidenter ostendit, veteres inter hæc duo vocabula nullum discrimen posuisse. Certe *judicium* ecclesiasticum, non *audientiam* memorant. S. Leo M. Ep. 2. ad Rustic. Narbonen. opp. t. 1. col. 1424. ed. Ballerin. 1753, S. Augustinus ad Bonif. l. 3. c. 5. t. 10. col. 456. & Serm. 361. n. 10. t. 5. col. 1359. ed. Vener. 1731., S. Ambrosius Ep. 5. ad Syagr. Ep. Veron. opp. t. 5. p. 479. ed. Maurin. Ven. 1781., Sozomenus Hictor. l. 1. c. 9. p. 21. ed. Valesii Cantabrig. 1720., Gratianus Imperator Ep. ad Aquilin. apud Constantium Ep. Rom. Pontif. col. 530., qui ecclesiastico iudicio vim tantam attribuit, ut Imperatorem appellare vetet eos, qui sunt *condemnati iudicio recte sentientium Sacerdotum*. Mitto loca alia sexcenta Patrum, & Conciliorum; ac mitto etiam titulum Codicis Theodosiani, qui est de *Episcopali iudicio*; quoniam de eo paulo post suus erit agendi locus. Deinde vero titulus ille Codicis Justiniani de *Episcopali audientiæ* editus est, posteaquam multæ prodierant superiorum Imperatorum Constitutiones, quibus judiciaria Ecclesiæ potestas confirmata fuerat, adjectis legibus, ut quod ab Episcopis iudicatum fuisset, ab omnibus ratum, firmumque haberetur. An iudicia tam solemnia, tam firma, quibus omnes parere coguntur, mera arbitria videri possint? Extat ea de re Constantini Constitutio in Extravag. de Episcop. judic. Cod. Theodor. t. 6. p. 339., qua sancitum est, ut omnes *causæ, quæ vel prætorio iure, vel civili tractantur, Episcoporum sententiis terminatæ perpetuo stabilitatis jure firmantur, nec liceat ulterius retractari negotium, quod Episcoporum sententia deciderit*. Falsam

hanc constitutionem putant Gothofredus, Fevretius, Loysens l. c., sed eam late vindicant Altasserra de Jurisd. Eccles. l. 1. c. 7., Baronius ad an. 314. n. 38. t. 3. p. 572. ed. Lucae, Sirmondus in Append. Cod. Theod. t. 7. p. 5. ed. Gothofredi Lipsiae 1745., Valesius in Not. ad Euseb. de Vit. Constant. l. 4. c. 27. p. 640. ed. Cantabrig., Seldenus de Synedr. l. 1. c. 10., Joan. Antonius Bianchi della Potesta, e della Pollizia della Chiesa t. 3. p. 704., Fr. Floreus de Jurisd. eccles. t. 2. p. 35. ed. Norimb. 1756. Doujat Praenot. Can. l. 2. c. 2., ac Joannes le Gendre Episcopale judicium advers. calumn. Gothofredi accerrime vindicat. Atque ad hanc quidem legem spectare videntur Eusebius de Vit. Constantin. l. 4. c. 27. p. 550 ed. Valesii Cantabrig. 1720., & Sozomenus l. 1. Histor. c. 9. p. 21. ed. ejusdem cum de Constantino scribit, quod "litigantibus permisit, ut ad Episcoporum judicium provocarent, si magistratus civiles rejicere vellent, eorum autem sententia rata esset, aliorumque judicium sententiis praevaleret, perinde ac si ab Imperatore ipso data fuisset." Patet ex hoc loco, Episcopos habuisse forum, & contentiosam jurisdictionem; secus enim quomodo episcopale judicium, potius quam saeculare litigantes elegerint? Ac patet etiam, sententias Episcoporum exitum, & vim tantam habere debuisse, quantam habere maximam poterant, & ideo non arbitria fuisse, quae forte despicere potuissent. Eandem Constantini legem, ejus nunc facta mentio est, memorant etiam, atque confirmant Capitularia Caroli M. l. 6. c. 366. t. 1. col. 658. ed. Baluzii Ven. 1772. ubi ea sumpta dicitur ex sexto decimo Theodosii Imperatoris libro cap. XI., qui locus nonnullos in eam opinionem adduxit, ut crederent, illam legem à Carolo M. non Constantino, sed Theodosio adscriptam fuisse. Sed falluntur egregie; quoniam, ut observat Baluzius in Notis. t. 2. col. 819. iis verbis Theodosianus Codex designatur, Cum Constantino consentiunt Arcadius, & Honorius, quorum est constitutio in L. 9. Cod. de Episc. audient., qua Imperatores inquirunt: "Episcopale judicium ratum sit omnibus, qui se audiri à sacerdotibus elegerint, eamque illorum judicationi adhibendam esse reverentiam jubemus, quam vestris deferri necesse est potestatibus, a quibus non licet, provocare." Quis, nisi plumbeus in jurisprudentia sit, merum arbitrium dicat episcopalem sententiam, ejus tanta vis est, ut ei cuncti parere debeant, atque ab ea ne provocare quidem liceat? Est etiam de Episcopali judicio lex Marciani Imperatoris, quae est Leg. 14 Cod. de Episc. audient., & ex qua similiter patet, Episcopos non meros fuisse arbitros, sed veri judicis partes egisse. Idem etiam ostendit Lex Theodosii, & Valentini in L. 47 Cod. Theod. de Episc., ex qua intelligitur, Episcopalem audientiam verum fuisse judicium, & ab eo tantum nomine discrepasse. Quod si episcopale judicium verum erat, propriumque judicium, profecto cum Tribonianus in titulo Codicis audientie vocabulo usus est, nullum inter audientiam, & judicium discrimen posuit; praesertim cum in ipso titulo de Episcopali audientia leges descripsit, in quibus judicii vocabulum usurpatur, quae tunc ad verum judicium pertinent. Cum autem tot praecleara habeamus Episcopalis judicii monumenta, nulla prorsus habenda ratio est constitutionis, quam edidit Valentinianus III.,

ut Episcopis jus suum adimeret, quamque ejus successor Majoranus abrogavit, uti ostendit Baronius *ad an. 452. n. 52. tom. 8. p. 134. ed. Lucæ.*

(5) Conc. Antiochenum *an. 341. can. 57. tit. 2. col. 590. Collect. Labbæi ed. Ven.*, Carthaginense III. *can. 9. col. 1401. eod. tit. 2.*, Chalcedonense *can. 9. col. 1686. tit. 4.*, Aurelianense IV. *can. 20. col. 1367. t. 5.*, Matisconense I. *can. 7. & 8. col. 659. & 660. tit. 6.* Toletanum III. *can. 13. col. 700. cit. t. 6.* Parisiense V. *can. 3. col. 1389. eod. tom. 6.*, Cabillonense I. *can. 11. col. 398. tom. 7.*

(6) Id sane Nicæno Concilio statum est *can. 5. & à Sardicensi can. 3. tit. 2. Collect. Labbæi col. 35. & 659.*

(7) Concilium Chalcedonense *can. 9.*, Toletanum III. *can. 13. l. c.* Eodem se munere sæpe functum testatur Augustinus, qui illud ex Apostolico præcepto repetit, uti demonstratum supra est. Atque in ejus vita *opp. August. tom. 10. col. 270. c. 19.* Possidius narrat, qua ipse diligentia, ac pietate causas judicaret, *idque*, inquit Possidius, *secundum sententiam Apostoli dicentis: audeat quisquam &c.* Idem quoque Ambrosius præstitisse, testatur ipse Augustinus *Confess. l. 6. c. 3. tit. 1. col. 121. cit. ed.*

§. XXII. Ipsi etiam Christiani Principes non solum sponte sua, sed etiam hortatu sanctissimorum Episcoporum, quibus certum, atque exploratum erat, clericos ad laicos judices non esse trahendos (1), æquissimas tulere leges (2), quibus cautum est, ut clerici suarum controversiarum judices nonnisi ecclesiasticos haberent. Quia etiam dignitas Episcopatus, & præclara virtus illorum, qui eo fungebantur, diu fecit, ut Episcopi civilium quoque controversiarum, quæ inter laicos fervebant, judices constituerentur (3). Verum id fiebat consensu litigantium, qui coram Episcopo litigare malebant, quam coram sæculari magistratu, & concessu Principum, qui ab Episcopis, quorum sapientiam exploratam habebant, civium suorum causas judicari cupiebant.

(1) S. Hilarius Pictaviensis Episcopus *ad Constant. August. l. 1. n. 1. opp. tom. 2. col. 535. ed. Veron. 1730.* "Provideat, & decernat clementia tua, Constantio Imperatori inquit, ut omnes se ubique judices, quibus provinciarum administrationes creditæ sunt, ad quos sola cura, & sollicitudo publicorum negotiorum pertinere debet, à religiosa se abtineant; neque post hac præsumant, atque usurpent, & putent se causas cognoscere clericorum." Extat autem in *L. 12. cod. Theodor. de Epis. & Cler. Constantii lex*, qua cautum est, ut clericorum causæ nonnisi ab Episcopis judicentur; atque hanc quidem legem Hilarii hortatu editam,

putat Baronius *ad an. 355. n. 82. p. 555. t. 4. ed. Lucæ.* Eadem est Ambrosii sententia *Ep. 21. n. 2. t. 6. p. 52. opp. ed. Maurin. Ven. 1781.*, qui laudat ea de re Valentiniani legem, qui *sacerdotes de sacerdotibus voluit iudicare*; eademque etiam Martini Turonensis, uti testatur Severus *Hist. sac. l. 2. c. 50. tit. 2. p. 263. ed. Veron. 1754.* Abutuntur autem auctoritate Patrum quorundam ii, qui judiciariam potestatem Ecclesiæ negant, eorumque sententias detorquent, praveque interpretantur. Nam locus Lactantii *de Divin. instit. l. 5. c. 20. tom. 1. p. 412. ed. Paris. 1748.* pertinet ad infideles, qui inviti ad fidem compelli non possunt; Chrysostomus *de Sacerdot. l. 2. n. 3. opp. tit. 1. p. 374. ed. Montfaucon Paris.* non negat imperium, & potestatem Ecclesiæ, quam imo certam habet, cum illud Apostoli ad *Timor. 4. præcipe, ac doce* ita explicat *Homil. 13. n. 1. p. 617. tit. 11. vides ut imperare sacerdotum necesse sit*; tantam dicit Ecclesiam non habere potestatem arcendi homines à delictis, & si haberet, eam inutilem futuram, "cum Deus noster non necessitate submotus à peccato, sed propria sese sponte abstinens sit remuneraturus." Hieronymus *in can. 23. caus. 23. qu. 5. inquit*; quod *regum proprium officium est facere iudicium, & iustitiam*, non id dicit quasi id tantum ad reges, non etiam ad Ecclesiam pertinere statuat; imò in *Jerem. l. 4. c. 22. opp. tit. 4. col. 987. ed. Vallarsii Veron.* quidquid regibus in Scriptura, id & Sacerdotibus datum ostendit. Denique Bernardus *de Consider. ad Eug. l. 1. c. 6. col. 417. ed. Paris. Mabillon*, inquit: *stetisse denique legi apostolos iudicandos, sedisse iudicantes non lego*; non ut judiciariam Ecclesiæ potestatem adimat, sed ut reprehendat eos, qui neglectis illis, quæ potiora sunt, iudicandi studio rapiuntur. Atque ad hæc fere revocari omnia possunt Patrum loca, quæ contra judiciariam Ecclesiæ potestatem opponuntur.

(2) Confer ea, quæ paulo ante diximus de legibus à Constantino, Theodosio, & Arcadio, ac Marciano latis. His vero adde leges Constantii ac Theodosii, quæ sunt *L. 12. & L. 47. cod. Theod. de Episc. & cleric.*, tum Justiniani *Novellam 76.*, quæ ad Monachos pertinet, qui tantum Episcopali iudicio subduntur, præterea leges, quas à Theoderico licet Gotho, & Arriano editas memorat Cassiodorus *Var. l. 1. Ep. 9. p. 7. tom. 1. ed. Rotomag. 1679.* Quod si aliquando clericos ad laicos magistratus ivisse, memoriæ proditum est, id quidem aut per vim, & injuriam factum est, aut factum à clericis audacibus, & protervis, qui se despiciere impune putabant posse ecclesiastici iudicis imperium, aut interdum etiam ab ipsis Ecclesiæ magistratibus, ut civilis quoque magistratus imperio homines in officio continerentur, eorumque sententiæ exitum haberent faciliorem. Atque huc referenda sunt exempla universa, quæ de hoc rerum genere ex ecclesiastica historia desumi possunt.

(3) Hæc præstat Lex Constantini, cuius feci paulo ante mentionem, quæque extat in Codice Theodosiano *de Episcopali. iud.*, præterea *L. 8. & 9. Cod. de Episcopali. iudic.* Repeto etiam ea, quæ paulo ante de Augustino, deque Ambrosio dicta sunt.

§. XXIV. Nam Ecclesiæ potestas, atque judicium tantum pertinet ad res sacras, ac divinas, atque ad personas clericorum, qui nonnisi Ecclesiæ imperio subjiuntur. In controversiis laicorum mere civilibus, atque profanis nullæ sunt Ecclesiæ partes, sed eæ tantum spectant ad judicium, potestatemque laici Magistratus, cujus imperio illi, tamquam reipublicæ cives, subesse debent. Quare Ecclesia, cui nulla in his rebus jurisdictio est, eam exercere non potest, nisi acquirat consensu litigantium, & auctoritate Principis, qui civili reipublicæ imperat.

§. XXV. Atque intra hos quidem fines, & leges utraque respublica suam semper exercuit potestatem, ecclesiastica in rebus sacris, & divinis, negotiisque clericorum, civilis in omnibus laicorum controversiis, quæ spiritualia non attingunt. Initio ecclesiæ judicia minoribus solemnitatibus acta fuisse videntur, ut celerius expedirentur. Hinc sæpe *ecclesiasticum* judicium *forensi* opponitur (1), quoniam ab illo procul aberant tricæ, & ambages, quæ forensem concertationem implicabant. Satis erat esse actorem, qui petitionem proponeret, reum, qui excluderet, judicem, qui rem nosceret, & sententiam ferret, ut omnis rei ratio conclusa haberetur. Non deerat quidem, quæ ex jure naturæ procedit, citatio rei, non deerant legitimi probationum exquirendarum modi, neque cetera opportuna remedia; sed judicium sine tot solemnitatibus, quas civiles leges invexerant, celeriter expediebatur.

(1) *Ecclesiasticum* judicium à forensi distinguunt S. Augustinus ad Bonifac. l. 3. c. 5. opp. t. 10. col. 456. ed. Ven. cit., S. Leo M. Ep. 2. ad Rustic. Narbonen. Inquis. X. col. 1424. tit. 1. ed. Ballerin. 1753. alique complures. Sed hi omnes distinctionem hanc inter utrumque judicium adhibent, non quod ecclesiasticum verum non esset judicium; sed quod celerius, quam forense expediebatur, neque in eo tricæ, ambagesque forenses obtinebant.

§. XXVI. Denique aucto litium numero, commodius visum est in judiciis ecclesiasticis certum ordinem, formamque constituere, atque in iis quasdam adhibere solemnitates, quæ partim à Jure civili desumptæ, partim ab Ecclesiasticis primum legibus constitutæ sunt. In primis autem

Romani Pontifices ea de re laborarunt, propōita judicio-
rum methodo, quæ neque importuna brevitate officeret ve-
ritati, neque copia multiplici, & operosa solemnitatum, ac
formularum litigantes irretiret. Quam hæc methodus apta,
& concinna sit, & quantum ei præstet, quæ à Jure civili
procedit, omnes facile intellexerunt; ideoque illa summo
omnium consensu etiam in foro civili ubique recepta est.

TITULUS II.

De judiciis & eorum divisione.

- | | |
|---|---|
| I. Judicium quid? Judex ordina-
rius, & delegatus. | V. Judicium ecclesiasticum, & sæ-
culare. |
| II. Quis delegatum judicem consi-
tuat? | VI. Judicium possessorium, & pe-
titorium, |
| III. Causæ notio, & mixtum impe-
rium. | VII. Ordinarium, & summarium. |
| IV. Jurisdictio contentiosa, & vo-
luntaria. | VIII. Civile, & criminale. |
| | IX. Judiciorum ordo. |

§. I.

Judicium vocamus ipsam causæ disceptationem, quæ in ju-
re fit, quæque constare debet quatuor præsertim rebus, ac-
tore, reo, judice & causa (1). Actor ille est, qui prior in
judicium venit aliquid petiturus; reus, qui ab actore in jus
vocatur, & à quo petitur; causa est ipsum quod petitur, &
quod materiam judicio præbet; judex autem ille est, coram
quo disputamus, & cujus decreto res absolvenda, ac defi-
nienda est. Hic si jure sui magistratus cognoscendarum, fi-
niendarumque controversiarum habeat potestatem, Judex
ordinarius, si non propriam, ac suam habeat, sed ab alio
mandatam & commissam, delegatus appellatur. De utro-
que duo sunt tituli in Decretalibus.

(1) *Cap. 10. de Verbor. signific.*

§. II. Mandat hanc potestatem ordinarius judex, qui eam
suo jure habet, & mandat utiliiter, non omnibus sine delec-
Tom. III.

tu, sed illis qui iudices dari possunt (1). Qui non propriam, & suam habet jurisdictionem, sed ab alio mandatam, is eam alteri mandare non potest (2); nisi procedat ab ipso Principe, cujus delegatus alterum recte delegat (3).

(1) L. 2. & 4. ff. de Offic. ejus cui mand. est iurisd. L. 5. ff. de Jurisd. Confer Donellum de Jur. civil. l. 17. c. 8. §. 2. & 5. opp. t. 4. col. 1117. & 1128. ed. Lucæ 1764.

(2) L. ult. ff. de Offic. ejus, cap. 62. de Appellat.

(3) L. 5. Cod. de Judic., cap. 28. de Offic. & potest. delegat.

§. III. Præter judicandi potestatem, quam notionem dicimus, inest etiam in iudice jurisdiction, & jus modicæ coercionis, per quam sui munus officii exsequi, ac tueri possit, atque in eos, qui parere recusant, animadvertat. Modica hæc coercitio mixtum imperium dicitur (1), quod semper jurisdictioni, sed non semper judicandi potestati cohæret (2). Sunt enim Iudices, qui solam habent notionem, non item jurisdictionem; & hi tantum rem controversam cognoscunt, atque definiunt, imperium, quo sententiam exquantur adjunctum non habent, ac proprie non jus dicere, sed judicare dicuntur (3).

(1) Mixtum imperium dicitur, quod jurisdictioni admixtum est, ab eaque separari non potest L. 1. in fin. ff. de Offic. ejus cui mand. est iurisd., L. 3. ff. de Jurisd. Frustra enim Magistratus causam cognosceret, atque aliquid decerneret, si non posset exequi sententiam, suæque jurisdictioni parere recusantes coercere. Itaque verissime Paulus in L. ult. de Offic. ejus cui mand. inquit, sine modica coercionem nullam esse jurisdictionem, quoniam hæc sine illa expediri, atque explicari non potest; & huc spectat Innocentius III. in cap. 28. de Offic. & potest. delegat. Consule Averanum Interpr. jur. l. 1. c. 4. tit. 1. p. 23. ed. Lugdun. Batav. 1753. Donellum de Jur. civil. l. 17. cap. 6. §. 6. opp. tit. 4. p. 1088. ed. Lucæ, & Scipionem Gentilem de Jurisd. l. 1. c. 4. & 5. opp. tit. 3. p. 7. & seq. ed. Neapol. 1764. Varia autem sunt modicæ coercionis genera, quæ, præter ceteros, diligenter explicat Scipio Gentilis l. cit. c. 6. seq. p. 11. & seq.

(2) L. 5. ff. de Re judic.

(3) L. 4. §. ult. ff. de Interrogat. action., L. 57. ff. de Re judic. Consule Averanum l. cit. c. 5., & Scipionem Gentilem de Jurisd. l. 1. c. 28. opp. t. 3. p. 82. ed. Neap. 1764.

§. IV. Est autem jurisdiction vel voluntaria, vel conten-

tiosa (1); illa ex re appellata, quæ in volentes exercetur, ut fit in adoptionibus in mulierum, minorumve contractibus, in ceteris generis ejusdem. Cuncta hæc geruntur extra judicium, atque inter volentes, & à Magistratu confirmantur, ut eorum rata firma auctoritas sit (2). Contentiosa jurisdictio ex re item dicta in invitos, & contententes exercetur, eique locus est in judiciis, quæ in invitos redduntur, & utriusque litigantis contentionem, & disceptationem habent de re controversa.

(1) Hugo Donellus *l. cit. c. 8. §. 7. p. 1124.* adjicit etiam mixtam, vel intermediam jurisdictionem, quæ in dandis tutoribus, aut curatoribus versatur; sed tertium hoc jurisdictionis genus inutile esse, observat Scipio Gentilis *l. cit. c. 18. p. 43.*

(2) Ex iis vero quædam sunt, quæ solam Magistratus auctoritatem, & approbationem, quædam, quæ permissum causa cognita, & uno verbo Magistratus decretum postulant. Cuncta explicat Donellus *l. c. §. 9. p. 1126.*

§. V. Judiciorum summa divisio est, ut alia ecclesiastica, alia sæcularia sint. Ecclesiasticum judicium agitur in foro Ecclesiæ, & in eo quæritur de causis ecclesiasticis, sive quod hæc natura sua ecclesiasticæ sunt, sive quod sunt causæ clericorum. Sæculare judicium est, in quo de rebus mere temporalibus coram laico iudice disputatur. Utraque judicia multifariam dividuntur, & primo quidem in possessoria, ac petitoria.

§. VI. Possessorium judicium est, in quo de sola possessione, aut quasi possessione quæritur, sive adipiscenda, sive retinenda, sive recuperanda. Possessio est rerum corporalium, quasi possessio incorporalium. Petitorium, quod *dominii litem* Jurisconsultus (1) appellat, est, in quo de proprietate, vel de alio jure seorsim à possessione disputamus. Nam proprietas nihil commune habet cum possessione (2); licet interdum majores quidam iudices utramque conjungant. Separata autem de possessione quæstio illud efficit, ut eo finito judicio, atque uni data possessione, victus debeat in petitorio judicio jus suum ostendere, quod nisi præstiterit, res manebit apud possessorem (3).

(1) *L. 8. ff. de Ururis.*

(2) *L. 12. ff. de Acquirend. possess.*(3) *§. 4. Instit. de Interdict.*

§. VII. Dividuntur etiam judicia in ordinaria, quæ & solemnna, atque in summaria, quæ & extraordinaria appellantur. Ordinaria sunt, in quibus acta omnia, & solemnna quæ in judiciis leges prescribunt, observantur, tum in iis, quæ intimam judicii naturam, tum in iis, quæ solemnitates attingunt. Summaria judicia sunt in quibus multiplices illæ solemnitates omittuntur, eaque tantum servantur, quæ sunt ad judicii naturam, hoc est ad noscendam veritatem necessaria (1).

(1) Hæc quidem à Jure Civili, & Canonico divisio judiciorum traditur. Sed Pragmatici in foro judicia dividunt in ordinaria, summaria, summarissima, executiva. Et summaria quidem, atque ordinaria judicia in is, quæ ad ordinem pertinent, apud nos fori usu fere inter se conveniunt.

§. VIII. Denique judicia alia sunt civilia, alia criminalia, quoniam omnia vel distrahendarum controversiarum, vel malefactorum puniendorum causa reperta sunt. Civilia pertinent ad privatorum controversias dijudicandas, criminalia vero crimina persequuntur, pœnasque irrogant vindices sceleris, & violatæ publicæ tranquillitatis.

§. IX. Judiciales disceptationes ordine noscendæ, expediendæque sunt; quoniam ex inordinata rerum ratione oritur confusio, quæ jura potius obscurat, quam explicat litigantium. Ordo hic, judicium etiam dicitur, & passim processus appellatur. Est autem compositio rerum aptis, & accommodatis locis, ut procul sit confusio, & perturbatio, noscatur veritas, ac suum cuique tribuatur. Et sane judicarius ordo à legibus est constitutus, quem judicem ita dirigere, & moderari oportet, ut litigantes in recta justitiæ semita insistant (1); qua in re nihil pro arbitro, sed omnia canonum, legumque auctoritate agenda sunt.

(1) *Cap. 19. de Judic., cap. 22. de Accusation.*

TITULUS III.

De procuratoribus.

- | | |
|--|--|
| <p>I. Quis Procurator? Plures Procuratorum species.</p> <p>II. Tam unus, quam plures Procuratores constituuntur.</p> <p>III. Qui procuratores esse possint?</p> <p>IV. In quibus causis adhibeantur?</p> | <p>V. Quomodo officium procuratoris exspiret?</p> <p>VI. Syndici Universitatum procuratores sunt.</p> <p>VII. In quibus syndici differant à procuratoribus privatorum?</p> |
|--|--|

§. I.

Judicia aut per nosmetipsos, aut per procuratores exercemus. Procurator, quem *alieni juris vicarium* eleganter Cicero appellat (1), ab Ulpiano definitur, qui aliena negotia mandato domini administrat (2). Constituitur vel ut certum negotium expediat, vel ut omnia gerat, & curet; hic generalis, ille autem specialis appellatur. Rursus procurator judicialis est, si alienam litem judicio persequitur, extrajudicialis, si aliena negotia extra judicium conficit. Generalis procurator tum judicialibus, tum extrajudicialibus rebus præpositus intelligitur, non tamen iis, quæ speciale mandatum requirunt (3). Datus autem cum libera administratione omnia fere potest, quæ ipse dominus, & ideo quamquam donare nequeat (4), tamen res domini alienare potest, non solum cum id necessitas, sed etiam cum utilitas mandantis postulat (5). Sine hac libera administrationis potestate generalis procurator recte distrahit tantum fructus, & cetera, quæ facile corrumpuntur (6).

(1) Cicero *pro A. Cæcina* n. 20. *opp. t. 4. p. 629. ed. Genevæ 1744.*

(2) *B. 1. ff. de Procurat.*

(3) *Cap. 5. de Procurat. in 6.*

(4) Donare enim potius est perdere, quam administrare. *L. 28. §. ult. ff. de Pactis, L. 7. §. 3. ff. de Donation.*

(5) *L. 60. §. Lucius ff. Mandat., L. 58. ff. de Procurat., L. 9. §. 4. ff. de Acquirend. domin., §. 43. Inst. de Res. divis.*

(6) *L. 63. ff. de Procurator. Confer Voetium in Pandect. l. 3. t. 3. §. 7.*

§. II. Procurator interdum unus, interdum plures, iique aut conjunctim, aut in solidum constituuntur. Ubi conjunctim, & eodem tempore omnes constituti sunt, alter sine altero nihil agere potest, exceptis causis electionum, postulationum, provisionum, aliorumque ecclesiasticorum negotiorum, in quibus unus ex pluribus admittitur (1); ubi in solidum, potior habebitur qui litis contestatione negotium occupavit, nisi secus mandato cautum sit (2). At procuratore uno primum, deinceps altero constituto prioris mandatum revocatum videtur (3).

(1) *Cap. 6. §. Sane de Procurat. in 6.*

(2) *Cap. 6. mox. laudat.*

(3) *Cap. 14. de Procurat.*

§. III. Omnes autem, qui expresse non prohibentur, procuratores esse possunt. Prohibentur autem expresse eo munere in judicio fungi excommunicati (1); qui etiam in jus vocati per alium respondere debent (2), minores annis vigintiquinque (3), infames (4), mulieres (5), milites (6), fiscus, respublica, ceteri potentiores, qui adversarium opprimere possunt (7), reus criminis constitutus, nisi se primum purgaverit (8), reipublicæ causa absuturus (9), monachus, nisi qua agatur monasterii causa idque monasterii præfectus probet (10), Episcopus, & Sacerdotes (11), postremo omnes clerici apud sæculares iudices, nisi pro Ecclesiæ suæ, aut propria causa, vel necessitate coacti pro conjunctis, & miserabilibus personis procuratoris officium gerant (12).

(1) *Cap. 13. §. Credentes de Heretic., cap. 7. de Probat., cap. 1. de Except. in 6.*

(2) *Cap. 7. de Judic.*

(3) *Cap. 5. §. ult. de Procurat. in 6.*

(4) *Can. 1. & 2. c. 3. qu. 7.;* cum tamen jure civili Justiniani infamia, nisi manifesta sit, procuratori non obstat §. ult. *Inst. de Except.* sed jam fori civilis usus jus canonicum recepit. Confer Gailium l. 1. *ovst.* 43. n. 7. & 8., & Gudelinum de *Jur. novis* l. 4. c. 4. n. ult.

(5) *L. 18. & 21. cod. de Procurator.* Quidam tamen excipiunt casus in *Leg. 41. ff. de Procurat.* & in *L. 4. cod. cod.* Consule Donellum de *Jur. civil.* l. 18. c. 11. *opp. t.* 5. ed. Lucae col. 191. & seq., ibique Hilgerum

in Not.; qui omnes enumerant; quos civiles leges à procuratoris munere repellunt.

(6) L. 8. §. *Veterani* ff. de *Procurator.*, 7. cod. eod. Quomodo autem nunc nostris moribus à procuratoris officio milites repellantur, explicat Hilligerus l. c. not. 3. col. 193.

(7) L. 1. §. tot. tit. *calicis Ne lie. potens patroc. litig. prest.*, L. 3. tot. tit. *calicis Ne fite. vel respubl.* Consule Cujacium in cod. l. 2. tit. 13. opp. t. 2. col. 95 & seq. & observat. l. 8. c. 31. t. 3. col. 195. & 196. ed. Ven. 1578.

(8) L. 6. cod. de *Procurat.*

(9) L. 8. §. *Procuratorem*, & L. 54 ff. de *Procurator.*

(10) Can. 35. c. 16. qu. 1.

(11) Can. 3. c. 5. qu. 3., cap. 3. & 4. *Ne cleric. vel monach.*

(12) Cap. 1. & ult. de *Postulan.*, cap. 2. & 4. *Ne cleric. vel monach.*

Atque hæc quidem vetus est Ecclesiæ disciplina etiam Justiniano probata *Novel.* 123. c. 6.

§. IV. Adhibentur procuratores in causis omnibus, tam sæcularibus, quam ecclesiasticis (1), quin etiam criminalibus, in quibus agitur civiliter, non criminaliter (2). Jure civili mandato, quod solo consensu constat (3), procurator constituitur; sed Jure canonico scripto opus est (4). Quæ jurisprudentia obtinet etiam in foro civili, neque nunc procurator admittitur sine scripto mandato, quamquam de rato cautionem offerat (5). Servatis mandati finibus, quidquid procurator gessit ratum firmum est, sive domino noceat, sive prosit (6).

(1) Cap. 2. de *In integr. restit.*

(2) Cap. 5. de *Procurat.*, cap. 16. de *Accusatione*. Late hoc argumentum de adhibendis, aut non adhibendis in criminali judicio procuratoribus persequuntur Donellus de *Jur. civd.* l. 18. c. 10. §. 8. & seq. ibique Hilligerus *Not.* 5. opp. t. 5. col. 176. & seq., & Voetus in *Pandect.* l. 3. tit. 3. §. 14. et 15.

(3) *Instit.* l. 3. tit. 23. Paulus *Recept. sentent.* l. 1. tit. 3. apud Schulzigium *Jurisprud. vet. ante justinian.* t. 1. p. 223. ed. Lipsiæ 1737.

(4) Cap. 1. de *Procurat.*

(5) Consule Voetum l. c. §. 10.

(6) Cap. 1. cit.

§. V. Expirat procuratoris officium mutuo consensu (1); mandato à domino revocato, si res integra adhuc sit, quia post litem contestatam procurator litis dominus efficitur,

ac nonnisi ex justa causa removeri potest, veluti si sit suspectus, aut impeditus, vel morbo teneatur (2); mortuo mandante, cum res est integra (3), re autem non integra expirare mandatum potest, si prælatus, vel alius pro ecclesia, aut beneficio procuratorem constituerint, posteaque ex hac vita migraverint (4); per renuntiationem procuratoris justas ob causas factam, aut per ejus obitum, quoniam mandatum ad heredes non transit (5), denique si dominus litem per se agere velit (6).

(1) L. 24. ff. de Procurat.

(2) L. 22. C. de Procurat., L. 17. et seq. ff. eod., cap. 2. eod. in 6.

(3) L. 23. C. de Procurat.

(4) Cap. 1. et ult. Ne sed. vacan., Clem. ult. de Procurat.

(5) L. 27. §. Morte ff. Mandat.

(6) Cap. 8. de Procurat. in 6.

§ VI. Procuratores universitatis syndici (1) appellantur; atque hoc inter singulos, interque universitates discrimen est, quod illi regulariter non coguntur procuratorem dare (2), sed universitates, & collegia judicio experiri non possunt, nisi syndicum constituerint (3). Cum enim universitas personæ tantum vices gerat, uti naturaliter consentire nequit (4), ita naturaliter pro se agere, ac semetipsam defendere non potest (5). Accedit quod à cunctis tractata universitatis negotia perpetuo dissensu facile turbarentur, ac supervacaneum visum est, plures à propriis abstrahi negotiis, & communi vacare causæ universitatis, cui tractandæ potuit unus sufficere. Ea de causa cum olim nondum liceret alieno nomine judicio experiri, tamen pro universitate licebat (6).

(1) Extat in decretalibus Gregori IX. titulus de Syndico, & ejus quomodo mentio est in L. 6. §. Sed si ita ff. Quod cujusque universit., et in L. 18. §. 13. ff. de Muner. et honor. Dicitur etiam universitatis actor in L. 74. ff. de Procurator., et in L. 6. §. Quod si et ult. ff. Quod cujusq. univers., & Ecdicus in L. 30. eod. de Episc. audien., & Novel. 15. apud Dionysium Gothofredum, cujus Novelæ Græca inscriptio est *περί τῶν ἐκδικῶν*, & defensor in L. 18. §. 13. ff. de Munerib. et honor., & procurator universitatis, præcipue si monasterii actor sit Novel. 123. c. 27. Apollinaris etiam

appellantur syndici *Novel. 123. c. 25.*, & *Novel. 7. c. 2.*, & responderi
cir. Novel. 123. c. 42. et Novel. 133 c. 5. Est ergo Syndicus, qui univer-
 sitatis causam agit mandato ipsius, atque is interdum ab actore distingui-
 tur, quod hic certæ causæ, ille autem universis negotiis tractandis præ-
 positus est. Apud Græcos syndici dicebantur, qui ad leges suadendas
 Populo electi erant, ut observat Carolus Sygonius *de Republic. Atheniens.*
l. 4. c. 6. fere in princ. Confer etiam Du-Cangium *Glossar. v. Syndicus.*

(2) *Cap. 2. de Procurat.*

(3) *Cap. 7. eod.*

(4) *L. 1. §. 1. ff. de Libert. universit.*

(5) *Arg. cit. L. 1. §. 1., et L. 1. §. ult. ff. de Acquir. vel amitt. posses.*

(6) *Inst. de his per quos agere possumus in princ.*

§. VII. Quæ de procuratoribus dicta sunt, ea generatim
 ad syndicos quoque pertinent; verum in nonnullis inter se
 differunt. Nam syndicus ab universitate, aut collegio per
 suffragia majoris partis eligitur (1), procurator ab uno, al-
 terove, cujus negotium gerendum est, sola nominatione
 constituitur (2), ille necessario eligendus est (3), etiam cri-
 minale iudicium exercet pro universitate, si quod ei cri-
 men impingitur (4), suam jurejurando fidem obstringit (5),
 & cum à collegiis ordinatis, ut plurimum, ad quasunque
 causas deur, publicum hoc modo officium sustinet (6). Ve-
 rum procurator non juris necessitate, sed domini arbitrio,
 ac voluntate constituitur, repellitur, sicuti supra demons-
 tratum est, à criminali iudicio, non suam obligat sacramen-
 to fidem, sed mandantis, denique privatum officium gerit.

(1) *Cap. de In integr. restitut.*

(2) *Clem. 1. de Procurat.*

(3) *Cap. unic. de Syndic.*

(4) Confer Wessembecium *Paratitl. ff. Quod cujusq. univers. num. 6.*

(5) *Cap. 3. & 4. de Juram. calumn.*

(6) *Cap. unic. de Syndic.*

TITULUS IV.

De foro competenti.

- | | |
|---|--|
| I. Quid forum competens? | X. Causæ Episcoporum Summo Pontifici reservatæ. |
| II. Causæ de fide, divino cultu, ecclesiæ disciplina, ceteris ejusmodi. | XI. Causæ viduarum, pupillorum, miserabilium personarum. |
| III. & IV. Causæ matrimoniales. | XII. Reus vocandus ad judicem, cui subest. |
| V. Causæ beneficiaræ. | XIII. Judex domicili. |
| VI. Causæ decimarum, & funerariæ. | XIV. Contractus, |
| VII. Causæ de immunitate ecclesiæ, de ejus bonis alienandis, de ejus privilegiis, ac juribus, de vita, & institutis clericorum. | XV. Delicti, |
| VIII. Causæ majores. | XVI. Loci rei controversæ, |
| IX. Causæ temporales Clericorum. | XVII. Ex privilegio. |
| | XVIII. Continentia causæ. |
| | XIX. Prorogatio jurisdictionis ex consensu litigantium. |

§. I.

Illud in primis, cum aguntur judicia curandum est diligenter, ut ea coram legitimo judice, sive in competenti foro exercean- tur. Nam acta in foro non competenti nullius momenti sunt, & impune non paretur judici dicenti jus inter eos, in quos jurisdictionem non habet (1). Forum, seu forus (2), & exercendæ negotiationis & agendarum litium locus fuit (3). Nobis de judiciis agentibus forus est judiciorum locus, qui sæpe pro ipso judicio sumitur. Competens autem forum est idem ac forum proprium, scilicet ubi judex suam exercere jurisdictionem potest, & in quo reus conveniendus est (4).

(1) *L. ult. ff. de Jurisdic.*, *L. ult. cod. Si à non competen. judic.*, *can. 7. caus. 2. qu. 1.*; *can. penul. caus. 1. qu. 1.*

(2) Forum, & forus latine dicitur, uti loquitur Isidorus *c. 18. de Verb. signific.*, quem immerito reprehendit Poletus *Histor. For. Roman. l. 1. c. 1.*; nam virile ejus nominis genus egregiis Latinorum scriptorum testimoniis ostendit Cujacius *in tit. Decret. de For. compet. app. t. 6. col. 773. ed. Mutin.*

(3) Confer præ ceteris Poletum *l. c. l. 1. c. 1. & seq.* In eodem foro,

in quo res venales exponebantur, initio jus dictum fuisse, tradit Innocentius Cironius in *Paratitl. Decretal. de For. competen.*

(4) Hinc proprius Judex competens dicitur in *L. 19. ff. de Jurisd.*, & competens tribunal. in *L. 35. §. Non solum ff. de Procur.* Judex autem non competens incongruus appellatur in *L. 1. Cod. de Jurisd. omn. jud.*

§. II. Competentem autem forum, & judicem facit in primis natura causæ, de qua quæritur, & persona rei, qui in judicium vocatur. Causa si spiritualis sit, vel conjuncta rebus spiritualibus, tantum ab ecclesiastico judice noscenda, ac definienda est. Quare ad eum in primis pertinent causæ de fide, de religione, aut cultu divino, de sacramentis, de sacris ritibus, de Ecclesiæ disciplina. Nam eas cognoscendi potestas pendet à jure clavium, quod solis sacerdotibus à Christo concessum est (1).

(1) Præclara ea de re sunt Osi Cordubensis Episcopi verba apud Athanasium in *Histor. Arianorum ad Monachos* n. 44. *opp. t. 1. par. 1. p. 293. ed. Patav. 1778.* "Tibi Deus, inquit, imperium commisit, nobis, quæ sunt Ecclesiæ, concedidit. Et quemadmodum qui tuum imperium malignis oculis carpit, contradicit ordinationi divinæ, ita & tu cave, ne quæ sunt Ecclesiæ ad te trahens magno crimini obnoxius fias." Sapienter etiam Joannes VIII. in *can. 11. dist. 96.* "Si Imperator, inquit, catholicus est, filius est, non præsul ecclesiæ: quod ad religionem competit, discere ei convenit, non docere... Ad sacerdotes enim Deus voluit, quæ Ecclesiæ disponenda sunt, pertinere, non ad sæculi Potestates; quas, si fideles sunt, ecclesiæ suæ sacerdotibus voluit esse subiectas. Confer Cabassutum *Thcor. & prax. jur. can. l. 1. c. 9. n. 15. & 16.*, de Marca *Concord. sacerdot. & imper. l. 2. c. 1. n. 4. & seq.*, Doujatium *Prænot. can. l. 2. c. 2.*

§. III. Verum ex causis sacramentalibus vix ullæ ad forum contentiosum deferuntur, exceptis causis matrimonialibus, quæ per cursum, ordinemque judiciale expediantur. Harum autem matrimonialium controversiarum, de quibus constitui solent judicia, triplex est genus. Aliæ enim vim ipsam icti fœderis, ac firmitatem attingunt; & hæ cum respiciant naturam intimam sacramenti, tantum in ecclesiastico foro tractandæ sunt (1). Aliæ pertinent ad vim sponsalium, atque ad jus instituendi divortii quoad torum, ac mutuam habitationem; & hæ similiter ecclesiastico judicio noscendæ definiendæque sunt (2). Nam respectum habent ad

sacramentum matrimonii, quoniam ad illud contrahendum sponsalibus obligamur, ac per divortium jura utrique conjugum matrimonio quaesita relaxantur.

(1) *Si quis dixerit, causas matrimoniales non spectare ad judices ecclesiasticos, anathema sit*, inquit Synodus Tridentina sess. 24. can. 12. de *Matrim.* Tam sess. 24. c. 20. de *Reform.* hujusmodi causas non Decani, Archidiaconi, aut aliorum inferiorum judicio committendas, sed ab uno Episcopo cognoscendas esse statuit. Atque hoc quidem perpetuum Ecclesiae jus fuit. Cum inter Lotharium, & Teuthbergam de vi matrimonii inter eos initi quaereretur, actum ea de re est in Synodo Aquisgranensi an. 860. & 862. apud Labbæum t. 10. col. 140. & 200., cumque ab ejus sententia Teuthberga provocasset ad Nicolaum I. Summum Pontificem, ipse hanc controversiam saeculari judicio submitti non debere respondit, eamque commisit Synodo Metensi ep. 23. apud Labbæum t. 10. Concil. col. 1413. Confer etiam acta Concilii Remensis apud Ordericum Vitalem l. 12. p. 859., inter *Script. antiq. Hist. Norman. Duchesnii ed. Paris. 1619.*, & Alexandrum II. can. 10. c. 35. q. 6. praeterea opusculum Assisii editum an. 1784. *Su l'esenzione d' i Regolari &c. è su le cause matrimoniali*, quæ ipse scripsit l. 2. sect. 9. §. 114. seq. not. 1. p. 185. & seq.

(2) *Cap. 10. de Sponsal. , Cap. 3. de Divort.*

§. IV. Aliæ denique sunt causæ, quæ aliquam quidem, habent cum matrimonio affinitatem, sed directo spectant res mere politicas, ac temporales. Hujusmodi sunt causæ de dote, de donatione propter nuptias, de hereditaria successione, alimentis, ceteris generis ejusdem; & hæc quidem saeculari judici committendæ sunt (1). Verum si qua interim, dum hæc in laicali foro expenduntur, oriatur controversia de jure connubii, puta de impedimento dirimente, inchoato judicio supersedendum est, cunctaque ecclesiastico judici adscribenda sunt (2). At ecclesiasticus iudex ipse etiam cognoscit causas de hereditaria successione, de dote, de similibus, si qua de his rebus incidat disputatio, cum de vi matrimonii, aut jure ad divortium quaeritur (3).

(1) Consule Belarminum l. unic. de *Matrim.* c. 32. p. 687. t. 3. *opp. ed. Venet. 1721.*, & Tannerum t. 4. *disp.* 8. n. 166.

(2) Confer Alaserram de *Jurisd. ecclies.* l. 6. c. 3. §. *superest*, Renatum Choppinum de *Sacr. polit.* l. 2. tit. 1. n. 16; Annæum Robertum *Rér. judic.* l. 3. c. 5., & l. 4. c. 10.

(3) *Cap. 1. Qui filii sint legit.*, c. 3 & 7. de *Donat. int. vir. & uxor.*

§. V. Causæ quoque beneficiariæ, quoniam spiritualibus accensentur, ad ecclesiasticum forum pertinent, sive de ipsa collatione, sive de instituendis, conjungendisve, aut dividendis beneficiis disputetur (1). Eadem est ratio causarum jurispatronatus, quippe quæ spiritualibus adnexæ sunt (2). Sed in locis quibusdam sive expresso privilegio Apostolico, sive diuturna consuetudine ab Ecclesia tolerata inductum est, ut cum de his rebus pössessorio judicio quæritur, laico judici, cum petitorium agitur, ecclesiastico committantur (3).

(1) Alexander III. in c. 21. de *Jurepatr.*, & in ep. ad Epis. Gallie in *append. Concil. Lateran. c. 33. t. 13. col. 626. Collect. Labbæi.*

(2) *Cap. 3. de Jud.*

(3) Consule Barbosam *Jur. Eccles. l. 1. c. 39. n. 161.*, & seq. Thomassinum *Vet. & nov. Eccles. disciplin. par. 2. l. 1. c. 36. n. 13.*, & Benedictum XIV. de *Synod. diocæs. l. 9. c. 9. n. 7.*

§. VI. Eodem loco sunt causæ decimarum; quin imo ecclesiastici judicis est laicos ad earum solutionem cogere (1): sed hæc quoque causæ, cum de possessione controversia est, alicubi vel privilegio, vel consuetudine à laico iudice expendantur. Par est ratio causarum funerarium, in quibus agitur de concedenda, negandaque ecclesiastica sepultura, de ejus electione, de stabiliendo tempore efferendorum, humandorumque cadaverum, de usu crucis parochialis, de tollendis abusibus, qui forte irrepserunt, de juribus funerariis inter ecclesias, & clericos dividendis (2). Quin etiam laici imperio episcopalis fori coguntur ad præstandas oblationes, quæ dari solent, nisi ex sponte offerantur (3).

(1) *Cap. 5. de Decim. Concilium Tridentinum sess. 25. c. 12. de Reform.*

(2) Vetus est regula, ut Ecclesia moderetur, & regat quæ ad fidelium sepulturam pertinent, ejusque legibus designetur locus, in quo illorum cadavera sepelienda sunt. Conter Concilium Bracarense I., quod aliis est II., *can. 18. tom. 6. col. 522. collect. Labbæi*, Arelatense VI. *can. 21. t. 9. col. 321.*, Moguntinum I. in *can. 18. caus. 13. q. 2.*, & Moguntinum II. in *can. 31. & 50. caus. 13. q. 2.*, Agrippinense seu Cotonienae in *can. 28. dist. 1. de consecr.* Item Theodolphum Episcopum Aurelian. in *Capitulare ad sue Parochiæ Sacerdotes c. 9.*, apud Labbæum. *t. 9. col. 186.* Hincmarum Remensem in capitulis, quæ edidit *an. 852. c. 12. apud Lab-*

bæum t. 10. col. 3. ed. Ken. Attonem Vercellensem in capitul. can. c. 23., apud D'Acherium *Spicileg.* t. 8. p. 10 ed. Paris. 1663, Decretalium titulum de Sepulturis, aliaque sexcenta monumenta, ex quibus patet, semper ab Ecclesia de fidelium sepultura leges fuisse constitutas.

(3) Cap. 4^m de Simon.

§. VII. Denique ecclesiastico foro addictæ sunt causæ, quæ clericorum vitam, & instituta respiciunt, itemque causæ de rebus Ecclesiæ alienandis, de ejus immunitate, similibusque juribus, ac privilegiis (1) Jure decretalium etiam profana negotia, quibus jusjurandum adjunctum est, propter religionem, ad ecclesiasticum judicem deferenda sunt (2). Generatim vero non agitur adversus contratum, quem quis jusjurando firmavit, nisi primum ejus laxato vinculo, quod ab Ecclesiastica Potestate justis de causis fieri solet, agendi potestas data sit (3).

(1) Consule Gagliardum *Instit. Jur. canon.* l. 3. tit. 7. n. 31. & seq.

(2) Cap. 13. de Judic., Cap. 3. de For. competen. in 6., Vide Benedictum XIV de *Synod. dioces.* l. 9. c. 9. n. 8.

(3) Vide Gonzalez in cit. Cap. 1. de Jusjur. n. 10. Olim & contractus stipulatio, quæ sæpe coram ecclesiasticis notariis fiebat, plures laicorum lites ad episcopale judicium deferabat. Notariorum episcopalium usus antiquissimus in Ecclesia est, uti patet ex actis Conciliorum, & ostendit Valesius in *Not. ad Socrat. Histor. Eccles.* l. 5. c. 22. p. 251. ed. Taurin. 1747. Confer etiam S. Gregorium M. in *Sacrament. opp.* t. 3. col. 70., & Menardum in *Not.* 300. col. 343. ed. Paris. 1705. In Capitulare Caroli M. an. 805. c. 3. apud Baluzium *Capitular. Reg. Franc.* t. 1. col. 295. ed. Ven. 1772. statutum est, ut unusquisque Episcopus, & Abbas, & singuli Comites suum Notarium habeant; quod etiam cautum est in *Capitular.* l. 6. c. 256. ibi. l. col. 645. Erant autem Episcopales Notarii ex ordine clericorum, quin etiam erant Subdiaconi, Diaconi, Presbyteri, cujus quidem rei multa collegerunt testimonia, & monumenta Thomassinus *Vet. & nov. Eccl. discipl. par.* 1. l. 2. c. 106., & Muratorius *Antiq. Ital. dissert.* 12. Innocentius III. *Ep.* 129. l. 14. t. 2. p. 566. ed. Baluzii 1682. clericos in sacris ordinibus constitutos notarii munus vetuit exercere, quod cum dedecore ordinis ecclesiastici sæculari curiæ servirent, atque in profanis negotiis versarentur. Sed Thomassinus l. c. n. 8. simplicibus clericis numquam notarii officium vetitum fuisse contendit, imo ne ipsis quidem Presbyteris, cum de ecclesiasticis rebus ageretur. Certe in profanis quoque negotiis notarii ecclesiastici, quod plus fidei, & peritiæ haberent, sæpissime adhuc ei solebant; & hic plures causæ, quæ propter rem ipsam, aut personas laici tribunalis propriæ fuissent, à Ju-

dice ecclesiastico cognoscebantur. Synodus Tridentina c. 10. *Sess. 22. de Reform.* cum animadverteret, quod ex notariorum imperitia plurima damna, & multarum occasio litium oriat, statuit, ut "possit Episcopus quoscunque notarios, etiamsi apostolica, imperiali, aut regia auctoritate creati fuerint, etiam tanquam delegatus Sedis Apostolicæ examinatione adhibita, eorum sufficientiam scrutari, illisque non idoneis re-
pertis, aut quodcumque in officio delinquentibus, officii ejus in negotiis, litibus, & causis ecclesiasticis, ac spiritualibus exercendi usum perpetuo, aut ad tempus prohibere, neque eorum appellatio interdictionem Ordinarii suspendat." Quod etiam sancivit Benedictus XIV. *Const. Ad militantis* 48. §. 33. t. 1. ejus *Bullar. p. 84. ed. Roman. seu Ven. 1754.*

§. VIII. Ex his autem, quas descripsi, causis spiritualibus quædam majores, graviioresque sunt, quarum judicio Summo Pontifici servatum est (1). Hujusmodi sunt controversiæ de fide, resque omnes, quæ ad disciplinam, rectamque gubernationem, & statum pertinent Ecclesiæ universæ. Non enim una omnibus fides esse potest sine judicio, & auctoritate ejus, quem Christus unitatis centrum constituit, & à quo disjuncta Ecclesiæ membra copulantur; neque alius cogere omnes potest ad eandem disciplinam, certamque administrationem, nisi qui toti Ecclesiæ præpositus est, & in omnes habet jurisdictionem.

(1) De majoribus quidem causis quæ semper Apostolicæ Sedis judicio reservatæ fuerunt, innumera sunt testimonia, & antiquitatis monumenta. Multa ea de re dixi l. 1. tit. 3. sect. 1. not. 4. p. 172. Addam nunc Petrum Chrysologum Ep. 25. ad *Euthych.* inter *Leonin. t. 1. col. 777. ed. Balerin.*, Julium I. P. Ep. 1. ad *Eusebian.* apud *Constantin. Ep. Pontif. Roman. col. 386.*, Innocentium I. Ep. 30. ad *Concil. Milvitan. n. 2. col. 896. ib. & Ep. 37. ad Felic. Nucern. n. 1. col. 910.*, Sixtum III. Ep. 10. ad tot. *Illyric. Episc. n. 3. ib. col. 1272.*, Vigilium Ep. 7. ad *Aurion. Arelat.* apud *Labbæum t. 5. col. 1300.*, Gelasium in *Conventior. ad Faustum in Elem. Jur. can. P. Amort. t. 1. p. 502. ed. Ferrar. 1763.*, Gregorium M. Ep. 7. l. 3. col. 630. Ep. 54. l. 5. opp. t. 2. col. 784. ed. *Paris. 1705.*, Hilarium Ep. 8. ad *Metr. Gall.* apud *Labbæum t. 5. col. 66.*, Gregorium IV. Ep. ad *Gall. Germ. Episc.* apud *Labbæum t. 9. Concil. col. 682. Ven. ed.*, Avitum Viennensem Ep. 35. in *Biblioth. PP. t. 9. p. 578. ed. Lugdan.*, *Sozomenum Histor. l. 6. c. 22. p. 245. ed. Cantabrig. 1720.* Ejusdem quoque rei in ecclesiastica historia certissima monumenta sunt. Hæc enim spectant, quæ de Irenæo, de Dionysio Alexandrino, de Patribus Concilii Antiocheni, qui propter errores Montani, & Sabellianorum Sedis Apostolicæ judicium postularunt narrat Eusebius *Hir-*

tor. l. 5. c. 3. & 4., & l. 7. c. 5. & 26. p. 213. 324. & 356. ed. Cantabrig. 1720., de proposita ab se contra Arianos legatione ad Damasum P. Basilium Ep. 69. *ad Athanas. Ep. Alex. opp. t. 3. p. 161., & Ep. 70. p. 173. ed. Paris. 1730.,* de Alexandro Episcopo Alexandrino Liberius Ep. 4. *ad Constant. n. 4. apud Constantium col. 426.,* de Gallorum ac Venetentium relationibus ad Silvestrum, deque legato ad semetipsum ex Oriente misso propter hæresim Apollinarii, Damasus Ep. 3. *ad Orient. & Ep. 14. apud eundem Constantium col. 488. & 571.,* de controversiâ Spiritus Sancti Romanæ Ecclesiæ judicio definita Sozomenus *Histor. l. 6. c. 22. p. 245. ed. Cantab. 1720. de Joanne Hierosolymitano, Venerio Mediolanensi, Theophilo Alexandrino, Anastasius Ep. 2. ad Joan. Hierosolym. apud eundem Constantium col. 723., & Hieronymus Ep. 78. ad Pammach. & Marcellam. opp. tom. 1. col. 577. ed. Vallarsii Veron. de causa Pelagii Epistola Concilii Carthaginensis inter epistolas Innocentii I. Ep. 26. apud eundem Constantium col. 871. & Ep. 28. col. 875.,* quæque ipse Innocentius I. scripsit in Ep. 20. *ad Conc. Carthag. col. 888. & Ep. 30. col. 896., & Augustinus Ep. 1. 6. n. 2. opp. t. 2. col. 664. ed. Maurin. Ven. 1719., et Serm. 131. c. 10. t. 5. par. 1. col. 645. ubi ea de re dicit hæc: "Jam enim de ea causa duo concilia missa sunt ad Sedem Apostolicam, unde etiam rescripta venerunt: causa finita est; utinam aliquando finiatur error."* Similiter orta hæresi Nestorii Cyrillus Alexandrinus epistolam, quæ extat apud Constantium col. 1086., ad Cælestinum Pontificem misit, quod "longa Ecclesiarum consuetudo suadet, ut hujusmodi res cum Sanctitate tua communicentur;" in questione Monachorum Scytarum litteras ad Hormisdam dedit Justinianus Imperator apud Labbæum *Collect. concil. t. 5. col. 649.:* de orta propter libros Fausti controversia ad eundem Hormisdam Possessor Episcopus Africanus *l. c. col. 661.;* Cæsarius Arelatensis propter eosdem libros ad Felicem IV., ad quem missa legatio est, & ejus successor ea, quæ synodo statuta fuerant, confirmavit *cit. t. 5. concil. col. 809. Confer etiam Justinianum Imp. Ep. ad Joann. II. P., & ipsius Joannis ad eundem Justinianum Ep. 2. t. 5. concil. col. 888. & 890. Collect. Labbæi ed. Ven. & Constantinum Pogonatium Imp. Epist. ad Leonem II. apud Labbæum t. 7. conc. col. 1142. Mitto cetera, ne longus sim; cum præsertim multa, eaque præciara testimonia de Sedis Apostolicæ decisionibus in rebus fidei, ac disciplina collegerit Cl. Mamachi *ad Auctorem op. Quid est Papa? Ep. 3. t. 1. p. 237. seq. Tantum addam litteras, quas ad Innocentium X. P. dedit Clerus Gallicanus, ut de Jansenii propositionibus claram, certamque sententiam ferret, caliginem omnem, ut ipsi inquirunt, "discuteret, animos fluctuantes componeret, dissidia prohiberet, Ecclesiæ tranquillitatem, splendoremque restitueret."* Extant hæ litteræ in opere, cui titulus *Histoire des cinq propositions de Jansenius t. 3. Recueil des pieces p. 64. Trevoux 1701.,* atque ita exordiantur: "majores causas ad sedem Apostolicam referre solennis Ecclesiæ mos est, quam fides Petri nunquam deficiens perpetuo retineri pro jure suo postulat. Aequissimæ huic legi obsequentes de gravissimo circa Religionem negotio Sanctitati tuæ scribendum esse censuimus."*

Ad majores causas, quæ Sedi Apostolicæ reservatæ sunt, pertinent etiam confirmatio Ordinum Regularium, de qua late disserit Mamachius *l. c. §. 14. p. 272. seq.*, eorumque exemptio de qua egi *l. 2. t. 10. §. 3. not. 1. 4. & 5. p. 365. & 366.* Sanctorum canonizatio, de qua agit Mamachius *l. c. §. 13. p. 264. seq.*, ipseque etiam disserui *l. 1. tit. 3. Sect. 1. §. 16. p. 166.*, legem ecclesiasticarum relaxatio, de qua dictum est *cit. §. 15. p. 160.*, & disputat Ballerinius *de Potest. ecc. Sum. Pontif. c. 3. §. 2. p. 42. ed. Augst. Vindel. 1770.*, novarum Ecclesiarum cathedralium erectiones, & antiquarum uniones, ac divisiones, quarum, ne sim nimius, testimonia non colligam. Satis erit indicare Thomassinum *Ver. & nov. Eccles. disciplin. t. 2. p. 2. l. 1. c. 39. & 45. 54. & 58.*, Zaccariam *Anti-Febron. t. 3. par. 2. l. 1. c. 7.*, Mamachium *l. c. Ep. 3. §. 7. p. 208. seq.*, à quibus luculentissima harum rerum testimonia collecta sunt. Aptè, & egregie S. Bernardus *Ep. 131. opp. t. 1. p. 116. ed. Ven. 17. 1. "Ple-*
nitudo siquidem potestatis super universas Orbis Ecclesias singulæ
prærogativa Apostolicæ Sedi donata est. Qui igitur hac potestati re-
sisit, Dei ordinationi resistit. Potest si utile judicaverit, novos ordina-
re Episcopatus, ubi hactenus non fuerunt. Potest inter eos, qui sunt,
alios deprimere, alios sublimare, prout ratio sibi dictaverit, ita ut
de Episcopis, creare Archiepiscopos liceat, & è converso, si necesse
visam fuerit." Confer etiam quæ a me dicta sunt *l. 1. t. 3. sect. 1. p. 174.*
seq., ubi cuncta exposui, quæ Summo Pontifici ex suprema ejus potestate reservata sunt. Late quoque de maj. bus causis agit Altaseria *de*
Jurisdic. l. 10. per tot., & David *des Jugemens canoniques chap. 15. art. 3.*

§. IX. Causæ vero temporales, & profanæ ad ecclesiasticum forum pertinent, cum clericus in jus vocatur, quoniam actor rei forum sequi debet (1). Quare in his controversiis si clericus actor est adversus laicum, judex item laicus eligendus est, nisi forte aliud ferat locorum consuetudo (2); contra si clericus à laico in judicium dicitur, totum judicium ab ecclesiastico conficiendum est. Quod fori privilegium ita adheret personis clericorum, ut eo ne volentes quidem ipsi abdicare se possint (3).

(1) *L. 3. Col. Ubi in rem actio, L. 2. Col. de Jurisdict. c. 5. et 8. de For. competen.* Est hæc vetus quidem Ecclesiæ regula; ac recte Ambrosius in *Actis Concilii Aquilejensis opp. Ambros. t. 5. p. 511. ed. Vin. 1781.* "Sacerdotes, inquit, de laicis judicare debent, non laici de Sacerdotibus. Et paulo post: erubescamus, ut videatur, qui a erdosi in sibi indicant, à laicis esse damnatus; ac per hoc quoque, & in h. c. i. so, laici mandis est, qui clericum exsecrat sententiam, cum magis de laicis, quàm de clericis debeant judicare." Quod quidem et illis damnatus est Palladius Episcopus, qui laicorum judicium postulabat. Videandi sunt

etiam Athanasius *Histor. Arian. ad Monach. n. 52. opp. t. 1. p. 297. ed. Patav. 1777.*, Hilarius l. 1. *ad Constant. n. 1. et Contr. Constant. n. 16. t. 1. col. 555. et 575. ed. Veron. 1730.*, Lucifer Calaritanus *pro Athanas. l. 1. p. 61. ed. Ven. 1778.* Concilium Milevitanum *can. 19. t. 3. col. 385. collect.* Labbæi, suo etiam honore privat clericos, qui à Principe petierint, ut sibi in aliqua causa sæculare iudices attribuat. Atque hic quidem verus, & germanus esse videtur sensus *can. 11. et 12. Concilii Antiocheni l. 1. t. 2. col. 50. cit. collect.* quem Canonem Antonius Augustinus *de emend. Gratian. l. 1. dial. 11. opp. t. 3. p. 64, ed. Lucæ, & Baronius ad an. 341. n. 28. t. 4. p. 374. ed. Lucæ* minus recte putant ab Arianis editum contra S. Athanasium, & eundem esse canorem, quem Chrysostomo ejus adversarii objecerunt, quemque ipse, ejusque defensores consequenti ætate rejecerunt. Quod recte ostendit Emmanuel Schelestratus *de Conc. Antioch. p. 541.*, qui late demonstrat, longe alium esse arianum canonem contra Athanasium conditam, ac postea Chrysostomo objectum, & hunc Antiochenum canonem plane consentaneum esse receptæ antiquæ Ecclesiæ disciplinæ. Neque solum cum inter clericos controversiæ fervebat, sed etiam cum inter clericum, & laicum his erat, clericus non nisi ad ecclesiasticum iudicem vocari debebat. Concilium Atheniense *can. 32. t. 5. col. 526. cit. collect.* Multa ea de re sunt in *Capitularibus Regum Francorum* apud Baluzium *Capitular. Caroli M. l. 5. c. 376. & c. 390. & l. 6. c. 156. l. 7. c. 19. t. 1. col. 604, 606, 634, 702, ed. Ven. 1772.*, & multa etiam apud Herardum *in capitulis c. 7. & 8. apud Labbæum t. 10. col. 61.*, itemque apud Hincmarum Remensem, qui peculiarem ea de re tractatum edidit, quem misit ad Carolum Calvum, & quo demonstravit, nemini licere ad laicum iudicem clericum vocare. Hic tractatus extat *t. 2. ejus opp. p. 316. ed. Sirmondi Paris 1745.*, ex eoque patet, eam semper fuisse & antiquæ, & recentioris Ecclesiæ disciplinam, ut nullus clericus ad laicum iudicem duceretur. Late hoc argumentum persecutus sum *tit. 1. hujus libri.*

(2) Vile Benedictum XIV. *inst. eccles. inst. 40.*

(3) Justiniani constitutione in *L. 50. cod. de Episc. & cleric.* poterat clericus in contrahendo instrumento pacisci non usum se fori præscriptione ob regulam juris antiqui omnes licentiam habere his, quæ pro se indulta sunt, renuntiare; unde et mulier Vellejano *L. ult. § 1. ff. et l. 21. cod. ad Vellejan.*, & Princeps, qui s. iustus est legibus *L. 31. ff. de leg. 1. l. 4. cod. ad l. Falch. §. ult. Inst. Quib. mod. testam. Verum Innocentius III. rescripto in c. 12. de For. compet. prohibentur clerici privilegio fori renuntiare, quod sapientissime constitutum est, ut Ordinis dignitati consisteretur. Non enim fori privilegium peculiare privilegium est, quod privatam attingit personam unius, alteriusve clerici, sed ad commodum, decusque pertinet ordinis ecclesiastici universi. Potest sine ulla quisque pacisci contra jus peculiare, quod privatam personam respicit, eam renuntiare *c. 6. et 15. de Privileg. c. 16. et 23. de Regular.*, ut optime distinguit Innocentius III. in *tit. c. 12.*, atque ita intelligenda es Justiniani cons-*

titutio in l. 20. col. de Pactis. Verum fori privilegium non peculiare ac privatum est, sed ad totum, pertinet ordinem clericorum, ideoque clericus ei renuntiare non potest in perniciem juris ecclesiastici; ut inquit Honorius III. cap. 4. de Julic. apud Cironium V. *Compilat. pag. 97. edit. Vindob. 1761.* "Ecclesiasticæ personæ non solum invitzæ, sed etiam voluntariæ non possunt, ut iudicium subeant sæculare, patet, cum non sit personale hoc beneficium, cui renuntiare valcat, sed indultum potius toti collegio ecclesiastico, cui privatorum pacto derogari non potest." Sane quemadmodum laicorum iudicia, foriunque publicum turbare vetat Ecclesia, ita forum suum turbare non sinit; & hoc non est contra legem agere, sed legi *facere subsidium*, uti dicitur in c. 2. de Privilegiis. Late Innocentii rescriptum contra Cujacium tuentur Chronius in *Decretal. paratit. de Pactis*, & Gonzalez in cit. c. 12. de For. compet., & contra Fevretium Altaserre de *Jurisdic. eccl. l. 3. c. 4.*

§. X. Ex causis clericorum quædam sunt majores, quæ ad Episcopos pertinent, & hæ Summi Pontificis iudicio reservatæ sunt. Non enim decet, ab inferioribus clericis iudicari graviora negotia Episcoporum, quorum tanta, ac tam præclara dignitas est. Lex quidem Ecclesiæ supra Episcopos posuit Metropolitæ, & Patriarchas; sed ea nihil detraxit de jure, & potestate Summi Pontificis, quem unum lex Christi Episcopis superiorem fecit (1). Quare suo jure, & omnino ex potestate divinitus in Episcopos accepta Romani Pontifices eorum sibi causas reservarunt; & hæc sane antiquissima est, ac perpetua Patrum traditione firmata Ecclesiæ consuetudo. Sunt autem majores hæc causæ confirmationes (2), translationes (3), depositiones (4), restitutiones (5), resignationes (6), Episcoporum.

(1) Agam de re litijs in tit. de Appellationibus §. XVIII. ad fin.

(2) Episcoporum electiones semper confirmari consueverunt à Summis Pontificibus, qui illi præstabant aut electi consecratione, aut consensu ante, vel post consecrationem dato. Hoc tamen inter Orientem, & occidentem disrimen fuisse observat P. Blanchus t. 5. par. 1. l. 3. c. 4. §. 4. p. 513., quod in Oriente id fieri sinebant à Patriarchis, quos tamen ipsi Pontifices confirmabant, adeo ut, qui ab his confirmatus non esset, verus Patriarcha, non haberetur. Id præter ex his, quæ gesta sunt à Theodosio M., qui ad Damasum legationem misit, et Nestor ab Episcopis Constantinopolitanis ab eo confirmaretur, cuius rescriptum testimonium est in Ep. 15., S. Bonifacii ad Romanos apud Constantium ed. 1643.; item ex actis S. Leonis, qui A. 451. in Constantinopolitana, Proterium Alexandrinum, Maximum Antiocheum Patriarchas

confirmavit Leo M. Ep. 69, 70, 104, 127, 129, 130, ad Theodos. et Pachei. of p. t. 1. col. 1005, 1009, 1151, 1247, 1254, 1256, ed. Dallerin. Ven., & Concilium Chalcedonense Act. 10. t. 2. (n. 1. col. 599. collect. Labbæi. Simplicius Joannem Alexandrinum, & Crædionem Antiochenum Patriarchas confirmavit, ut constat ex ejus Ep. 16. ad Acaciam: et Ep. 17. t. 5. Conc. col. 112 et 113. collect. Labbæi, Flavita Constantinopolitanus non consensit sine Romano Episcopo nec mizeri, ut testantur Liberatus de Breviar. c. 18. p. 127. ed. Ganner. Paris. 1675., & Felix P. Ep. 13. t. 5. Conc. col. 210. collect. Labbæi. Ipse Felix Euphemium Orthodoxum agnovit, sed eum Episcopum haberi noluit, nisi primum ab se confirmatus fuisset, uti narrant Theophanes Chronograph. p. 116. ed. Paris 1655., & Nicephorus Calixtus Histor. l. 16. c. 19. p. 685. t. 2. ed. Paris. 1630, idque etiam educitur ex Felicis Ep. 14. ad Thabassium Archimandr. t. 5. Conc. col. 213. collect. Labbæi. Huc etiam refer quod de Agapito P. meioræ prodidit Liberatus Breviar. c. 21. p. 147. cit. ed. Paris. 1675., quodque Joanne Philadelphensi scribit Martinus I. Ep. 5. t. 7. Conc. col. 22. collect. Labbæi. Ipse Michael Roussellus, qui certe nimis in Sedem Apostolicam studii suspectus haberi non potest, potestatem hanc Summi Pontificis agnoscit; imo Histor. Pontif. jurid. t. 2. n. 12. scribit hæc: "Quod si non sæpius, aut absolutius hanc prærogativam exercuit (Papa), tribendum est illius modestiæ, qui non putavit summam suam potestate utendum, nisi ubi necessitas exigeret." Alia ex Oriente exempla c. liegerunt Hallier de Sac. elect. et ord. par. 3. sect. 5. c. 4. art. 3. p. 60. ed. Rom. 1741., & P. Bianchius cit. t. 5. par. 1. p. 513, et 518. In Occidente vero non tantum Primatus, sed etiam Patriarchatus jure Episcoporum ordinationes, quæ olim confirmationis loco erant, semper à Sede Apostolica fieri consueverunt. Celebre in primis est ea de re testimonium Innocentii I. Ep. 25. ad Decent. Eugulin. apud Constantinum col. 856. Si quando ab aliis Episcopis in Occidente absolutæ sunt Episcoporum ordinationes, id cum venia, & auctoritate Sedis Apostolicæ factum est. Ita Metropolitæ Aquilejensi, & Mediolanensi, quod ob difficultatem itineris incommodum esset, eis ad Apostolicam ordinari, permissum est, ut ipsi sese invicem ordinarent Pelagius I. in Fragm. Ep. ad Joannem Patricium in tom. 6. concil. Labbæi col. 482. ed. Venet. Quod adeo verum est, ut in his quoque Ecclesiis Romani Pontifices jus solum agnoverint, & Gregorius M., ut patet ex Ep. 30. l. 3. pp. t. 2. col. 646. ed. Paris. 1705., Joannem Subdiaconum Legatum misit, ut Mediolanensis Episcopi electioni præesset, & notæ, inquit, auctoritatis assensu à propriis Episcopis facias consecrare. Similiter Ecclesia Ravennatis, quæ V. sæculo à Summo Pontifice Metropolis est constituta, illius ordinationi subieciatur, uti colligitur ex Joanne Ravennæ Episc. in Ep. ad Gregorium M. l. 3. pp. 57. col. 670. cit. ed., & Agelcho in Vit. Mariniani par. 2. p. 201., & in Vit. Theod. p. 319. pa. 2. ed. Martini, quem in eodem Bachchini notæ videndæ sunt. Episcopi etiam ordinationes, quæ à Ravennatensi Metropoli tenebant, judicio Sedis Apostolicæ subiectas fuisse, constat ex Simplicio Ep. 2. ad Joannem Ravenn. l. 5. concil.

col. 95. collect. Lalbæi. In aliis quoque provinciis jus idem fuisse, ut Epi caporum ordinationes à Sedis Apostolicæ auctoritate penderent constat ex Venerabilis Apostolicis Thessalonicensibus per Illyriam, itemque ex iisdem vicariis in Gallis, & in Anglia constitutis. Confer Sicici *Ep. 4. ad Apyl. in Thessalon.* apud Constantium c. 642., atque, ut mittam Innocentii I., Bonifacii, Sixti, Cælestini litteras, Leonem M. *Ep. 5. c. 2. col. 61. & Ep. 6. c. 2. col. 61. opp. t. 1. ed. Ballesin.*, Bedam *Histor. Anglic. l. 2. c. 18. opp. t. 3. p. 67. ed. Basileæ 1563.* Idem in Africa jus fuisse, docet Sicici *Ep. 5. ad Ep. Afric.* apud Constantium col. 651., in quam epistolam videndus est ipse Constantius, & videnda in primis sunt quæ graviter, & præsertim animadvertit Cl. Zaccaria *Anti-Feltron. par. 2. l. 1. c. 4. n. 13.* Ipse de Marca *Cap. ord. sacerdot. & imper. l. 1. c. 7. §. 1. 3. & 7.* defendit, ordinationes Episcoporum, causasque majores ad jus Patriarchicum pertinere: Ideo.ve ejus etiam concessu omnia hæc uni Pontifici in Occidente ad cribi debeat. Vide Blascum de *Collect. Isidor. c. 9. §. 1.*, Zaccariam *l. c. c. 3.*, & Catlium *des Diviso metropolitico opp. t. 15. p. 272. ed. Mediolani 1786.*

(3) Consultæ præ supra dixi *l. 1. t. 3. sect. 1. §. XVIII. not. 2. p. 176.* & vide etiam Blascum *l. c. 10. §. 1.*, Blanchium *t. 5. par. 1. c. 4. §. 1. p. 390. seq.*, & Cl. Mamachium *ad Anac. opp. Quid est Papa? Ep. 3. t. 1. p. 212. seq.*

(4) De Episcoporum depositionibus item egi *citat. Sect. 1. §. XVIII. not. 4. p. 164. 77. & 178.* Adde Mamachium *l. c. p. 12. seq.* De Episcoporum translationibus, renunciationibus, depositionibus, electionibus, electionum confirmationibus celebris est Innocentii III. decretalis in *cap. 2. de Translat.*, quam recte explicat, & tractat Carolus Blascus de *Collect. Isidor. Mercator. c. 10. §. 2. not. 1. p. 120.*, & Blanchius *l. c. n. 4. p. 390. & seq.*

(5) De restitutionibus quoque Episcoporum actum est *cit. §. XVIII. not. 5. p. 178. ad p. 180.* Videndus est etiam Manachius *l. c. p. 218. seq.*

(6) Renuntiationum, quæ ab Episcopis non nisi cum venia, & auctoritate Sedis Apostolicæ factæ sunt, exempla extant apud Leonem M. *Ep. 167. ad Rustic. Narbon. col. 1417. t. 1. ed. Ballesin.*, Gregorium M. *l. 11. Ep. 47.*, & *l. 13. Ep. 5. & 6. opp. t. 2. ed. 1135. t. 17. 1218. ed. Paris. 1705.*, Joannem Diaconum in *Vit. Gregor. l. 2. c. 39. opp. S. Greg. t. 4. col. 151. cit. ed. Mann. Paris.* Mitto cetera, quæ referunt Zaccaria *Anti-Feltron. par. 2. l. 1. c. 5. §. 13. p. 28. seq.*, Blanchius *par. 1. t. 1. §. 1. 3. c. 4. §. 2. n. 6. & seq. p. 462. seq.*, Manachius *l. c. p. 224. & seq.* Atque hæc quidem omnia falsis Isidori decreta libere notant, & adnotant, se deglensos præbeant Febronius, Eybelius, ceteri similes, qui hanc Pontifici in potestatem reperiunt a falsis decretalibus, quæ multo post in manus hominum pervenerunt, Confer etiam Blascum *l. cit. c. 10. §. 2. p. 149.*

§. XI. Decretalium jure etiam viduæ, pupilli, ceteræque

miserabiles personæ ad ecclesiasticum judicem vocandæ sunt (1); quoniam iis opitulari ab ipsis Ecclesiæ incunabilis non ultimum fuisse constat munus, & curam Episcoporum (2). Quin etiam civiles leges laicorum controversias ecclesiastico judici committunt, non solum cum duo litigantes consentiunt (3), sed etiam cum eorum alter dissentit (4).

(1) *Cap. 26. de Verb. s. signific. & cap. 15. de For. competen.*

(2) *Can. 1. & 2. dist. 87.* Dicitur hi canones, qui certe antiquissimi sunt, & antiquam exhibent Ecclesiæ disciplinam, inscriptum habent nomen Gelasii Pontificis; sed quidam sunt, qui eos ipsi adscribendæ negant. Verum, ut recte observat *Cirillus Sebastianus Berardus Gerviani canon. genuini par. 2. c. 46.*, stylus à Gelasio non dissentit, imò & sententia rescripti generalis est Gelasii sententiis consentanea est. Nam his canonibus constituitur, ut Episcopi viduarum, ac pupillarum præsertim tuitionem habeant; at vero similia prorsus extant in Gelasii *Ep. 10. ad Ep. Sicil.* apud Labbæum *t. 5. conc. col. 311. ed. Ven.* Ibidem disciplina recepta, ac promulgata est in Concilio Aurelianensi *l. can. 16. in l. col. 59*, ac passim à Gregorio M. præsertim *Ep. 13. & 59. l. 1. opp. t. 2. col. 499. & 546. opp. t. 2. ed. Paris. 1705.* Consentit Concilium Matisconense *l. can. 12. col. 677. t. 6. collect. Laboëi.* Neque vero hi canones ita explicandi, intelligentique sunt, quasi significant meram tuitionem, ac patrocinium viduarum, & pupillarum, quod in primis Episcopis commissum, & commendatum est. Nam Matisconenses Patres, non rogant, sed lata lege, quæ omnes obstringi volunt, constituunt, ut sæculares iudices viduas, & pupillos sine Episcopi venia non conveniant, & Episcopo absente ab Archiepiscopis, vel Presbytero terminos præfiniri volunt ad illorum causas definiendas, pœnamque addunt anathematis adversus iudices, qui hæc Concilii legi non obtemperaverint. Sunt hæc veri iudicii, & jurisdictionis propria, non meri patrocinii, ac tuitionis.

(3) *L. 8. & 9. cod. l. Episcopali. auclent.*

(4) *Extravag. l. de Episcopali. jectis. in appenlic. col. Theoriam t. 6. p. 339 et. Liprie 1743.* de qua quidem Constantini lege satis supra dictum est *l. 3. tit. 1. §. 22. in l. 4. p. 27.* Atque hæc quidem factus ab utroque jure laicis concessa deferendi suas causas remordes ad Episcopum iudicium in exitu sæculi XIII., seu potius initio XIV. sæcula tecta servabatur. Scribit enim Moyerus *Annal. Flambie l. 10.*, à Synodo provinciali, quam habuit an. 1301. Remensis Archiepiscopus apud Compendiam, anathematis pœnam indictam fuisse adversus laicos Magistratus, "quod non putiebantur, ut laici in foro ecclesiastico convenirentur;" atque id revera colligitur ex ipsius concilii actis apud Labbæum *in collect. concilior. t. 14. col. 1344.*

§. XII. Sed non est satis considerare, quæ sit natura causæ, de qua quæritur; & qui status personæ, quæ in jus

vocatur, ut constet, num à laico, an potius ab ecclesiastico iudice negotium agendum sit. Non enim omnis ecclesiasticus, aut laicus iudex assumi sine delectu potest, sed illud præterea requiritur, ut proprius iudex sit, qui videlicet in reum habeat jurisdictionem. Nam reus invitus in iudicium rapitur, & ideo necesse est eum vocare ad iudicem, cui jus est, ejus vocandi, & cogendi.

§. XIII. Reus autem sive in ecclesiasticis, sive in civilibus judiciis ex quatuor præsertim causis apud certum iudicem forum habet, nimirum ex domicilio, ex contractu, ex resita, ex delicto (1). Domicilium si cum naturali origine conjunctum non sit, tale esse debet, ut manifesto constet, illud certo in loco fuisse constitutum. Nam sola habitatio non est satis, ut domicilii jura acquirantur; sed præterea requiritur, quod quis in certo loco per decennium commoratus sedem posuerit (2), aut ibi fixerit, & locaverit, numquam inde discedendi animo, lares, & summam fortunarum (3). Præter hoc cujusque proprium domicilium, Jus Romanum aliud etiam agnoscit commune omnibus, idque ipsa Roma erat (4). Quare unusquisque ibi repertus conveniri poterat, nisi jus revocandi domum haberet (5). Simili modo clerici Romæ reperti, nisi ad eam venerint ex justa, & necessaria causa, propter quam revocandi domum jus habeant, iudicio vocati respondere coguntur, quoniam communis omnium clericorum patria Roma est (6).

(1) *Cap. ult. de For. competen.*

(2) *L. 2. cód. de Incolis lib. 10.*

(3) *L. 7. eod. eod.* Quod si quis plura in diversis diocesisibus habeat domicilia, apud unum ex his quemlibet Ordinarium recte in jus vocabitur *L. 29. ff. ad Municip. cap. 15. de For. competen.* Ac "sola domus possessio, quæ in aliena civitate comparatur, domicilium" non facit, ut tradit Papinianus in *L. 17. §. 13. ff. Ad Municipal.*

(4) *L. 33. ff. Ad Municipal.*

(5) *L. 2. §. 2. ff. de Judic.*

(6) *Cap. ult. de For. competen.*

§. XIV. Altera causa, propter quam aliquis certum habet forum, & iudicem, est contractus. Nam ubi quis contraxit, ibi actione in personam reus præsens convenitur (1). Si formula contractus locum non expressit, quo solvenda

pecunia est, is locus intelligitur, in quo res gesta est (2); si expressit, in eo loco; qui designatus est, iudicium agere oportet (3). Quod si is, qui certo loco solvere promisit, ad locum non accedat, quod vel data opera facit, vel quod alibi necessario detinetur, composita est in eam rem utilis actio de eo, quod certo loco (4); qua actione actor, cui quid certo loco promissum est, nec tamen datum, alio etiam loco iudicium exercet (5); modo idoneus, & legitimus locus sit, is videlicet, in quo non aliq. designato loco, reus aut contractus, aut domicilii causa conveniri debuisset (6).

(1) L. 19. §. 1., L. 20. & 45. ff. de Judic., cap. 1. §. 3. de For. competen. in 6.

(2) Cit. L. 19. §. 1., & L. 45. ff. de Judic.

(3) L. 3. ff. de Bri. auctor. jul. possid., L. 19. §. ult., & L. 20. ff. de Judic., L. 20. ff. de Act. & oblig.

(4) L. 1. ff. de eo quod cert. loc.

(5) Confer titulum Pandectarum de eo quod cert. loc.

(6) In hanc sententiam scripta est L. 19. ff. de Judic., atque in hanc eandem sententiam actionem de eo, quod certo loco, Jus Canonicum recepit cap. 17. de For. competen.

§. XV. Delicti causa ubi quis deliquit, ibi iudicio in personam convenitur. Nam ubi crimen est patratum, ibi facilius est probationum copia, & majus expensarum compendium; præterea curandum est, ut reus prosit exemplo poenæ, ubi obfuit exemplo delicti (1). Quod si reus à loco delicti absit, etiam ubi reperitur ea de re queri potest (2); nisi magistratus loci patrati criminis reum ad se mitti petat, ut in loco delicti meritis plectatur poenis (3). Verum in hoc toto negotio servare oportet locorum consuetudines, & pacta conventa inter supremos Principes; quandoquidem scitum est, neminem extra suum territorium jurisdictionem exercere sive in suos, sive in alienos posse (4).

(1) L. 7 & 22. ff. de Accusat., L. 1. Col. Ubi de crim. ager. oport. L. 1. Cod. Ubi Senator., cap. 14. de For. competen. Vide etiam S. Cyprianum ep. 59. p. 266. ed. Amstelædami 1700.

(2) L. 1. Cod. Ubi de crimin.

(3) L. 7. & 11. ff. de custod. & exhibit. reor., Novell. 134. c. 2., cap. 1. de Raptor., can. 4. & 5. caus. 6. q. 3. In eandem sententiam est, can. 1.

caus. 3. q. 6., quem canonem Gratianus eduxit ex epistola S. Fabiani Pontificis, hoc est, ex falsis decretalibus Isidori Mercatoris.

(4) *Cap. 2. de Constit. in 6.*

§. XVI. Locus quoque in quo res, de qua quæritur, sita est, proprium judicem facit. Nam ibi in rem actio adversus possidentem instituitur, quasi actio rem ipsam persequi videatur (1). Neque refert, immobilis ne, an mobilis res controversa sit; quin etiam si possessor absit, actio intenditur (2). Num autem necessarium omnino sit actione in rem cum reo agere in loco, in quo sita res est, an etiam actori liceat exercere judicium in loco domicilii, vetus disputatio est. Sed hoc posterius fori usus recepisse videtur (3). Jure canonico etiam propter beneficium, veluti propter rem sitam, competens forum evadit (4); ideoque in causis beneficiariis recte clerici ad Episcopum beneficii vocantur.

(1) *L. 3. Cod. Ubi in rem actio, cap. 3. de For. competen.*

(2) *L. 2. Cod. Ubi in rem actio.*

(3) *Consule Hotomanum l. 3. Observ. 3., Duarenum ad tit. de Jud. Cod. de For. compet. Donellum de Jurisd. civil. l. 17. c. 17. opp. t. 4. p. 1275. ed. Luca, Vinnium Select. jur. q. l. 1. c. 18.*

(4) *Cap. 3. de Tempor. ordinat. in 6.*

§. XVII. Sunt etiam alii modi, quibus forum competens, & proprium efficitur; quales præcipui sunt privilegium, contentia causæ, & consensus litigantium. Porro jure Romano pupillis, viduis, & ceteris miserabilibus personis electio concessa est (1). Similiter jure Decretalium, monachi, regulares (2), ecclesiæ multæ, & multa item capitula canonicorum, Sedis Apostolicæ privilegiis vel omnino, vel ex parte ab Episcoporum jurisdictione subtracta sunt. Itaque horum causæ aut à Sede Apostolica, aut ab eo Judice, cui sunt addictæ, cognoscuntur. Nec prætereunda peculiaria quorundam privilegia, qualia sunt illa concessa certis corporibus, atque collegiis, pluribusque gymnasiis, & academiis, quibus qui addicti sunt, hi proprium habent judicem, ad quem tantum vocantur (3).

(1) *L. un cod. Quando Imperator.*

Tom. III.

G

(2) Consule Fagnanum in *cap. Cum dilectus* 8. de *Relig. domib. n. 17. & in cap. Taurum* n. 18. de *Privileg.*, ubi etiam describitur celebris Sixti IV. Constitutio, quam *Mare magnum* appellant. Ceterum de Regularium exemptione late dis-erui *l. . . tit. 10. §. 3. p. 364.*, & in *Not. p. 365. & seq.* Sed præter auctores eo loco indicatos, vide etiam Gegliardum *Instit. Canon. l. 3. tit. 12 §. 19. & seq.*, ubi harum exemptionum multa habes antiqua monumenta, quæ à Natali Alexandro, Ughelio, Mabillonio, Muratorio, aliisque viris doctis collecta sunt. Nè vixime de Regularium exemptione graviter, solideque disseruit Emmanuel Ituriaga Auctor *epistolæ e-litæ Assissii an. 1785. Su l'esenzione d'Regolari dalla giurisdizione de' Vescovi, è su le cause matrimoniali.*

(3) Late, ac diligenter de hoc privilegio, quo Academicæ fruuntur, disputat Scipio Gentilis de *Jurisd. l. 3. c. 17. opp. t. 3. p. 276. ed. Neapol. 1764.*

§. XVIII. Etiam continentia causæ facit, ut iudex, qui competens non esset, competens evadat; nimirum si quæstio princeps in cursu iudicii incidentem quæstionem habeat, cujus illi cognitio directo commissæ non erat. Tunc enim Iudex utramque controversiam noscit, ne res inter se nexæ, & jugatæ dividantur (1). Hinc Decretales foro ecclesiastico addicunt causas de dote, deque alimentis præstandis, quæ matrimonialibus incidunt (2).

(1) *L. 10. Cod. de Jud.*

(2) *Cap. 3. de Donation. int. vir. & uxor.*

§. XIX. Denique litigantium consensu jurisdictio proferatur, sive, ut dici solet, prorogatur, & tunc alius iudex, quam cujus notio est litigantium voluntate proprius, & competens evadit (1). Licet enim jure Romano litigantibus in alienum iudicem consentire, dummodo ipse jurisditionem habeat (2); nam quæ in privatis viris nulla est, jurisdictio prorogari non potest (3). Clerici cum Episcopi consensu, in alienum iudicem ecclesiasticum recte consentiunt (4), in laicum vero consentire nulla ratione possunt (5).

(1) *L. 1. Cod. de J. vind.* Verum si prius quam adiretur alienus iudex, mutata voluntas fuerit, procul dubio nemo compellitur huic conventioni stare, inquit Africanus *L. 56. ff. de Jurisd.*

(2) *L. 1. & 2. ff. de Jud.*

(3) *L. 3. Cod. de Jurisd.*

(4) *Cap. 18. de For. competen.*

(5) *Cap. 12. eod.* Hanc Innocentii III. constitutionem minus vere, minusque recte, uti supra animadverti §. IX. *Not. 3.*, reprehendit Cujacius, quem præter Cironium, aliosque ibi laudatos, solide etiam, graviterque refellit Carolus Gagliardus *Instit. Canonic. l. 3. tit. 10. §. 5. & seq.*

TITULUS V.

De libelli oblatione, deque in jus vocando.

- | | |
|---|---|
| I. Libellus quid? | IX. Citatio. |
| II. Accusatorius, vel conventio-
nalis. | X. Judicium à citatione inchoan-
dum. |
| III. Quomodo jus actoris libello
exprimendum? | XI. Ea vel realis, vel verbalis est. |
| IV. Quid libello comprehendend-
um? | XII. Citatio verbalis vel simplex,
vel peremptoria. |
| V. Quibus modis plus petatur? | XIII. Quomodo citatio reo signifi-
canda? |
| VI. Poenæ adversus plus petentes
constitutæ. | XIV. Citatio in alieno territorio,
ejusque in actis relatio. |
| VII. Emendatio, & mutatio li-
belli. | XV. ad XIX. Quæ in citatione ob-
servanda? |
| VIII. Quid in jus vocatio, & quem-
admodum faciendâ? | XX. Effectus citationis. |

§. I.

Posteaquam consideravit actor, quis proprius & competens judex sit, in *judicio postulationem deponit* (1), hoc est apud acta deponit libellum, quo actio continetur (2). Actio est jus persequendi in judicio, quod sibi debetur (3); brevis scriptura, qua hæc actio, & actoris petitio clare, & distincte proponitur, libellus appellatur (4). Reo post libelli oblationem dantur viginti dierum induciæ, ut deliberet, cedat ne, an resistat, pareat ne judici, an eum recuset (5).

(1) Ita loquitur Honorius *L. 3. Cod. de Præscript. 30. ann.*, & Justinianus *L. ult. Cod. eod.*

(2) *Novell. 53. c. 3.*

(3) *L. 50. ff. de Act., & princip. Instit. de Action.*

(4) Multa libellorum genera habes apud Brissonium *de Verb. signific.*

De S. Cyrillo Hierosolymitano Episcopo, qui à Seleucensi concilio depo-

situs fuerat, narrat Socrates *Histor. l. 2. c. 40. p. 154. ed. Valesii Cantabrig.* 1720. ; eum libello provocasse, præterea Sylvanum Troadis Episcopum supplicantium libellos accepisse, eisque judicem dedisse, scribit idem Socrates *l. 7. c. 37. p. 388.* Unde intelligimus, ea jam ætate in ecclesiasticis judiciis adhibitæ fuisse solemnitates, quæ in civilibus adhibebantur.

(5) *Novell. 53. c. 3.*, quam refert Gratianus *can. 4. c. 3. qu. 3 §. Offeratur.* Consule Cujacium *in eund. Novel. 53. opp. t. 2. col. 961. & 962. ed. cit.*

§. II. Libellus vel conventionalis, vel accusatorius est. Conventionali utimur in civilibus negotiis, accusatorio in causis criminalibus, cum reum criminis apud judicem accusamus. Clarus, & obscuritatis expert libellus uterque esse debet, quodque petitur perspicue significandum est (1). Non enim subobscuri libello respondere reus cogitur, & judex recte potest rejicere libellum, in quo non omnia dilucide, & explicite declarentur.

(1) *Cap. 2. de Libell. oblat.*

§. III. Antiquo jure Romanorum certæ, ac solemnnes erant constitutæ formulæ, cum quibus actio institui debebat, & eas actor à Prætoribus impetrabat. Sed postea, sublatis ambagibus, & subtilitatibus formularum (1), placuit libello exprimere genus, speciem, & nomen actionis, quæ in judicium deduceretur (2). Verum decretales de exprimendo nomine actionis; quæ quis usus est, non admodum laborant; modo res ipsa ita clare, apteque proponatur, ut ex ea jus petentis manifestum sit (3).

(1) *L. 1. & 2. Cod. de Formul. & impetr. act. sublat.*

(2) *L. 3. Cod. de Eden., L. ult. Cod. de Interdict.,* Consule Cujacium *inc. p. 6. de J. dic. opp. t. 6. col. 763. & 764. ed. Mutin. seu Ven. 1778.*

(3) *Cap. 6. de Judic.,* Contra Doneilum *de Jur. civil. l. 23. c. 4. §. ult. col. 64. ibique Hiligerum in Not. opp. t. 6. cit. ed. Lucæ.*

§. IV. Accusatorius libellus complecti debet nomen accusatoris, rei accusati, & judicis, coram quo accusatio instituitur, præterea tempus, locumque criminis. Conventionalis autem contineat oportet nomen actoris, rei, atque

judicis, rem petitam, & petendi causam. Cum agitur actione in rem, satis est exprimere causam actionis proximam, puta dominium; cum exercetur actio in personam, exprimi debet tum proxima, hoc est obligatio, tum remota, hoc est titulus, ex quo obligatio nata est (1).

(1) *Cap. ult. de Libell. oblation.* Consule Donellum *l. c.* §. 3. ibique Hilligerum in *Not. col. 57. & seq.*

§. V. In offerendo libello præcipue curandum est, ne plus petatur, quod fit quatuor modis, re, tempore, loco, & causa. Re plus petitur, si ex. gr. petantur triginta, cum viginti deberentur, aut si is, cujus ex parte res est vel eam totam, vel majorem partem suam esse contendat; tempore, si ante statutum diem, vel ante conditionem actio instituitur; loco, si quis quod sibi certo loco dari stipulatus est, alio petat, nulla illius loci facta mentione; causa, si quis certam rem petat, cum debitor posset dare, quod mallet suo arbitratu (1). Jure veteri plus petens actor causa cadebat (2): sed jure novo civili aliæ adversus plus petentium importunitatem poenæ sunt constitutæ (3).

(1) §. 33. *Inst. de Action.*

(2) Paulus *Recep. senten. l. 1. tit. 10. §. 1.* apud Schultingium *Jurisprud. ver. Ante-Justinian. p. 241. ed. Lipsiæ 1737.* §. 33. *Instit. cit.* Hinc illud Plauti in *Mostellar. act. 3. scen. 1. v. 123. p. 528. t. 1. ed. Lugdun. Batav. 1669.*; velim quidem hercle, ut uno nummo plus petas. Nam autem id Lege XII. tabularum, an potius edicto Prætoris factum fuerit, non satis compertum est. Consule Rævardum *Varior. l. 3. c. 14. p. 69. t. 2. ed. Neapol. 1779.*

(3) Zeno Imperator adversus eum, qui ante tempus petit, temporis inducias duplicari, atque his finitis reum cogi non posse voluit ad suscipiendam litem, nisi prioris litis impensæ solutæ fuissent. Constitutio hæc desideratur, sed ejus epitomen ex Basilicis eduxit Cujacius *Observat. l. 12. c. 21. opp. t. 3. col. 319. ed. cit.* Contra eos, qui re, aut loco, aut causa plus peterent, triplicem poenam constituit Justinianus *cit. §. 33. Instit. de action.*

§. VI. Jure canonico qui re, aut causa plus petunt, in expensas condemnantur, qui loco in id, quod debitoris interest, denique qui tempore plus petierint, duplo majores

inducias reo tribuere debent, neque ipse cogitur iudicium suscipere, nisi antea prioris litis expensæ solvantur (1). Nunc fere omnes eo jure utuntur, ut reus ante tempus conventus tantum à iudicii observatione liberetur, & actor quidem in litis expensas condemnatur; sed ei tamen integrum sit reum in iudicium vocare, cum primum obligationis diem venisse constat. In ceteris hujusmodi petitionibus reo licet offerre plus petenti, quod se debere censet; id vero si non accipiat actor, neque aliud revera iudex deberi intelligit actor, uti temere litigans, in expensas condemnatur (2).

(1) *Cap. unic. De plus petition.*

(2) Confer Vinnium in *Instit. l. 4. tit. 6. §. 3.*, & Voetum in *Pandect. l. 5. tit. 1. 25.*

§. VII. Emendatur interdum libellus, interdum etiam mutatur, cum videlicet pridem instituta actione retenta, aliquid adjicitur, aut detrahitur, vel cum prima actione repudiata, nova instituitur. Ita qui pro decem, quæ sibi ex causa mutui deberi dixit, ex eadem illa causa petit viginti, libellum emendat; mutat autem qui fundum, quem ex testamento petierat, deinceps ex stipulatu petit. Utrumque fieri potest etiam post litem contestatam (1); sed qui contestata lite actionem mutat, prioris iudicii expensasolvere debet, & novum dare libellum, novasque ad deliberandum inducias reo. At vero libelli solemnitas in causis summariis non est necessaria.

(1) Consule Donellum de *Jurisd. civil. l. 23. c. 5. & ad tit. Instit. de Action. §. 27. opp. l. 6. col. 65. & seq. & col. 839. & seq. ed. Luca cit.*, & Voetum in *Pandect. l. 2. tit. 13. §. 9. & seq.*

§. VIII. Oblato ab actore libello, qui est quasi primus aditus iudicii, reus in jus vocatur. Vocare autem in jus nihil est aliud, quam vocare aliquem ad eum, qui jus dicturus est ea de re, de qua queritur (1). Nullus olim ritus vocationis fuit; sed licebat privato privatum, cum quo jure agere vellet; per se, & sua auctoritate in jus vocare, & quidem ita, ut vocatus, nisi vadimonium promitteret,

hoc est nisi satisfacere iudicio sisti, etiā invitus in ius rapi posset (2). Sed postea mos huiusmodi sublatus est, si-
ve quod absurdum videretur, rem tantam privati arbitrio
permittere, sive quod melius æquius videretur hoc nego-
tium transigere, auctoritate ejus, qui juri dicendo præest (3).

(1) Paulus in 1. *L. ff. In ius vocan.* ita rem explicat, ut sit in ius vo-
care juris experiundi causa vocare. Recte prorsus. Non enim quis voca-
tur in ius, nisi ut de suo jure experiatur apud eum, apud quem id face-
re ius est; id est ad eum jure iudicioque agat ea de re, quam in iudicium
vocat. Id enim significant Jurisconsulti, cum dicunt de jure suo, aut de
re aliqua experiiri, ut *L. 1. ff. Ex quib. caus. major.*, *L. 1. ff. Quand. de
pec. act. annal. sit.*, vel ius experiiri, ut in *L. 1. ff. de In ius vocan.*, vel
absolute experiiri, ut in *L. 1. ff. de Divers.*, et *ten p. præscript.*, et in *L. 1.
ff. Quæ in fraud. cred.*, hoc est rem tentare, & sui juris periculum facere.

(2) Consule Duarenum *l. 1. disp. c. 1.* Adversus eos, qui in ius ve-
nire recusarent, vim adhiberi, & invitos injecta manu, obortoque col-
lo in ius rapi consuevisse certum est, idque late ostendunt Goveanus
1. Var. lect. ult., Rævardus ad *LL. 12. Tabular. c. 5. et ad L. 108. de
Divers. regul. jur. opp. t. 1. p. 7. et 167. ed. Neap. 1779.*, Cujacius *Ob-
serv. l. 10. c. 10. opp. t. 3. col. 240. et seq. ed. Ven. 1758.*, Heineccius *An-
tiquit. l. 4. tit. 6. §. 14. et seq. opp. t. 3. p. 429. et seq. ed. Neap. 1769.*,
alique complures.

(3) Ulpiani, et Pauli ætate jam illum obtinuisse morem, ut nemo
sine magistratus auctoritate in ius vocaretur, ostendit Denellus de *Jur.
civil. l. 23. c. 2. §. 6. opp. t. 6. col. 24. et seq. ed. Luca.* Vide etiam Lili-
ligerum in *Notis ad cunctum Donellum l. c.*

§. IX. Nunc ipsa libelli oblatio in ius vocatio dici po-
test; sed quoniam libellus aptus non est ad inducendam li-
tis contestationem, ac tantum continet actoris petitionem,
non item probationes, quibus eadem petitio lititur, hæc
sunt in actis post oblatum libellum exhibendæ probatio-
nes, quibus exhibitis reus in iudicium vocatur, ut respon-
dere possit, atque ita litis contestatio inducatur. Id vero
fit per citationem, quæ judicialis est actus, per quem
reus, actore rogante, iudicis auctoritate litis peragendæ
causa in iudicium vocatur. Proprie hæc citatio in ius voca-
tio est, et utraque sæpe confunditur; quamquam citatio
latius pateat, quæ quæ in qualibet iudicii parte adhibe-
tur, quoniam singuli iudiciali actibus litigantibus nutrien-
tur; verum in ius vocatio tantum pertinet ad primam cita-

tionem, unde iudicium exorditur (1). Sed veteri jure Romano in jus vocatio, et citacio differebant; quoniam illa privata auctoritate; hæc vero mandato iudicis per præconem, & interdum etiam per edictum fiebat; nec tantum reus, verum etiam actor, patroni & testes in iudicium citabantur.

(1) Confer Vinnium *Commentary ad Inst. l. 4. §. 16. §. 3. n. 5.*

§. X. Omnia iudicia à citatione inchoant sunt, neque, ea omissa, ulla iudicii vis, et auctoritas est (1). Vetat enim non civilis modo, sed etiam naturalis juris ratio, damnarī aliquem, qui auditus, ac defensus non sit. Hinc defectum citationis *insanabilem* pragmatici appellant, quoniam sanari non potest iudicium, quod sine citatione gestum est (2).

(1) *Can. 2. et 4. c. 3. qu. 9., Clem. de Senten. et re judic.*

(2) Confer Hiligerum *ad Donellum de Jur. civil. l. 23. c. 2. §. 2. not. 2. tit. 6. p. 11. ed. cit.*

§. XI. Est autem citatio vel realis, quæ fit injectis in reum publica auctoritate manibus, vel verbalis, quæ procedit ab imperio iudicis, cujus jussu, verbis, vel litteris quis in iudicium vocatur. In civilibus iudiciis verbali citatione plerumque utimur; nam in iis citatio realis ante sententiam non emittitur, nisi reus sit fugitivus aut de fuga suspectus, et nisi primum res cognita, & explorata sit.

§. XII. Verbalis citatio alia simplex, alia peremptoria est. Simplex continet merum præceptum, ut reus in iudicium veniat; sed ipse contumax non efficitur, nisi eadem citatio post tres terminos certis dierum intervallis præfinitos tertio repetatur (1). Quæ intervala jure veteri decem dies singula continebant (2), jure Novellarum ampliata sunt ad dies triginta (3); sed jure decretalium arbitrio iudicis pro temporum, ac locorum ratione statuuntur (4). Peremptoria citatio instar est omnium simul simplicium, atque ita rem perimit, ut si reus præstituta die in iudicium non venerit, contumax habeatur. Nam peremptorium præcidit & abscindit omnes adversarii tergiversationes, eoque commi-

natur judex, sese causam cogniturum, etiam absente i. o., qui citatus sese iudici sistere recusat (5). Edictum peremptorium jure civili emititur post tres simplices citationes, interdum post duas, interdum etiam statim, quod vocatur *unum pro omnibus*, pendetque ab arbitrio iudicis, pro conditione causæ, vel personæ, vel temporis ordinem edictorum (6), et compendium moderari (7).

(1) Trium tantum edictorum mentio est in *L. 53. ff. de Re judic.*, & apud Paulum *Recept. sentent. l. 5. t. 5. n. 7.*, ac trium item denuntiationum, aut litterarum in *L. 8. cod. Quomol. & q. ind. iudex. sentent.* Quare mirum est, Ulpianum in *L. 70. ff. de Judic. transire*, post tertium demum edictum peremptorium emitte. Gerardus Noodtius *Observation. l. 1. c. 8.* ita illum Ulpiani locum legendum putat: "quibus propositis & tertium tunc peremptorium imperet." Ego in ejus sententiam facile descendo, neque de ea dimoveor iis ejusdem Ulpiani verbis, quibus dimotus est Antonius Schultingius in *Paulum Recept. sentent. l. 5. tit. 5. not. 82. Jurispr. vet. ante-justinian. p. 450. ed. Lipsiæ 1737.* Sunt autem verba Ulpiani in *L. 72. ff. de judic. ordinis* hæc: "Nonnumquam hoc edictum post tot numero edicta, quæ processerint, datur, nonnumquam post unum vel alterum, nonnumquam statim, quod appellatur *unum pro omnibus*." Hic quidem Ulpianus etiam post tria edicta denique peremptorium dari statuit, sed loquitur non de ordinaria & usitata edictorum methodo, quæ tribus tantum edictis constat & quam respicit *L. 70.* verum agit de arbitrio iudicis, quod extra ordinem est. Nam, ut ipse inquit Ulpianus, totum hoc negotium "æstimare oportet eum, qui ius dixit, & pro conditione causæ, vel personæ, vel temporis, ita ordinem edictorum, & compendium moderari." Hinc iudici pro suo arbitrio licet tria dare edicta, antequam peremptorium emitat. Itaque Ulpianus in *L. 70.* ordinariam, & usitatum constituit edictorum methodum; in *L. 72.* exceptionem ponit, ut iudex possit hanc methodum omittere, ac non tertio, sed quarto loco peremptorium dare.

(2) *L. 69. ff. de Judic.*

(3) *Novel. 112. c. 3.*

(4) *Cap. 7. de Dol. et contumac. Clem. 1. de Judic.* Quæ de tribus edictis, aut de uno pro omnibus datur à jure civili sancita sunt, eadem videtur constituisse Innocentius III. in *Cap. 24. de Offic. & potest. delegat.* Sed et ante Innocentium III. Parisiense Concilium apud Gratianum *can. 6. c. 24. qu. 3.* Romanam legem de tribus edictis, aut uno pro tribus approbavit.

(5) *L. 70. et 71. ff. de Judic. cap. 6. de Dol. et contumac.*

(6) Edicta hæc interdum etiam citationes, ab A. L. 100 autem in *Paul. Recept. sentent. l. 5. tit. 5 §. 7.* ac in *Schultingii Jurispr. vet. Antejurimian. p. 450. ed. Lipsiæ 1737.* & in *can. 6. c. 24. qu. 3. auctoritates* appellantur. Propriæ à Latinis denuntiationes dicuntur, sed corruptæ La-

tinitatis scriptores *Auctoritates* vocant. Multa ejus rei exempla sunt apud Du-Cangium *Glossar. med. et infip. Latinit.*

(7) *L. 72. ff. de Judic.*

§. XIII. Citatio reo significanda, et demonstranda est, idque apparitoris, sive publici nuntii opera fieri solet. Significatur autem vel denuntiatione, vel litteris, vel edictis (1). Denuntiationes per officia, & exequutores fiunt, litteræ ad reum mittuntur, edicta publico loco affiguntur, unde recte legi possint (2). Nuntius reo denuntiare decretum citationis debet vel in faciem, vel ad domum (3), & præsentem quidem in faciem, absenti ad domum; si rei copia haberi possit, in faciem, si non possit, ad domum in qua reus habitat (4), & si plures domos habuerit, ubi frequentius commoratur, aut commorari debet. Quod si reus absit, neque resciri possit, quo in loco versetur, edicto publico loco affixo evocandus est, ut ita reus absens per propinquos, aut amicos, quibus edictum patet, admoneatur (5).

(1) Tria hæc discriminat Paulus *Recept. senten. l. 5. tit. 5. §. 7.* apud Schultingium *l. c. p. 450.*

(2) Consule Cujacium in illum Pauli locum not. 37.

(3) *L. 13 §. 1. ff. de Excusat. tut.* Vide etiam Cujacium *Observ. l. 7. c. 15. opp. t. 3. col. 161. et 162. ed. Ven. seu Mutin. 1758.*, ubi multa habes de denuntiatione ad domum.

(4) Argum *L. 1. §. 1. ff. de Agnoscent. et alien. liber.* Idem etiam non obscure tradit Alexander III. in *cap. 3. de Dol. et contumac.*

(5) *Extravag. unic. de Dol. et contumac. int. commun., Clem. 1. de Jud.*

§. XIV. Et quoniam in alieno territorio jus dicenti impune non paretur (1); adversus eum, qui in alieno territorio versatur, citatio expediri non potest, nisi ab ejus loci magistratu venia petita, atque impetrata sit. Facta vero citatione, nuntius id in acta referre debet, & vero expressis omnibus, quæ scire opus est, nimirum die, loco, modo factæ citationis, ceteris adjunctis, atque ejus relationi creditur propter fidem publicam, qua munitus est.

(1) *C. ult. ff. de Jurisd. omn. judic.*

§. XV. Ut citatio rite, et recte fiat multa sunt obser-

vanda. Principio scilicet exprimendum est nomen actoris, quo instante citatio emittitur, quia tantum in causis publicis iudex ex officio procedit (1); itemque nomen rei ne quis in ancipiti persona decipiatur. Deinde continere debet nomen iudicis, cujus mandato citatio emittitur, tum quod iure novo sine mandato iudicis nemo in jus vocari potest, tum quod citatus scire debet, num proprius, et competens iudex sit, ad quem vocatur. Et quoniam delegatus iudex alienam jurisdictionem exercet, citationis decreto inserendum est exemplum litterarum, quibus ei causa commissa est (2); nam secus ejus jurisdictionis reo comperta, et explorata esse non potest. Si manifestum sit, iudicem non esse competentem, reus ad eum ire non cogitur; si id manifesto non constet, reus omnino cogitur sistere se iudici, cujus est aestimare, num sua sit jurisdictio (3).

(1) *Cap. 9. de Accusat.*

(2) *Cap. 2. de Dilat.* Quod forte primum jure canonico expresse constitutum videtur, sed tamen alienum non est à juris Romani sententia unic. *Cod. de Mandat. Princ. l. 5. Col. de Jur. jec. l. 10.*

(3) *L. 2. ff. Si quis in jus vocat. non ierit. l. 5. ff. de Julic.*

§. XVI. Exprimenda etiam est causa, propter quam reus vocatur, ut is negotium meditetur suum, et paratus ad iudicium veniat, posteaquam re cognita sese contra actorem tueri constituit. Veteri jure Romano actor postulata impetrataque à Præatore actionem edebat reo, cum in iudicium venerat, atque ita ipse vocationis causam noscebat (1). Sed antiquo vocationis ritu sublato, sancitum est à Justiniano (2), ut in ipsa vocatione libellus conventionalis reo tradatur; atque ita in unum judiciale actum in jus vocatio, & actionis editio coaluerunt. Decretales de exprimenda vocationis causa, reoque simul offerendo libello non admodum laborant; sed jam fere ubique gentium moribus, usuque fori receptum est ut decreto ipso citationis causa significetur, vel simul reo libellus offeratur.

(1) Pluribus sane modis id fieri potuisse scribit Ulpianus in *l. 1. ff. de Eden. Confect. Hæreticæ Antiq. l. 4. tit. 6. §. 19 opp. l. 3 p. 432. ed. Neap. 1776.*, Ræverendum lib. *Protrahens. c. 4. opp. l. 2. p. 6. ed. Neap. cit.*, Cujacium in *cod. l. 2. tit. 1. opp. t. 10. col. 828. ed. Mœn. 1782. Do-*

nellum in *col. 1, 2. tit. 1. opp. t. 7. col. 21, & seq. ed. Lucae cit., ceteros interpretes ad titulum de edendo.*

(2) *Novell. 53. c. 4.*

§. XVII. Præterea designandus est iudicii locus, ut reus noscat, quo ipse venire, & se iudici sistere præsentem debeat, & simul intelligat, num locus ille tutus sit. Præsertim vero si delegatus sit iudex, certum in citatoriis litteris indicare locum omnino necesse est; quoniam illi nullus est huiusmodi locus, ad quem reus certo venire possit. Si ordinarius est iudex, qui certo loco tribunal habet, nihil attinet hunc locum exprimere, nisi ipse velit alio loco jus reddere, quam quo reddere consuevit (1). Sed & tutus debet esse locus, in quo iudicium est agendum, & per quem necessario transitus faciendus est reo (2); adeo ut si manifestum sit, locum tutum non esse, nulla sit citatio ipso jure (3), si non ita sit manifestum, valeat quidem citatio, sed reus demonstrare debeat, eum sibi locum tutum non esse (4).

(1) *L. 59. ff. de Jud.*

(2) *Clem. 2. de Sentent. & re jud., cap. 4. Ut lit. non contest. in quod vide Gonzalezium.*

(3) *Cit. Clem. 2.*

(4) *Cap. 7. §. 3. de Sentent. excom. in 6.* At enim reus per procuratorem respondere potest, cum tutus non est iudicii locus. Est hoc sane verum; sed reo justa excusatio ob hanc eandem causam est, quod per se ipsum respondere non potest.

§. XVIII. Certus quoque dies, quo reus in jus venire debet, in citatione notandus est, ut ipse intelligat, num die, quo vocatus fuit, exercere iudicium liceat. Qui dies arbitrio boni viri à iudice constituitur, habita ratione temporum, locorum, personarum. Nam iniquum esset reum vocare ad id tempus, quo ipse sui copiam facere vel omnino non potest, vel saltem cum magno incommodo potest.

§. XIX. Plura efficit citatio, quæ rite, & recte facta sit. Nimirum facit, ut reus ad eum iudicem, ad quem primum vocatus est, venire debeat, quamquam reus deinceps alteri iudici subesse cœperit (1); rumpit præscriptionem (2); perpetuat iudicis delegati jurisdictionem, adeo ut ea delegantis obitu non extinguatur (3); litis pendentiam inducit, si ta-

men in citatione illa sint expresa, ex quibus reus noscat, omnia, quorum causa in jus vocatur (4). Pendet autem lis post citationem quoad hoc, ut nihil debeat innovari (5); nam alias non nisi post contestationem lis pendet (6). Ex quo efficitur, ut post citationem, unde reus causæ certior fit, res litigiosa evadat (7), ideoque alienari non possit (8).

(1) *L. 7. de Jud., cap. 19. de For. competen.*

(2) *L. ult. cod. de Annal. except. L. 7. cod. de Præscript. 30. annor.*

(3) *Cap. 20. de Offic. et potest. delegat.*

(4) *Clem. 2. Ut lit. pendens.* Id vero constitutum est ex sententia juris civilis in *Auth. litigiosa cod. de litigios.*

(5) *Cit. Clem. 2.*

(6) *Cap. 30. de verb. signifi., ibique Gonzalez, et in c. un. de lit. contest.*

(7) *Clem. et Auth. mox laudatæ.*

(8) *L. 18. ff. de Rei vindict., con. ult. c. 11. q. 1., cap. 3. Ut lit. pendens.*

TITULUS VI.

De dolo et contumacia.

I. Quis contumax.

propter rei contumaciam.

II. Pœna propter contumaciam actoris.

V. Aliæ pœnæ in reum contumacem.

III. & IV. Missio in possessionem

VI. Sequestratio rei litigiosæ.

§. I.

Ne dolo, & contumacia litigantium inutile evadat iudicium, pœnæ indictæ sunt adversus eum, qui in jus vocatus non venerit. Dolum malum vocamus omnem calliditatem, fallaciam, machinationem ad circumveniendum, fallendum, decipiendum alterum adhibitam (1). Hoc loco dolum est fraudulentum consilium litigantis, qui contumax est (2), et iudicium detrectat. Contumax autem dicitur, qui iudicis mandato non obtemperat, hoc est qui tribus edictis, vel uno peremptorio evocatus sui copiam non fecit, cum nullo iusto impedimento detineretur (3); vel cum venit, iudici parere recusavit (4); vel impedit, quominus ad

reum citatio perveniat (§); vel sine iudicis venia susceptum iudicium deseruit (6).

(1) Ita dolum inaleum definit Labeo apud Ulpianum l. 1. §. 2. ff. de Dol. et contum., in qua quidem definitione nihil otiosum esse demonstrat Huberus l. 3. observ. 25.

(2) Contumax à Græcis ἀνδρῆς περὶ κακῆς, & superbus, dicitur, qui alios ita contemnit, ut eorum consortium fugiat; ideo etiam Constitutio Græca φυγοῖτα fugientem vocat in l. 1. Cos. de Jud.

(3) L. 53. ff. de Re Jul. Idque etiam tradit Paulus Recep. senten. l. 5. tit. 5. §. 7. apud Schultingium l. cit. p. 450. Demonstrare autem qui proponit, impedimentum debet; iudex autem ex circumstantiis intelligit, iusta ne sit excusatio, an secus cap. 6. de Dol. et contum. Saepe etiam à iudice constituitur terminus, intra quem citatus venire in iudicium debet, eoque non veniente, & elapsi termino contumax habetur. Verum, antequam iudex de contumacia decernat, adhuc ipse moram purgare potest, ut iudex ex æquo, et bono ultra terminum condemnationem differre queat cit. cap. 6.

(4) L. un. ff. Si quis ius dicen. non obtemper.

(5) Cap. 5. §. 1. Ut lit. non contest.

(6) Cap. de dol. et contum.

§. II. Tam actor, quam reus contumax esse potest (1), neutrum vero sinunt leges iudici iubenti impune non obtemperare. Actor si constituto tempore, quo reus citatus est, in iudicium non venerit, in expensas condemnatur, neque alia ei citatio permittitur, nisi de se iudici sistendo cautionem præstet (1). Quin etiam non veniente in iudicium actore, reus illud à iudice petere, & rogare potest, ut sibi detur probationum afferendarum locus, ac sententia proferatur (3). Verum contestata lite (4) si actor contumax evaserit ejus procurator, si quem reliquerit vocandus est, aut si nullum reliquerit, vel relictus in jus non venerit, ipse absens per edictum ejus domui affixum vocatur, & inde contra eum fertur sententia, cum res satis est comperita, aut saltem, actore in expensas condemnato, ab observatione iudicii reus absolvitur (5).

(1) Hinc ea pars, quæ in Decretalium libris inscribitur de dolo, et contumacia, in antiquis collectionibus inscribitur de dolo, et contumacia alterius partis puniendi, ubi contumacia, alterius partis actoris, vel rei contumacia est.

(2) *Cap. 1. de dol. et contum. in 6.*

(3) *Cap. 3. de dol. et contum.*

(4) Juris interpretes discrimen constituunt inter actorem, qui ante contestatam litem, interque actorem, qui post contestatam litem contumax est. Nituntur *Novel. 112. c. 3. §. 1. et 2.*, ubi de actore agitur, qui actione proposita abesse cepit cum *apud judicem initiumlis non acceperat*, hoc est cum nondum erat contestata, & vero si postea, contumax fieri dicitur. Vulgarem hanc distinctionem ridet Gonzalezius *in c. 3. de dol. et contum.* hoc fretus argumento, quod cum reus ab actore vocatus in judicium venisset, lis contestata intelligitur, quoniam canonico saltem jure actoris, ac rei presentia non requiritur, ut lis contestata habeatur; & ideo fieri non potest, quod actor non contestata lite contumax evadat. Illam autem Novellam, cujus nunc facta mentio est, ita interpretatur Gonzalezius, ex parte tantum actoris, non etiam ex parte rei, litem contestatam fuisse, cum actor abesse cepit, quæ imperfecta quædam contestatio est; tum in jus veniente, & actoris petitioni respondente reo, cum ipse actor abesset, contestationem fuisse perfectam. Sed nego fieri non posse, quod actor, veniente in judicium reo, ante contestatam litem contumax sit. Nam aliud est vadimonii, & alia litis contestatæ desertio. Actor certa die reum in judicium vocat; venit quidem reus, non item actor; hic quidem deserere vadimonium dicitur, non litem contestatam. Nam desertio vadimonii est desertio promissionis judicio sistendi causa factæ ante litem contestatam *l. 4. §. Quæritum, et l. 5. §. 1. ff. Si quis cant.* Contra litis contestatæ desertio est desertio ipsius judicii, quod jam contestatione litis, hoc est clara actoris petitione, aptaque rei responsione constitutum, firmatumque est. Quæ litis contestatæ desertio eremitium dicitur, quod & actore, & reo absente contrahitur *l. 10. §. Sin autem reus. Col. de Jud.* En igitur duplicem actoris contumaciam ob desertum vadimonium & ob desertam litem contestatam, & utrique huic contumaciæ dissimilis pœna constituta est.

(5) *Cap. 3. de dol. et contum., l. 10. de Jud.*

§. III. Quod si absit per contumaciam reus, videndum est, num id ante, an post litem contestatam faciat. Lite nondum contestata, in actione reali actor mittitur in possessionem rerum, de quibus controversia est; in actione personali mittitur pro modo, & ratione debiti in possessionem bonorum mobilium ipsius rei vel immobilium, cum nulla mobilia sunt. Quæ possessio datur ex primo, & secundo decreto. Primi decreti possessio tantum custodia est (1), quoniam ea conceditur rei servandæ, & custodiendæ causa, atque actor non dominus, sed tantum custos efficitur. Quare & actor, & reus possident, hic quidem ut fundum colat,

fructusque colligat, ille autem ut fundum, & fructus, sive fructuum pretium observet, atque custodiat (2).

(1) Ita Innocentius III. in *cap. ult. §. In aliis vero casibus Ut lit. non contest.*, controversiam definiit, quæ inter Pilæam, & Bulgarum ex una, interque Joannem, Martinum, & Azonem ex parte altera agebatur, probavitque sententiam Pilæi, ac Bulgari, qui sola missione in possessionem actorem tantum rei custodem non dominum, & possessorem fieri putabant; quæ sententia probabilior est ex jure civili l. 8. §. *Sed & si quis cod. Præscript. 30 an.*

(2) *Cap. 4. de Eo qui mittit. in possess. cap. ult. §. In aliis sunt Ut lit. non contest.*

§. IV. Hanc vero possessionem actor adipisci censetur, quatumvis eam potentia, doloque adversarii revera non acquisiverit, aut acquisitam amiserit (1); haud tamen si actor ipse nulla justa causa impeditus eam intra annum obtinere neglexit (2). Intra anni spatium si reus in judicium non veniat, solvatque expensas, ac præterea cautionem non præstet de se judici sistendo, emittitur secundum decretum, cujus ea vis est, ut reus contumax de bonorum possessione dimoveatur, fiatque actor unus, & verus eorum possessor, fructus colligat, suosque faciat (3).

(1) *Cap. 9. de Dol. et contumac.*

(2) *Cap. 2. de Eo qui mittit. in posses.*

(3) Secundum decretum in actione tantum personali, non item in reali, in qua actor post annum ipso jure possessor efficitur, necessarium esse putat Glossa in *cap. 9. verbis constituatur de Dol. et contumac.*, atque hanc vulgus interpretum sententiam sequitur. Confer tamen Cujacium in *cap. Ut lit. non contest.*, et ad *tit. de Eo qui mittit. in possess. opp. t. 6. col. 792.*, et col. 823. ed. Mutin. cit., & Cironiam Paratitl. in *decret. l. 2. tit. 15.*

§. V. Verum si post contestatam litem reus contumax evadat, causaque ex actis satis explorata videatur; judex sententia sua litem definit; si non satis de causa liqueat, actor in bonorum contumacis rei possessionem mittitur, fitque ipse statim verus possessor, ac reo sola domini lis integra relinquitur (1). Sed in causis beneficiariis propter rei contumaciam actor in possessionem non mittitur, ne vitiosus in beneficia ingressus detur (2).

- (1) *Cap. 5. §. In aliis Ut lit. non contest. , C. 4. de Dol. et contumac.*
 (2) *Cap. un. de Eo qui mittit. in possess. in 6.*

§. VI. Sunt & aliæ pœnæ adversus contumaces constitutæ, quarum unam, aut alteram, uti rerum ratio postulare videtur, infligit iudex suo arbitratu. Interdum enim pecuniaria mulcta aut censuris, ceterisque pœnis contumaces coercentur (1). Ex quibus pœnis, unam, aut alteram, quæ plus metus afferat, initio seligat iudex, ad alias nihilominus processurus, si contumax, sua adhuc obstinatione sententiæ, pergat, judici non obtemperare (2). Verum censuris caute, atque sobrie iudices uti debent, neque sunt adhibendæ, nisi cum contumaces re, aut persona coerceri non possunt (3).

- (1) *L. 2. ff. Si quis in iur vocat. , cap. 2, 5, 8. de Dol. et contumac., cap. 3. Ut lit. non contest.*

- (2) *Cap. 5. §. In aliis Ut lit. non contest.*

- (3) *Conc. Trident. Sess. 25. c. 3. de Reform.*

§. VII. Sæpe etiam actor non mittitur in possessionem rei servandæ causa, neque ea penes reum contumacem relinquitur, sed penes tertium deponitur, & committitur alicui, qui finita lite rem, & fructus victori restituat. Quæ dicitur sequestratio rei litigiosæ, quam iudex ex justa causa decernit, puta si metus sit, ne res, vel fructus dilapidentur (2). Si maritus ad inopiam vergat, dos sequestro datur (3); similiter, si persona, à quo res mobilis petitur, suspecta sit (4), si de beneficio ecclesiastico agatur contra possessorem, non triennalem; & contra ipsum in possessorio, vel petitorio sit lata sententia, sequestrum constituitur (5). Sed generatim sequestrum revocatur, cum reus in iudicium veniens expensas restituit; & cautionem præstat, per quam omne, quod timetur, periculum removeatur (6).

- (1) Tertius hic, apud quem res litigiosa deponitur, *sequester* dicitur l. 5. §. 1. & 2. l. 6. & 7. ff. *Deposit.* Eodem hoc sensu vocabulum usurpat Plautus in *Mercat. act. 4. scena 3. vers. 36.* & in *Ruden. act. 4. sc. 3. vers. 79. t. 2. p. 748.* & 1016. *Lugd. Batav. 1669.* Sequestrem autem à sequendo dictum, quod ejus, qui electus est, utraque pars fidem se-

quatur, scribit A. Gellius *Noct. Attic. l. 20. c. 11. p. 1128. ed. Lugd. Batav. 1666.* In Glossis Philoxeni sequester explicatur *μισθωτής* & *πρῶτος συνταχόμενος* λαξ similiter in Glossis Cyrilli *μισθωτής* sequester, arbitrator, mediator. Quintiliano *Instit. Orator. l. 12. c. 8. t. 2. p. 673. ed. Patav. 1736.* sequester est media litium manus; Tullius autem, qui pluries utitur eodem vocabulo, sequestrem appellat, apud quem pecunia corrumpendi iudicii, aut tribunal causa deponeretur, ut suffragia obtinerentur.

(2) *L. 21. de appellat. c. 2. de Sequestrat. possess. & fruct.*

(3) *L. 23. §. Si autem ff. Solut. matrim.*

(4) *L. 7. §. ultra ff. Qui satisd. cogant.*

(5) *Clem. 1. de Sequestr. possess. et fruct.* Confer Glossam in *c. 2. v. Sequestrari de sequest. possess. & fruct.*, ubi diligenter explicatur, quando sequestrationis locus esse debeat.

(6) *Cap. 1. de Sequestr. possess. et fruct.* Quoniam vero sequestri facta mentio est, animadvertere oportet, illud non tantum in res, sed sæpe etiam in ipsas personas cadere. Ita sequestri loco uxores collocantur apud probam, & honestam mulierem ob insignem mariti sævitiam, quæ impedit, quominus uxor, quæ à marito diverit, ei restituatur *c. 8. et 13. de Rest. spoliat.* Similiter cum de sponsalibus agitur, atque metuitur, ne vis puellæ inferatur, atque impediatur, quominus ea liberum edere consensum possit, eadem puella collocanda est in domo, in qua nihil eam timere oporteat, donec de præcipua causa iudicium absolutum fuerit. *C. 14. de Sponsal.* Jus Pontificium huius sequestri locum potissimum constituit monasterium *C. 14. de Præbat.*, quod & ipse Bohemerus homo ex Protestantium numero summopere laudat *l. 2. Decretal. tit. 17. §. 5.*, cum vix tutior, & commodior locus inveniri possit.

TITULUS VII.

De litis contestatione.

I. Litis contestatio quid?

III. Ea iudicii initium est.

II. Quomodo fiat?

IV. Effectus litis contestationis.

§. I.

Lite per libellum actoris, & citationem præparata, ejus fundamentum jacitur, quod in contestatione positum est. Litis contestatio legitimus est actus, quo actor coram iudice proponit petitionem suam, reus autem negat, se cessurum petitioni, iudicium, & litem in se recipiens (1). Ex quo patet, necessariam esse contradictionem ad litem contestandam, quia nulla lis est, cum reus affirmat id, quod ab

actore proponitur (2). Num jure civili ad contestandam litem actoris, & rei præsentia, ac voce sit opus, incertum, controversumque est; sed jus canonicum tantum requirit *petitionem in jure propositam, & responsionem sequutam*, præterea nihil (3).

(1) *Cap. un. de Lit. contest.*

(2) Quare probari non potest, quæ multis probata est divisio contestationis litis in negativam, & affirmativam, uti ostendit Joannes Voetus in *Pandect. l. 5. tit. 1. n. 146.* Confer etiam Vinnium *Select. qu. l. 1. c. 17.*

(3) Videndus Gonzalez. in *et un. n. 8. de lit. contest.*

§. II. Antiquo jure Romanorum lis contestata dicebatur, cum apud Prætores per mutuam actoris, reique narrationem controversiæ statu constituto, datoque judice, litigantes judicium suscipiebant, ac testes, qui rei totius fidem facerent, vocabat his verbis: *testes estote* (1). Inde litis contestatio dicta est; quia scilicet testibus adhibitis res tota declarabatur (2). Jure novo quamquam testes non adhibeantur, tamen retentum est vocabulum contestationis ad designandam concertationem verborum inter litigantes, quorum alter petit, alter petitioni adversatur.

(1) Consule Festum v. *Contestari*, quem Festi locum exornant Definitiones pro Salmasio *Obs. ad jus Attic. p. 818. ed. Lugd. Batav. 1645.*, & Cujacius *Observ. l. 9. c. 21. opp. t. 3. col. 214. ed. cit.*

(2) Veterem contestationis formam vel ante sublata formularum solemnia desoluisse, ex *L. unic. Cod. de Cit. contest.* ostendit Vinnius *Select. qu. l. 1. c. 17.*

§. III. Contestatio initium est judicii, ut in jus vocatio initium actionis (1); illaque intra viginti post oblatum libellum dies ab actore geri debet. Ante hanc contestationem totum negotium, quod agitur, non lis, aut judicium, sed controversia censetur (2). Quare ut litis initium sit constitutum, omnino requiritur ejus contestatio, neque ante eam emitti sententia (3), aut recipi testes, vel alia probatio admitti potest, nisi aut natura causæ (4), aut periculum amittendarum probationum aliud exigit; qui tunc locus est

examine testium ad perpetuam rei memoriam (5). Interim pœnæ causa alterutrius litigantis contumacia contestationis loco habetur, quæ etiam ficta litis contestatio dicitur (6); neque expresa, & solemnis contestatio requiritur in causis quibusdam, quales sunt summariæ, causæ appellationis; quæ contra certam personam institutæ non sunt, quæ item sine libello expediuntur (7).

(1) L. 15. ff. *Rem ratam haberi* §. ult. *Instit. de Pœn. temer. litigant.*

(2) L. 28. §. *Si ante ff. de Petit. hered.*

(3) L. 4., ibique Glossa v. *Solitum Cod. de Sengen. & interloq.*

(4) Consule c. 20. de *Jurejur. c. 4. de Procurat., c. 5. Ut lit. non contest.*

(5) Cap. 5. cit. *Utilit. non contest. c. 4. de Confess. util. vel inutil.* Editæ de re est an. 1776. Heidelbergæ dissertatio, cui titulus est: *de Examine testium ad perpetuam rei memoriam.*

(6) Confer *Veretum ad Pandec. l. 5. tit. 1. n. 145.*

(7) Consule Voetum *l. c. n. 147.*

§. IV. Plura efficit litis contestatio. Nimirum inducit malam fidem (1); quasi contractum perficit inter litigantes, ita ut neuter possit, altero invito, à judicio discedere, sed uterque debeat præstare id, quod judicabitur (2); rem in judicium deductam litigiosam facit, ita ut alienari non possit (3), perpetuat, atque ad heredes transmittit actiones tempore, vel morte perituras (4); mandatam jurisdictionem perpetuam facit (5), exceptiones dilatorias excludit, ac judicis recusandi potestatem adimit (6), nisi postea causa suspicionis emersit; inchoatam usucapionem, & præscriptionem interruptit (7).

(1) L. 4., ff. *Fin. regund.*, l. 1. *cod. de Petit. hered.*, l. 22. *cod. de Rei vindic.*, l. 10. *cod. de Acquir. & retinen. possess.* Sed ante litem contestatam etiam motam controversiam ad inducendam malam fidem satis esse, scriptum est in l. 28. §. *Si ante litem ff. de Petit. hered.*

(2) L. 3 §. *Idem scribit ff. de Pæcul.*

(3) *Auth. Litigiosa cod. de Litigios.*, l. 4. *cod. cod. c. 3. & 4. Ut lit. pendens*

(4) L. 6. §. ult. *de Re judic.*, l. ult. ff. *de Fidejus. & nominat. & hered. tut.*, l. 57 ff. *de Action. & obligat.*, l. 88. ff. *de Reg. d. jur.*, l. unic. *cod. Ex delict. defuncti. in quantum hered. ten.*, §. 2. *Instit. de Perpet. & tempor. act.*

(5) *Cap. 19. de Offic. delegat.*

(6) *L. ult. cod. de Except.*

(7) *L. 10. cod. de Præscript. longi tempor.* Verum sola conventionem etiam ante litem contestatam, præscriptionem rumpi sancitum est *l. ult. cod. de Annal. excep.*, *l. 1. & 2. cod. de Præscript. longi tempor.*, *l. 3. 4. 7. cod. de Præscript. 30. vel 40. annor.*

TITULUS VIII.

De juramento calumniæ.

I. Juramentum calumniæ quid?

III. Num & clerici jurent

II. Petitum in omnibus causisandum est.

IV. Juramentum malitiæ.

§. I.

Lite contestata, ut à calumnia, atque insidiis tuta sint omnia, visum est religione adstringere litigantium fidem, ut omnes divinæ ultionis metu ab injusta, & fraudulenta vexatione deterreantur. Ea de causa introductum est juramentum calumniæ (1), quod in judicio præstant tum actor, tum reus, tum etiam eorum procuratores cum speciali mandato venientes (2), generatim omnes litigantes, sive suo, sive alieno nomine judicium exercent (3). Actor juratus confirmat, nullam se adhibere calumniam, sed justam causam agere, reus verò, bona etiam sui juris opinione sese adversario resistere. Hinc uterque pollicetur, sese vera in judicio dicturus, nihil acturos judicii corrumpendi causa, nullam allaturos probationem aut fallacem, aut non necessariam, neque operam daturus, ut judicium calumniose differatur (4).

(1) Auctorem jurisjurandi propter calumniam aliqui Justinianum faciunt, & moventur §. 1. *Inst. de Pen. temer. litigant.*, ubi Tribonianus illud inductum tradit constitutione Justiniani, quæ extat in *l. 2. cod. de Jurejur. propt. calumn.* Sed revera illius origo antiquior est. Nam hoc jusjurandum memorant disertissime Paulus *Recept. senten. l. 2. tit. 1. §. 2.* apud Schultingium *Jur. præp. vet. Ante-Justinian. p. 268. ed. Lips. cit.*, iterque ei mentio est in *l. 45. §. Si familie ff. Famil. ercisc.* (quam legem à Triboniano confictam esse, aut corruptam perperam quidam putant) in *l. 34. §. Qui jusjurandum, & l. 37. ff. de Jurejur.*, denique apud

Senecam *Controv. l. 3. c. 19. p. 257. t. 3. ed. Amstæd. 1672.* Sed ante Justinianum tantum speciale calumniæ juramentum obtinebat, totiesque locum habebat, quoties pendente lite malitiæ suspicio aderat, atque ita sæpius repetebatur. Solus actor, & in certis tantum causis de calumnia jurabat, uti ostendunt Paulus *l. c.*, & Ulpianus *l. 13. §. 3. ff. de Damn. infect.* Nam in plerisque nuda re promissione actor cavebat, se, nisi vicisset, daturum reo decimam partem ejus, quod petebat, unde *re promissionis remedium* in Codice Hermogeniano *tit. de calumniar.* apud Schuitingium *l. c. p. 713.* Atque hæc erat vetus actio calumniæ ex stipulatu, quæ jam ante ætatem Justiniani desueverat. Sed Justinianus in omnibus civilibus causis, & ab utroque litigante jusjurandum de calumnia emitti voluit, præterea veteris calumniæ actionis loco sarciri damnum, & expensas restitui jussit *§. 1. Inst. de Pœn. temer. litigant.* Sed postea *Novel. 112. c. 2.* decimariam illam actionem restituit, atque illud addidit, ut decimæ cautio satisfactionem habeat. Confer Cujacium *Observ. l. 7. c. 5. opp. t. 3. col. 156. ed. cit.* Jamvero cum constet, juramentum calumniæ, quod initio speciale erat à Justiniano factum fuisse generale, ita ut in primordio litis super universa causa à litigantibus emitti deberet, non ita exploratum est, nun ipse Justinianus illud etiam speciale juramentum sustulerit. Nihil ipse ex de re constituit in *l. 2. c. de Jurejur. propt. calumn.* Sed id demum facisse videtur in *Novel. 49. c. 3.*, ubi animadvertit, quod olim in uno negotio frequenter jusjurandum emitti solebat: "Sancimus itaque, inquit, hanc perimentes injuriam, & nolentes crebro in eodem negotio jusjurandum præberi... non crebro cogi quemquam sacramenta subire, generaliter se nec hujusmodi sacramento prohibito." Quibus ex verbis colligi videtur posse, à Justiniano fuisse sublatum speciale calumniæ juramentum; idque etiam videtur suadere *Auth. Hoc sacram. c. de Jurejur. propt. calumn.*, ubi item generatim statuitur: "Hæc sacramentum hodie remittitur, cum initio juretur, nihil se calumniose in toto negotio exigere." Inde tamen ortum est dubium, quod Justinianus loqui videatur de juramenti, quæ olim ab iis emittebantur, qui probationes subire volebat; quod in *Novell. 73. c. 7.* adhuc speciale juramentum calumniæ desideretur ab eo, qui litterarum comparationem persequitur. Quamvis autem à pluribus animadversum sit, in hac *Novella* contineri exceptionem, cujus ratio specialis in *Novella præfatim* data est, ut eo magis coerceatur malitia, quæ tunc frequens erat, eorum, qui documenta vitare solebant, nihilominus minus res non tamen satis conperta, atque explorata fieri potuit. Sed omnem sustulit dubitationem Binfacius *VIII. in c. 2. de Juram. calum. in 6.*, ubi statuit; quod "in omnibus causis nedum ante, sed etiam postquam lis fuerit contestata, sive de veritate, sive de calumnia sit juratum in ipsis, potest iudex à partibus exigere juramentum malitiæ, quoties viderit expedire."

(2) *Cap. 2. & ult. de juram. calum. in 6.*

(3) *Cap. 3. 4. 6. de juram. calumn.*

(4) *L. ult. cod. de jurejur. propt. calumn.* Glossa in *c. 1. de juram. calumn.*

§. II. Datur hoc jusjurandum in omnibus causis (1), etiam spiritualibus; tam in prima, quam in secunda instantia (2). Si non petatur impune omittitur, neque propterea iudicium irritum est (3); verum pacto convento remitti non potest (4). At petatum omnino præstandum est, & si illud litigantes subire recusent, actor quidem causa cadet, reus vero pro confesso habebitur (5).

(1) In omnibus quidem causis jusjurandum propter calumniam dari voluit Justinianus in *l. 1. cod. de jurejur. propt. calumn.*; sed tamen multi sunt interpretes juris civilis, qui in criminalibus causis illud locum habere negant. Consule Cujacium in *c. 1. de juram. calumn. opp. t. 6. col. 794. ed. cit.* Verum Honorius II. in *c. 1. de juram. calumn.* etiam ad causas criminales hoc jusjurandum videtur pertraxisse.

(2) *Cap. 1. & 2. de Juram. calumn. in 6.* De causis spiritualibus non eadem est sententia Honorii II. in *c. 2. de Juram. calumn.*, & Bonifacii VIII. in *c. 1. §. ult. cod. in 6.*; nam ille in causis spiritualibus juramentum calumniæ emittendum negat, hic autem affirmat. Ut hæc dissidia componerent, multi Juris interpretes otio, & tempore abusi sunt. Mihi certum, exploratumque est, Bonifacium VIII. jus antea constitutum abrogare voluisse. Inquit enim in *causis spiritualibus. . . canones non indicare alicui calumniæ juramentum*, se tamen, quia frequenter calumniari viderat in ipsis, juramenti necessitatem in his quoque causis imponere.

(3) Jure civili in *l. 1. §. 4. Cod. de jurejur. propt. calumn.* hoc juramentum per judicem exigi necessitatis est; eoque omisso irritum esse iudicium plerique interpretes docent. Sed jure canonico, quo ubique utimur, in *c. 1. §. 1. de Juram. calumn. in 6.* tacite omitti posse, eoque omisso valere iudicium, statuit Bonifacius VIII., quæ Baldi, & aliorum contra Azonem, Martinum, aliosque nonnullos sententia fuit.

(4) Confer Glossam in *c. 1. v. Tacite de Juram. calumn. in 6.*

(5) *Cap. ult. de Juram. calumn., l. ult. Cod. de jurejur. propt. calumn.*

§. III. Clerici olim laicorum more in judicio jurare non poterant (1), sed nunc & ipsi jurant de calumnia, modo cum venia Summi Pontificis, si episcopi sint, cum venia autem proprii Antistitis, si sint clerici inferiores, jusjurandum e nittant (2). Hæc inter laicos, & clericos discrimen est; quod illi tactis, hi vero propositis Evangelii jurant (3).

(1) *L. 25. §. 1. Cod. de Episc. & Cler.*, qua Marcianus antiquam Ecclesiæ disciplinam confirmat: "ecclesiasticis, inquit, regulis, & cano-

„ne à beatissimis Episcopis antiquitus instituto clerici jurare prohiben-
 „tur.” Eadem hæc disciplina est in *can. 1. & 5. c. 2. qu. 4.*, & *can. pen.
 et ult. c. 22. q. 5.*, eamque laudat Honorius II. in *c. 1. de Juram. calumn.*,
 quo loco Marcianus mendose Marcus dicitur. Tum ipse Honorius des-
 cribit constitutionem Henrici II. Imperatoris l. 2. *leg. Longobard. tit. 47.*,
 qua Marciani constitutio, quæ solos comprehendebat clericos Ecclesiæ
 Constantinopolitanæ, ad omnes universæ clericos, atque etiam mona-
 chos traducta est. An enim clerici jurant in *c. 5. 6. 7. de Juram. calumn.*
 Cujacius in *c. 1. de Juram. calum. opp. t. 6. col. 794.* referendum id pu-
 tat ad procuratorem, adeout clerici & Episcopi per procuratorem jura-
 re possint, per semetipsos vero non possint, nisi Episcopus cum venia
 Summi Pontificis, clericus cum venia proprii antistitis jusjurandum
 emittat. Ita, si licet gentium leges cum Ecclesiastico jure componere,
 Romæ olim Flamine Diali, & Sacerdoti Vestali jurare fas non erat, quod
 & A. Geilius *Noct. Attic. l. 10. c. 15. p. 534. ed. Lugd. Batav. 1666.* in
 edicto Prætoris perpetuo expressum fuisse testatur his verbis: “Sacer-
 „dotem Vestalem, et Flaminem Dialectalem in omni mea jurisdictione jura-
 „re non cogam.” quod item confirmasse Caligulam, tradit Dio l. 59.
 n. 13. p. 915. t. 2. *ed. Hamburgi 1752.* Sed his tamen recte per alium
 jurabant; quod plebiscito comprobatum est apud Livium l. 31. c. 50.
 t. 4. p. 593. *ed. Drakenborch. Amstel. 1741.* Mihi hæc Decretalium in-
 terpretatio minus placet. Nam in *c. 7.* clericus tum per procuratorem,
 tum per semetipsum jurare cogitur; & in *c. 5.* clerici juramentum calum-
 niæ præstare jubentur, “consuetudine, quæ legi contraria est, non obs-
 „tante.” Quod ad clericos per semetipsos jurantes arbitror pertinere.
 Equidem claram, & perspicuam puto causam, propter quam clerici,
 qui antea juramentum calumniæ non præstabant, in *c. 5. & 7.* jurare
 cogantur. Utraque hæc decretalis recentior est decretali Honori II. in
c. 1., per quam clerici jurant cum venia Summi Pontificis. Itaque Lu-
 cius III., & Gregorius IX. harum Decretalium auctores sese referunt ad
 jus novum ab Honorio II. constitutum; & licet neque Summi Pontificis,
 neque Prælati veniam expriment, quam nominatim postulat Honorius II.,
 tamen hujus veniæ necessitas in eorum quoque decretalibus tacite intelli-
 genda est. Atque hæc quidem pertinent ad jusjurandum, quod in judicio
 emittitur, & quod calumniæ dicitur. Nam extra judicium & clerici ob
 gravem causam jurare solebant. Ita Episcopos & clericos, ut se purga-
 rent, jurasse constat ex Anastasio Bibliothecarij in *Pelag. t. 3. p. 292. ed.
 Romæ 1728.* et ex *c. 10. 18. 19. c. 2. q. 5.*, similiter eos interdum jurasse,
 cum justa urgeret causa, ostendunt Sazomenus *Histor. l. 6. c. 30. p. 263.
 ed. Valesii Cantabrig. 1720.*, & Justinianus *Novel. 23. c. 1.*, et *Novel. 187.
 c. 2.*; ac Patres Concilii Constantinopolitani Oecumenici VI. Gregorium
 Diaconum in singulis propositis questionibus jurare coegerunt.

(2) *Cap. 1. de Juram. calumn.*

(3) *Cap. ult. de Juram. calumn.* Clericos, ad instar laicorum, Evan-
 gelia, aut martyrum reliquias manu tangere canones vetuerunt. Presby-
 teri, et Episcopi “vice” juramenti per sanctam consecrationem interroga-

„bantur” *can. 4. c. 2. qu. 5.* Interdum etiam ante corpus alicujus Sancti tantummodo quæstiti respondebant *can. 8. et 9. ead. caus. et qu.* Verum cum gravior aliqua urgere videretur causa, non solum Diaconos, quod de Evagrio Constantinopolitano tradit Sozomenus *l. c.*, sed ipsi etiam Episcopos tactis Evangeliiis jurasse constat ex *c. 4. §. ult. de Jurejur. et c. 5. de Purg. canon.* Ad hanc sane modum Severum Episcopum iurandum dare, ac deferre debuisse, non obscure tradit S. Basilii *Ep. 188. can. 1. ad Amphiloeh. c. 10. opp. t. 3. p. 275. ed. Maurin. Paris. 1730.*

§. IV. Differt à juramento calumniæ, quod generale est, et omnia complectitur, quæ in judicio aguntur juramentum speciale, quod datur quoties opus est, in singulis actibus judiciariis, etiamsi generale sacramentum calumniæ emissum fuerit, eoque jurans affirmat, se non ex dolo, aut calumnia certum illum actum expedire. Juramentum hoc à Bonifacio VIII (1) *malitiæ* juramentum dicitur, ut à generali juramento calumniæ distinguatur.

(1) *Cap 2. §. 2. de Juram. calumn. in 6.*

TITULUS IX.

De probationibus.

I. Causæ disceptatio.

II. Quid probatio; & ad quem probandi onus pertineat?

III. Probatio plena, & semiplena.

IV. Confessio.

V. Positiones.

VI. Positionum effectus.

VII. Testes.

VIII. Unius testimonium.

IX. Qualis testium numerus requiratur?

X. ad XII. Testium qualitates.

XIII. Qui testimonium ferre nequeat in omnibus.

XIV. Qui in certis causis.

XV. Qui pro certis personis.

XVI. Qui contra certas personas.

XVII. & XVIII. Examen testium.

XIX. Examinis publicatio.

XX. Instrumenta.

XXI. Fides publici instrumenti.

XXII. Fides privatæ scripturæ.

XXIII. Juramentum, ejusque divisio.

XXIV. Juramentum voluntarium, & judiciale.

XXV. Juramentum necessarium.

XXVI. Vis juramenti, & quando ei locus sit.

XXVII. Inspectio rei controversæ.

XXVIII. Præsumptio juris, & de jure.

XXIX. Præsumptio juris tantum.

XXX. & XXXI. Præsumptio hominis ejusque species.

Jacto litis fundamento, fit progressus ad causæ disceptationem. Si reus in judicium veniens satius ducat adversario cedere, quam obsistere, & liberaliter coram judice fateatur, veram, ac justam esse actoris petitionem, diutius judicio non contenditur; cum reus ipse suo testimonio, ac sententia in se condemnationem protulisse videatur. Nul- lum tamen inde oritur impedimentum, quominus judex, audita rei confessione, sententiam proferat. Nam scitum est, judicium semel cœptum sententia esse absolvendum, nisi litigantes ultro, & mutuo consensu liti valedicant.

§. II. At si reus certamen non reformidet, judiciumque suscipiat, adhibendæ sunt probationes, per quas judici rei veritas innotescat. Neque enim ipsi non cognita rei veritate, sententiam, ferre licet (1). Probatio est illus rei, quæ in controversiam venit, legitime judici facta demonstratio. Generatim onus probandi ad actorem pertinet, eo- que non probante reus absolvitur, quamquam nihil ipse præstiterit (2). Sed interdum probandi onere tenetur reus, cum nimirum præsto est actori juris præsumptio (3); aut cum reus excipiendo aliquid affirmat quo contraria actio perimi, ac repelli possit, quia tunc ipse in exceptione sua actor efficitur (4). Interdum etiam tam actor, quam reus probare debet, quod pro se quisque asseverat, uti fit in ju- diciis duplicibus familiæ erciscundæ, communi dividundo, finium regundorum, in quibus uterque litigantium partes actoris sustinet (5).

(1) *Can. 10. cap. 30. q. 5.*

(2) *L. 4. Cod. de Edn., Can. 1. c. 6. q. 5.*

(3) *Cap. 2. de Restit. spol. in 6.*

(4) *L. 9. § 19 ff. de Probat.*

(5) *Cap. 3. & 9. de Probat.*

§. III. Probatio alia plena sive perfecta, alia semiple- na, sive imperfecta est (1). Plena est quæ plane, atque evi- denter ostendit id quod proponitur, quæque apta est ad fi- niendam controversiam: semiplena, quæ fidem aliquam facit, sed non plenam, ac potius injicit opinionem, ut dic-

tum unius testis, comparatio scripturarum, cetera similia.

(1) Plerique interpretes hanc tradunt probationum divisionem, quæ in foro receptissima est. Quamquam enim actor contra reum plene probare debeat id, quod proponit, tamen despicienda non est ea probatio, quæ conjecturam probabilem affert. Ea quidem satis non est ad condemnandum reum, sed tamen iudicis diligentiam excitat ad alias conquirendas probationes, quibus suppleatur id, quod in semiplena probatione deesse videtur. Ita hæc semiplena probatio necessitatem imponit iurijurandi, per quod aut reus se plane purgat, aut actor probationum inopiam supplet. Sane in *l. 31. ff. de iurejur.* scriptum est: "solent sæpe iudices in dubiis causis exacto iurejurando judicare." Et in *l. 3. cod. de Reb. credit.* habentur hæc: "Inopia probationum per iudicem iurejurando res decidi oportet." Jam vero *in dubiis causis*, & *in inopia probationum*; cujus gratia *res iurejurando deceditur*, nonnisi ad semiplenas probationes referri potest. A cedit auctoritas Juris Canonici in *c. 4. de integr. rest.*, ubi hæc scripta sunt: *licet non constet ad plenum*; & *c. 6. de Fuz. & malef.*, ubi hæc occurrunt: *quomodo semiplene nobis expresseris*. Quo utroque loco sine dubio semiplena probatio designatur. Sed receptam hanc divisionem probationum in plenas, & semiplenas vehementer improbant Duarenus *l. 2. disp. 33.*, Donellus *ad tit. Pandect. de iurejur. c. 11. n. 3. & seq. opp. t. 10. col. 747. & seq. ed. Lucæ cit.*, Faber *de Error. pragmat. dec. 19. er. 1.* Inquiunt enim semiplenam probationem nullam esse, neque probatum haberi potest, quod perfecte probatum non est, quemadmodum vitiose cautum non videtur cautum *l. 6. ff. Quid satis. cog.*, neque stipulatio, emptio, testamentum valent, nisi perfecta sint omnia *l. 115. ff. de Verb. oblig.*, *l. 19. ff. de Contrah. empt.* Verum hi actus indivisi sunt, propterea mirum non est, eos non valere, nisi perfecti sint. Sed probatio dividua est, ideoque eam plus, minusve evidentem sæpe dicimus, & interdum etiam *lucæ clarior*, qualem causæ criminales postulant *l. ult. cod. de probat.*

§. IV. Inter plenas probationes principem sibi locum vindicat confessio, cum nulla sit probatio major, ea, quæ à proprii oris confessione procedit (1). Fit autem confessio vel in iudicio, vel extra iudicium; ideoque dividitur in iudicialem, & extrajudicialem. Judicialis confessio summam vim habet, ita ut qui eam emisit sua se sententia quodammodo damnare videatur (2). Sed ut ea vires habeat, fieri debet à maiore 25 annis coram competente iudice (3), ex certa scientia, sponte, atque libere, procul ab errore facti, quo probato nulla confessio est (4); denique non vaga, & incerta esse debet (5). Extrajudicialis confessionis non

tanta vis est, neque ex ea confessus tamquam judicatus habetur; verum & ea plenam probationem constituit, si coram adversario, & idoneis, rogatisque testibus emissa sit (6).

(1) *L. 1. ff. de Confessis, l. 3. c. de Non numer. pecun.*

(2) *L. 1. ff. de Confessis, l. unic. cod. eod. Confiteri autem, inquit Paulus Recept. sentent. l. 5. §. 3. apud Schultingium l. c. p. 448., quis in iudicium non tantum sua voce, sed & litteris, & quocumque modo potest. L. cum hunc Pan i diligenter explicat Cujacius, & Schultingius ibid.*

(3) Confer Glossam in *c. ult. de Confessis*. Confessio coram incompetente iudice emissa extrajudicialis confessionis vim habet.

(4) *Cap. 3. de Confessis, l. 2. ff. eod.* Verum de errore juris aliud est à legibus constitutum. Recte, præter ceteros, hoc argumentum persequuntur Doneilus ad *l. 2. ff. de Confess. opp. t. 11. col. 393. et seq. ed. Luca cit.*, & Cujacius ad *ut. cod. de Confess. opp. t. 9. col. 132. ed. Alutin.*

(5) *L. 3., & l. 6. ff. de Confess. l. 6. ff. de Jur. fisci.* Nam confensus incertum declarare debet, ut omnis dubitatio removeatur *L. 12. §. Nihil ff. de interrog. action.*

(6) *Novel. 9. c. 2., Auth. Rogati cod. de Testib.*

§. V. Ad eliciendam hanc confessionem jamdiu receptum est, ut litigantium alter alteri proponat positiones, sive articulos respicientes non causam universam, sed facta quedam quæ ad causam pertinent, ut iis ab adversario constitutis, alteri sit exploratum, quid probare ipse debeat, quid in probatis habere (1). Suffectæ sunt positiones interrogationibus, quæ olim ante contestatam litem fiebant in jure, sive apud Prietorem, cum quis, experi vellet actione reali, puta hereditatis petitione, ac rei vindicatione, & nescius, possideretne, aut quo jure possideret reus, ex ejus ore actor exprimebat genus actionis, qua ipsum uti oportebat Actio descendens ex his interrogationibus actio interrogatoria dicebatur, unde Pandectarum tituli *de interrogationibus in jure factis, & interrogatoriis actionibus*.

(1) *Cap. 1. de Confess. in 6.* Positiones, quales hodie adhibentur, jus civile ignoravit, atque earum primum mentionem Decretales *c. 24. de Elect.*, & *c. un. de Lit. contest.* Quod vero inquit Clemens V. *Clem. Sepe de Verh. signij.*, eas longævo usu in causis admissas ad usum fori ecclesiastici referendum est.

§. VI. Ille cui sunt oblatæ positiones, iisdem respondere juratus debet, ac si confessus fuerit, urgebitur testimonio suo, tamquam re satis certa, et probata; si respondere noluerit, aut ne responderet, à iudicio discesserit; conscientia sua convictus judicabitur (1). Quod quidem obtinet, cum iudex respondere jussit; nam qui à iudicio discessit, antequam illud à iudice mandaretur, contumax, non convictus existimatur (2). Videre autem in primis iudex, & considerare debet, probandæ ne, an rejiciendæ sint positiones; non enim litigator positionibus obscuris, captiosis, dubiis, aut ad causam non pertinentibus cogitur respondere.

(1) Cap. 2. de Confessis in 6.

(2) Cap. 1. de Confessis in 6.

§. VII. Ubi confessione nequeat educi veritas, aliæ in medium afferendæ sunt probationes, & veritas exquirenda vel testibus, vel instrumentis, vel jurejurando, vel oculari inspectione, vel indicis, & præsumptionibus. Testes sunt personæ fide dignæ, quæ rei controversæ veritatem ostendunt, quodque ab iis dictum est, testimonium appellatur. Omnis questio de testibus ad tria capita facile redigitur, ad eorum numerum, qualitatem, examen.

§. VIII. Quod attinet ad numerum unius porro testis, quamquam ipse sit omni exceptione major (1), nulla tuta fides est (2); tantum facit, ne temere fiat, quod sine flagitii periculo fieri non potest. Ita cum dubitatur, num quis baptizatus sit (3), num ecclesia sit consecrata (4), cum agitur de impediendo matrimonio, deque avertendo malo, quod ex illo oriretur (5), uni testi credendum est. Sed & notario, qui ea confirmat, quæ sui officii sunt (6), nuntio, qui se aliquem citasse testatur (7), Episcopo, qui testimoniales litteras suo sigillo munitas dedit, parocho, qui de suorum vita, & moribus, magistro, qui de studio discipuli testimonium ferunt, omnis habenda fides est.

(1) Sed si testimonium ab uno licet Episcopo perhibitum omnes iudices inhibentes accipere oportere, scriptum est in *Ex ratag. in fin. cod. Theodos. tit. de Episc. juli. p. 339. l. 6. ed. Gothofredi Lips. 1743. De hac*

constitutione, quæ Constantini M. nomen præsefert, & quam Gothofredus, aliique falsam putant, satis egi loco superiori *tit. 1. §. 22. not. 4. p. 27. & seq.*

(2) *Cap. 10. & 28. de Testib., l. 8. cod. eod.*

(3) *Cum: iro, de Consecr. dist. 4.*

(4) *Can. 16. de Consecr. dist. 1., ibique Glossa v. Nec certi.*

(5) *Cap. 12. de Sponsal., cap. 22. de Testib.*

(6) *Novel. 73. c. 7.*

(7) *Cap. 19. de Appellat.*

§. IX. Generatim tamen duo saltem, tresve testes requiruntur, ut plena probatio habeatur (1); nisi forte illorum numerus certa aliqua in re à jure sit definitus. Nam sunt certa quædam negotia, quæ plures eo numero testes requirunt (2); & in his quidem præscriptus numerus omnino adhibendus est. Ita personæ dignitas fecit ut plures, quam duos, tresve, Ecclesia testes postularet, ut Episcopus condemnaretur (3). Expediit autem universe plures afferre testes ut firmior, & luculentior probatio habeatur; modo adversarius non cogatur graves perferre sumptus propter inanem testium multitudinem. Jus civile eam rem permittit arbitrio judicis, cujus est testium numerum moderari (4); sed jure decretalium testes supra quadraginta ex utraque parte in medium afferri non possunt (5).

(1) *Cap. 23. de Testib., l. 12. ff. eod.*

(2) *L. 1. §. 2. ff. de Testib., c. 23. mox cit. Consule Brissonium Select. q. 1. 2. c. 17.*

(3) Contra Episcopum testes 72. adhiberi voluisse Zephirinum Pontificem, tradit Liutprandus in ejus *Vit. p. 183. ed. Amserp. 1640.* Eundem hunc numerum expresserunt Leo IV. in *can. 3. c. 2. q. 4. & Capitularia Caroli M. l. 1. c. 133. t. 1. col. 491. edit. Baluzii Van. 1772.*; ac Macedonium Episcopum Constantinopolitanum ab Episcopis septuaginta duobus de gradu dejectum narrat Auctor *Chronic. Alexand. Olymp. 285. in Bibloth. PP. t. 12. p. 951. ed. Lugdun.* Imperatores Valentinianus, Valens, & Gratianus in *l. 20. Cod. Theod. Quor. appellat. non recip. testes 70. memorant adhibitos in causa Chromatii Episcopi*; & Augustinus in *Brevic. collat. dici 3. c. 14. opp. t. 9. col. 569. ed. Ven. cit.* mentionem facit Concilii apud Carthaginensem à Donatistis habiti, quo Cæcilianus ab Episcopis fere septuaginta condemnatus fuit. Mitto decretum Concilii Romani sub Silvestro Pontifice, quod est apud Gratianum *can. 2. c. 2. q. 5., & quo habentur hæc: "Præsul non damnabitur, nisi cum 72. testibus...*

„Presbyter Cardinalis nisi eum 44. . . . Diaconus Cardinalis Urbis Romæ nisi cum 27. . . . Subdiaconus, Acolytus, Exorcista, Lector, Ostiarius 7. ;” itemque mitto acta Concilii Sinuessani, ex quibus constat, adhibitos fuisse testes 72. adversus Marcellinum, qui idolis ihus adolevisse ferebatur. Mitto inquam utrumque, quoniam Romanum illud Concilium ab Isidoro Mercatore fuisse confictum, omnes norunt; & similiter omnibus compertum est, fabulam esse Marcellini lapsum, & acta Synodi Sinuessanæ, quod, præter ceteros late ostendit Papebrochius in *Conat. Chronol. Histor. in S. Marcellin. Dissert. 7. in Propyl. ad act. SS. Maii p. 42. & seq. ed. Antwerpæ*. Illud in his actis cura, & observatu dignum est, quod dicitur: *hi omnes electi sunt viri libra occidua, qui testimonium perhibent*; constat autem ex iisdem actis *libra occidua* vocabulo testes 72. significari. De *libra* nomine parum laboro. Nam veteres nominibus ponderum numeros designare solebant, quod præ ceteris ostendunt *libra* & *unciarum* vocabula usurpata ad significandam integram hereditatem, quæ duodecim partibus constat. Mirum igitur non est, quod in actis Sinuessanis *libra* nomine 72. testes intelligantur, quoniam Valentiniæ, & Valentis constitutione in *l. 5. Cod. de Susceptor. l. 10.* sancitum est, ut *libra* constaret solidis septuaginta duobus. Neque refert, quod Marcellinus Valentiniæ & Valente antiquior fuerit. Nam, ut rectissime est à Baronio ad *an. 302. n. 94. seq. t. 3. p. 330. ed. Lucæ* observatum, acta Synodi Sinuessanæ, quæ iam nunc extant, recentiores habent auctorem, qui verba secundum sui temporis consuetudinem usurpavit. Itaque de *libra* nomine expedita res est: sed non ita facile judicari potest, quamobrem Auctor eorum actorum hanc *libram occiduam* appellet. Joannes Dantis in *Decret. Gratian. c. 2. q. 5. non occiduam, sed assiduam* legendum putat, hoc est *veram*, & *expensam*, uti eam vocem explicat testimonio Isidori *Orig. l. 10 p. 65. ed. Paris. an. 1580.*; sed id quidem est contra omnium codicum fidem, & auctoritatem. Cujacius *Observ. l. 7. c. 9. opp. t. 3. col. 455. ed. cit.*, & Baronius *l. max. cit. libram occiduam occidentalem* explicat. Nam discrimen constituunt inter *libram orientalem*, & *occidentalem*, quarum altera constabat solidis octuagintaquatuor secundum Constantini constitutionem in *l. 1. Cod. Theod. de Ponder.* altera ex *cit. l. 5. Cod. de Susceptor. l. 10.* solidos septuaginta duos continebat. Sed, ut bene monet Cironius *Observ. l. 4. c. 5. p. 80. ed. Vindobonæ 1761.*, nulla est hæc orientalis, & occidentalis *libra* distinctio; nec quod Constantini lex Antiochiæ, lex autem Valentiniæ, & Valentis Romæ lata fuerit, exinde effici potest, quod illatantum ad Orientem, hæc vero ad solum Occidentem pertineret. Imo vero cum illi utrumque tenerent imperium, sine dubio tulerunt legem, qua totum imperium obstringeretur. Itaque Cironis *occiduam libram* in actis Marcellini interpretatur *stateram*, & paria libramenta accurato examine; sicut *occidua libra* sit, quasi vergens, atque ad unam partem inclinans. Rejicit hanc sententiam Jacobus Gothofredus ad *l. unic. Cod. Theod. de Oblat. vot. t. 2. p. 463. ed. Lipsiæ cit.*, & *occiduam libram* explicat *imminutam*, quemadmodum à scriptoribus *occiduam*, *imminutum*, & quod *occidit*, passim appellari demonstrat.

(4) *L. 1. §. 2. ff. de Testib.*(5) *Cap. 37. eod.*

§. X. Multa etiam in testibus requiruntur ut eorum testimonium iudicio probetur. Principio citandi, atque etiam invitati cogendi sunt ad ferendum testimonium, & patefaciendam veritatem. Vetus est jus cogendorum testium in causis criminalibus (1); sed postea Justinianus etiam ad civiles causas jus idem produxit (2), atque ita factum est, ut in his quoque causis invitati darentur testes, qui pridem erant tantum voluntarii (3). Nunc igitur jure civili etiam invitati denuntiatur testimonium, exceptis cognatis, affinibus, & quibusdam aliis (4).

(1) *L. 4. §. 1. et 19. ff. de Testib.*, Plinius l. 3. Ep. 9. ad Minutian. p. 62 ed. Oxonii 1703. Confer Ciconium ad tit. *Decretal. de Testib. cogen.*

(2) *L. 16. et 19. Col. de Testib.* Antiquiorem illam constitutionem, quam novam hoc jus induxit Justinianus, ipse memorat *et. l. 16.*; eam vero ex Basilicis restituit Cujacius *Osserv. l. 8. c. 13. opp. t. 3. col. 186. ed. cit.* De testibus ad ferendum testimonium cogentis est etiam decretum in *Lege Ripuariorum c. 50.* apud Baluzium *Capitular. Reg. Franc. t. 1. col. 27. ed. Ven. 1772.*, & in *Lege Salica c. 51.* apud eundem Baluzium *l. cit. col. 215.* "Si quis, in *Lege Salica scriptum est*, testes necessarios habuerit, & fortasse ipsi ad placitum (*judicium*), venire noluerint, ille, qui eos necessarios habet, manere (*monere*) illos debet. Si vero venire noluerint, & eos summis (*legitimum impedimentum*) non detinuerint, unusquisque illorum sexcentis denariis, qui faciunt solidos quindecim, culpabilis judicetur."

(3) Confer Quintilian. *Intr. Orat. l. 5. c. 7. p. 243. ed. Patavii. 1736.*

(4) *L. 4, 5, 8, 19. ff. de Testib.*

§. XI. Romana Ecclesia testes hortari, & monere, non cogere consuevit (1). Tantum ecclesiasticus iudex invito testimonium denuntiat, si iis odio, vel gratia, vel timore se subtrahat (2); atque alia desit probatio, unde veritas nosci possit (3). Et laicum quidem ipse iudex cogit ad ferendum testimonium per excommunicationem (4), clericum vero per suspensionem ab officio, & beneficio, quam, si adhuc pergat obsistere, sequi potest sententia excommunicationis, ac depositionis (5). Quod si quis jurejurando promiserit, se non dicturum testimonium; nulla vis sacramenti est (6).

- (1) *Cap. 1. & 3. de Testib. cogen.*
- (2) *Cii. cap. 1.*
- (3) *Cap. 5. & ult. de Testib. cogen.*
- (4) *Cap. 1. 5. 9. ult. cod.*
- (5) *Cap. 2. cod.*
- (6) *Cap. 18. de Testib., C. ult. de Testib. cogen.*

§. XII. Sed & jurati debent esse testes, quoniam injuratis non creditur, nisi eis adversarius jusjurandum remiserit (1); præterea non singulares, quales sunt, qui singuli de disjunctis, diversisque actibus testantur, iique, inter quos de eodem actu non convenit (2), neque qui rem ex auditu deprehenderint, quia testes auriti plenam sibi fidem non vindicant, nisi alia præsto sint adminicula, aut nisi aliud causæ natura postulet (3); denique nullo vitio laborare debent, propter quod à testimonio repellantur. Quidam enim ab omnibus judiciis arcentur, quidam ab aliquibus, quorundam testimonia pro certis personis, quorundam contra certas personas non recipiuntur.

* (1) *L. 8. cod. de Testib., c. 39. et 51. cod.* Vide etiam Capitularia Caroli M. l. 7. c. 283. t. 1. col. 727. *ed. Baluzii Ven. 1772.* Forte hujus sacramenti à testibus emittendi necessitas fecit, ut nonnisi à jejunis testimonium dari deberet. In Capitularibus Caroli M. & Ludovici Pii l. 5. c. 252. & l. 6. c. 267. apud Baluzium t. 1. col. 584. & 648. *ed. cit.* scriptum est: "Omnino nullus, nisi jejunus, ad juramentum, vel ad testimonium admittatur." Quod idem constitutum est in c. 1. de Testib., "Nullus testimonium dicat, nisi jejunus." Nam, uti sancitum est in canone, quem Cornelli P. nomine describit Burchardus in *Decret. l. 12. c. 12.*; "honestum, & iustum videtur, ut qui in sanctis audet jurare, hoc jejunus faciat cum omni honestate, & timore Dei." Sane vetus hæc es Ecclesiæ disciplina, ut nonnisi à jejunis sacra tractentur *can. 6. et 7. dist. 5. de consecr.* Sed ne despicienda quidem videtur conjectura eorum qui testes jejunos testimonium ferre debuisse putant, ne onusti viuis, & cibo perturbati, aut minus veram attestationem emitterent. Sane in eisdem Capitularibus Caroli M., & Ludovici Pii c. 103. l. 5. l. cit. *col. 563.* cautum est, ut "nullus ebrius spem causam in mallo possit conquirere, nec testimonium, nec plicum Comes habeat, nisi jejunus." Idem Episcopis, statutum est *Novel. 123. c. 7.*, eos non ad iustarum aliorum testium jurejurando, sed fide tantum sua, ut decet Sacerdotes Dei, propitiis sanctis Evangelii, testimonium ferre oportere. Tribariensi autem Concilio *an. 9. can. 21. col. 640. t. 11. collect.* Libbzi sancitum est, "ut

„Presbyter vicem juramenti per sanctam consecrationem interrogetur, quia sacerdotes ex levi causa jurare non debent.” Consule Christianum Lapum *Append. ad Ephesin. Laticin. c. 2. act. 1. opp. t. 2. p. 220. ed. Ven.*, ubi causas habes, propter quas clerici jurant.

(2) *Cap. 33. de Testib.*, *C. 9. de Prob. t.*, *C. 23. et 32. de Elect.*

(3) *Cap. 5. 27. et 47. de Testib.*, *c. 13. de Probat.* Tempus, quod hominum memoriam superat, per testes ex auditu, in quibus insit omnia, quæ inesse oportet, recte demonstratur *l. 28. ff. de Probat.* Iisdem quoque testibus consanguinitatem probari, traditum est; sed hodie, uti monet Cujacius *ad c. 47. de Testib. opp. t. 6. col. 856. ed. cit.*, Lateranensis Concilii decreto arcata, ad quantum gradum prohibitionis nuptiarum, arcatur etiam de auditu testimonium. Confer ipsum *cap. 47. de Testib.*

§. XIII. A judiciis omnibus, tamquam minus apti, & idonei ad ferendum testimonium, repelluntur furiosi, ammentes (1), idemque impuberes, servi, perjuri, infames, excommunicati (2). Quin jure Decretalium quilibet reus criminis postulatus, etiamsi nondum confessus, convictus, damnatus, & notatus infamia sit, testimonium dicere prohibetur (3); exceptis gravioribus criminibus, qualia sunt simoniæ, & læsæ majestatis (4), in quibus etiam infames testimonium ferunt (5). Nam testes non tantum infamia, sed etiam infamiæ suspitione vacare oportet (6). Ceteri criminosi omnino rejiciuntur; cum adhuc in sceleris contagione versantur (7). Qui crimen perpetrarunt, modo perjuri non sint (8), ac deinceps salva existimatione abjecerent, in judiciis civilibus, non item criminalibus, in quibus de crimine, pœnaque agitur, testes esse possunt (9).

(1) §. Item furiosi *Inst. Quib. non est permiss. fac. test.*, et *l. 20. §. Ne furiosus ff. Qui testam. fac. pos.*

(2) *Can. 1. et 3. c. 4. qu. 3.*, *c. 47. de Testib.*

(3) *Cap. 54. et ult. de Testib.*

(4) *Cap. 7. de Simon.*, *c. 1. de Testib. in 6. Ivo Carnotensis Ep. 27. opp. t. 2. p. 13. ed. Paris. 1647.* „Cum in aliis accusationibus, inquit, actorum, & testi in innocentia quaeratur, ad insimulationum tamen simoniacorum etiam infames personas admitti.”

(5) *Cap. 31. de Simon.*

(6) *Cap. 1. de Except.*, *can. 39. c. 2. qu. 7. can. 2. et 3. cap. 3. q. 11.*

(7) *Cap. 14. de Testib.*, *c. 32. de Simon.* Confer etiam Caius Iulianus Caroli M. *l. 7. c. 3. 4. t. 1. col. 732. ed. Baluzii cit.*

(8) Qui in alia causa aliquando pejerasse probantur, etiamsi de per-

jurio illo damnati non fuerint, testes esse prohibentur, c. 7. de Testib. can. 18. c. 6. qu. 1. c. 7. et 14. c. 22. qu. 5.

(9) Cap. 54. de Testib.

§. XIV. In certis causis testimonium ferre nequeunt foeminae in causis criminalibus (1), nisi plane alius desit veritatis ostendendae locus, ac nisi agatur de gravioribus criminibus simoniae, & laesae majestatis, in quibus etiam minus idonei testes recipiuntur (2); patronus, & advocatus in causa, quam defendunt (3), judex in causa, quam judicat (4), denique omnes in propria causa testes esse prohibentur (5).

(1) Jure civili à causis criminalibus mulierum testimonium excluditur, si hæc corpore quæstum faciant l. 3. §. 5. ff. de Testib. Sed decretales omnes univærsæ foeminas repellunt.

(2) Cap. 3. et 4. c. 15. qu. 3.

(3) Glossa in c. 6. de Test., et L. fin. ff. eod.

(4) Can. 38. c. 2. qu. 6.

(5) Cun. 1. et 2. c. 4. qu. 4., l. 9. cod. de Testib.

§. XV. Pro certis personis testimonium ferre nequeunt ii, qui sunt de domo, sive familia nisi sint spectatæ fidei, & probitatis (1), vel nisi in controversiam veniat, quod alio modo probari non potest; veluti si quærat de cognatione, legitimis natalibus, ætate (2). Similiter neque amici testimonium dicunt in causis amicorum (3), neque ii, qui similem cum aliis habent controversiam; & quorum judicium illud interesse potest (4); itemque monachi, & clerici in profanis rebus coram laico iudice testimonium ferre vetantur, nisi aliud postulet necessitas ostendendæ veritatis; uno casu sunt testes cum spi antistitis venia, aut eorum testimonia ecclesiasticus judex recipit.

(1) L. 1. cod. de Testib., c. 24 de Testib.

(2) Cap. 3. Qui matrim. accus. pos.

(3) L. 3. ff. de Testib.

(4) Cap. 10. et 20. de Testib.

§. XVI. Postremo adversus certas personas testes esse nequeunt reus contra socios criminis (1), exceptis criminibus laesae majestatis, hæresis & simoniae (2), inimicus con-

tra inimicum (3) libertus contra patronum (4), filius contra Patrem, & Pater contra filium; exceptis causis matrimonialibus (5): hæreticus, ethnicus, judæus contra orthodoxos (6); denique in causis criminalibus. Laici à ferendo contra clericos testimonio jure decretalium repelluntur (7).

(1) *Cap. 1. de confessoris, c. 10. de Testib.*

(2) *Can. 2. dist. 79., c. 4. de Hæret. in 6., c. 1. de Testib. in 6.*

(3) *Cap. 32. de Simon.*

(4) *L. 4. ff. de Testib., l. 11. cod. de Testib.*

(5) *Can. ult. c. 4. qu. 2., l. 3. ff. de Testib., l. 5. cod. eod.*

(6) *Can. 20. et 26. c. 2. qu. 7.*

(7) *Cap. 14. de Testib.*

§. XVII. Probi, et honesti testes legitime examinandi sunt, ut ipsis in judicio fides habeatur. Ergo qui probare debet, quod est incertum, testes producit, quos inde competens judex advocat, posteaquam eos dignos judicavit, qui in judicio recipiantur. In primis autem citandus est adversarius, contra quem testes afferuntur, ut contra ipsos proponat, si quid forte objiciendum habeat (1). Sic probati testes initio jurant, se procul habere causas omnes gratiæ, odii, simultatis, eaque dicturos, quæ vere sciunt, non ut cuiquam gratificentur, neque ut spem aliquam propositam habeant, sed quod uno veritatis studio feruntur (2). Deinde à judice clam, & seorsim ab aliis singuli interrogari, & examinari debent (3); nisi ex justa causa ad judicem venire impediuntur, quia tunc ad eos mittitur qui interroget (4).

(1) *Cap. 2. de Testib., quem in locum vide Cujacium opp. t. 6. col. 837. ed. cit.*

(2) *L. 8. cod. de Test., c. 31. & 47. eod.*

(3) *Cap. 52 de Testib.*

(1)

(4) *L. 15. ff. de Jurej., c. 8. de Testib.* Episcopos ad ferendum in judicium testimonium vocari vetuit Justinianus *Novel. 123. c. 7. & 8.*

§. XVIII. Summa in hoc examine diligentia est adhibenda (1), & responsa testium clara esse debent, ita ut si obscura sint, iterum illi interrogari debeant (2). Interrogantur autem de circumstantiis, personis, loco, tempore, creduli-

tate, fama; in primis autem scientiæ causam afferre testes oportet per eum corporis sensum, cui res controversa subjicitur, veluti per fidem oculorum, si de facto, per fidem aurium, si de dicto quærat (3). Quæ interrogationes plerumque ab adversario proponuntur (4), quo præsentem interrogandi sunt testes, quæ civilis (5), & canonici juris (6), disciplina est; sed fori usu jamdiu receptum est, ut clam à iudice interrogentur, ac tantam vocetur adversarius, ut adsit, cum illi sacramentum emittunt (7).

(1) *Cap. 52. de Testib.*

(2) *Cap. 53. eod.*

(3) *Cap. 37. & 47. eod.*

(4) *Cap. 2. de Testib. in 6.*

(5) *L. 15. col. de Testib., Novel. 90. c. 9.*

(6) *Cap. 2. de Testib.*

(7) Error interpretum, maxime veterum, hunc morem induxit; error autem processit ex prave intellecta Zenonis constitutione in *L. 12. cod. de Testib.* Ea quidem scriptum est *intrare testes judicantis secretum.* Verum, ut bene monet Poletus *Histor. for. Rom. l. 5. c. 12.*, secretum est tribunal, ac iudicii locus; non autem hæc verba significant, quod putarunt Interpretes, testes secreto interrogandos, atque examinandos esse. Consule Cujacium *ad c. 2. de Testib. t. 6. col. 837. ed. cit.*

§. XIX. Peracto testium examine publicanda, sive vulganda, ac litigantibus demonstranda sunt omnia, ut intelligant, quid gestum, dictumque sit, ac si quid habent obijciendum proferant (1). At post publicationem neque super propositis articulis, nisi forte aliqui omissi fuerint (2), interrogandi sunt testes (3); neque in eorum personas aliquid opponi potest, nisi qui eos refellit, prius juret, se id non dolo facere, aut nisi ante publicationem protestatus sit, aut nisi ostenderit, se demum post publicationem didicisse exceptionum causas, quas ignoraverat (4). Testes ab actore datos refellere potest reus contrariis ab se productis testibus, quos actor aliis item testibus refutabit; atque hic debet consistere productio testium, ut lites habeant medium quemdam modum (5). Cum inter actoris, relique testes pugna est, plus fide digni, ac verisimiliora affirmantes, cum hæc in omnibus paria sunt, plures numero preferuntur (6). Testimonia vero in uno iudicio recepta fidem

faciunt in eadem causa, & inter easdem personas coram alio iudice (7); sed in summario recepta in plenario non probant. (8).

(1) *Cap. 15. et 41 de Testib.*

(2) *Cap. 48. eod.*

(3) *Cap. 17. 18. 25. eod.*

(4) *Cap. 31. eod.*

(5) *Cap. 15. 36. 49. 55. eod.* Sed interdum, ut his locis explicatur, iustis de causis etiam quarta testium productio conceditur. Illud omitendum non est, quod recte observat Cujacius *ad c. 49. de Testib. cit. r. 6. col. 856.*, magnum inter refellendos, producendosque testes discrimen intercedere. Nam testes refelli, & refutari etiam post publicationem recte possunt; cum tamen post publicationem iidem, vel alii non producantur.

(6) *Cap. 32. de Testib.*

(7) *Cap. 11. eodem.*

(7) *Cap. 38. eod.*

§. XX. Præter testes, probationes educuntur etiam ex instrumentis, nimirum ex scripturis, quæ fidem iudici faciunt rei, quam continent. Nam angustiori significatione scripturæ instrumenta appellantur; cum latiori significatione, quidquid ad causam instruendam pertinet; ideoque etiam testimonia instrumentorum nomine comprehendantur (1). Instrumentorum quæ rite confecta sint, eadem est in iudicio, quæ testium, fides, & auctoritas (2), eaque vel publica, vel privata sunt. Publica instrumenta, sive scripturæ sunt quæ publica auctoritate conficiuntur à personis, quibus id munus datum est, uti sunt censuales tabule, instrumenta à notario rite conscripta, acta judicialia, scripturæ ex publicis archivis eductæ (3), & à publica persona confectæ. Eodem loco sunt scripturæ publicæ, & autentice sigillo obsignatæ, veluti Principis, Episcopi, Capituli, Universitatis; itemque libri Parochorum, in quibus baptismata, matrimonia, funera describuntur. Privatæ scripturæ à privatis nulla publica auctoritate conficiuntur, & huc spectant epistolæ, apochæ, antapochæ, chirographa.

(1) *L. 1 ff. de Fid. instrum.* Harmenopolus *l. 1. t. 2. c. 12. id καὶ ἰσχυρὰ* vocat tam probationes, quam instrumenta; quia hæc probant illud, quod iudicio proponitur; et causarum firmamenta sunt. In Basilicis vero, & apud eundem Harmenopolum instrumenta proprie dicuntur *συμφωνία*

pacta conventa in scripturam redacta, ut actum facilius probari possit.

L. 4. ff. de Fid. instrum.

(2) *L. 15. cod. de Fid. instrum.*

(3) *Auth. Ad hæc cod. de Fid. instrum.*

§. XXI. Publica instrumenta plenam in iudicio probationem constituunt; modo authentica ipsa, hoc est autographa proferantur (1). Nam exemplo non facile creditur, nisi ex authentico sumptum legitime sit, & cum eo conferatur, probeque conveniat (2). Fides tamen publicis quoque instrumentis subtrahi potest exceptione falsitatis, quæ pluribus testibus evidenter demonstrata sit (3). Præterea nihil efficit qui inter se contrarias scripturas protulit (4), aut abrasas in loco suspecto (5), aut lectionis ita impeditæ, ut legi, & intelligi nequeant (6).

(1) *Cap. 1. & 16. de Fid. instrum. l. 16. 17. 19. cod. cod.*

(2) *Cap. 1. & 16. cod.*

(3) *Cap. 10. cod.*

(4) *Cap. 13. cod.*

(5) *Cap. 3. cod., c. 7. de Relig. dom. c. 14. de Privil.*

(6) *Cap. 6. de Fid. instrum.*

§. XXII. Privata scriptura, cujus est comperta veritas, tantum contra scribentem probat, modo causa debiti expressa sit (1); excepta liberatoria confessione, in qua creditor sibi solum debitum profitetur, quæque, nulla etiam adjecta causa, contra scribentem probationem facit (2). Sed scripturæ, quæ tribus munitæ sunt testibus, vim habent publici instrumenti (3); ac libris mercatorum publicæ utilitatis, & commercii ratio tam pro scribentibus, quam contra scribentes fidem tribuit.

(1) *L. 25. §. ult. ff. de Probat., c. 14. de Fide instrum.*

(2) *L. 40. ff. de Pactis.*

(3) *L. 11. cod. Qui potior. in pign. habeant.* Necesse tamen est, ut animadvertit Brunnemannus in cit. l. n. 6., quod constet de manu, & subscriptione testium, sive per recognitionem, sive per comparisonem, & quod etiam partes ipsæ subscripserint, testesque idonei sint.

§. XXIII. Est & probatio, quæ oritur ex iurejurando,

quod definitur affirmatio religiosa, hoc est, advocatio Divini Numinis in testem ejus rei, quæ promittitur, aut asseritur. Dividitur Jusjurandum in promissorium, & assertorium. Illud futurum respicit, atque in contractibus non raro adhibetur; hoc ad præsens, aut ad præteritum tempus pertinet. Assertorium juramentum triplex est, voluntarium, judiciale, et necessarium (1).

(1) Inscriptio illa tituli Pandectarum *de Jurejurando, sive voluntario, sive necessario, sive judiciali* triplicem hanc habent jurisjurandi divisionem.

§. XXIV. Voluntarium est, quod alter alteri aut ex conventu, aut sine conventu extra judicium defert, vel refert (1). Deferre jusjurandum est adversario offerre jurisjurandi conditionem; referre autem est non suscipere hanc conditionem, eamque in ipsum offerentem rejicere. Judicialle juramentum est, quod in judicio alter litigantium alteri defert, judice non cogente, sed approbante; necessarium est, quod judex vel actori, vel reo defert, ubi plena probatio desit, ut inde veritas innotescat (2).

(1) Recte hoc jusjurandum voluntarium dicitur, quoniam sive illud ex pacto emittatur, hoc quidem ex liberi litigantium voluntate procedit, ac præterea qui idem ex pacto deferre debet neque extra judicium ad deferendum cogi, neque item, si deferat, adversarium ad jurandum adigere possit; sive contra sine conventu deferatur, integrum sit deferenti non deferre; integrum ei, cui delatum est, nec præstare, nec referre; integrum denique ei, cui relatum est, nec tunc illud præstare, quoniam semper deest, qui cogat, cum id privatus efficere nequeat. Consule Voetum in *Pandec. l. 12. tit. 2. n. 7.*

(2) De voluntario jurejurando eadem est Latinorum, Græcorumque sententia, sed de necessario, ac judiciali magna dissensio est, quam jam sua ætate fuisse tradit Azo in *Summa cod. de Jurejur. n. 6.* Nam Græci necessarium vocant, quod alter alteri in judicio defert, judice suscipiendi, aut referendi juramenti necessitatem imponente; judiciale, quod judex ipse defert sponte sua. Balsamon in *Nomocanon. Photii tit. 13. c. 18.*, apud Jastellum *Biblioth. Jur. canon. t. 2. p. 1117. ed. Paris. 1661. Voluntarium*, inquit, "quod datur ex voluntate partium extra judicium; necessarium, quod deferente autore, & ex interio junctione judicis datur; judiciale, quod judicis sententia, etiam nolentibus his, qui litigant, controversiam decidit." C. Jacius in *Præulum Recept. sentent. l. 5. tit. 31. opp. t. 1. col. 459.*, & ad *Edict. Paul. l. 18. Leg. 17. t. 4. col. 211.* ita

rem omnem distinxisse videtur, ut voluntarium jusjurandum sit, quod alter alteri extra judicium defert, necessarium, quod alter alteri in judicio, judiciale, quod à judice defertur. Tum *Observ. l. 18. c. 35. t. 3. col. 494.* jusjurandum alteri ab altero delatum *voluntarium*, aut *necessarium* esse inquit; voluntarium, quod extra judicium, necessarium, quod in judicio defertur. Verum in *Paratitl. Digestor. ad tit. de Jurejur. sive voluntar. sive necessar. sive judicial. t. 10. col. 393.* voluntarium esse inquit, quod ab altero alteri defertur in judicia, vel extra judicium; necessarium quod refertur; judiciale, quod à judice refertur. Ego communem Latinorum opinionem sequor. Sane Gajus in *l. 1. ff. de Jurejur.* "maximum, inquit, remedium expediendarum litium in usum venit jurisjurandi religio, qua vel ex pactione ipsorum litigatorum, vel ex auctoritate judicis deciduntur controversiæ." Duplex hoc loco Gajus jusjurandum proponit, alterum, quod ex *pactione litigatorum*, alterum, quod ex *judicis auctoritate* emittitur. Juramentum, quod ex litigatorum pactione procedit, necessarium esse omnino non potest; cumque huic pactioni opponatur judicis auctoritas, quæ necessitatem facit, consequens est, ut necessarium juramentum illud prorsus habeatur, quod in dubiis causis à judice pro sua auctoritate defertur. Juramentum autem ex pactione aut in judicio, aut extra judicium datur. Hoc plane voluntarium est, illud judiciale, quoniam coram judice emittitur. Reverta Paulus *l. 17. de Jurejur.* juramenti ex conventionione non unum genus constituit. *Jusjurandum*, inquit, *quod ex conventionione extra judicium defertur, referri non potest.* Ito *extra judicium* evidenter ostendit, aliud esse jusjurandum ex conventionione, quod in judicio defertur; & hoc nonnisi judiciale juramentum esse potest, quod ab alio distinguitur propter conventionem, quæ in judicio facta est. Gajus, qui genus enarrabat juramentorum finiendæ litis causa institutorum, utrumque juramentum, quod nos voluntarium, & judiciale appellamus, complexus est uno verbo *ex conventionione*; sed Paulus, qui speciem explicabat conventionalis juramenti, addere debuit *extra judicium*, ut ostenderet, non utriusque conventionalis juramenti vim eandem esse, sed aliud valere juramentum ex conventionione in judicio, aliud juramentum ex conventionione extra judicium facta. Communem Latinorum de jurisjurandi distinctione sententiam, præter ceteros, late exornant Domellus in *tit. Digest. de Jurejur. opp. t. 10. col. 819. seq.*, & Voetus in *Pandect. l. 12. tit. 2. n. 7.* Vide etiam Ant. Mattheus de *Judic. Disp. 10. th. 6. § 7.*

§. XXV. Juramento necessario locus est in causis dubiis, idque dicitur *suppletorium*, quoniam eo semiplena probatio suppletur (1). Dubiæ causæ ex variori sententiæ sunt, in quibus plena probatio data non est, puta, quod graves adsint presumptiones, quæ non omnem abigunt scrupulum, aut quod allati sint testes, in quos aliqua exceptio cadere pos-

se videatur. Defertur hoc iurjurandum ei, qui semiplene probavit, modo personarum, & causæ ratio habeatur (2); & si reus æque, atque actor semiplene probaverit, deferendum est reo, cujus in re dubia potior causa est (3).

(1) Qui semiplenam probationem contemnunt, juramenti suppletorii nullam rationem habent. At in dubiis causis, ut inquit Cajus in l. 31. ff. de Jurejur., vel, ut loquuntur Diocletianus, & Maximianus in l. 3. cod. de Reb. cred., in probationum inopia iudex delato juramento litem finit. Verum si quærimus, dubia causa, & inopia probationum nihil est aliud, quam causa, in qua semiplene probatum est. Nam si dubiam causam, & inopiam probationum intelligamus causam, in qua pares ab actore, & reo probationes datæ sunt, par erit utriusque causa, ideoque absolvere oportebit reum, cuius in pari causa potior conditio est l. 125. & 128. ff. de Regul. jur., c. 6. de Fid. instrum., c. 65. de Verb. signif. in 6.; tantum abest, ut iurjurandum à iudice deferendum sit. Rursus si probationum inopiam, quod placuit Giphanio in l. 3. de Reb. cred., intelligamus causam, in qua nihil ab actore probatum est, erit omnino judicandum pro reo, quem actore non probante. . . & si nihil ipse præstet, obtinere voluit Imperator Antoninus in l. 4. cod. de Eden. Restat igitur, ut dubiam causam, & inopiam probationum omnino referamus ad causam, in qua semiplene probatum est.

(2) Cap. ult. §. de Jurejur.

(3) L. 125. & 128. ff. de Regul. jur.

§. XXVI. Oblatum juramentum litigantes recusare non possunt, nisi justam habeant recusandi causam; ut si deferatur reo, contra quem nihil probavit actor, aut actori, qui plepam probationem attulit (1). Delato, & emissio juramento secundum eum, qui juravit, ferendum judicium est (2). In omnibus autem causis civilibus huic juramento locus est, non item in criminalibus propter perjurii metum (3).

(1) Cap. 2. de Probat.

(2) L. 31. ff. de Jurejur.

(3) Consule Voetum in Pandect. l. 12. tit. 2. n. 10. Juramentum hoc, quo quis se purgat ob infamiam ex crimine contractam, purgatio canonica appellatur, de qua titulus est in Decretalibus de Purgatione canonica, & cujus olim frequens usus erat. "Clerici, qui sunt de apostasiæ crimine infamati. . . per distictionem ecclesiasticam coercendi sunt, donec præficiente probatione ad infamiam abolendam purgationem canonicam contraxerint exhibere," inquit Innocentius III. in cap. 3. de Apostat. Idem de clerico homicidii reo in c. 14. de Homicid. volunt., vel casual.,

de calumniæ suspecto in c. 2. *de calumn.*; de presbytero accusato in c. 10. *de accusat.*; de clerico concubinatus suspecto in c. 8. *de Cohabit. cleric.* & *militer* statutum est. Memorant quoque hoc sacramentum Augustinus *Ep.* 73. *opp. t. 2. col.* 241. *ed. Maurin. Ven.* 1759.; Gregorius M. l. 2. *Ep.* 33. l. 7. *Ep.* 18. l. 13. *Ep.* 34. *opp. t. 2. col.* 597. 864. 1241. *ed. Paris. cit.*; & Gregorius Taronensis *Histor. Francor.* l. 8. c. 9. & 40. *col.* 382. & 411. *ed. Paris.* 1699. Jurare olim mos fuit ad B. Petri corpus, de qua formula, & similibus videndus Du-Cangius in *Glossar.* Veteri consuetudine. institutoque juraturus, tres, quinque, aut septem ejusdem prope ordinis vicinos, aut saltem, qui eum plane nossent, ac probatæ fidei essent, sibi socios, tanquam adsertores, adsciscebat *can.* 12. 13. 16. 17. 19. c. 2. *qu. 5.*, c. 7. 9. 11. *de Purgat. canon.*, quo spectant formulæ *tertia*, *quinta*, aut *septima* manu jurare. Interdum plures etiam ad jurandum vocabantur, si aut quis purgabat, laicus esset, aut gravius, esset infamia criminis, qua clericus laborabat c. 1. & 10. *de Purgat. canon.* Hi porro sicut *Compurgatores*, *Conjuratores*, & *Sacramentales* dicebantur; quorum crebra mentio est in Capitularibus Regum Francorum, præsertim in Capitularibus Dagoberti *tit.* 1. n. 6. & *tit.* 9. n. 4., in Capitularibus Caroli M. l. 3. c. 9. apud Baluzium t. 1. *col.* 63. 84 500., & in L. Salica. *tit.* 50. *ed. d. col.* 224. Primum ille, cujus erat negotium, de quo quærebatur, super sancta Evangelia jurabit, deinde compurgatores jurabant similiter super sancta Evangelia, eum vere, ut ipsi crederant, jurasse *can.* 17. c. 2. *qu. 5.* Sed nunc purgatio canonica fere ubique desuevit, neque amplius in causis criminalibus jusjurandum emittitur. Confer Gratianum *Exposit. jur. Pontific.* l. 5. *tit.* 34. *Sess.* 894. p. 733. Memorat etiam Gratianus *can.* 23. c. 2. *qu. 5.* ex Concilio Wormaciensi purificationem per sacram communionem, quæ hoc modo fiebat. Cum aliquis accusatus omnem ab se removere cupiebat suspicionem criminis, quod vel non poterat demonstrari, vel non satis evidenter excludi, is ante altare, & sanctissimam Eucharistiam ducebatur. Antequam vero Christi corpus acciperet animum suum aliis præsentibus declarabat his, aut similibus verbis. *Corpus Domini sit mihi ad purgationem hodie.* Plures hujusmodi purgatione uti consuevisse testatur Muratorius *Antiq. Italic. dissert.* 38., qui illud etiam animadvertit, quod quamquam hæc purgatio parum defferret ab ea, quæ per juramentum fiebat, tamen posteriori ætate legitima, & canonica purgatio juramentum habitum est. Alias quoque purgationes describit Martenius *de Antiq. Eccles. rit.* l. 3. c. 7. §. 3. & 4.

§. XXVII. In probationum ordinem referenda est etiam inspectio rei, quæ à judice adhibetur, ut oculis subjiciat, quæ non satis certa, & explorata sunt, atque ita oculorum testimonio controversiam expediat. Hanc inspectionem pragmatici *accessum* vocant, quia iudex ad rem inspiciendam accedit, eique locus est in iis rebus quæ sub oculos cadunt.

veluti in iudicio finium regundorum, ac servitutum, in novi operis nunciatione, in ætate ex hibita corporis definienda, in causis matrimonialibus, in quibus quæritur, num aliquis aptus ad matrimonium sit, num unquam venerem exercuerit. Verum in his causis iudex non solus rem ipsam inspicit, sed viros adhibet peritos rei, de qua agitur, aut ipsis iudicium committit. Quia in causis matrimonialibus ubi quæritur, num quis liberis operam dare possit, viri à medicis, & chirurgis, mulieres ab honestis matronis, & obstetricibus inspiciuntur (1).

(1) Cap. 4. § 14. de Probat., c. 6. & seq. de Frigid. & malefic.

§. XXVIII. Denique vim probationis habent præsumptiones (1), quæ sunt conjecturæ ex aliquo verisimili ad probandum sumptæ (2), eæque vel juris vel hominis sunt. Præsumptio juris, à lege procedit, hoc est certa lege, vel canone comprehenditur, neque à iudicis arbitrio pendet, eaque duplex est, pro diversa ratione, qua proponitur, alia *juris tantum*, alia *juris*, & *de jure*. Præsumptio *juris*, & *de jure* est, quam non modo jus probat, sed etiam ita certam, atque exploratam habet, ut omnem contrariam probationem excludat. Itaque jure Decretalium si quis concubuit cum muliere, cum qua prius sponsalia contraxerat, inducitur matrimonii præsumptio, quæ labefactari non potest, & qui ea premitur, aliam uxorem accipere prohibetur (3).

(1) L. 16. cod. de Probat., c. ult. de Præsumpt., c. 7. de Heret. in 6.

(2) Hoc in primis habet præsumptio, ut ad veritatem referatur, neque de falsis argumentum accipiat; in eo e differt a fictioe, quæ fit de eo, quod non est, nec fuit, veluti fictio legis Corneliæ, quæ post imminio reversos in civitate semper fuisse fingit, non autem præsumit. Huc etiam spectat Publiciana actio, & ficta traditio, cujus in jure etiam frequens usus est. Ita si quis sibi rei donatæ, & non tamen iustum titulum retineat, ut in l. 28. & 35. § Sed si quidem cod. de Donat., vel conducta, ut in l. 76. ff. de Rei vindic., vel precario possidere constituat, ut in l. 18. ff. de Acquir. posses., traditio corporalis rei donatæ pro ficta habetur, quoniam revera facta non fuerit, quia fingitur, quod donans donatario, rem *κατὰ συγγοιὰν* brevi manu tradiderit. Raro jus canonicum

has fictiones admittit; neque ego assentior Cujacio, qui *observat. l. 19. cap. 8 opp. 1. 3. col. 510.* fidei traditionis argumentum sumit à *cap. 2. de Consect.*, ubi glebæ traditio non fictionem continet, sed signum est daræ posse sionis, atque ejus veritatem ostendit. Quæ traditio fit sæpe per grabatam, per festucam, per cutellum, per ostium, in formulis antiquis, per panem, per librum. Atque ita annulus signum est foederis conjugalis, & veri matrimonii, vita conjunctionis *can. 7. c. 30. qu. 5.* Est autem tem præsumptio diligenter à fictione distinguenda.

(3) *Cap. 30. de sponsal.* Sed hoc jus antiquatum nunc esse monui *l. 2. tit. 2 sect. 7. §. 105. p. 172.*

§. XXIX. *Præsumptio juris tantum* est ea, quam Jus probat tamquam verisimilem, non tamquam certam, & veram, adeout contraria probatione infirmari non possit. Ita heres, qui inventarium non confecit, hereditaria bona distraxisse censetur; sed hæc præsumptio contraria demonstratione tolli potest. Hujusmodi sunt pleræque præsumptiones, de quibus agunt Decretales *in titulo de Præsumptionibus*; & harum omnium propriæ sunt formulæ *videri, existimari, intelligi, haberi.* Præsumptio *juris & de jure* omnem respuit contrariam probationem (1); præsumptio *juris tantum* non eam sine respuit, sed probandi onus in illum transfert, qui habet contra se præsumptionem (2).

(1) *Cap. 30. de Sponsal. c. 4. Qui matrim. accus.*

(2) *L. 24. ff. de Probat. c. 10. de Præsumpt.*

§. XXX. Præsumptio hominis est conjectura ab indiciis nata, quæ nulla certa lege continetur, eaque vel est levis, & temeraria, vel probabilis, vel violenta. Levis, & temeraria præsumptio est, quæ ex incertis oritur, levibusque argumentis, & quæ nihil probat. Ad hoc præsumptionis genus referri possunt antiquæ purgationes, quæ vulgares dicebantur (1), quasque olim interdum adhibitas fuisse constat per aquam frigidam (2), aut ferventem (3) ferrum candens (4), mononachiam, seu duellum (5), & similia, quæ cuncta à summis Pontificibus merito damnaata & improbata sunt (6).

(1) Vulgarium purgationum, quæ etiam appellabantur *judicia Dei*,

de quibus videndus Du-Cangius in *Glossar. verb. Judicium Dei*, multæ erant species, quas à Longobardis, aliisque à Germania populis in Italiam invectas exponunt Gonzalez in *c. 3. de Purgat. vulgar.*, Cujacius *l. 1. Feudor. tit. 1. §. Si aut. m. controversia opp. t. 2. ed. 1077. seq. ed. cit.*, Muratorius *Antiq. Italic. dissert. 38. & 39.*, Martenius de *Aniq. Eccles. tit. 1. 3. c. 7.* alii qui permulti. Longobardorum Rex Luitprandus *l. 3. Longob. de Hom. l. hom. profitetur*, se propter suarum consuetudinem impiam illam legem duelli vetire non potuisse. Canones passim damnant has vulgares purgationes *can. 7. §. 1. can. 20. & 21. c. 2. qu. 5. C. 8. de Purgat. canonic.*, et titulus Decretalium de *Purgat. vulgar.* Tribuitur autem Gregorio M., *can. 7.*, quem mox laudavi, & certe prima ejus pars desumpta est ex ipsius Gregorii *Ep. 6. l. 13. ad Brunichildem Franc. Regin. opp. t. 2. col. 1218. ed. Parit. cit.*, sed pars altera, ubi vulgaris per frigidam aquam, ignitumque ferrum probatio memoratur, pertinet ad epistolam Alexandri II., cujus initium est in *can. 11. caus. & qu. cit.*, post cujus *can. 11.* extrema verba pars posterior *can. 7.* continenter legenda est. Revera Alexandro II. posteriorem hujus canonis partem tribuit Ivo *par. 10. c. 5.*, & Pann. *l. 5. c. 8.*, quod rectissime animadversum est à Romanis Correctoribus, qui diligenter etiam notant apocryphos canones, qui in eam rem à Gratiano laudantur. Verum alicubi ferventis aquæ, aut ferventis ferri judicium permissum fuisse innuit Triburiensis Concilii canon apud Gratianum *can. 15. c. 2. qu. 5.*, cujus canonis sententia est in *C. 1. de Purgat. canon.* Sed quoniam hæc judicia semper Romana Ecclesia aversata est, ea verba *ferventi aqua, aut candenti ferro* prudens Raymundus omisit. Vulgarium probationum vestigia usque ad extremam ætatem alicubi superfuisse tradit Van-Expensis *Jus eccles. univers. part. 3. tit. 8. n. 37.* Vide etiam Ivonem Carnotensem *Ep. 74. opp. t. 2. p. 37. ed. Paris. 1647.*, & Cironium Paratitl. in *Decretal. de Purgat. vulgar.*

(1) Aquæ frigidæ judicium unum erat ex vulgaribus probationibus, quas Dei judicia appellabant. Gravioris alicujus criminis suspectus, aut accusatus, in aqua mergebatur, ac si supernataret, nocens, ac reus, contra si in imum delaberetur, innocens judicabatur. "Contigatur autem fune, inquit Hincmarus de Divort. Lothar., qui examinandus in aquam demittitur, . . qui ob duas causas colligari videtur, scilicet ne aut aliquam possit fraudem in judicio facere, aut si aliqua illum velut innoxium receperit, ne in aqua periclitetur, a l tempus valeat retrahi." Similia habet vetustus Ordo apud Martenium de *Antiq. Eccles. rit. Ord. 8. l. 3. c. 7.* Judicium hoc aquæ frigidæ etiam à Monachis adhibitum narrat Mabillonius *Annal. Benedict. l. 54. §. 112. t. 4. p. 261. ed. Lucæ 1739.* Quibus autem ritibus, & cæremoniis judicium illud, ac cetera, de quibus mox dicam, perageretur, ostendunt, præter ceteros, Juretus in *Innon. Carnoten. Ep. 74. p. 154. seq. ed. Paris. 1647.*, Delrius *Disquis. magic. l. 4. qu. 4. sect. 4.*, Pitheus in *Glossar. ad Capitul. Caroli M. verb. Aquæ ferventis &c.*, Baluzius *Formul. Exorcism. post Capitular. Reg. Franc. t. 2. col. 445. seq. ed. Ven. 1733.*, Mabillonius *Analect. t. 1.*, Mar-

tenius de *Antiq. Eccles. rit. l. 3. c. 7. ord. 8. et 9.*, Muratorius *Antiq. Dissert. 38.*

(3) Judicii, aut examinis aquæ ferventis ratio hæc erat. Criminis accusatus, ut se purgaret, manum in aquam ferventem nudato brachio immittebat, ac si illam incolumem educeret, innocens, si contra, reus pronunciabatur.

(4) Criminis accusatus ferrum candens nuda manu tenere debebat, eaque incolumi innocens, combusta vero reus habebatur. Judicium hoc ferri candentis dicebatur. Huic simile erat judicium vomerum ignitorum, per quos gravi criminis suspicione laborans nudis pedibus transire debebat. In vita S. Henrici apud Surium c. 21. 14. *Juli* scriptum est, hoc sibi judicium elegerit sanctissimam foeminam Cunegundem Henrici Imperatoris uxorem; quamquam illud servorum proprium fuisse demonstrat Concilium Moguntinum an. 847. *can. 24.* apud Labbæum t. 9. *Conc. col. 1045. ed. Ven.* Erat & judicium ignis, per quem transire debebat quisquis rei alicujus veritatem demonstrare cupiebat. Celebre illud, quod de Petro Monacho Vallis Umbrosæ, qui *Ignæus* appellatus, atque Abani Episcopus, & Cardinalis fuit, memoriæ proditum est. Is ut ostenderet Florentinum Episcopum simoniace in eam sedem irrepsisse per medios ignes transivit, sicuti narrant Baronius *ad an. 1603. n. 53. t. 17. p. 249. ed. Lucæ*, & Ugheilius *Ital. sacr. in Episc. Alban. n. 26. t. 1. col. 251. ed. Ven. an. 1717.*

(5) De Monomachia, seu duello late agit Muratorius *Antiq. Italic. Dissert. 39.* Erat & judicium crucis, ac panis & casei, quæ duo similiter ad vulgares probationes referuntur. Crucis judicium pluries memorant Capitularia Regum Francorum. Du-Cangius in *Glossar. verb. Crucis judicium* multis quærit, quænam esset hujus judicii ratio, ac denique sic statuit, eos, qui hoc judicium subibant, expansis in crucis formam brachiis, ad crucem stare debuisse certo, ac definito tempore, ex. gr. donec Evangelium, aut aliqui psalmi recitarentur, qui si immobiles permanerent, innocui, si vero caderent, aut crimen fateri ultro cogerentur, rei judicabantur. Judicium panis, & casei in eo consistebat, quod alicui panis, & caseum benedictum dabatur, ac si is utrumque ederet, atque in stomachum mitteret innocens, contra vero reus habebatur.

(6) *Can. 20. c. 2. qu. 5., c. 8. de Purgat. canon.*

§. XXXI. Præsumptio probabilis oritur ex probabilibus conjecturis, quæ prudentibus etiam viris persuaderi possunt; violenta ex indiciis, argumentisque gravissimis, quæ fere claram probationem constituunt. Cunctæ hominis præsumptiones pendent ab arbitrio judicis, cujus est pro animi sui religione judicare, quanta in singulis vis insit, & quanta iis fides tribuenda videatur. Coacervantur autem

præsumptiones, & conjecturæ, quæque singulæ forte inter se non movent, universæ tamen connexæ, atque conjunctæ movere debent. Plus præstant præsumptiones in causis civilibus, quam in criminalibus, in quibus nemo ex solis conjecturis etiam vehementibus, condemnandus est (1); excepto crimine hæreseos, cujus suspectus tamquam hæreticus condemnatur, nisi omnem suspicionem excusserit (2).

(1) Cap. 14. de Præsump.

(2) Cap. 13. §. Qui autem de Hæret., c. 7. 8. eod. in 6.

TITULUS X.

De exceptionibus & replicationibus.

- | | |
|--|--|
| I. Exceptiones peremptoriæ, vel dilatoriæ. | VII. Exceptiones contra actorem. |
| II. Peremptoriæ litis finitæ. | VIII. Exceptiones contra judicem. |
| III. Simpliciter peremptoriæ. | IX. Dilatoriæ exceptiones quando proponendæ? |
| IV. Peremptoriæ exceptiones quando proponendæ? | X. Exceptio majoris excommunicationis. |
| V. Dilatoriarum exceptionum divisio. | XI. Effectus exceptionis. |
| VI. Dies feriati. | XII. Replicationes, duplicationes, triplicationes. |

§. I.

Habet & reus arma sua, quibus in judicio adversus actorem utitur, eaque sunt exceptiones. Exceptio est actionis, vel intentionis exclusio. Ea si omnino perimit, ac tollit actionem, perpetua, & peremptoria si tantum ad tempus agenti obstat, & causam ad aliud tempus, aut alium judicem, vel locum transfert, temporalis, & dilatoria appellatur.

§. II. Ex peremptoriis exceptionibus quædam sunt, quæ majorem vim habent, & ideo *peremptoriæ litis finitæ* dicuntur, ceteræ *simpliciter peremptoriæ* appellantur. Primi generis sunt exceptiones jurisjurandi, rei judicatæ, transactionis. Hæ litem jam compositam, atque è medio sublatam ostendunt, & exordium ipsum impediunt litis, vetantque,

ne frustra novum judicium instituitur (1). Sed ut locum habeant hujusmodi exceptiones, necesse est, quod lis pridem extincta, vel jurejurando, vel transactione, vel re judicata denuo inter easdem personas, de eadem re, atque ex eadem petendi causa instituitur (2).

(1) *Cap. i. de Lit. contest. in 6.*

(2) *L. 3, 12, 21, 23, 41, ff. de except. rei judic.*

§. III. Exceptionum, quas simpliciter peremptorias dicimus, longe major est numerus, cum nulla fere sit actio, quæ contraria exceptione submoveri, aut tolli aliquando non possit. Ad hoc genus referuntur exceptiones præscriptionis, doli mali, metus, & ceteræ, quarum non exiguus est numerus, quæque suis locis in utroque Jure singillatim explicantur. Hæ non impediunt quidem ingressum litis, sed tamen perimunt, & evertunt actionem institutam.

§. IV. Peremptoriæ exceptiones non modo ante litem contestatam, sed etiam postea in qualibet judicii parte ante rem judicatam (1), quin etiam interdum post rem judicatam in actione judicati, recte opponuntur (2). Par est ratio exceptionum, quæ impediunt exitum sententiæ, ut si post eam actor acceperit, quod petebat, recte reus exceptionem proponit, per quam ab se latæ sententiæ executionem avertit.

(1) *L. 4. & 8. cod. de Except., l. 2. cod. senten. rescind. non poss.*

(2) *L. 11. ff. ad S. C. Macedon., l. 1. § 18., l. 20. §. ult. ff. de Re judic. Confer Cujacium in c. 29. de Test. opp. t. 6. col. 846.*

§. V. Dilatoriæ exceptiones aut ipsam respiciunt causam, aut actorem, aut judicem. Prioris generis sunt exceptiones illæ, quæ proponuntur contra libellum, quod si vel ineptus, vel obscurus, quod non cesserit solutionis dies, quod feriarum tempore sit emissa citatio.

§. VI. Feriati dies sunt illi, quibus lege agere non licet, & omnis judicialis strepitus conquiescit (1). Feriarum quædam civiles, quædam ecclesiasticæ dicuntur; hoc est quædam hominum, quædam religionis causa institutæ sunt. Illæ varix sunt pro more, & legibus populorum, præcipuè tamen pertinent ad commoda messium, & vindemiarum (2), hæ

sunt *dies devotionum & orationum* (3), seu festi dies, quibus religioni operam dare oportet, & quibus communes dies opponuntur (4). Jure civili judiciales actus feriatis diebus exerceri non possunt (5), nisi litigantes sua sponte ad judicem veniant (6); sed jure canonico, ne ipsis quidem litigantibus consentientibus, eosdem actus festis diebus expedire licet (7).

(4). Eleganter Ovidius *Fast.* l. 1. vers. 73. *opp. t. 3. p. 15. ed. Amstelædami 1702.* hos dies expressit his versibus.

*Lite vacent dñes; insanaque protinus abstint
Jurgia, differ opus, hvida lingua, tuum.*

Ideo à clericis dies omnes hebdomadæ feriæ dicuntur, quia clerici nullo die à divinis vacare debent; atque etiam Flaminiis omnes dies feriati erant apud A. Gellium *Noct. Attic.* l. 10. c. 15. p. 531. *ed. Lugdun. Batav. 1666.*, quod recte observavit Baronius *ad an. 44. n. 88. t. 1. p. 316. ed. Lucæ.* Atque hoc feriæ nomen primum hebdomadæ Paschalis diebus datum fuisse, animadvertit Cironius in *Paratit. decretal. de Feriis* n. 5. p. 147. *ed. Vindobon. 1761.*; quibus diebus omnes Christiani sese ab opere servili abstinere, & sacrosancta mysteria percipere debebant. Concilium Matisconense II. *cap. 2.* apud Labbæum t. 6. col. 674. Paschale hoc tempus feriatum fecisse Constantinum M, tradit Alexander Monachus *de Invent. S. Crucis* apud Cironium l. c. n. 6.; & exemplo harum feriarum, reliqui etiam dies dicti sunt feriæ, distinctione tamen habita inter ferias simplices, & solemnes c. *ult. de Feriis.* Sane lex Constantini memoratur apud Josephum Scaligerum *de Emend. tempor.* p. 776. *ed. Genevæ. 1629.*, in qua dicitur hebdomadæ paschales, quarum altera Pacha antecessit, altera sequitur, ab opere faciendo excipiuntur. Nam majores nostri Paschali solemnitati integros dñes quindecim, hoc est hebdomadam, quæ Pascha antecesserat, & hebdomadam, quæ sequebatur; illa *πάσχα ἐκτίσθαιον* pascha crucis, hæc vero *πάσχα ἀναστήσαιον* pascha resurrectionis vocabatur. Utriusque generis exempla collegit Joannes Gaspari *Sacerdos Theaur. ecclæs.* t. 1. p. 504. & t. 2. p. 1014. *ed. Zimtelædam. 1682.* Generale romæ Pascha, quod est ex Hebræo *phasc*, quod transitum significat, utrumque comprehendit. Nam Pascha Christianorum tuum passionem, tum resurrectionem includit Christi Salvatoris, qui est vere agnus paschalis, cui pro nostrum salute sese præbuit hostium ad sacrificium. De his quindecim dictus Paschalibus lex est Valentiniani, Theodosii, Archadii l. 2. *cod. Theod. de Feriis*, in qua habentur hæc: *Santos quoque Paschalibus, qui septero vel precedent numero, vel sequuntur, in eadem observari ne numeramus.* Consule G. theod. in *eand. l. 2. t. 1. c. d. Theod. p. 142. ed. Lipsiæ 1736.*, ubi multa habes antiqua testimonia, ex quibus constat, quæ reverentia majores nostri quin-

decim hos paschales dies, quos rebus dabant Religionis, prosequerentur. Memorant etiam quindecim hos dies, tamquam ubique feriatos, Papius Respon. tit 12. apud Schultingium *Jurispr. vet. ante-justin.* p. 835. ed. cit., S. Augustinus *Serm.* 259. in die domin. oct. *Parch.* l. 6. col. 1064. r. 5. p. 1. ed. Venet. 1731. S. Joannes Chrysostomus, S. Epiphanius, ceteri quos laudat Gothofredus l. c.

(2) Harum feriarum mentio est apud Statium *Silv.* l. 4. vers. 39. seq. p. 198. ed. Lugd. Batav. 1671.

*Certe jam Latiae non miscent jurgia leges,
Et pacem piger annus habet, messesque reverse
Dimirere forum.*

A. Gellium *Noct. Attic.* l. 9. c. 15. p. 469. ed. Lugdun. Batav. 1666., Plinium l. 8. *Ep.* 21. p. 212. ed. Oxonii 1703., Ulpianum l. 1. 2. 3. ff. de *Feriis*, S. Augustinum *Confess.* l. 9. c. 2. opp. t. 1. col. 157. ed. Ven. cit., in can. 2. c. 15. qu. 4., in l. 2. et 7. cod. de *Feriis*. In l. 2. cod. *Theod. de Feriis* omnes dies juridici esse jubentur, exceptis quibus mensibus messium, & vindemiarum, Kalendis Januariis, natalibus urbium maximarum Romæ, & Constantinopolis, natalibus Imperatorum, quibus & editi in lucem, & imperium auspicati erant; quindecim diebus Paschalibus, qui & ecclesiastica, & civili lege feriatum erant, et omnibus diebus Solis per integrum annum. Multa de feriis tum civilibus, tum ecclesiasticis habent Binghamus, *Antiquit. eccles.* l. 20. c. 1. & seq. t. 9. p. 1. & seq. E. J. Halæ Magd. burg. 1760., Gothofredus in cit. l. 2. cod. *Theod. de Feriis* t. 1. p. 140. seq., & Selvagius *Antiq. Christian.* l. 2. c. 4. §. 2.

(3) Ita hi dies appellantur in l. ult. cod. *Theod. de Navicul.*

(4) L. 2. cod. de *Stat.* & imagin. De feriatis diebus agit Gregorius IX. in c. ult. de *Feriis*.

(5) L. 2. col. de *Feriis*.

(6) L. 8. cod. eod.

(7) Cap. ult. de *Feriis*. Sed obstare videtur c. 6. de *Dol.* & contumac., ubi habentur hæc: "Ipsi mandavimus, ut usque ad Dominicam... per nosse, vel procuratorem... ad præsentiam nostram accederet; itemque cap. 15. de *Accusat.*, ubi scriptum est: Episcopum ad festum Dominicæ præemptorie nos meminimus citavisse." Has decretales quidam ita explicant agentes, usque ad, & ad idem sæpe esse quod infra, ut in c. 9. de *Fide instrum.* Sed aliud ex cit. c. 6. non obscure deprehenditur, ut proinde alia earum Decretalium sententia sit. Scilicet utroque loco reus citatus fuerat jussu Summi Pontificis, qui derogaverat legi, quæ festis diebus judicia exerceri vetabat. Ceterum disertissime Gregorius IX. in cit. c. ult. de *Feriis* debere inquit judiciali strepitu diebus conquirere feriatis; idemque jam erat ante Gregorium jure canonico constitutum. Nam Concilio Compendiensi, quod descriptum est in c. 1. de *Feriis*, in eis, inquit de Dominicis diebus, mercatum minime fiat, neque placitum,

hoc est *judicium*, quo sensu illud vocabulum sæpe usurpatur in Capitularibus Regum Francorum, in legibus Ripuariorum, Longobardorum, aliarumque gentium, unde ortum est verbum *placitare*, nimirum iudicio contendere. Idem habet Concilium Triburiense *an. 895. can. 35. t. 11. Concil. col. 647.*, & Aquisgranense II. *can. 18. t. 9. col. 840. col. ct. Labbei ed. Ven. cit.* Quod autem addit Gregorius, judiciales actus testis diebus gestos plane irritos esse, id forte ante ipsum nullo canone expresse statutum fuerat; quamquam id esset nominatim sancitum à Jure civili in l. 1. ff. de Feriis, & in l. 2. cod. eod. Sed quoad dies festos Gregorius Jus civile emendavit, quoniam, ne cum consensu quidem litigatorum, iis diebus judiciales actus fieri permisit.

§. VII. Ad actorem pertinent exceptiones, quibus reus utitur contra personam actoris, aut procuratoris, ut si opponat, alterutrum, vel utrumque esse excommunicatum, proscriptum, pupillum, aut alio juris, vel naturæ impedimento in iudicio stare prohibitum, procuratorem mandato carere, aut non recte esse constitutum.

§. VIII. Postremo exceptiones contra judicem duobus ex fontibus hauriuntur, aut quia non est competens, sive legitimus, aut quia suspectus est. Judex non competens, sive non legitimus ille dicitur, qui vel extra territorium suum jus dicit, vel inter homines sibi non subjectos, vel suæ jurisdictionis modum excedit (1). Suspectus autem judex est, quia cognatus, affinis, conjunctus actori, quia cum reo graves inimicitias gerit, quia juris imperitus, quia eidem causæ patronus fuit, quia similem ipse in alio iudicio litem habet (2).

(1) Confer titulum Codicis. *Si non à competen. judic.*

(2) *Cap. 36. de Appellat.* Vide etiam Capitularia Caroli M. l. 7. c. 240. col. 718. t. 1. ed. Baluzi Ven. 1772.

§. IX. Omnes dilatoriae exceptiones inter exordia litis (1), hoc est ante litem contestatam opponendæ sunt (2); nisi postea suboriantur, vel postea innotescant (3). Quin etiam ne dolo, & malitia rei iudicium in longum trahatur, certus à iudice dandus est dies dilatoriis exceptionibus opponendis; quo elapso illæ tantum proponi possunt, quas nova obtulit causa, quasque reus tunc sibi primum fuisse cognitæ juratus affirmaverit (4), itemque illæ, quæ irri-

tum, & inane judicium faciunt (5). Sed præsertim initio litis, atque ante ceteras dilatorias exceptiones opponi debet præscriptio fori, ne quis, ea omissa, si ad aliquem actum in judicio pergat, in judicem consensisse videatur (6): nisi justa recusandi judicis causa deinceps exoriat (7). Excipitur clericus, qui uti demonstratum supra est, jurisdictionem laici judicis prorogare non potest.

(1) Sic Julianus Imperator in l. 12. *cod. de Except.*

(2) Hæc quidem Canonici, & Civilis Juris regula est in l. 4. de *Juris. omn. jud.*, et in cit. l. 12., et c. 20. de *Senten. et re judic.*

(3) *Cap. 4. de Except.*

(4) *Cap. 4. cit. c. 6. Qui matrimon. accus. pos.*

(5) Huc spectat exceptio falsi Procuratoris, seu mandato carentis, quæ "non solum ante sententiam, verum etiam postea potest objici, utpote qua probata judicium nullum, & nullius momenti controversiæ reputantur," ut inquit Pontilex in c. 4. de *Procurat.* Eadem ratio est exceptionis revocati procuratoris, cum mandatum expiret, posteaquam revocatum est c. 3. *eod.*

(6) L. 1. et 2. *ff. de judic.*

(7) *Cap. 21. et 5. de Offic. judic. delegat.*

§. X. Sola exceptio majoris excommunicationis in quâlibet parte litis opponi potest, etiamsi reus eam præfinito tempore omiserit; quod jure singulari cautum est, *ne quisquam in periculum animæ suæ excommunicato communicare cogatur* (1). Tantum post appellationem proposita hæc exceptio judicii cursum non impedit (2); sed antea judex ipse ex officio debet publice excommunicatum à judicio repellere, quamquam nemo hujusmodi exceptionem objecerit (3). Quoniam vero litigatores exceptione excommunicationis ad vexandos adversarios abutebantur, sapientissime ab Innocentio IV. certus est constitutus ejus opponendæ modus (4). Scilicet reus, qui illa contra actorem exceptione utitur, exprimere speciem excommunicationis nomenque excommunicatoris debet; illamque demonstrare intra dies octo; secus progrediendum judici in causa est, ac reus in expensas condemnandus. Quod si iterum hæc exceptio objiciatur, atque probetur, actor à judicio repellitur, sed valent ea quæ gesta sunt; post duas vero vices non amplius eadem exceptio, nisi ob justam causam proponi potest.

- (1) *Cap. 12. de Except.*
- (2) *Cap. 11. de Except.*
- (3) *Cap. 12. cit., & c. 1. eod. in 6.*
- (4) *Cap. 1. de Except. in 6.*

§. XI. Duo potissimum parit exceptio; primum, quod ea recte probata actionem excludit, sive ad tempus, sive perpetuo, prout exceptio dilatoria, aut peremptoria est (1); alterum, quod reus exceptione actor efficitur (2). Propterea quemadmodum ad actorem probandi opus pertinet, ita & reus probare debet exceptionem suam (3); quod si ipse non præstet, tamen actor non liberatur ab onere probandi quoniam reus, qui excipit, actoris intentionem non censetur confiteri (4).

- (1) *L. 2. ff. de Except.*
- (2) *L. 1. ff. eod.*
- (3) *L. 19. & 25. ff. de Probat.*
- (4) *L. 9. ff. de Except.*

§. XII. Adversus exceptiones comparatæ sunt replicationes, quæ sunt adjumenta, & præsidia, quibus actor utitur adversus reum, ut exceptionem tollat (1). Nam replicatio est exceptionis exclusio (2), quæ tametsi à parte actoris veniat, tamen est potius exceptio, quam actio; quia opponitur excipienti reo, qui in exceptione actor est (3). Quemadmodum vero rei exceptionem removet actoris replicatio, ita hanc excludit duplicatio rei, atque hanc rursus actoris triplicatio; sic *deinceps multiplicantur nomina, dum aut reus, aut actor objicit* (4). Non enim jure civili definitus est modus defensionum, quæ ab actore, & à reo proponuntur. Sed in foro ecclesiastico hæ duplicationes, triplicationesque non obtinent; verum judex ex officio iis modum constituit, & causam definit.

- (1) *L. 3. cod. de Except.*
- (2) *L. 2. §. 1. ff. de Except.*
- (3) *L. 1. ff. eod.*
- (4) *L. 2. §. 3. de Except.* Quo loco Ulpianus replicationi non *duplicationem*, ut Tribonianus §. 1. *Instit. de Replicat.*, sed *triplicationem* opponit. In eadem cum Ulpiano causa est Julianus in l. 7. §. *Curator ff. de*

curat. furios. Ne à duobus his Jurisconsultis Tribonianus dissensiat, sunt qui ex ejus auctoritate utrumque illum Ulpiani, & Juliani locum emendandum putant; sed id quidem est contra omnium veterum exemplarium fidem. Meo judicio, nihil est, quod ea de re multo sermone laboremus. Quæ Triboniano est *duplicatio*, eam antiqui Jurisconsulti *replicationem* appellarunt, & certe *replicare* est rursus plicare, idemque prorsus ac *duplicare*. Merito igitur *replicationem triplicatio* excipere debebat.

TITULUS XI.

De ordine cognitionum.

- | | |
|---|---|
| I. Quales exceptiones certo ordine cognoscendæ? | rebus committatur? |
| II. Quæstiones præjudiciales. | VIII. Sp. lium actiois, & exceptionis loco reponitur. |
| III. Causæ incidentes. | IX. Spoliatus ante omnia restituendus. |
| IV. & V. Causæ præparatoriæ earumque species. | X. & XI. Quando spoliatus non restituitur? |
| VI. Spolium quid? | |
| VII. Quemadmodum, & quibus in | |

§. I.

Exceptiones, quæ à reo proponuntur, plures sæpe causas & quæstiones inducunt, quæ certo ordine à legibus definito tractandæ sunt, qui *ordo cognitionum* appellatur (1) Causæ autem hujusmodi sunt vel *præjudiciales*, in quibus ab unius decisione alterius decisio pendet, vel *incidentes*, quæ nimirum incidunt in ipsa lite, cujus gratia judicium exercetur; vel *præparatoriæ*, quarum decisio alterius decisionem faciliorem reddit; vel quæ quidem *ex eodem negotio* oriuntur, sed tamen *ad diversa* tendunt, neque à se invicem pendent.

(1) Cognitionis nomen proprie ad principem, vel ad magistratus refertur, cum princeps sua sponte cognoscit, vel magistratui cognitionem committit: vel etiam ipsi Magistratus ex subofficii cognoscunt, quæ cognitio legitima, & extraordinaria appellatur; uti patet ex titulo *f. de Extraord. cognit.* Hinc illud Svetonii in *Claud. c. 17. p. 450. ed. Traj. ad Rhén.* 1691. "Alium interpellatum ab adversario de propriis litis, negantemque cognitionis rem, sed ordinarii juris esse, a quæ causa, nec festim apud se coegit;" ita intelligendum est, negantem ad principis cognitionem rem pertinere, atque agentem, ipsum non cognoscere, sed judicem dare de-

buisse, apud se causam agere coegit. Scilicet cum ordine, & jure in jurisdictione recepto Prætorii liceret judicem dare, quod est jurisdictionis l. 3. ff. de Jurisdiet., ac dare etiam pro potestate solitus esset, extraordinariam esse oportuit cognitionem, quam ipse cogente officio suscipiebat, & quam alteri committere non poterat. Atque huc equidem referendum arbitror quod de Nerone narrat Tacitus *Annal.* l. 13. c. 51. t. 1. p. 890. ed. *Amstelæd.* 1673., quem ait edixisse, "ut Romæ Prætor, per provincias qui pro Prætore, aut Consule essent jura, adversus Publicanos extra ordinem redderent." Alii extraordinarias cognitiones vocant, de quibus nulla ordinaria, tertioque jure actio erat constituta, quæque à Prætore extra ordinem, ex æquitate suscipiebantur, easque opponunt ordinariis cognitionibus, quæ ordinariam habebant actionem, certoque jure nitebantur. Contra, aliis ordinaria cognitio est, quæ judicibus datis competit. Consule Donellum de *jur. civil.* l. 8. c. 2. n. 4. opp. t. 2. col. 693., & l. 17. c. 22. n. 9 & 10. t. 4. col. 1351. & seq. ed. Lucæ, & Scipionem Gentilem de *jurisd.* l. 2. c. 20. opp. t. 3. p. 187. & seq. ed. Neap. 1764. Verum facultas judicandi, sive ordinaria, sive extraordinaria, vulgo cognitio dicitur L. penult. ff. de *jurisd. omn. jud.* Quare titulus hic, qui in Gregorianis Decretalibus est de *ordine cognitionum*, in prima compilatione inscribitur de *Ordine judiciorum*, quasi idem judicium, & cognitio sit, ut in cap. 1. & penult. de *ordine cognit.* *Cognitiones sententias memorat l. un. cod. de Senten. Præf. præf., & l. 3. cod. de Sent. & interloq.* quæ scilicet causa cognita feruntur; & in l. ult. §. *Illud etiam cod. de Temp. & reparat.* occurrit verbum *cognitionaliter*, quo significatur id, quod parte utraque præsentè, & adhibita causæ cognitione gestum est.

§. II. Præjudiciales quæstiones noscendæ, definiendaque sunt, antequam causa altera, quæ ex illis pendet, cognoscatur. Ita si qua mulier affirmet, se cum certo homine iniisse matrimonium, isque excipiat, illud consistere non potuisse propter impedimentum cognationis, antea hæc exceptio cognoscenda est; quoniam ea cognita, ac definita matrimonii quæstio dirimitur (1). Similiter exceptio excommunicationis ante causam, de qua præcipue quæritur, expendenda est (2): & si petenti hereditatem, & successionem jure cognationis opponatur status natalium, primum de natalibus, quoniam hæc quæstio præjudicialis est, postea de successionem quæritur (3).

(1) Cap. 1. de *Ordin. cognit.* Sed tamen recte est, vereque animadversum à Jacobo Cujacio in *cit. c. 1. opp. t. 6. col. 802. ed. cit.*, id quidem obtinere, cum reus actoris intentionem confitetur, verumtamen

præjudicialē, & peremptoriā exceptionē proponit. Secus enim cum reus non confitetur actoris intentionē, non ante est probandā exceptio, sive dilatoria, sive peremptoria, quam actor probaverit intentionē suā l. 9. c. de *Præscript. long. tempor.* l. 9. cod. de *Except. seu præscript.*, l. 19. col. de *Probat.*, nimirum quia actore non probante reus absolvitur, quamquam ipse exceptionē suā non probaverit l. 4. cod. de *Eden.*, c. 3. de *caus. possess.*

(2) Cap. 19. de *Judic.*

(3) Cap. 3. de *Ordin. cognit.*

§. III. Causæ incidentes ab eodem cognoscendæ sunt iudice, cujus est de præcipua causa judicare quamquam ipse minus competens esset, si de iis præcipue iudicium institutum fuisset (1): nisi causa civilis incidens sit ecclesiastica, quam ne incidenter quidem cognoscere laicus iudex potest (2), licet contra integrum sit iudici ecclesiastico de causa civili incidente judicare (3).

(1) L. 1. cod. de *Ord. judic.*, l. 3. cod. de *Judic.*

(2) C. 3. de *Ordin. cognit.*, c. 7. *Qui fil. sint legit.*

(3) Cap. 3. de *Donat. inter. vir. & uxor.*

§. IV. Causam quoque *præparatoriam* prius definiiri, judiciali ordini aptum, & conveniens est (1). In quæstionibus civilibus, quæ diversæ sunt, neque à se invicem pendent, licet ex eodem negotio oriantur, videndum est, quomodo propositæ sint. Si per modum *actionis* separato iudicio, utraque actio in proprio foro expeditur; si per modum *reconventionis* in eodem foro, vicissim tractanda, atque eadem sententia utraque definienda est (2); si per modum *exceptionis peremptoriæ*, illa adhibenda ratio est, quam in his exceptionibus cognoscendis observandam esse, superiori loco demonstravimus.

(1) L. 35. ff. de *Acquir. & amit. possess.*, l. 13. cod. de *Rei vindic.*

(2) Cap. 2. de *Ordin. cognit.*

§. V. Si civiles, & criminales causæ concurrant, distinguendum est utrum altera præjudicialis sit, an semel invi-

cem non attingant. Si causa præjudicialis sit, ea primum cognoscenda est, sive civilis (1), sive criminalis sit (2). Si altera causa alteram non attingat, neque ab ea pendeat, criminalis, quæ majoris est momenti, ante civilem definienda est (3).

(1) *L. 3. §. 5. & 6. cod. de Ord. cognit.* Atque huc referenda est *l. 4. c. de Ordin. judic.*, ubi Constantinus inquit *sape* causam civilem intermitteri, ex quo patet, interdum civilem causam prius esse cognoscendam, si causa criminalis inde pendeat, quo spectat *l. 1. cod. de Appellat.*

(2) *L. 14. cod. de Testib.*

(3) Id quidem generatim est verum, cum semper criminalis quæstio gravior habeatur. Sed interdum iudex utramque causam & civilem, & criminalem uno iudicio absolvit, cum scilicet actor quæstionem utramque proposuit *l. 4. §. 4. ff. Fin. regund. l. 1. ff. de Publ. judic. l. 3. c. de Ord. judic. l. un. c. Quand. civ. act. crimin. præjud.* Quod si actio criminalis principaliter est proposita, & reus civilem quæstionem movet, primum illa tamquam gravior, noscenda est *l. 5. §. 1. ff. ad l. Jul. de Vi publ. l. 33. c. ad l. Jul. de Adulter.* Quod etiam dicendum videtur, si quæstio civilis instituta sit, ac reus actorem criminis accusaverit, nam causa civili tamdiu supersedendum est, quamdiu criminalis absoluta fuerit *l. 4. c. de Ordin. jud.*

§. VI. Sed & exceptio spoliî hoc præcipuum habet, ut ea sit expendenda, antequam proposita actio cognoscatur (1). Est autem spolium facinus indignum, & iniquum, quo quis ex rei suæ possessione, vel quasi dejicitur. Itaque ad spolium utrumque requiritur, quod quis habuerit rei possessionem, vel quasi, & quod ea per injuriam ablata sit (2).

(1) *Cap. 2. & ult. de Ord. cognit.* Est autem à jure canonico inductum spoliî iudicium, ut quis recuperet possessionem, unde injuria dejectus est, eoque latius explicatum est civile interdictum unde vi, cui non omnia ea de re satis considerata, & provisa erant. Consule Vicarium *Vocabul. jur. verb. Spolium*, & *Vicetum in Pandect. l. 43. tit. 16 n. 7.*

(2) *Cap. 10. de Offic. & potest. jud. deleg. c. 17. de Restit. spoliat.*

§. VII. Committitur autem spolium in rebus tum immobilibus, tum mobilibus (1), atque etiam in juribus (2);

neque vero refert, an vis, dolusve intervenerit, quoniam sola culpa, & bona fide committi potest. Etiam iudex spoliatus reus est, cum neglecto juris ordine alicui possessionem adimit (3), neque à spolio alienus est, qui illud mandavit, vel ratum habuit (4); imo etiam qui rem spolio ablatam scienter accepit (5), non vero tertius bonæ fidei possessor.

(1) *C. de Restit. spoliat. in 6., c. 6. de Sepult. c. 2. 3. 4. 8. 10. & 13. de Restit. spoliat., c. 10. de Probat.*

(2) *Cap. 3. de caus. pos. & propriet., c. 6. de Sepult.* Spolium latissime patet, adeo ut qui qualicunque possessione, vel quasi iniuste est privatus, spoliatus habeatur. Si uxor à marito diverit, maritus spoliatus dicitur *c. 8. de Restit. spoliat.*, mox per legitimum matrimonium in ejus domum transfusa fuerit *c. 12. col.* Mulier spoliata est, quæ à marito expulsa, & domo ejecta est *c. 10. & 12. col.*, qui suo se beneficio, aut jure per vim, vel iniuste abdicere coactus est *c. 2. & 3. col.* quibus denegantur pensiones, quas hactenus perceperunt *c. 9. col.*, qui excluduntur ab electionibus, quibus hactenus interfuerunt *c. 3. de caus. pos. & propriet.*, qui injuria extra parochiam, vel ubi sepultura facienda erat, cadaver intulerunt *c. 6. de Sepult.*, qui propter nullum contractum possessionem amiserunt.

(3) *Cap. 7. de Restit. spoliat., c. 22. de Offic. & potest. judic. delegat.*

(4) *Cap. 15. de Restit. spoliat.*

(5) *Cap. 18. eod.* Jure Civili interdictum unde vi datur tantum adversus eum, qui vi adhibita possessorem dejecit, non adversus eum, ad quem res ab alio violenter ablata pervenit *l. 7. ff. de Vi & armat.* Nam hoc interdictum scriptum est in personam hoc modo; *unde tu illum vi dejecisti.* Sed juri civili derogat Cælestinus III. *in cit. c. 18.*, ubi interdictum unde vi concedit etiam adversus eum, ad quem non ignarum vitii res ab alio per vim ablata delata est. Fateor equidem Jus civile etiam adversus heredem prædonis hoc idem interdictum tribuere *l. 1. §. ult., & l. 2. ff. de Vi & vi arm.*, quia nimirum heres successor universalis est, ad quem omne defuncti vitium defertur *l. 11. ff. de Divers. & tempor. lib. præscript., l. penult. col. de Acquir. poss.*; sed non item concedit adversus emptorem, aliumve successorem singularem, qui non succedit in vitium ejus, à quo rem obtinuit. At jure canonico male fidei emptor succedit etiam in vitium venditoris; & ideo nihil refert, sive quis rem per vim abstulerit, sive ab alio ablatam sciens prudens retinuerit. Errant autem vehementer qui hanc Cælestini constitutionem non pertinere existimant ad interdictum unde vi, sed potius ad beneficium editum *in can. Redintegranda c. 3. qu. 1.*, quod quidem beneficium perpetuum est. Nam si id verum haberetur, nullum esset inter Jus canonicum, & civile discrimen, quoniam ea in re eadem esset juris utriusque regula; at vero

Cælestinus *cit. c. 18.* expresse profitetur, sese jure civili derogare, uti patet ex verbis *non obstante juris civilis rigore sancimus &c.* Non ignoro, quam multæ sint turbæ de interpretatione *can. Redintegranda c. 3 qq. 1.* Sed mihi perspicuum videtur, eum Canonem id velle, quod etiam jure civili sancitum est, ut quamquam interdictum unde vi annale sit *l. 1. ff. de Vi & vi arm.*, tamen perpetua sit persecutio rerum vi ablatarum *l. penult. ff. de Interd.* Nihil dico de fide, & auctoritate ejusdem canonis quem Gratianus adscribit Joanni I. P. in *Ep. ad Zucchiam Archiepisc.*, sed Joannis revera non est. Consule Berardum Gratiani *canones genuini &c. part. 2. t. 1. c. 50.*

§. VIII. Spolium vel exceptionis, vel actionis loco proponitur. Exceptio pertinet ad repellendam intentionem actoris (1), qui non auditur; nisi primum rem injuria ablatam restituat (2), eaque spolianti contra spoliatum ex quacumque causa agenti opponi potest, nisi de causa ecclesiastica egerit (3). De tertii spolio excipere nequit reus, nisi in criminalibus, si demonstraverit, sibi violenter rem universam suam, vel majorem ejus partem ademptam fuisse (4). Exceptio autem probari debet intra dies quindecim, posteaquam proposita est, ne forte vertatur in fraudem, & judicii cursus retardetur (5).

(1) *Cap. 2. de Ordin. cognit.*

(2) *Cap. 16. de Restit. spoliat.*

(3) *Cap. 1. de Restit. spoliat. in 6.*

(4) *Cap. 1. cit.*

(5) *Cit. c. 1. de Restit. spoliat. in 6.*

§. IX. Actio spolii eo spectat, ut spoliato res ablata ante omnia restituatur. Itaque nulla contra eum opponi potest exceptio, quæ ad petitorium pertineat, veluti dominii (1), renunciationis (2), quod canonice non sit institutus (3), quod crimen commiserit (4). Adeo sane leges odio habent, improbantque spolium, ut, *prædo etiam secundum rigorem juris sit restituendus* (5); quia nec exceptionis spolii antea commissi habenda ratio est, sed tantum vis inspicitur, quæ postremo illata fuit. Quinimo non tantum res ablata spoliato restituitur, aut ejus loco æstimatio datur,

sed etiam sarcienda sunt damna, ac restituendi fructus à spoliante percepti, quin etiam percipiendi, si spoliū vi, aut dolo malo patratum sit (6). Quorum probationem, atque æstimationem spoliatus jurejurando peragere potest (7).

(1) *Cap. 1. de Restit. spoliat.*

(2) *Cap. 2. & 3. eod.*

(3) *Cap. 5. eod.*

(4) *Cap. 1., & 6. eod.* Atque hoc est, quod dici solet spoliatum ante omnia restituendum esse, hoc est nulla audita exceptione, vel objectione; satis est, quod actor spoliatus fuerit l. 1 §. 30. ff. de Vi & vi arm.

(5) *Cap. 5. eod. l. 12. et 18. ff. de Acquir. vel amitt. possess.*

(6) *Cap. 51. de Alpellat., c. 11. de Restit. spoliat.* Verum gravis inopia spoliantis, qui alienum restituere nequit, nisi primum ipse suum recuperet, impedimento est, quominus spoliatus statim rei suæ fructus obtineat *cap. 16. de Restit. spoliat*

(7) *Cap. 7. de His quæ vi met. causa fiunt.*

§.-X. Atque hæc quidem regula juris est, ut nulla exceptio agenti de spolio opponi possit. Verum extra ordinem exceptiones admittuntur. Sic audienda est exceptio proprietatis, vel quæ petitorium respicit, ubi actor consentit (1). Contra spoliū actionem admittitur exceptio spoliū, si actor in alia causa reum spoliavit, adeout probationes super hac exceptione primum noscendæ sint, quibus absolutis, reus actori de spolio agenti respondere non cogitur, nisi ab ipso restitutus fuerit, quoniam exceptio spoliū ex earum numero est, quæ litis ingressum impediunt (2). Exceptio consanguinitatis opponi potest marito, à quo uxor discessit, si illico demonstrari queat (3), si graviolem indagacionem postulat, rejicitur, & restitutio decernitur (4). Si actor possessorium, & petitorium cumulat, recusare nequit exceptiones, quæ petitorium respiciunt (5).

(1) *Cap. 1. de Restit. spoliat.*

(2) *Cap. 2. de Ordin. cognit.*

(3) *Cap. 13. de Restit. spoliat.*

(4) *Cap. 10. eod.*

(5) *Cap. 2. de caus. possess. et propriet.*

§. XI. Simili modo audienda est exceptio deficientis pos-

sessionis (1), vel etiam quod quis ad possidendum minime aptus, & idoneus fuit, propterea restituendus non est laicus, qui ex spiritualium possessione dejectus est. Idem sit iudicium de exceptione vitiosæ possessionis, cui Jus commune aperte adversatur. Ita qui spoliatus est decimis, quas se in aliena paræcia habuisse contendit, non restituitur, nisi primum evidenter ostendat, jure se earum possessionem obtinuisse (2). Neque dissimilis ratio est exceptionis privatæ occupationis in jure permissæ, ac justæ defensionis. Licet enim statim vim vi repellere, nec vis iniusta dicitur ab eo, qui illico refficientem rursus deficit (3). Eodem loco est exceptio damni irreparabilis. Ita mulier non statim viro restituenda, si insidias suæ vitæ factas opponit, sed interim in loco tuto commorari debet (4), nisi maritus idoneam præstet cautionem, per quam illi consulatur (5). Scandali quoque exceptio admittenda, si evidens est; quoniam ut publica offensio, seu scandalum removeatur juris regulæ negliguntur.

(1) *Cap. 2. de Restit. spoliat. in 6.*

(2) *Cit. cap. 2.*

(3) *Cap. 12. de Restit. spoliat. l. 3. §. cum igitur ff. de Vi et vi arm. l. 12. §. 1. ff. Quid met. caus.*

(4) *Cap. 8. de Restit. spoliat.*

(5) *Cap. 13. eod.*

TITULUS XII.

De mutuis petitionibus.

I. Mutua petitio quid?

II. Quomodo fiat?

III. Ejus finis compensatio.

IV. A quibus recte proponatur?

V. Ejus effectus.

§. I.

Deductus in iudicium reus non solum armis defenditur exceptionum, sed etiam petere à iudice potest, ut sibi ex actore justitia exhibeatur; quod fit mutuis petitionibus. Mutua petitio est mutua actio, seu reconventio (1), per

quam reus cognito actoris libello, eundem convenit, & vicissim aliquid ab eo petit. Ita si actor petat decem ex causa mutui, reus vicissim ex testamento petat alia decem, vel amplius, mutua petitio est.

(1) Mutua petitio actio est, non exceptio, ut quibusdam visum, qui tamen à *cap. 2. §. 2. de Ordin. cogn.* aperte refutantur.

§. II. Si quid igitur causæ sit, cur possit reus cum actore agere, eundem potest reconvenire, sive eadem, sive alia sit causa (1), aut in personam, aut in rem actio instituta sit (2). Id vero fit coram eodem iudice, ad quem reus vocatus est, quemque actor repudiare non potest, sive ordinarius sit, sive delegatus (3). Uni reo facultas est proponendæ mutuæ petitionis, non item actori, ut lites habeant medium quemdam modum; quæque in iudicio conventionis data est agendi ratio, eadem etiam in reconventionem servanda est. Nam una eademque actoris, & rei conditio esse debet (4).

(1) *Auth. Consequenter Cod. de Senten. et interlog. c. 1. de Ord. cognit.* Errat autem Antonius Faber *Conject. l. 20. c. 5.* contendens, non licere reo actorem ex diversa causa reconvenire.

(2) Ab omnibus generatim rejecta est opinio Antonii Fabri *Conject. l. 20. c. 8.*, qui subtiliter more suo, sed minus vere demonstrare conatur, eum, cum quo actio in rem actum est, reconvenire non posse.

(3) *Cap. 3. de Rescript. in 6.* Id vero locum habet, si postulante reconvento datus fuerit delegatus *cap. de Mut. pet.*, quia hic demum obtinet ratio allata in *L. 14. C. de sent. et interlog.* repetita in *Can. 1. c. 3. q. 8.* Si delegatus motu proprio fuerit constitutus, locus reconventioni non est, cum actor iudicem illum non elegerit. Vide Gonzalez in cit. c. 1. de *Mut. pet. n. 10.*

(4) *C. 2. de Mutuis petit.*

§. III. Mutuæ petitionis finis est compensatio (1). Itaque in causis, in quibus compensatio locum non habet, ne reconventio quidem proponi potest. Huiusmodi sunt causæ criminales, in quibus agitur criminaliter (2), quoniam innocentia, non relatione criminum reus purgatur (3), præiudiciales (4), depositi (5) spolia, in quibus, uti demonstratum supra est, spoliatus respondere non cogitur, nisi antea res-

tituatur (6), causæ momentaneæ possessionis, quæque ce-
 rem exitum postulant (7), denique in negotiis ecclesiasticis
 coram laico iudice reconventio fieri non potest (8).

(1) Tertulianus *Contr. Marcion.* l. 2. c. 20. p. 392. *ed. Rigaltii Paris.*
 1675. inquit, Hebreos Ægyptiis ab se vasa aurea, & argentea petenti-
 bus opposuisse mutuas petitiones, agentes, sibi etiam deberi mercedem
 pro labore, atque opera, quam impenderant in ducendis lateribus, in
 civitatibus, atque in villis ædificandis, quod postea *compensationem* rec-
 tissime appellat. Quæ compensatio vel fit ipso jure, vel per exceptionem
 doli inducitur, vel per mutuam actionem. Nam mutua hac actione alia
 actio tollitur, & debitum compensatur, ut est in Capitularibus Caro-
 li M. l. 7. c. 303. col. 730. t. 1. *ed. Baluzii Ven.* 1772. Ita per *recautio-*
nem, ut inquit Augustinus *lib. de Cur. pro mortuis* c. 11. *opp. t. 6. col. 524.*
ed. cit., cautio *evacuatur*, hoc est dissolvitur; & ita per *evacuatorium*,
 quam memorat Marculphus *Formul.* l. 2. c. 27. & 35. apud Baluzium *Ca-*
pitular. Reg. Franc. t. 2. col. 289. & 291. *ed. cit.* (hoc est per syngra-
 pham, quam creditor confitebatur, suam sibi pecuniam fuisse solutam)
vacua, & *inanis* permanet obligatio.

(2) *Can.* 1. 2. & 4. c. 3. *qu. 1.*, l. 1. & 19. *Cod. de His qui accus.*

(3) *L. 5. ff. de Publ. jud.*

(4) *Cap. 1. de Ordin. cognit.*

(5) *Cap. 2. & ult. de Deposit.*

(6) *Cap. 1. de Restit. spoliat. in 6.*

(7) *Glossa in cap. ult. de Ordin. cognit.*

(8) Confer *Glossam in Can. 1. c. 3. q. 8. verb. Judicem*, & *in c. 4. de*
Jud. verb. non tenet.

§. IV. Cuius agendi, ei reconveniendi jus est; quoniam
 reconvenire est agere, ideoque inutiliter reconvenit excom-
 municatus, quod inutiliter agit (1). Coram arbitris recon-
 ventio fieri non potest, quoniam eorum tantum est iis de
 rebus judicare, quæ compromissi lege continentur (2).

(1) *Cap. 5. de Except.*

(2) *Cap. 6. de Arbitris.*

§. V. Duo parit mutua petitio, seu reconventio; pri-
 mum est, ut jurisdictio prorogetur, adeo ut qui coram judi-
 ce reconvenit, eundem amplius recusare non possit (1);
 alterum, ut res utraque, actio scilicet, et reconventio si-
 mul uno, eodemque iudicio cognoscantur (2). Sed ut hæc

duo efficiat mutua petitio, initio ipso litis proponenda est, antequam litigantes ad alios judiciales actus progrediantur (3). Nam si reconventio fiat in progressu, aut in exitu litis, prorogabit quidem jurisdictionem (4), sed non etiam efficiet, ut reconventio una cum actione eodem judicio ab-solvatur.

(1) *Cap. 1. de Mutuis petit.* Confer quæ dixi §. 2. not. 3.

(2) *Cap. 1. cit.*

(3) Reum statim mutuo agere debere, scriptum est in *Auth. & consequenter Cod. de Sent. & interloq.*, & in *Clem. 2. §. 1. de Verb. signifiq.* dicitur in ipso litis exordio. Neque aliud suadet *cap. 3. §. 1. de Rescript. in 6.*, ubi verba eo tem. durante judicio ita sunt intelligenda, ut apud eundem judicem reconventio fieri debeat, non autem ad reconventionis tempus referenda sunt.

(4) *Cap. 3. de Rescript. in 6.*

TITULUS XIII.

De dilationibus.

I. Dilatio quid?

II. Dilationum distinctio.

III. Quando eæ dantur?

IV. Omnes judicii partes suas habent dilationes.

V. Quomodo dandæ sint?

§. I.

Nihil in foro & judiciis usitatius est dilationibus. Nam eas sæpe reus ad parandas exceptiones, sæpe etiam actor ad probationes confirmandas à judice petit; idque non initio solum, sed etiam in progressu litis. Dilationem vocamus justum aliquod temporis intervallum, quod litigantibus conceditur ad actum aliquem judicialem commodius expediendum.

§. II. Dilationes vel à lege dantur (1), vel mutua litigantium voluntate constituuntur, vel à judice conceduntur. Sed Jus Canonicum tribuendarum dilationum omne fere arbitrium judici commisit (2). Quod non ita intelligendum est, quasi judici integrum sit, quas velit, dilationes concedere suo arbitratu. Nam ut dilationes concedantur, justa causa

opus est, eaque rite demonstrata, denegari non possunt. Hinc si nimis breves datæ sint dilationes, quæ pares non sint rei præsertim gravi, & implicatæ, justa est appellandi causa (3).

(1) De his agitur in titulo Codicis *de Dilationibus*.

(2) *Cap. 24. de Officiis & potest. deleg.*

(3) *Cap. 7. & 4. de Dilationibus*.

§. III. Dantur dilationes ad inducendos testes (1), ad exceptiones peremptorias proponendas (2), ad proferenda instrumenta, ad se purgandum (3), ad accusandum, & agendum (4), ad cursum appellationis proseguendum (5).

(1) *Cap. 9. de Probat.*

(2) *Can. 1. & 3. c. 3. q. 3.*

(3) *Cap. 33. de Testib. et attestat.*

(4) *Cap. 14. de Accusac.*

(5) *Cap. 13. de Officiis jud. ordin.*

§. IV. Quemadmodum in judicio sunt partes tres, ita singulæ suas habent dilationes. Hinc triplex earum genus distinguitur. Nam aliæ dantur in prima litis parte videlicet à citatione usque ad litis contestationem, & hæ vel citatoriæ, vel deliberatoriæ vocantur. Citatoriæ dantur ad comparendum, dilatoriæ ad deliberandum, num ille, qui in judicium vocatus est, litem suspicere debeat. Quædam autem conceduntur à litis contestatione usque ad sententiam, quæ probatoriæ dicuntur, quia dantur ad parandas, afferendasque probationes. Denique in tertia litis parte dilationes conceduntur ad audiendam sententiam, vel mandatum exequendum, quæ definitoriæ nuncupantur.

§. V. Dilationum tempore judicis officium conquiescit. Et quia arbitrarias tribuere dilationes, actus est judicialis, idcirco concedendæ sunt à iudice pro tribunali sedente, causaque cognita (1). In dilationibus, quæ à jure dantur, nulla causæ cognitione opus est.

(1) *Can. ult. c. 3. q. 3.*

TITULUS - XIV.

De sententia, & Re Judicata.

- I. Sententia quid?
- II. Ea vel definitiva, vel interlocutoria.
- III. Utriusque discrimen.
- IV. Sententia à competente giudice,
- V. Et pro tribunali sedente.
- VI. Et in scripto ferenda est.
- VII. An à iudice recitanda?
- VIII. Quo idiomate concepta esse debeat?
- IX. An noctu ferri possit?
- X. Juri, actisque, & probatis congruens, certa que esse debet.
- XI. Condemnatio in expensas, & fructuum restitutio.
- XII. Sententia quando transeat in rem judicatam?
- XIII. In quibus causis in rem judicatam nunquam transeat?
- XIV. Rei judicatæ executio.
- XV. Quis rem judicatam exequitur?
- XVI. Quibus in rebus, & quo ordine executio fiat?
- XVII. Executio in bonis mobilibus, & immobilibus.
- XVIII. Auctio, & distractio pignorum.
- XIX. Debitor quando in carcerem detrudendus?
- XX. Cessio bonorum.
- XXI. Quemadmodum ea fiat, & in quo differat à justitia iniquitatis?
- XXII. Beneficium competentie.

§. I.

Judiciaria disceptatione absoluta, oritur *conclusio in causa* (1), & à iudice ferenda sententia est. Definitur sententia iudicis pronuntiatio super re à litigantibus proposita condemnationem, vel absolutionem continens, & controversiam definiens (2). Justiniani legibus cautum erat, ut iudex sententiam non ferret, nisi primum juratus declarasset, se procul habuisse studia partium, atque una ante oculos habita justitia, & veritate, causam iudicasse (3). Sed hodie hoc iuramentum emittunt iudices, cum munus iudicandi suscipiunt.

(1) Formula hæc à Decretalibus Pontificiis in forum civile defluxit c. 5. §. 3. de *caus. possess. et prop.*, c. 9. de *Fid. instrum.*

(2) *L. 1. ff. de Re judic.* Multa de hac sententiæ definitione habes à Cujacio in *Col. tit. de Sentent. et interloq. opp. 1. 9. col. 996 ed. cit. recte & sapienter animadversa*: ubi etiam multe sunt leges, quæ ad hunc locum pertinent, diligenter explicatæ. Vide etiam Donellum in *L. 1. ff.*

de Re judic. opp. t. 11. col. 117. et seq. ed. cit., qui de illa Modestini definitione in dict. L. 1. accurate disputat, & Philippum Vicatum Vocabul. jur. verb. Sententia.

(3) L. 12. Cod. de Judic.

§. II. Sententia vel est interlocutoria, vel definitiva (1). Interlocutoria est, quæ non dirimit controversiam, de qua præcipue quæritur, neque super ea fertur, sed super quæstione inter judicii cursum incidente (2). Interlocutoria dicitur, quia judex, dum de primaria causa quæritur, interea loquitur, neque definitive pronuntiat, sed ea tantum dicit, quæ ad causam promovendam pertinent, ut judicium ad propositum fidem perducatur (3). Definitiva autem est, quæ totum negotium definit, planeque dirimit controversiam.

(1) Jus civile sententiæ nomine proprie definitivam intelligebat, mandata, jussa, aliaque decreta, quæ parabant quidem ad præcipuam causam definiendam viam, non tamen eam definiebant, interlocutiones dicebantur, nec vim habebant sententiæ neque in rem judicatam transibant L. 17. § 9. C. Ex quib. caus. infam. tot. tit. cod. de Sentent. & interloq. l. 2. ff. de Appellat. recip. Sed Jus canonicum promiscue hoc vocabulum usurpat, quod etiam in praxi receptum est, unde nata est vulgata distinctio inter sententiam interlocutoriam, & definitivam.

(2) Vox hæc *interlocutio* juris auctoribus usitata est, eaque pluries in civilis, & canonici juris libris occurrit. Verum antiquiores *interlocutionem* vocarunt *præjudicium*; quoniam *interlocutorium* vix latine dici, & eleganter posse, Vossius de Vit. Sermon. l. 3. c. 16 monet.

(3) Consule Donellum in tit. ff. de judic. & de Effect. sentent. & de Interloq. opp. t. 11. col. 115. et 116. ed. cit.

§. III. Magnum inter utramque sententiam discrimen est. Nam interlocutoria sententia ab eodem iudice revocari potest (1), definitiva non potest (2), hæc in scriptis ferri debet, illa non scribitur; à definitiva appellatur, ab interlocutoria appellare non licet, nisi vim habeat definitivæ, aut magnum inferat detrimentum, quod alio modo removeri non possit (3).

(1) L. 14. ff. de Re judic., c. 60. de Appellat.

(2) L. 9. cod. de sent. & interloq., l. 55. ff. de re judic.

(3) Jus civile ab interlocutoria appellationem negat l. 16. cod. de

Judic., l. 36. *c. de Appellat.*, quam legem restituit Cujacius *Observat.* l. 12. c. 3. *opp. t.* 3. col. 306. *ed. Ven.* 1758. Confer etiam l. 3. *c. Theod.* *Quare appellat.*, & l. 65. *c. Theod. de Appellat.* Erant tamen etiam apud Romanos interlocutiones vel *simplices*, quæ directo præcipuam causam non attingebant, sed quibus Judex vetabat, vel jubebat ea, quæ ad ordinem in judicio servandum pertinebant l. 14. *ff. de Re judic.*, vel vim *sententiæ* habentes, quibus judex rem aliquam incidentem definebat, quæ tamen præcipuam causam respiciebat, parabatque simul ad eam definiendam viam, qualis etiam sententiæ nomine comprehendebatur l. 39. *ff. de Minor.*, ubi hæc quæstio proponitur. Minores intra quadriennium in integrum restitutionem petierant. Dubitabatur, utrum minores essent, cum gestum est negotium, & ita ætatem demonstrare oportebat. Lata est pro ætate sententia, quæ quamvis interlocutoria esset, vim tamen definitivæ habebat, cum causa cognita rem incidentem definiret, ex qua judicium præcipuæ causæ pendebat, num danda esset restitutio? Ab hac sententia emissa, & accepta appellatio est. Concedit etiam Jus civile appellationem ab interlocutoria, quæ insigne damnum affert, quod alio modo removeri non potest l. 2. *c. Si pendens. appellat.* l. 2. *ff. de Appell. recip.* l. 18. *c. Theod.* *Quar. appell. non recip.* Jus Canonicum à quavis interlocutoria, & à quovis gravamine appellationem permittebat, c. 11. et 12. *de Appellat. et c. 1. cod. in 6.* Sed Concilium Tridentinum *sess. 13. c. 1. sess. 24. c. 20. de Reform.* jus hoc antiquavit, neque ab interlocutoria appellationem permisit, nisi ea vim habeat definitivæ, aut grave inferat detrimentum, quod alio modo tolli, avertique nequeat, Quæ etiam Juris civilis disciplina est.

§. IV. Ut definitiva sententia vim habeat, plura desiderat. Principio à competente iudice, qui in litigantes, aut saltem in reum jurisdictionem habeat (1), eoque pro tribunali sedente, ac juris ordine servato (2) ferenda est. Tribunal erat locus sublimis, & editus, fere ad instar hemicycli introrsum curvatus, ad quem per gradus ascendebatur, & in quo magistratus jus redebant (3); ideo legum auctores sæpe magistratum designant iis verbis, *qui tribunali præest, qui pro tribunali cognoscit* (4). Cui loco a Latinis opponitur *locus planus* (5): unde *de plano cognoscere*, videlicet ex æquo loco cognoscere, non ex superiore, neque pro tribunali, sed in via, in transitu, cum vel lavandi, vel gestandi, vel ludorum gratia magistratus prodierit (6).

(1) *Cap. 4 de Judic. c. 3. de consuet.*

(2) *Cap. 19. de sentent. et re jud. c. 1. seq. Ut lit. non contest.*

(3) *Vitruvius Architect. l. 5. c. 1. p. 168. ed. Galiani Neap. 1758.* Item

„tribunal, inquit, ut in ea æde, hemicycli schematis, minore curvatura formatum. Ejus autem hemicycli in fronte est intervallum pedum XLVI. introrsus curvatura pedum XV. uti et s, qui apud magistratus starent, negotiantes in basilica ne impedirent.” Extrema hujus curvaturæ latera à Tacito *Annal. l. 1. c. 75. t. 1. p. 132. ed. Amstelæd. 1673.* cornua appellantur. Prætor ex hoc tribunali in sella curuli j s reddebat, quod spectat Martialis *Epigr. 98. l. 11. vers. 17. et 18. p. 655. ed. Lugd. Buv. 1670.* Atque adeo proprium erat tribunal majorum Magistratum Romanorum ut eo uti non possent Magistratus Municipiorum, quin etiam minores Magistratus Romanorum, veluti, Tribuni plebis, & triumviri, qui tantum in subselliis jus dicere solebant. Hinc & municipales Magistratus pedanei judices à Paulo vocantur *l. 38. §. Qui se ff. de Pæn.*

(4) *L. 2. §. pen. ff. de Julic. l. 2. ff. de Re Julic.* Cujus jurisdictio non est, ejus nullum est tribunal. Consule Pol etiam *Hist. for. Roman. l. 1. c. 6* & Brissonium *de Verb. significat. verb. Tribunal.*

(5) Paulus *Recept. senten. l. 5. c. 16. §. 14* apud Schillingium *Jurisprud. vet. ante Justinian. p. 495. ed. Liprie 1637.* “Castidæ, inquit, non solum pro tribunali, sed & de plano audiri possunt, atque damnari.” Locum plano locum æquum appellat Cicero, & eum loco superiori, hoc est tribunali opponit *Ep. ad familiar. l. 3. Ep. 8 opp. t. 7. p. 79. ed. Olivetii Genevæ 1746.* Confer Gerardum Noodium *de Jurisdict. et imper. l. 1. c. 10.* Hinc edictalis formula, quo edicta proponi jubebantur *avud forum palin, unde de plano recte legi possint.* Ita enim illam in tabula ænea Bibliothecæ Regiæ repetit Cujacius *Observ. l. 7. c. 30. opp. t. 3. col. 170. ed. cit.*

(6) *L. 7. ff. de Manum. vind. l. 1. ff. de constit. Princip. l. 9 §. de Plano. ff. de Offic. Procons. l. 6. ff. de Accus. §. Servi vero Instit. de Libertin.* Et hujusmodi quidem est plenaria cognitio, cujus occurrat mentio in *l. 4. col. de Oilar.* licet in vulgatis editi nibus mendose prorsus legatur plenaria. Qui de plano postulabant Magistratum per libellum adhibebant, & Prætor per subscriptionem postulanti respondebat *l. 15. ff. de In jus vocan. l. 29. ff. a l l. Coronel. de Falc.* Verum quæ decretum, causæque cognitionem requirebant, non per libellum, ac tantum pro tribunali expediri præterant *l. 9. §. Ubi decretum ff. de Offic. Procons. l. 1. §. Suppeti ff. a l C. Turpil.* Ne quis tamen putet, Romanis idem fuisse de plano, & summam cognoscere, animadvertendum est. multi fuisse, quæ summam, sed tamen pro tribunali expedire oportebat. Ita decretalis bonorum possessio ex Carboniano edicto, vel ejus exemplo data summaria erat *l. 3. de Carbonian. edict.* & tamen alibi, quam pro tribunali dari non poterat *l. 3. ff. de Bon. possess. l. 2. ff. Quis ordo in bon. possess. serv.*

§. V. Sedere judicem leges jubent, cum profert sententiam (1), sive ut suam ostendat auctoritatem, sive quod mens acrius intendit, quo magis corpus quiescit (2). Sed nusquam jure civili cautum est, ut sententia à non sedente

judice pro lata irrita habeatur; id à solo Jure Canonico constitutum est (3). In judiciis sumarijs nulla est sedendi necessitas 4). Sedere vero debet judex sententiam dicturus publice, non in secreto adeout, nulla sit vis sententiæ, si in secreto dicatur (5).

(1) *L. 6. § ult. cod. de Postulando, Novel. 71. c. 1. Hinc sessiones judicum, quorum mentio est in l. 2. §. 1. ff. Quis ord. in possess. Consule Polletum l. c. lib. 1. c. 5.*

(2) Hinc Tranio apud Plautum in *Mostell. act. 5. sc. 1. vers. 54. t. 1. p. 551. ed. Lugd. Batav. 1669.*

Nimio-plus sapio sedens.

(3) *Cap. 5. de Senten. & Re judic. in 6.*

(4) *Clement. 2. de Verb. signific.*

(5) *L. 6. cod. de Senten. & interloq.*

§. VI. Deinde vero sententia ferenda est in scripto, & quæ sine scripto lata est, ne nomen quidem sententiæ meretur (1). Nam sæpe verba ori pronunciata menti illudunt, non item ea, quæ litteris consignata sunt; periculosum est autem in proferenda sententia judicem labi, quoniam sententiam semel latam mutare, aut emendare non potest. Hinc judex diligenti primum de negotio deliberatione, & consultatione habita sententiam concipit, conceptamque in libellum, sive brevem chartam referre debet (2). Sed in causis brevioribus, & maxime vilium personarum necessaria non est scriptura (3), quæ etiam omittitur in interloquutionibus; quas judici ore proferre licet; inde vero notarius scripto mandat.

(1) *L. 3. cod. de Senten. ex peric. recit., can. 7. caus. 2. qu. 1. c. 5. de Senten. & re judic. in 6.*

(2) *L. 2. cod. de Senten. ex peric. recit.*

(3) *Auth. nisi breves cod. cod., ubi etiam scripturæ necessitate solvitur sententia Episcopi, qui inter suos subditos causas cognoscit, quod retulit Gratianus in decretum suum can. 45. c. 11. qu. 1. Qued autem de Episcopo, idem etiam de capitulo sede vacante sancitum est in c. 43. de testib. Sed hodie etiam Episcopi inter suos subditos judicantes sententia*

in scripto ferenda est. Cujacius *ad c. 43. de Testib. opp. t. 6. col. 853. ed. cit.* ideo tum Episcopo, tum vacante sede Capitulo definitivam sententiam ex non scripto ferre licere arbitratur, quot sint illustres iudices, qui ejus solemnitatis necessitate soluti sunt in *l. 2. cod. de senten. ex peric. recit.* Verum in ea lege id tantum illustribus iudicibus datur, ut "etiam per officium suum, & eos, qui ministerium suum eis accomodant, sententias definitivas recitent," ex tabella cum alii debeant eas suo ipsi ore "scriptas ex libello partibus legere"; quod generatim Canonico quoque jure de Episcopo constitutum est "propter dignitatis prerogativam;" ut inquit Bonifacius VIII. in *cit. c. 5. de senten. & re jud. in. 6.* Ego id jure singulari de Episcopo sancitum arbitror, ut cum causam cognosceret inter clericos, scripturae solemnitatem servare non cogeretur. Simile jus singulare de Praefecto Praetorio, qui *verbo sententiam dicebat*, constitutum fuisse, scribit Casiodorus *Var. l. 6. n. 3. seu Formul. Praefect. Praet. p. 97. ed. Rotomag. 1679.* sed ceteri illustres iudices, de quibus simile jus editum non fuerat, definitivas sententias scripto mandare debebant, neque certe *laudata lex 2.* eos hac necessitate solvit.

§. VII. Collata in libellum sententia ab ipso iudice recitanda est, & vero praesentibus, aut saltem in eam rem vocatis litigantibus (1). Tantum Praefectis Praetorio, ceterisque illustribus magistratibus Juri Civili concessum est, ut per ministros suos sententias ex tabella recitent (2); & exemplo illustrium magistratum Bonifacius VIII. sancivit, ut etiam Episcopi sententias suas per alios proferant (3). Sed jam ubique receptum est, ut iudicum sententiae per alios recitentur (4); imo apud nos à nemine sententia legitur, sed eam *latam & publicatam* notarius peculiari libro scribit, eaque tunc incipit vim suam exserere.

(1) *L. 2. cod. de Senten. ex peric. recitan. c. ult. de Senten. & Re jud. in. 6.* Sententiam ex tabella, seu ex scripto pronuntiare in jure civili dicitur *ex periculo recitare*; unde titulus Codicis de *Sententiis ex periculo recitandis*. Extrat hic idem titulus in Codice Theodosiano *l. 4. tit. 17.* De illo autem verbo *periculi*, ex quo sententiae recitantur, multae sunt, interque se discrepantes doctorum hominum opiniones. Plures sunt, qui utrumque locum in Codice Theodosiano, & Justiniano corruptum putant, ac legendum contendunt *de Sententiis ex breviculo recitandis*, atque ita sentiunt Alciatus *Dispunct. 20.* Perrenon. *Animadvers. 2. 17.*, Ferrandus *Adduensis Exph. l. 3.* apud Everardum *Otonem Thes. jur. civ. tit. 2. p. 575.*, aliique, atque haec etiam lectio probabilis videtur Donello *de Jur. civ. l. 28. c. 3. n. 10. opp. t. 6. col. 403. cit. ed. Lucae.* Sed vera lectio est *ex periculo* quam solide tuentur Sirmondus *Antirrhet. 2. c. 11.*, Desiderius Heraldus

Observ. c. 50. & Animadvers. ad jus Attic. 2. 7. 4., Grotius in Flor. rpari. ad cod. Justinian. 7. 34., Cujacius Observ. l. 5. c. 25. opp. t. 3. col. 121. & in cod. de Senten. ex peric. recitan. t. 9. col. 995. ed. cit. De hujus autem vocabuli interpretatione magnum est sententiarum divortium. Mitto quorundam explanationes plane ridiculas, & mitto illos, qui recitare ex periculo interpretantur recitare ex memoria, cum revera sit recitare ex scripto, uti titulum illum in utroque codice legenti facile patebit. Fere inter omnes constat, periculum esse libellum ex quo sententia recitatur; sed male nujus nominis causam reddunt, quia scilicet ex sententia semper aliquis periculum subeat, aut reus, aut iudex si male judicavit, quæ etiam Cujacii sententia est. Ego assentior Jacobo Gothofredo in l. 2. cod. Theod. de Senten. ex peric. recitan. t. 1. p. 435. ed. Lipsie cit., qui periculum interpretatur experimenonum, & tentamen, quoniam modum periculum facere nihil est aliud, quam rem antea tentare, ne quid per errorem fiat. Est igitur periculum tabella, seu libellus, in quo iudex scribit quod sentit, ac sedulo legens, atque relegens, quæ scripto mandavit, cuncta emendat, quæ emendanda putat, ut in hisce scripturis fieri solet, denique conficit sententiam, quam recitare debet. Uno verbo quod à nobis minuta, id in Codicibus Theodosiano, & Justiniano periculum appellatur.

(2) L. 2. cod. de Senten. ex peric. recitan. . .

(3) Cap. ult. de Senten. & re jud. in 6.

(4) Consule Gadelinum de Jur. novis. l. 4. c. 12.

§. VIII. Quod attinet ad idioma, quo sententiam concipere oportet, id jure Romano tantum Latinum erat, quod in ferendis sententiis, atque in publicis actibus adhibebatur (1). Quod quidem jus non in urbe solum, sed etiam in provinciis; licet alio sermone uteretur populus, obtinuisse videtur (2). Sed Arcadii, & Honorii lege sancitum est, ut magistratus provinciarum tam latina, quam græca lingua sententias proferre possint (3). Ecclesia semper usa videtur græco, aut latino sermone, qualem videlicet populi usus postulabat; quin etiam posteaquam sermo latinus popularis esse desiit, eam in dicendis sententiis Occidentalis Ecclesia retinuit. Nunc etiam forum seculare multis in locis latina lingua, barbara tamen, & incondita utitur.

(1) L. 48. ff. de Re judic.

(2) S. Augustinus de Civit. Dei l. 19. c. 7. opp. t. 7. col. 551. cit. ed. Ven.

(3) L. 12. cod. de Senten. & interloq. Quam legem quidam augurare existimant cum dict. l. 48., sed revera nulla inter utramque pugna est.

§. IX. Noctu quoque judicia exerceri aut sententias ferri vetant leges Romanorum (1), quod jus profuit à legibus XII. Tabularum (2). Nam quidquid judex agit, non in tenebris, sed palam, atque in omnium luce agere debet. A Jure Civili Canonicum non abludit (3); sed tamen exempla non desunt judiciorum, quæ noctu gesta vim, & exitum habuerunt (4). Certo etiam in loco, in quo jus dici solet, sententia ferenda est (5); sed his in rebus spectare decet locorum consuetudinem; & jam plerisque in locis subtiliores hæc solemnitates fori usu sublatae sunt.

(1) *L. 1. §. 8. ff. Quand. appell.*, *Novel. 82. c. 3.* Consule Petrum *Semestr. l. 2. c. 9.*

(2) *A. Gellius Noct. Attic. l. 17. c. 2. p. 923. ed. Lugd. Batav. 1656.* *Seneca de Ira l. 3. c. 18. § 19. p. 124. & 126. ed. Amstel. d. 1672.* Confer Rævardum *ad. ll. 12. Tabul. c. 7. p. 14. ed. Neap. 1779.*, & Scipionem *Gentilem de Jurisdic. l. 2. c. 29. opt. t. 3. p. 221. ed. Neap. 1764.*

(3) *Cap. 24. de Offic. & potest. deleg.*

(4) *Suetonius in Augusto c. 33. p. 233. t. 1. ed. Pitisci Leovardie 1714.* Areopagitas noctu judicasse constat, & multa sunt exempla judiciorum noctu gestorum aut ex consensu litigantium, aut ex locorum consuetudine.

(5) *L. penult. ff. de Just. & jur.*, *l. 6. col. de Senten. & interloq.*, ibique Glossa.

§. X. Porro sententia debet esse cum Jure consentiens, actisque, & probatis congruens (1), ut si juri expresso repugnet, nulla sit (2); si vero litigantis juri adversetur, valet quidem, etsi iniqua sit, sed per appellationem suspenditur, novoque judicio revocatur (3). Debet etiam esse certa, & quæ definite absolvat, aut condemnet; quamquam necesse non sit in ea decidendas litigationes enarrare, nisi id gravis causa postulet (4); postremo controversiam per omnes ejus partes expedire debet. Hinc non tantum super præcipuo negotio ferenda est, sed etiam super iis, quæ negotio accedunt, cum eoque sunt connexa, & conjuncta, uti sunt expensæ litis, & fructus percepti; dederet enim, absolute judicio, litem alteram ex prima litis materia exoriri (5).

(1) Si aliud ex factis constiterit, & aliud judicet ex privato consensu exploratum sit, multi putant, judicem non secundum acta, et probata,

sed secundum conscientiam judicare oportere. Verum hæc sententia longiorem faciet judicii cursum, & graviori sumptu utrumque litigantem afficiet, neutri tamen proderit. Nemo enim judici extra acta credere cogitur, illaque statim novo judicio secundum acta revocabitur. Tutius esset juri n. sese prorsus ab eo judicio abstinere, causamque deferre ad judicem superiorem, vel de componente negotio laborare. Quod si nihil horum facere judex possit, & omnino sententiam ferre cogatur, eum "non secundum, id quod ipse novit tamquam privata persona, sed secundum id, quod sibi innotescit tamquam personæ publicæ," h. c. est secundum acta, & probata judicare debere tradit S. Thomas 2. 2. *qu. 67. art. 2.* Ex iis tamen, quæ judex privatim novit, "adjuvari potest, pergit ipse Thomas, ut districtius discutiat probationes inductas, ut possit earum defectum investigare. Quod si eas non possit de jure repellere, debet eas in judicando sequi." Late ea de re disputat. Cobarruvias *Var. resol. l. 1. c. 1.*

(2) *L. 19. ff. de Appellat., c. 1. de Sentent. et re jud., c. 64. de Regul. jur. in 6.*

(3) *L. 2. cod. Quand. provoc. non est neces., c. 5. et 6. de In integr. restit. c. 13. et 21. de Sentent. et re jud.*

(4) *Cap. 16. et 18. de Sentent. et re jud.*

(5) *L. 3. cod. de Fructib. et lit. expens.*

§. XI. Et quia litem injuste videtur instituisse, qui causa cecidit, ubique victus in expensas victori condemnatur (1); præsertim si constet, eum temere, ac per calumniam litem intulisse (2). Fructus vero, quos victus cogitur restituere, ii præcipue sunt, qui post litem contestatam fuere percepti, aut saltem percipi potuissent, quoniam, re in judicium deducta, statim in possessore mala fides oritur (3). Quin etiam si quis ante litem contestatam in dolo, malave fide versatus est, etiam fructus antea perceptos restituere debet.

(1) *L. 5. cod. de Fructib. et lit. expens.*

(2) Confer Donellum de *Jur. l. 16. c. 3. n. 6. et seq. l. 6. col. 309. et seq. ed. cit.*

(3) *L. 2. cod. cod.*

§. XII. Lata, & publicata sententia, nisi ab ea intra decem dies appellatum fuerit, vim acquirit rei judicæ (1), quæ finem controversiarum pronuntiatione judicis accipit (2). Nam qui intra legitimum tempus non provocavit,

cum provocare posset, is in sententiam consensisse videtur. Proprie res judicata, non sententia, controversiæ finem imponit, quoniam hæc non ita rem expedit, ut totum negotium plane finitum habeatur. Res judicata actionem, & exceptionem parit (3); jus facit inter litigantes, quin & tertium obligat, si ex ejus consensu lis acta sit, aut is causam ab alterutra parte habeat (4), veritatis habetur loco (5); et quamquam postea nova prodierint monumenta, tamen lis per rem judicatam extincta, nonnisi ope restitutionis in integrum, redintegrari potest (6).

(1) *Cap. 13. § 15. de Sentent. et re jud.*

(2) *L. 1. ff. de Re jud.*

(3) *Cap. 13. de Senten. § re jud.*

(4) *Cap. 25. eod.; c. 25. in fin. de Præben.*

(5) *L. 25. ff. de Stat. homin. Eleganter Cicero pro Sylla n. 22. t. 5. p. 383. ed. Genov. 1744. Status, inquit, reipublicæ maxime judicatis rebus continetur.*

(6) *L. 4. col. de Re jud., c. 21. de Sentent. § re jud.*

§. XIII. Multæ tamen causæ sunt, in quibus sententiæ vim numquam obtinent rei judicatæ, quamquam appellatum non fuerit, eæque idcirco recte revocantur. Hujusmodi sunt causæ, in quibus agitur de vi matrimonii (1); item sententiæ latæ à judice excommunicato (2), vel incompetente, aut competente quidem, sed contra jus expressum (3), aut contra priorem rem judicatam (4), aut neglecto juris ordine, aut ex falsis instrumentis, & testibus, à quibus judex deceptus est (5); aut quæ legitime publicatæ non sunt (6), aut quæ dictæ à judice pecunia corrupto (7); denique numquam transeunt in rem judicatam, sententiæ criminales, in quibus rei condemnati sunt, præsertim cum subjecti sunt pœne, quæ restitutionem admittit (8).

(1) *Cap. 10 § 11. de Sentent. et re jud., c. 5. & 6. de Frigid. & malefic.*

(2) *Cap. 24. de Sentent. et re judic., c. 13. de Hæret.*

(3) *L. 1. § 2. ff. Quæ senten. sine appellat. rescind.*

(4) *L. 1. cod. Quand. provocat. non est necess.*

(5) *L. 3. cod. Si ex fals. instrumen., c. 22. de Sentent. et re judic., c. 9. de Testib., c. 6. de Except.*

(6) *Cap. ult. de Sentent. et re judic. in 6.*

(7) *L. 7. cod. Quand. provocat. non est necess.*

(8) *Argum. l. 6. ff. de Appellat. Ceterum sententia nulla esse potest, modis compluribus, quos late recenset Blasius Altimarus de Nullis. sent.*

§. XIV. Rei judicatæ finis est executio, per quam ad exitum. atque perducitur, quod re judicata definitum, & mandatum est (1). Nam vana, & inanis esset sententia, nisi exitum haberet; qui finis est, quo referri omnem judicariam disceptationem oportet. Hæc autem executio fit statim in actione reali, si res ipsa, quæ extat, tradi possit; in actione personali dantur induciæ quatuor mensium, qui à die, quo edita, vel si provocatum fuerit, à die, quo confirmata sententia est, numerantur (2). Sed judex præscriptum tempus vel producere, vel contrahere potest, uti rerum ratio postulare videbitur (3). Nunc fori usu, & consuetudine receptum est, ut vel statim post emissam sententiam, vel post aliquot dies, vel etiam post longum tempus arbitrio judicis constitutum expediantur litteræ executoriales; quarum vi apparitores, alique inferiores ministri sententiam exequantur.

(1) Fit executio post rem judicatam; quoniam judicii initium ab executione sumere non licet l. 58. ff. de Re jud., l. 1. cod. de Execut. re jud. Ac recte monet Cujacius in cod. tit. de Execut. rei jud. opp. t. 9. col. 1023. ed. cit., esse contra jus, quod profiteamur, illa instrumenta, per quæ debitor non adito iudice, neque edita re judicata in carceres detrudi potest.

(2) *L. 68. ff. de Rei vindic., c. 5. de Sentent. et re jud., c. 26. de Offic. et potest. jud. delegat.* Tempus hoc humanitatis gratia, ut ait Papinianus in l. 16. in fin. ff. de Compensat., debitore à lege concedatur, ut tempus habeat conquirendæ pecuniæ, quam adversario persolvat. Et olim quidem ex jure XII. Tabularum tempus illud erat triginta dierum, qui in iisdem tabulis justis dies appellantur, quo eodem vocatulo utitur Cicero de legibus l. 2. §. 9. opp. t. 3. p. 198, ed. Olivetti Genæ. 174. *Præter lucæ matris,* inquit, *famulos, eosque justis diebus, ne quis stipem capito;* hoc est diebus certis, quibus fas stipem cogere. Laus vero triginta dierum spatium, quod datur, et judicator satisfiat, modicum tempus dicitur in l. 84. §. in pecunia ff. de leg. 1., & in l. 1. ff. de Itin. actiq. Itaque ex lege XII. Tabularum recte dici poterat ne die in tempus, quo judicato satisficeret; sed immodicum factum est ex constitutione Justiniani, qui illud ad menses quatuor prorogavit.

(3) *L. . ff. de Re judic., c. 15. de Sentent. et re judic.*

§. XV. Jamvero sententiam exequitur ipse judex, qui eam dixit, modo jurisdictionem habeat; quoniam per executionem quis ad parendum sententiæ cogitur, nemo autem aliquem cogere sine jurisdictione potest. Hinc judex ordinarius, atque judex à Summo Pontifice, aut à Principe delegatus, quod plenam habent jurisdictionem, sententiam ipsi suam exequuntur (1); eodemque jure potitur judex, cui à magistratu jurisdictio mandata est (2). Quin delegati à Summo Pontifice, ut facilius sententiam exequantur, acceptam potestatem & jurisdictionem per annum retinent (3). Verum datus judex, & arbiter, quorum tantum propria est rei cognitio, sententiam non exequuntur, sed ejus executio pertinet ad magistratum (4), unde jus cognoscendi profectum est.

(1) *Cap. 7. et 11. de Offic. et potest. delegat.*

(2) *E. 5. ff. de Offic. ejus cui mandat. est jurisdictio.*

(3) *Cap. 7. et 6. de Offic. et potest. delegat.*

(4) *L. 15. ff. de Re jud., c. 4. de For. competent.*

§. XVI. Cum autem fit executio, certus est observandus ordo, quem Jus constituit. Nimirum si res ipsa extat, quæ restitui debet, ea, vi quoque, ubi opus fuerit, adhibita, auferenda est (1); si nulla ea sit, aut propter pecuniæ debitum facienda sit executio, primum capienda sunt bona mobilia, deinde immobilia, postremo, si illa non extent, vel satis non sint, jura, & nomina debitorum, semper tamen pro modo debiti, creditori addicenda sunt (2). Tantum speciali jure cautum est, ut non nisi in subsidium executio fiat in stipendia, arma, & equos militum (3); itemque instrumenta ad agriculturam necessaria executioni non subiciantur (4).

(1) *L. 68. ff. de Rei vind.*

(2) *L. 15. ff. de Re jud.* Sed nunc fori usu receptum est, ut creditor indiscriminatum tum mobilia, tum immobilia capiat debitoris bona, præsertim cum creditum hypothecarium est.

(3) *L. 4. cod. de Execut. rei jud.*

(4) *L. 7. col. Quæ res pign. oblig. pign.* Ad similitudinem autem instrumentorum, quæ ad agriculturam sunt necessaria, etiam instrumenta

artis, quam quis exercet, executione non subsunt. Similiter executio non fit in vestes, quibus quis indutus est.

§. XVII. Cum executio pertinet ad bona mobilia, ea perficitur ab apparitoribus, qui se in locum conferunt, ubi sunt bona, quorum partem capiunt, eamque inferunt in locum publicum, ubi servanda est, donec auctione constituta vendatur aut à debitore recuperetur. Quod si bona hæc ad publicum locum deferri commodè nequeant, ubi sunt, retinentur; sed clauso, obsignatoque ostio, & edicto proposito, ne quis ostium effingat, locumque ingredia-
tur (1) Verum cum executio de bonis immobilibus est, in ea perficienda, præter apparitores, aut nuncium, sive cursorem, etiam notarius adhibetur, qui factæ executionis publicum testimonium perhibet.

(1) A pragmaticis pagina illa superimposita transverso ligno, quæ fores occludit, & qua cautum est, ne quis eas reseret, *biffa* appellatur.

§. XVIII. Peracta executione pignus distrahitur; nisi quod interim debitor impedimentum inferat, cujus gratia ea pignoris venditio expediri non possit. Pignora autem distrahantur in foro, hasta posita (1); non quidem statim, sed post certum temporis intervallum, quod Jure Civili complectitur duos menses, postquam pignora capta sunt (2). Verum fori mos est, ut decreto judicis, quod rogante creditore emittitur, intra dies decem haste suljiciantur, veniantque bona mobilia, at in bonis immobilibus primum instat creditor, ut hasta ponatur, tum proponuntur edicta, quibus licitatores ad auctionem vocantur; postremo exhibitis, apertiisque chirographis auctionariis singulorum, rogatu creditoris, bona intra mensem largiori oblato ad-
judicantur; eoque elapso adhuc debitor habet mensem unum, quo pignus luat, hoc est recuperet bona, pretiumque restituat, quod ab emptore solutum est. Cum nemo ad hastam accessit auctorem facturum, tertio minoris, quam æstimata sunt, bona creditori addicuntur (3).

(1) Hastam hanc dominum Juvenalis Sat. 3. vers. 33. P. 61. ed. Lug-

duo. Batav. 1664. vocat, quia scilicet hastæ potestati, & imperio omnia in venditione subijciuntur.

Et præbere caput domina venale sub hasta.

Propertius autem l. 4 Eleg. 1. vers. 139. p. 570. ed. Patavii 1710. eandem hastam *tristem perficam* appellat.

Abtulit excultas perfica tristis oper.

Confer Brissonium l. *Formalis* l. 6. c. 59. p. 486. ed. Hæ 1731., & Heineccium *Antiq. Roman.* l. 2. tit. 1. §. 25. & tit. 18. §. 19. §. 11. opp. t. 3. p. 242. & 295. ed. Neap. 1769. Extat etiam *de Fide et jure hastæ fiscalis* egregia dissertatio Cl. V. Januarii Franconii Archiepiscopi Consentiæ edita Romæ an 1767.

(2) L. 1. ff. de Re judic., l. 1. col. Theod. de Distrachen. pign. Consule Cujacium in cod. tit. de Execut. rei judic. opp. t. 9. col. 1023. seq. ed. cit., & Donellum de Jure civil. l. 23. c. 13. et 14. opp. t. 6. col. 141. et seq. ed. Lucæ cit.

(3) Confer quæ scripsi in libro de Notissimis in jure legibus l. 2. p. 190. ed. Romæ 1766.

§. XIX. Extremum denique, cum desunt cetera, contra eos, qui rei judicata executionem ferre debent, remedium est, ut in carceres detrudantur. Tantum autem custodiæ causa detrusus in carceribus retinetur, donec judicato satisfecerit (1). Mulieres jure novissimæ Justiniani propter civile negotium in carceres conjici nequeunt, ut faciant judicato satis (2); eodem jure à Decretalibus donati sunt clerici (3), & huc etiam spectant certa quibusdam in pluribus locis concessa privilegia, quæ non eadem ubique sunt.

(1) Lege XII. Tabularum, sicuti narrat A. Gellius Noct. attic. l. 20. c. 1. p. 1101. ed. Lugduni Batav. 1666., nisi debitor intra triginta dies post exitum judicatum creditori satisfecisset, ei in servitutem addicebatur. Jus hoc vel aliis legibus, vel tacito populi consensu abrogatum jam erat, cum Diocletianus, & Maximianus tulerunt l. 12. cod. de Obligat. et action., qua scriptum est: *ob res alienum servitū liberis credituribus jura compelli non possunt.* Quidam sunt, qui hac lege sancitam putant, ut debitores propter pecuniæ debitum in carceres detrudi nequeant, atque hanc eandem esse aiant Juris Canonici sententiam in c. 2. de Pignor. Sed errat vehementer. Nam lex illa Diocletiani, & Maximiani hoc tantum constituit, ut liberi creditoribus servire non cogantur, secundum

jus ea ætate receptum, nihil vero habet de conjiciendis in carceres debitoribus. Quia enim, nisi bonorum cessionem emitterent in carceres esse conjiciendos, edixit Alexander in *l. 1. cod. Qui bon. ceder. poss.* A jure civili nulla in re discrepat Jus Canonicum, quod in *cit. c. 2.* expresse memorat, atque confirmat civilem legem his verbis: "Lex habet, ut homo liber pro debito non teneatur; si res defuerint, quæ possint pro debito addici." Jus hoc expressit S. Gregorius M. *l. 4. Ep. 45. ad Fantin.* opp. t. 2. ed. Maurin. Paris. 1705., unde forte desumptum est *c. 2.*, licet Gregorio III. vulgo tribuatur.

(2) *Novell. 134. c. 9.*

(3) *Cap. Odoardus de Solut.*

§. XX. Ad effugiendam tamen carceris injuriam, præsto est debitoribus miserabile beneficium inductum à L. Julia, per quam sua omnia bona cedunt creditoribus, ut ea vendant, eorumque pretium obtineant (1); atque ita illi à carceris molestia, & squalore liberantur (2). Quod beneficium iis tantum conceditur, qui propter casus adversos in egestate sunt; non decoctoribus, neque iis, qui patrimonium suum cum fraude effuderunt, quique cum creditoribus dolo sunt usi, cum scirent, sese solvendo non esse (3). Hoc autem efficit cessio bonorum, ut debitor in carceres non conjiciatur, sed à debito liber, & solutus evadit, si censis bonis satisfieri nequeat creditoribus; & ideo si deinceps alia bona adipiscatur, æs alienum dissolvere debet modo ipse non careat quotidianis alimentis (4).

(1) Bona ipsa à creditoribus retineri non posse, sed ea esse vendenda, ut pretium secundum antiquiorem, & potius, quem unusquisque obtinet locum singulis tribuatur, præter ceteros, docet Voetus ad *Pandect. l. 42. tit. 3. n. 8.*

(2) *L. 4. cod. Qui bon. ceder. poss.*

(3) Consule Hilligerum in *Donellum* ad *l. 16. § 17. ff. de Re judic. nov. 18. col. 261. t. 11. ed. tit.*

(4) *L. 6. ff. de cession. bonor.*

§. XXI. Cessio bonorum ex Theodosii constitutione sola voluntatis professione, & nuda voce peragitur (1); sed in locis compluribus solemniter impetranda est (2), in eaque emittenda contumeliosi quidam ritus adhibentur (3). Differt à cessione bonorum dilatio, seu justitium quaquectoli, quod tantum Principis beneficio, non à jure scripto conceditur.

Dat Princeps hinc dilationem, cum plerique creditores consentiant (1). quique eam impetravit, amplius post quinque-
nium bona cedere non potest (2). Imo ne quis Principis be-
neficio abutatur, dilatio non conceditur, nisi quis caveat, se-
se, exactis quinqueanni induciis, creditoribus satisfactu-
rum (6).

(1) *L. 6. cod. Qui bon. ceder. poss.*

(2) Confer Voetum in *Pandect l. 42. tit. 3. n. 6.*

(3) Verum cessionem bonorum infamiam non irrogare, statutum est ab
Alexandro Imp. in *l. 11. cod. Ex quo caus. infam. irrog.*, quod & innuit
Justinianus *l. ult. cod. Qui bon. ceder. poss.* Confer Commum lect. subseciv.
l. 2. c. 18. p. 4. ed. Neap. 1725., & H Ligerum ad *Donellum in l. 16. §*
17. iii. ff. de Re judic. opp. t. 11. not. 22 col. 265. ed. cit.

(4) Major pars creditorum non ex personarum numero, sed ex debiti
quantitate æstimatur *l. ult. cod. Qui bon. ceder. poss.*

(5) Consule Cujacium in *col. l. 7. tit. 71. opp. t. 9. col. 1058. ed. cit.*

(6) *L. 4. cod. de Preciv Imperat. offeren.*

§. XXII. Sunt nonnulli, qui bonorum cessione non indi-
gent, ut à carceribus liberentur, quoniam habent benefi-
cium *competentiae*, ut vocant, quod in eo positum est, ut id
tantum, quod facere possunt, præstare cogantur. Eo benefi-
cio à jure civili donati sunt parentes, patroni, socius, ma-
ritus ad dotis restitutionem ab uxore, donator à donatario
conventus (1), filii familias in jus vocati pro contractibus
gestis, cum in patria potestate essent, si patris hereditatem
non obtinuerunt (2). Idem hoc beneficium jure canonico con-
cessum est clericis (3), qui clericalibus induti vestibus ince-
dunt, ac tonsuram gerunt (4).

(1) §. 37. *25. seq. Inst. de Action.*

(2) *L. 2. ff. Quod cum eo qui in alien. potest., l. 49. ff. de Re judic.,*
l. 3. §. 4. ff. de Minor. 25. an. Imo & filium, qui ex minima tantum par-
te patri heres existit, eodem beneficio frui, scriptum est in l. 2. ff.
Quod cum eo qui alien. potest. Quæsitum autem est, quæ sit hæc minima
pars, & multi quidem egerimam intelligunt. Sed ego assertior iis, qui
hanc partem existimant, quæ minima est, si eam æris alieni mole com-
paretur.

(3) Cap Odoardus 3. *de Solut.*

(4) Consule Fagnanum in *cit. cap. 3. de Solut. n. 58.*, & consule etiam
librum meum de *Notissimis in jure legibus l. 2. p. 231. ed. Romæ 1766.*

TITULUS XV.

De Appellationibus.

- I. Appellatio quid sit.
 II. Appellatio ab interloquutione, & à sententia definitiva.
 III. & IV. Utriusque discrimina.
 V. Quibus liceat appellare?
 VI. An appellare oporteat à sententia nulla?
 VII. Quæ causæ appellationem rejiciant?
 VIII. Fatalia tempora appellationis.
 IX. Quo tempore interponenda sit appellatio?
 X. & XI. Quo petendi, & accipiendi apostoli?
 XII. Quo introducenda appellatio ad judicem superiorem?
 XIII. Quod proseguendæ, ac finiendæ appellationis tempus sit?
 XIV. Quid nostris moribus observandum?
 XV. Appellatio in devolutivo.
 XVI. & XVII. Quibus in causis tantum in devolutivo appellatio detur?
 XVIII. Nefas appellare ab eo, qui toti reipublicæ cum imperio præest.
 XIX. Jus appellationum hæret in summa potestate.
 XX. Summa potestas in Ecclesia penes Romanum Pontificem.
 XXI. Christus Ecclesiæ caput, & Episcopos constituit.
 XXII. Metropolitæ, & Patriarchas instituit Ecclesiæ.
 XXIII. Potestas ab Ecclesia data Metropolitæ, & Patriarchis nihil detraxit de potestate à Christo data Summo Pontifici.
 XXIV. Jus appellationum, quod ab Ecclesiâ habent Metropolitæ, & Patriarchæ, nihil detrahit de jure, quod à Christo Summus Pontifex habet.
 XXV. & XXVI. Appellatio ad Pontificem omisso medio.
 XXVII. Num aliquando expedit ad Pontificem non appellare?
 XXVIII. Jus appellationum ad Pontificem in Primatu insitum etiam Ecclesiæ lege, & consuetudine firmatum.
 XXXIX. Pontifex omnes appellationes jure Primatus recipit.
 XXX. Discrimen inter Orientis, & Occidentis appellationes.
 XXXI. Pontifex vel dat judices in causis appellationum, vel eas ipse cognoscit.

§. I.

Ne sententia transeat in rem judicatam, neve victo spes omnis eripiat, inventum est remedium appellationis, cujus ope vis editæ sententiæ suspenditur. Est autem appellatio ab inferiore judice ad superiorem facta provocatio, ut

hujus sententia id, quod inique factum est, tollatur, vel emendetur (1). Jure decretalium alio judicialis, & alia extrajudicialis appellatio est (2); illa emittitur adversus actum judicialem, postquam judicium, citata parte, inchoatum est; hæc adversus quoscumque extrajudiciales actus, sive illatum gravamen, sive inferendum sit, interponitur. Ita contra electiones, postulationes, provisiones (3), & ita etiam si iudex de facto, non causa cognita judicet, appellatio permittitur. Quæ extrajudicium appellationes fiunt, magis provocationes ad causam sunt (4).

(1) *L. 7. ff. de Minor., l. 1. ff. de Appellat. c. 15. eod. Liceat appellatori, inquit Capitularia Caroli M. l. 7. c. 333. apud Baluzium Capitular. Reg. Franc. t. 1. col. 733. ed. Ven. cit., vitiatam causam appellationis remedio sublevare. Quoniam appellatio ab inferiori ad superiorem interponenda est, quæri potest, num à iudicis dati sententia appellari possit, qui eum dedit; & num à sententia iudicis, cui mandata est jurisdictio, recte appelletur, qui eam mandavit. Sed dantem appellari posse demonstrant Ulpianus in *l. 1. §. Si quis ff. de Appellat.*, & Modestinus in *l. 3. ff. Quis à quo appellet*, mandantem vero non posse, respondit Ulpianus in *l. 1. §. Ab eo ff. Quis à quo appellet*. Discriminis ratio est, quod qui iudicem dedit, censetur retinuisse, non alienasse jurisditionem; verum ea se abdicasse videtur, qui jurisditionem suam alteri mandavit. Ea de causa à iudicio vicarii generalis Episcopus appellari non potest; quoniam illi omnis ab hoc mandata est jurisdictio, & utriusque tribunal unum idemque est. Consule Cornelium Binkershoek. *Obser. Jur. Rom. l. 6. c. 23. opp. t. 2. p. 254. ed. Lugdun. Batavi. 1750.**

(2) *Cap. 5. de Appellat., c. 8. eod. in 6. Clem. 3. eod.*

(3) *Cap. 21. de elect., c. 1. 19. & 20. eod. in 6. c. 8. de Appellat. in 6. in 6.*

(4) *Cap. 5. de Appellat.* Cujus observationis utilitas in eo est posita, quod non statim ad superiorem confugere oporteat, sed ad eum iudicem, qui de illo damno in prima instantia cognoscere potest, quod minime fieri posset, si proprie dicta esset appellatio.

§. II. Judicialis appellatio duplex est, alia, quæ contra interlocutionem, alia, quæ contra sententiam definitivam emittitur. Appellationem ab interlocutione Jus civile non probat (1); nisi ei vis definitive sententiæ sit, aut nisi ab ea illato gravamini nullum aliud adhiberi remedium possit (2). Sed canones ante Tridentinam Synodum editi appellationem permittunt tum à sententia, tum à quavis etiam simplici in-

terloquutione, qua judicialia acta ordinantur (3). Verum cum Patres Tridentini plane intelligerent, sæpe ad vexandos longa frustratione litigantes appellationes interponi, sapienter statuerunt, ut his appellationibus tantum detur locus, cum interloquutio vim habet sententiæ definitivæ, aut cum magnum attulit gravamen, quod per appellationem à definitiva removeri non potest (4).

(1) *L. 7. cod. Quor. appellat. non recip.*

(2) *L. 7. & 40. ff. de Minor. xxv. an. l. 2. ff. de Appellat. recip.*

(3) *Cap. 1. de Dilat., c. 9. c. 15. c. 20. de Appellat., c. 1. cod. in 6.*

(4) *Concilium Tridentinum Sess. 13. c. 1. & Sess. 24. c. 20. de Reform.*

§. III. Inter appellationem, quæ à definitiva, & quæ ab interloquutione fit, magnum discrimen intercedit. Principio appellatio à definitiva jurisdictionem suspendit iudicis, unde appellatum est (1); sed non idem efficit appellatio ab interloquutione, nisi ea irreparabile damnum afferat, aut inferior iudex appellationi detulerit, aut iudex superior dederit inhibitionis litteras (2), quas minime dat, nisi primum justam appellationis causamprehenderit (3). Imo expirat hæc appellatio, si ipse iudex inferior damnum per simplicem interloquutionem ab se illatum corrigit (4).

(1) *L. 3. Cod. de Appellat. c. 7. cod. in 6.*

(2) *Cap. 10. de Appellat., c. 5. & 7. cod. in 6., c. 2. de dol. & contum. in 6.*

(3) *Cap. 3. & 7. de Appellat. in 6.*

(4) *Cap. 60. de Appellat.*

§. IV. Item appellatio ab interloquutione scripto comprehenditur, eoque exprimenda est appellationis causa (1). Cum enim definitivam mutare iudex non possit (2), interloquutoriam possit (3), patefacienda est causa, propter quam hæc emendari possit, ac debeat. Contra à definitiva si illico (4) apud acta appellemus, etiam viva voce appellamus (5); quamquam libello opus sit, cum ex intervallo appellatio interponitur (6); neque necesse est appellationis causas expri-

mere (7). Denique cum à definitiva appellatur, jus est litiganti novis uti probationibus, & causas etiam non expressas judicio persequi (8); sed qui appellat ab interlocutoria non alias causas prosequitur, quam nominatim dumtaxat expressas (9), neque novis utitur probationibus.

(1) *Cap. 1. § 9. de Appell. in 6.* Emmanuel Gonzalez in c. 59. n. 12. de Appellat. tria distinguit tempora, nimirum tempus Anacleti, tempus Innocentii III., tempus Innocentii IV. Anacletus can. 3. c. 2. q. 6. omnis oppressus, inquit, libere sacerdotum, si voluerit, appellet iudicium. Ex verbo libere colligit Gonzalezius, olim tam à definitiva, tum ab interlocutoria, nulla expressa causa, appellari potuisse. Deinde Innocentius III. in c. 61. §. 1. de Appellat. ab interloquutione appellari probabili causa verbo etiam exposita voluit. Denique Innocentius IV. causa n. scripto proponi jassit in cit. c. 1. Verum Anacleti epistola in cit. can. 3. Isidori Mercatoris figmentum est.

(2) *L. 55. ff. de Re judic.*

(3) *Cap. 60. de Appellat.*

(4) *L. 14. Cod. de Appellat., l. 2. ff. eod.*

(5) *Satis erit, si dicatur appello, inquit, cit. l. 2.*

(6) *L. 1. §. ult. ff. de Appellat.*

(7) *L. 2. ff. eod.*

(8) *L. 4. Cod. de Tempor., & reparat. appellat.*

(9) *Clem. 5. de Appellat.*

§. V. Appellare possunt non tantum ii, qui damnati iudicis sententia damnum pertulerunt, sed etiam omnes, quorum interest, sententiam infirmari (1) Ita recte provocat fidejussor, si debitor victus iudicium deserat, itemque venditor, contra quem regressum habet emptor, si hic, postquam causa cecidit, ab ea desistat. In communis causa, unius appellatio, quæque eam sequitur, victoria ceteris etiam prodest litis consortibus, qui non appellarunt (2).

(1) *L. 4. ff. de Appellat., can. 30. c. 2. q. 6., c. 16. §. 1. l. Elect.*

(2) *L. 1. & 2. Cod. Si unus ex plurib. appellav., c. 72. de 1. p. lat.*

§. VI. Nec solum nostro, sed & procuratorio nomine appellamus (1); quin alium etiam ab eo, per quem iudicium egimus procuratorem ad appellandum constituere possumus (2). Nihil autem attinet appellare cum sententia

nulla est, quoniam appellatio pertinet ad sententiam, quæ iniqua quidem est, sed tamen valet, ideoque infirmenda, ut iniquitas corrigatur; verum sententiam per se nullam infirmare supervicuum est. Ergo inutilis est appellatio, si ab incompetente iudice (3), aut à competente quidem, sed neglecto juris ordine (4), aut contra expressam legem (5) sententia sit. Atque ita contra has sententias satis est nullitates proponere, ut iis expensis, atque probatis, nulla earum ratio habeatur. Usu fori hæ sententiæ, quæ nulle sunt, *circumscripti* dicuntur, hoc est è medio tolli, & abrogari; id vero fit imperio Principis, qui nisi primum extinxerit, ac deleverit sententiam ea semper in iudicio rata firma censetur.

(1) L. 2. ff. Quando appellat.

(2) L. 4. in fin. ff. de appellat.

(3) L. ult. C. de si à non competen. iud.

(4) L. 4. Cod. de senten. & interloq.

(5) L. 1. § 2. ff. Que sentent. sine appellat. Capitularia Caroli M. l. 7. c. 249. t. 1. col. 720. ed. Baluzii Ven. 1772. in carcerem detrudi jubent iusticem, qui *oblatu sibi in iudicio leges, vel juris spectes audire voluerit, & contra eas iudicaverit*, atque huius facinoris convictus fuerit. His autem capitularibus antiquior Ch. otharii Regis constitutio edita circa annum 560. n. 61. apud Baluzium cap. Reg. Fran. t. 1. col. 7. cit. ed. jubet, Episcoporum imperio castigari iusticem, qui aliquem contra legem iniuste damnaverit. Huc etiam referenda est Græca constitutio Justiniani apud Contium prætermis. clas. 1. p. 295. ed. Neap. 1725.

§. VII. Quædam vero causæ sunt, quæ omnem appellationem rejiciunt, vel quod celeriter expediendæ sunt vel quod appellatio potius ad retardandum iudicium, quam ob justam causam interposita videtur. Ergo frustra provocant qui sententiam quoquomodo probarunt (1), vel se non appellaturos iurati promisserunt (2), qui testibus, & argumentis convicti crimen confessi sunt (3), qui ob veram, non fictam contumaciam damnati sunt (4), denique illi contra quos tres conformes sententiæ late sunt (5). Similiter non datur appellatio in nati festis, sive notoriis. 6. in iudiciis remota appellatione actis (7), in causis modicæ summe (8) à sententiæ executione, nisi ille, quem tenere oportebat, modus superatus fuerit (9), in causis disciplinæ, & emenda-

tionis morum (10), nisi ea res præter modum acta sit (11).

(1) *Cap. 20. de Offic. & potest. deleg.*, ibique Glossa verb. *Recessum*.

(2) *Cap. 20. & 21. de appellat.*

(3) *Cap. 3. §. Si autem de appellat. in 6.*, ibique Glossa v. *In jure cap. 41. §. Nullus etiam c. 2. q. 5. l. 2. Cod. Quor. appellat. non recip.*

(4) *L. 23. §. ult. de appellat.* ibique Glossa, v. *Non recte*, l. 53. ff. *de Re judic.*, ibique Glossa, v. *Litis damno*.

(5) Ante Justinianum semel tantum provocare licebat; post Justinianum etiam bis provocare licet *l. un. cod. Ne liceat in una ead. caus.* Eandem hanc regulam proponit Clemens III. in c. 39. *de appellat.* Sed statuta plurimarum gentium redierunt ad jus antiquum, ideoque apud eas nunc semel tantum appellatio permittitur, quoniam non tres, ut fert Jus Commune, sed duæ sententiæ rem judicatam efficiunt. Atque hoc quidem jus est, quo Romæ utimur.

(6) *Cap. 5. §. ult. & c. 61. §. Porro de appellat., c. 3. §. Si autem eod. in 6.*

(7) *Cap. 53. de appellat. c. 1. de Rescript. c. 15. de Offic. & potest. Jud. deleg.*

(8) Consule Cornelium Bynkershoek *Obsera. jur. Rom. l. 5. c. 4. opp. t. 2. p. 17. et seq. ed. Lagl. Bu. 1750.* Apud nos in causis, quæ pertinent ad Urbem Romam, ejusque terminos, & territorium, sive, ut vocant, *districtum*, quæque summam non superant scutorum 50., *recursus*, ut vulgo loquimur, non appellatio conceditur. Extra Urbis terminos appellatio tantum datur in causis scutorum centum, *recursus* in ceteris; in iis vero causis, quæ non superant scuta quinque, neque appellatio, neque *recursus* datur, sed victus in una sententia, acquiescat necesse est.

(9) *L. 5. cod. Quor. appellat. non recip., C. 15. de Sentent. et re judic. C. 43. de Appellat.*

(10) *Cap. 3. 26. 32. eod.*

(11) *Cap. 13. de Offic. judic. ordin., C. 3. de Appellat.*

§. VIII. Appellatio proponenda est intra legitima tempora, quæ vulgo *fatales dies* (1) appellantur quoniam eorum lapsu, quasi fato quodam appellatio perimitur. Ea tempora quatuor numero sunt. Primum est tempus interponendi appellationem; alterum petendi, atque accipiendi libellos dimissorios; tertium introducendæ appellationis apud judicem superiorem; quartum denique tempus est, intra quod litigator prosecui, ac finire appellationem debet.

(1) Fatalium dierum mentio est in *l. 32. cod. de Appellat., & in l. 2. & ult. cod. de Temp. et repar. appellat.* Falitur autem egregie Bodinus *de Republ. l. 3. c. 6. n. 324.*, qui nullum veterum ea tempora appella-

tioni præfinita *fatales dies* vocasse putat, eaque potius *status dies*, *statum tempus* appellanda esse contendit. Errorem inde ortum esse arbitrat, quod qui leges Codicis, & Novellarum in Latinum sermonem vertunt pro *Xupias Xupias* legerint *Xupias*. Bodinum refellit, & exagitat Cujacius *ad tit. 63. col. l. 7. opp. t. 9. col. 1044. ed. cit.*, ubi præclarum habes doctissimi viri de hoc homine judicium. Fatalis dies etiam *temporalis* dicitur in *l. 32. c. de Appellat.* Consule Cujacium *Observ. l. 12. c. 4. opp. t. 3. col. 367. ejusd. ed.*

§. IX. Jure Digestorum, & Codicis appellationis interponendæ tempus biduum erat in causa propria, in aliena triduum (1); sed postea Justinianus cuilibet, qui appellare vellet, decem dierum spatium concessit (2). Justinianæum jus Innocentio III. probatum est (3), idque tum in judiciali, tum in extrajudiciali appellatione servandum esse, Bonifacius VIII. constituit (4). Hoc tempus in sententiis labi incipit à die latæ sententiæ, in aliis actibus ex ipso actu, unde appellatur (5). Quod ita accipiendum est, si adversus præsentem fuerit pronuntiatum. Nam si adversus absentem, hujus temporis initium repetitur non à die, quo lata est sententia, sed à die quo quis ejus rei certior factus est (6).

(1) *L. 1. §. 5. 6. & 11. l. 2. ff. Quand. appellat., l. 6. §. 5. cod. de Appell.*

(2) *Novel. 23. c. 1. de Auth. hod. cod. de Appell.*

(3) *Cap. 15. de Sentent., & re jud.*

(4) *Cap. 8. de Appellat. in 6.*

(5) *L. 1. §. Biduum, & §. Quod in sententiis ff. Quand. appellat.*

(6) *Cit. l. 1. §. ult. & c. 8. de Appell. in 6.*, ubi cum dicat Bonifacius *infra decem dies, postquam sciveris*, perspicuum est, quod recte vulgo dicitur, appellationis interponendæ tempus initio utile, deinceps vero continuum esse.

§. X. Post appellationem interpositam litteræ dandæ sunt ab eo à quo appellatum est, ad eum, qui de appellatione cogniturus est (1). Quæ litteræ dicuntur Apostoli à græco verbo *αποτινάζω*, latine dimitto. Sunt enim litteræ datæ à iudice, qui sententiam edidit, per quas causa dimittitur ad eum, qui appellatus est (2). Hærum litterarum non unum genus. Nam si appellationem interpositam, & admissam fuisse testentur, dimissoriæ dicuntur, reveren-

riales autem, si ob superioris reverentiam probatam appellationem ostendant, non quod eam causa postulare videatur, postremo si testentur, eam esse rejectam, refutatoriæ appellatur. Interdum Judex non satis intelligit, num concedenda sit appellatio, an secus; & tunc concedit testimoniales, quæ vi. n. accipiunt à jure, ideoque suspendunt causam, si danda appellatio erat, rejiciunt autem, si erat deneganda. Quin etiam litigantium alter sæpe interpositæ appellationi assentitur; & tunc, quia partes ipsæ de appellatione conveniunt, dicuntur apostoli conventionales.

(1) Verba hæc sunt Marciani in *l. un. ff. de Libel. dimiss.* eaque descripsit Gratianus in Decreto *can. 31. c. 2. qu. 6.* Tum ipse Gratianus formulam proposuit Apostolorum his verbis: "Ego ille Sanctæ Bononien. Ecclesiæ Episcopus te Presbyterum Rolandum Capellanum S. Apollinaris ad Apostolicam Sedem, quam appellasti, ab observatione mei judicii his apostolis dimitto."

(2) *L. 106. ff. de Verb. signif.*

§. XI. Antiquo jure petebantur, accipiebantur, & reddebantur Apostoli intra diem quintum post interpositam appellationem (1); jure novo intra dies triginta à lata sententia petendi, & à judice à quo appellatur litigantibus exhibendi sunt (2). Quin judex etiam non petenti Apostolos dare debet (3): verum hi sunt petendi, si ille officii sui partibus non satisfaciatur. Petuntur autem *instante*, & *sæpius*, ne quis se appellationis beneficio abdicare videatur (4). Nam qui intra tempora præstituta Apostolos non petiit, accepit, reddidit, præscriptione repellitur (5); hoc autem tempus judex contrahere potest, producere vero non potest (6). Sed nunc fere nullus in foro est Apostolorum usus (7), ac per libellum appellationis intra decennium in actis exhibito appellatio interponitur.

(1) Paulus *Recept. sentent. l. 5. tit. 34. §. 1.* apud Schultingium *Jurisprud. vet. ante-Justinian. p. 533. ed. Lipsie 1737.*, quem Pauli locum descripsit Gratianus *can. 24. c. 2. qu. 6.*

(2) *L. 24. cod. de Appellat., c. 6. cod. in 6 Verba illa Ex die sententie*, quæ occurrunt in *tit. l. 24.* forte à Triboniano addita sunt; certe non extant in *l. 32. cod. Theodor. de appellat.*, unde *l. 24.* desumpta est. Eodem tamen modo tempus illud æstimatur in *l. 29. cod. Theodor.*

ead. Atque ea quidem verba. *Ex die sententiæ* multi ita accipiunt, quasi scriptum sit a *die scientiæ latæ sententiæ*, quæ opinio verior esse videtur. Consule Schultingium in *Paul. l. c.* & Cujacium in *l. 5. cod. de appellat. opp. t. 9. col. 1036. seq. ed. cit.*

(3) *L. 6. §. ult. cod. de appellat.*

(4) *Cap. 6. de appellat. in 6. Clem. 2. cod.*

(5) *Paulus l. c. §. 2.* Atque hæc causa est, propter quam Modestinus in libro singulari *de præscriptionibus* egerit de Apostolis *l. 106. ff. de Verb. signif.* Tantum præscriptione ab egendo submoveri vult *Paulus l. cit.* eum, qui intra tempora præstituta Apostolos non petiit, accepit, reddidit, sed in libris quibus iam postremo additur, quod iis & *panam appellationis inferre cogitur*, quæ verba Gratianus etiam descripsit in *cit. can. 24. caus. 2. qu. 6.* Sed Cujacius in *Paul. l. c. opp. t. 1. col. 461. ed. cit.*, & Schultingius *cod. l.* hanc lectionem improbant.

(6) *Cap. 5. de Appellat.*

(7) Confer Voetum in *Pandect. l. 49. tit. 6. n. 2.*

§. XII. Acceptis litteris dimisoriis, qui appellavit majori judici sistere se præsentem debet, eique litteras offerre quod jure civili non eodem temporis spatio pro varia locorum, & judicum ratione, faciendum est (1). Varium hoc jus gentium moribus servari vix potuit; nihil autem certi de eo tempore à Decretalibus constitutum est. Quare tota res pendet ab arbitrio judicis, à quo provocatur (2), & alicubi hoc tempus municipali jure definitum est. Exhibitis vero superiori judici litteris dimisoriis appellans instat, ut appellatio recipiatur, adversarius ad certum terminum citeatur, inhibeaturque judex, à quo provocatum est (3).

(1) *L. 1. 2. §. ult. cod. de Tempor. appellat.*

(2) *Cap. 5. & 33. de appellat., Clem. 4. cod.*

(3) Citationes typis Cameræ impressæ, quæ vulgo camerales dicimus, quamquam ex à nullo Romanæ Curie judice subscriptæ sint, vim inhibendi habere sancivit Benedictus XIV. *Constit. Romanæ Curie* 115. §. 5. *1. ejus Bullar. p. 285, ed. Rom. seu Ven. 1754.*

§. XIII. Denique prosequendæ, ac finiendæ appellationis tempus est annus unus, atque ex justa causa etiam alter (1). Qua in re juris civilis, & canonici magna consensus est. Verum unde id tempus ex jure civili initium sumat, non satis constat; sed jus canonicum hoc initium ab inter-

posita appellatione repetit (2), quod etiam civilis fori usu receptum est.

(1) *Aulh. ei qui ei l. ult. §. 4. cod. de Tempor. appellat. Clem. 3. eod.*

(2) *Cap. 8. de appellat. Clem. 3. cit.*

§. XIV. Nostris moribus intra biennium appellationis negotium expedire oportet. Primo anno committitur judici, quem quis appellavit, altero *transportanda* sunt acta, ut pragmatici loquuntur, nimirum exemplum actorum, & documentorum, quæ priori iudicio gesta dataque sunt, exhibendum est coram altero iudice, ad quem postremo itum est. Qui intra primum annum alteri iudici causam committere neglexit, is ne alterius quidem anni beneficium habet ad acta exhibenda; verum id præstare debet intra tempus à iudice definitum. Quare curandum est, ut suo anno utrumque fiat, quique id ob justam causam præstare non potest, ampliandi facultatem à iudice petit, antequam constitutum tempus elabatur.

§. XV. Appellatio legitime interposita (1) jurisdictionem suspendit iudicis inferioris, causamque defert ad superiorem, qui appellatus est (2). Quare interim, dum appellatio pendet, nihil amplius in causa inferior iudex agere potest, & si quid egerit, cuncta à majore iudice ad pristinum statum rediguntur (3). Verum cum hæc suspensio sententiæ, ejusque executionis in causis quibusdam minus congruens, & apta videretur ad rectum ordinem rerum, merito receptum est, ut sententiis quibusdam suspensiva vis adimatur. propterea fit interdum, ut quamquam sit appellatum, tamen sententia exitum obtineat, & postea causæ cognitio ad superiorem deferatur. Tunc autem sententiæ non *suspensivum*, sed *devolutivum effectum* habere dicuntur.

(1) Appellationes autem non recipiuntur, neque in earum vim inhibitiones conceduntur, nisi primum constiterit, intra legitima tempora, atque à legitima persona, item à definitiva, vel habente vim definitivæ, aut gravamine, quod per definitivam reparari non possit, appellatum fuisse, id ut patere debet ex publicis monumentis, quæ in actis exhibentur. Confer Benedictum XIV. *Const. ad militantis* 48. §. 43. p. 86. l. 1. ejus Bullar. ed. Ven. 1754., qua quidem constitutione multa de appellationibus, deque inhibitionibus comprehensa sunt.

(2) *L. 32. §. 4. cod. de appellat., cap. 55. eod.*

(3) *L. un. ff. Nihil innovar. appellat. interpos., c. 7. de appellat. in 6.*

§. XVI. Plures vero sunt causæ in quibus interposita appellatio impedimento non est, quominus lata sententia vim, & exitum habeat. Jure communi appellatione non suspenduntur decreta de alimentis præstandis; neque datur suspensiva appellatio in causis de restitutione spoli, ac momentaneæ possessionis (1), in judiciis arbitratorum ex compromisso, in causis, ut ajunt, executivis, quæ ex populorum moribus, & legibus privilegium habent paratæ executionis. Apud nos provocatio nullam affert moram; & tarditatem causis in quibus duo continua, eaque concordia judicata edita sunt; itemque causis de menstrua diurnave mercede, de alimentis futuris, de restituendo deposito, de explenda solutione, quam quis singrapha (2) se facturum promisit, de oneribus cameralibus, vel communitatis, de canonibus, pensionibusque domus, de obligationibus cameralibus, ceteris demum, quæ à Benedicto XIV. expressæ sunt (3).

(1) *L. 27. ff. de Inoffic., l. un. c. Si de moment.*

(2) Hæ sunt syngraphæ, quas vulgo appellamus *Pagaro per altretanti*.

(3) Confer Benedictum XIV. *Const. Romanæ Curie* 115. §. 10. & seq. 1. 1. *ejus Ballarii p.* 287. *ed. Rom. seu Ven.* 1754.

§. XVII. Sed & executionem sententiæ irrogatarum censurarum minime appellatio retardat (1); quod etiam obtinet in causis emendationis morum, nisi antistes, uti supra dictum est, rem egerit supra modum, quem observare oportebat (2); itemque in causis, quarum executio à Concilio Tridentino *remota appellatione* mandata est (3).

(1) *Cap. 53. de Appellat.*

(2) *Cap. 3. de Appellat.*

(3) Consule Benedictum XIV. *cit. const.* 48. §. 5. & seq. p. 82., ubi omnes hæ causæ, in quibus suspensiva appellatio non conceditur, accurate recensetur. Vide etiam, quæ *l. 1. tit. 6. §. 3. p. 325.* dixi de appella-

tione interposita ab Episcopi judicio in beneficiis curatis, quæ per concursum collata sunt.

§. XVIII. Ab omnibus judicibus provocare fas est, præterquam à supremis Principibus (1), & à Summo Pontifice, cujus judicium soli Deo subjicitur (2). Nam absurdum esset inferiorem judicem delere, aut emendare sententiam ejus, cui ipse subest; & cui summa in republica potestas est. Ea de causa inducta est appellatio, ut ex inferiore judice gradatim provocetur ad superiorem, ac denique causa deferatur ad eum, qui reipublicæ cum imperio præest. Is cum in omnes, qui in republica continentur, & imperium habeat, & potestatem, omnium tollere, delere, emendare sententias potest; ejus vero sententiæ ab iis, qui subjecti sunt, emendari, abrogarique non possunt.

(1) *L. 1. ff. A quib. appell. non lic.*

(2) *Can. 16. & 17. c. 9. qu. 3. Quid adhuc quæris examen, inquit Augustinus Oper. imperf. contra Julianum l. 2. opp. t. 10. col. 99. ed. Maurin. Ven. 1733., quod apud Sedem Apostolicam factum est? Sane appellantes à Summi Pontificis judicio futurum Concilium damnantur à Martino V. apud Guerram Epitom. Pontific. constitut. t. 1. p. 173 Ven. 1772., à Pio II. const. Execrabilis §. t. 3. par. 3. Bullarii Roman. p. 97., Julio II. const. Suscepit 27. p. 312. ibid., Benedicto XIV. const. Altissimo 132. p. 324. t. 1. ejus Bullar. ed. Ven. 1754., Bulla in Cœna Domini, aliisque Summorum Pontificum Constitutionibus. l'Histoire de l'Eglise, inquit Cardinalis de Byssy Meldensis Episcopus in Docum. pastor. an. 1728. p. 59. "nous apprend, qu'elle a rejeté tous les appels faits contre les Bulles dogmatiques, & qu'elle a regardé comme herétiques, & chismatiques ceux, qui les ont formée." Idem ipse habet *Ep. ad Episc. Eboicens.*, idemque Senonensis Archiepiscopus Langnet *Docum. pastor. advers. consult. Advocat. p. 9., & Ep. 1. ad Episc. Bemonien. p. 26., & Cardinalis de Mailly Archiepiscopus Remensis Instruct. Pastor. au sujet de la Constitution Unigenitus an. 1719. p. 8., & idem quoque docet Thomassinus Diss. 12. in synod. Chalced. n. 26., & Dies. 18. n. 96. Ipse Petrus de Marca concord. sacerdot. & imper. l. 2. c. 17. n. 1. testatur, quod "nunquam in Ecclesia admissa fuit provocatio à Papa ad Concilium." Recte S. Bernardus *Ep. 239. opp. t. 1. p. 198. ed. Horsii, & Mahillonii Ven. 1781., Summi Pontificis sententiam peremptoriam vocat, & Ep. 213. p. 165. Innocentio II. dicit hæc: "Quis mihi faciet justitiam de vobis? Si haberem judicem, ad quem vos trahere possem, jam nunc ostenderem. . . . Exstat quidem tribunal Christi, sed absit, ut ad illud apellem vos. . . . Itaque recurro ad eum, cui in præsentem datum est judicare de universis;***

„hoc est ad vos: vos appello ad vos; vos judicate inter me & vos.” Consule, inter ceteros, librum, cui titulus *Trattato dello scisma* c. 10., Du-Valium de *Supr. Rom. Pontif. in Eccles. potest.* p. 4. q. ult., Serryum de *Rom. Pontif. Diss.* 2. c. 9., Rincagliam *Animadvers. in Natal. Alexand. Histor. eccles. sæc.* 13. & 14. *Diss.* 9. t. 8. p. 419. et seq. ed. Ven. 1776. Gasparem de Bocken *Dissect.* Salisburgi edita an 1723., qua ostenditur, „Soli Summo Pontifici Romano supremam in universam Ecclesiam potestatem, & de fide definiendi jus competere, nec ab illo ad Concilium generale appellari posse,” Zaccariam *Anti-Febron.* t. 4. c. 5. & 6. p. 163. seq. ult. ed., et *Anti-Febron. vind.* t. 4. *Diss.* 12. c. 4. p. 387., C. Gerbertum *Ecclesia militans* &c., c. ult. t. 2. p. 358., & Bolgenium *Risposta al quesito* *jeosa è un appellante?* quo quidem opere graviter, nervoseque refutatur quidquid ab Appellantibus, novissime autem ab eorum gregali Petro Tamburinio proponitur. Illud postremo addam, quod est ab ipso Joanne Ludovico Moshemio, hæretico quidem homine, sed docto, & erudito, animadversum „de Gallorum appellationibus ad Concilium universæ Ecclesiæ, unitatem Ecclesiæ spectabilem tollentibus,” scilicet pugnantia loqui illos catholicos, qui ex Primatu Divini juris Romanum Pontificem totius Ecclesiæ, & Catholicæ unitatis centram proficiuntur, & simul ab ejus judicio generale concilium appellari posse contendunt. Placuit laudare hoc testimonium, ut omnes intelligant, quod ipsi hæretici agnoscunt, & confitentur, appellationes ad futurum Concilium in catholica veritate de Primatu Summi Pontificis convenire non posse. Consule Bellerinium de *Viac ration. Prim. Pont. fere per tot.*, & de *Potest. Eccles. Sum. Pontif. & conc. Genes.* c. 5. p. 66. & seq.; & c. 9. §. 5. p. 159. & seq. ed. Augustæ Vindelic. 1770.

§. XIX. In civili republica summa hæc potestas est penes Principem, cui subjecti sunt omnes, qui ad illam pertinent. Quare ipse in cunctis negotiis, quæ civilis reipublicæ propria sunt ab omnibus appellatur, omnium infirmat confirmative sententias; quodque ab eo gestum est subditorum judicio, & potestati subesse non potest (1). Hoc autem jus appellationis non solum pars est intima summæ potestatis (2), sed etiam est necessaria pars officii, quo tenetur quisquis rempublicam cum imperio regit, qui in ejus custodia tamquam in specula, collocatus omnia circumspicere, atque observare debet, quemadmodum se unusquisque gerat in judiciis exercendis (3).

(1) Vid Montesquieum *Esprit des loix* liv. 28. chap. 27.

(2) Confer Grotium de *Jure belli*, & pacis l. 2. c. 4. §. 13., & Heinneccium de *Jur. natur. & gent.* l. 2. c. 8. §. 157. opp. t. 8. p. 213. ed. cit.

§. XX. Quod in civili republica Princeps, id in ecclesiastica Summus Pontifex est; quoniam eum à Christo toti Ecclesiæ propositum fuisse cum dignitate, & jurisdictione certum est. Quare ut Princeps in civili republica omnium, quos sibi subjectos habet, appellationes recipit & ex jure summi imperii, quod habet in republica, & ex officio, quod est annexum curæ, & sollicitudini omnium rerum, quæ in republica geruntur; ita Summus Pontifex pari jure, & officio in republica ecclesiastica omnes recipit appellationes; quæ propter res, vel propter personas hujus reipublicæ propriæ sunt. Itaque jus appellationum non extrinsecus accessit Summo Pontifici, sed affixum, & insitum est in ipso Primatu, atque in jurisdictione, quæ hujus Primatus Divina institutione propria est (1); quemadmodum qui civili reipublicæ cum imperio præest, omnium accipit appellationes subditorum, jure potestatis, & imperii sui.

(1) Eusebiani IV. sæculo, cum iniquam tulissent sententiam in S. Athanasium, atque his ad Julium I. Summum Pontificem confugisset, hanc appellationem ægre tulerunt, sicuti constat ex Julii I. *Ep. ad Eusebian.* aoud Constantium *Ep. Pontific. Roman. col. 353. & seq.*, & Sozomeno *Hist. l. 3. c. 7. p. 101. ed. Cantabrig. 1720.* Protius IX. sæculo jus appellationum in discrimen revocavit, cum eoque consentiunt Zaccarias Episcopus Chalcedonensis, Joannes Zonaras, Theodorus Balsamon, Marcus Ephesinus, & Melchius Alexandrinus. In eodem luto hesitarunt Calvinus *Instit. l. 4. c. 7.*, Marcus Antonius de Dominis *Apostata de Rep. Christ. l. 1. c. 3.*, Melchior Leybekerus in *Dissert. de Liv. Eccles. Afr. & transmarin. appellat.* aliique similes. Hæc enim Remensis IX. sæculo contendit, jus appellationum tantum à Sardicensi Concilio Summo Pontifici fuisse tributum, & eum posse quidem novos dare judices in provincia, in qua Episcopi jurenti sunt, ipsam vero causam Romæ judicare non posse. Eadem est sententia Petri de Marca *Concord. sacer. & imper. l. 7. c. 3.*, Quænellii *Dissert. 5. & 8. in opp. S. Leonis M.*, Dupinii *de Antiq. eccles. disciplin. Dissert. 2. c. 1. §. 3.*, Bohnerus etiam *Dissert. de Causis arduis, & majoribus* multa cumulat tum adversus jus judicandi in causis majoribus, tum adversus jus appellationum, & multa item, ut ceteros mittam, habent Basnagius *donat. polit. eccles. ad an. 347. n. 11. seq.*, Febronius *de Eccles. stat. c. 5. §. 6. n. 2.*, Van Espenius *Jur. eccles. par. 2. tit. 10. c. 1.*, Fleuryus *Disc. 4. n. 5.*, Eybelius in *libello Quid est Papa?*

Sed jus ipsum appellationum, quod in Primatu hæret, solide, copioseque, præter ceteros, tuentur Baronius ad *an.* 347. n. 52. t. 4. p. 440. ibique Pagius in *Not.* n. 6. seq. p. 438. seq., & ad *an.* 419. n. 75. t. 7. p. 179. ed. Lucæ, Bellarminus *De Rom. Pont.* l. 2. c. 21. seq. opp. t. 1. p. 530. seq. ed. Ven. 1731. Franciscus de Simeonibus *de Jud. Summ. Pont. potest.* l. 2. c. 20. Natalis Alexander *Hist. eccles. Dissert.* 28. in *sac.* IV. t. 4. p. 462. & seq. ed. Ven. 1776., ibique notarum Auctores p. 481. seq., Christianus Lupus peculiari opere *de Appellationibus* Zaltwienus *Instit. Canon.* t. 2. q. 1. c. 4. §. 5., Benedictus XIV. *de Synod. disc.* l. 4. c. 5. n. 7., Archiepiscopus Senonensis *Instruction Pastorale contenant une troisième lettre à un Conseiller du Parlement de Paris.* an. 1753., David in opere *Des jugemens canoniques* chap. 8. tit. 1., Gerardus Casteel *Controv. hist. eccles. controuv.* 31., Auctor dissertationis *Romæ* editæ an. 1768. *de Appellationibus*, Fratres Balerinii in *ed. opp.* S. Leonis M. *Osserv. ad dissert.* 5. Quernelli t. 2. col. 927. & seq., ac VV. CCL. Mamachi *ad Auctorem opp. Quil. est Papa?* Ep. 3. p. 234. & seq. t. 1., & Zaccaria *Anti-Febron.* t. 3. l. 3. per tot., & in *Anti-Febron. vint.* t. 3. *Diss.* 7. c. 5. & 6. p. 441. seq.

§. XXI. Certe Christus non alios constituit Magistratus qui ecclesiam regerent, quam Episcopos, & unum omnium caput, ac principem Summum Pontificem, qui & Episcopis, & coactis Christianæ reipublicæ civibus dignitate, ac jurisdictione præset. Si secundum hanc Christi institutionem alicujus Episcopi judicium emendari, abrogarique debuisset (& vero nemo non fatebitur, omnes homines errare posse, ideoque inventum est remedium appellationis, ut judicis error corrigatur) quis id præstare, & quem judicio injuria damnatus appellare potuisset? Haud sane alius Episcopus Episcopi sententiam infirmare potuisset; quoniam Christus nullam uni Episcopo supra ceteros Episcopos potestatem, & jurisdictionem attribuit. Atqui Appellatio provocatio est ab inferiore judice ad superiorem. Ergo cum omnium hominum sententiæ errori subsint, cum æquum ac necessarium sit emendare errorem, qui alteri perniciem affert, cum hic error à superiore magistratu per appellationem sit emendandus, cum Christi institutione omnes Episcopi pares potestate sint, ac nemo in alium habeat jurisdictionem; consequens est, ut tantum Pontifex, cui uni hæc jurisdictio, & potestas in omnes data est, aliorum Episcoporum sententias à medio tollere, atque abrogare possit. Id vero est, quod jus appellationis vocamus.

§. XXII. Post Christi mortem visum est alios etiam constituere magistratus, qui Summo Pontifici subessent, præessent tamen Episcopis; sed id sola hominum lege factum est. Nimirum cum Petrus, ejusque successores Romani Pontifices nec ubique præsto esse, nec omnibus omnium Episcoporum negotiis ubique opportune consulere possent, ecclesiastica institutione provisum est, ut unaquæque provincia haberet Antistitem, qui ejus Episcopis, & in quavis majori diocesi unus item esset Antistes, qui & illi, & ei subjectis Episcopis præsideret. Ita Metropolitæ, & Patriarchæ instituti sunt, omnino ex lege Ecclesiastica, non Divina; & utrisque data sunt jura eorum præfecturæ, & jurisdictionis propria. Inter cetera vero datum est jus appellationis, quod adversus Episcopi sententiam Metropolitæ, adversus sententiam Metropolitæ Patriarchæ competit, quod ille Episcopis, hic vero & Episcopis, & Metropolitis superior est (1).

(2) Huc sane spectat communis regula, quæ est in Concilio Carthaginensi III. *an. 397. can. 10.* apud Labbæum *col. 1401. t. 2.* "Ut à quibuscumque judicibus ecclesiasticis ad alios judices ecclesiasticos, ubi est major auctoritas," provocare liceat.

§ XXIII. Quidquid vero auctoritatis in Episcopos, Patriarchis, & Metropolitis Ecclesiastica lege concessum est, tantum cum consensu saltem tacito, & præsumpto Summi Pontificis concedi potuit. Cum enim ipse unus ex divino instituto in Episcopos haberet potestatem, ejus sane pars ad alios transferri non poterat, nisi assentiretur ille, qui eam totam à Christo potestatem, & jurisdictionem acceperat. Sed cum Concilia in Patriarchas, & Metropolitans contulerunt partem jurisdictionis, & potestatis, quæ Christi instituto unius Summi Pontificis propria erat, cumque Pontifices id fieri siverunt, neque hi se abdicarunt potestate sua: quam à Christo habebant, neque eam Concilia ipsis eripere potuerunt.

§. XXIV. Quare Metropolitis, & Patriarchis datum quidem est jus appellationum à sententiis Episcoporum, quoniam illos his superiores fecerat lex Ecclesiastica, hoc est

ipsis attribuerat partem jurisdictionis, & potestatis, quam in Episcopos tantum summi Pontifices Divina lege obtinebant; sed hi semper potestatem, quam habebant initio, retinuerunt. Christi instituto, ab Episcopi sententia unus Pontifex appellari potuisset, lege ecclesiastica appellantur etiam Metropolitæ, & Patriarchæ, sed semper integrum est jus appellationum quod in Primatu hæret.

§. XXV. Et quoniam prima à Christo procedens institutio Primatus erat, ut solus Pontifex confirmaret, infirmaretve sententias Episcoporum, in quos ipse unus jurisdictionem habebat; Ecclesia autem hujus potestatis participes fecit Patriarchis, & Metropolitæ, sed non eam ademit, illi cui Christus dederat; profecto Summus Pontifex non tantum à sententiis Patriarcharum, & Metropolitæ, sed etiam idico à sententiis Episcoporum appellari potest. Illæ quidem appellationes pertinent ad summam, & supremam potestatem in omnes Episcopos, Metropolitæ, Patriarchas, quam nemo communem habet cum Capite, & Principe Ecclesiæ; hæ procedunt ex eadem potestate, quæ hac in parte communis facta est etiam Patriarchis, & Metropolitæ, non tamen Summo Pontifici erepta.

§. XXVI. Itaque si Pontifex statim velit cognoscere sententias Episcoporum, omissis mediis, hoc est Metropolitæ, & Patriarchis quos inter Pontificem Episcopos lex ecclesiæ medios posuit; utitur jure, quod à Christo habuit, & quod ei integrum est relictum, etiam postquam Patriarchis, & Metropolitæ commune factum est. Lex Ecclesiæ quæ sola Patriarchas supra Episcopos constituit, eos appellandi facultatem dedit, omisso iudice, quem recta appellandi ratio medium interponebat (1). An quod ex lege ecclesiastica Patriarchis licet non licebit Summo Pontifici; quem unum lex divina Episcopis superiorem fecit, & cui lex Ecclesiæ semper integram reliquit eam quoque potestatis partem, quam Patriarchis, & Metropolitæ communem fecit?

(1) Confer quæ dixi l. 1. tit. 3. Sect. 3. §. 38. not. 1. p. 209., & 210.

§. XXVII. Fieri quidem interdum potest, ut non expediat omittere medios iudices, atque ad Sedem Apostolicam

statim confugere; quin etiam interdum locorum distantia, fraudis metus, rerum difficultas, periculum ne resciri accurate possint, quæ procul gesta sunt, facere potest; ut non videatur interponenda ad Summum Pontificem appellatio. Tunc autem ipse suo jure non utitur; sed non ideo quia peculiaribus de causis interdum non expedit, Summum Pontificem suo jure uti, exinde efficitur, ut ipse revera non habeat potestatem (1). Ea de causa Africani Patres, qui Episcoporum appellationes ad Sedem Apostolicam plus semel æquisimo animo probaverant (2), Apiarii Presbyteri appellationi modeste restiterunt (3); quoniam hæc appellatio temporis, locorum, personæ rationi minus congruere videbatur (4).

(1) Simili modo S. Bernardus *l. 3. de consid. c. 4. p. 374. t. 2. ed. Mabii. Ven. 1781.* aliquas reprehendit exemptiones, quæ mala afferebant, ab iisque concedendis detertere conatur Eugenium III., sed tamen non ideo negat Pontificis auctoritatem, "Sic facitudo, inquit, probatis vos habere plenitudinem potestatis, sed justitiæ forte non ita. Facitis hoc, quia potestatis; sed utram & debetis, quæstio est." Sardicenses quoque canones cum innuunt, per causas appellationum Episcoporum Romano à Pontifice delegatos in provincia judices, vel per legatum in eam missum esse cognoscendas, pertinent ad illud, quod magis expedire videbatur, non Pontifici auctoritatem in discrimen revocant; imo *can. 4. c. 2. col. 659. collect. Labbæi ed. Ven.* diserte memorantur causæ episcopales agenda: "in urbe Roma, & in judicio Romani Episcopi determinanda."

(2) Plurium appellationum Episcopali in exempla, quæ consuetudinem ostendunt, ultro confessi sunt Africani Patres, uti constat ex Augustini epistola, quam Constantius descripsit inter epistolas Cælestini *Ep. 1. n. 8. col. 1056.* Tum antiqua ac recentia hujusmodi exempla indicans Augustinus inquit: "quæ ut à nostris temporibus remotissima non requiramus, recentia memorabo;" ac tria profert exempla, eaque ex una provincia Cæsariensi, & in particulari tum judiciorum specie, quæ Augustini causæ congruebat; unde facilis est de aliis quoque provinciis, aliisque judiciis conjectura. Rectè in hunc locum monet Constantius: "Apostolicæ Sedis in Afrorum judiciis potestas addenda etiam consuetudo hic aperte prædicatur." Ipsa causa Antonii Episcopi Fussalensis, de qua Augustinus in eadem epistola loquitur, appellatio fuit prius ad Bonifacium Pontificem, cui ipse Numidiæ Primas assensus est, tradidit ei commendatis ad eundem Bonifacium litteris, deinde ad Cælestinum, cujus judicio Augustinus obsequutus est cum ad eum gesta transmisit.

(3) Recte observat Cardinalis Orsius *Hist. eccles. l. 27. n. 36. p. 130. t. 12. ed. Rom.*, synodicam epistolam Concilii Africani ad Cælestinum

non præcipientium, atque audacter obsistentium esse; sed Afros tantum adhibere præces, quibus Pontificem rogant, ut repellat, coerceatque auctoritate sua licentiam Presbyterorum, aliorumque clericorum, qui appellati- nis beneficio abutebantur; eos præterea non rogare, ut omnes rejiciantur, sed ut "ad aures venientes non facilius admittatis, ne præpopere, vel in libito videantur restitui."

(4) Sane ut animadvertunt Fratres Ballerinii *Observ. in 1. part. Diss. 5. Quernilli num. 30. opp. S. Leonis t. 2. col. 791.*, sive inspiciantur acta Synodi an. 419. sive litteræ in causa Apiarii ad Bonifacium, & Cælestinum datæ, manifestum est, nulla unquam ex parte jus Sedis Apostolicæ recipiendi appellationes in discrimen fuisse vocatum. Omnis rei ratio petitur ex fraudis periculo, ex temporum dilationibus, ex testium, locorumque difficultatibus. Accedit, quod Apiarius simplex erat Presbyter, neque Africani Patres ob illas, quas memoravi, causas, expédire putabant, quod Presbyteris, ceterisque clericis transmarinæ appellationes permitterentur. Nam cuius facile concessa appellandi facultate, fere quotidie redissent pericula, & difficultates, quarum causa illam Apiarii provocationem ægre ferebant. Illis incommodis hactenus obviam ierat Africana Ecclesie consuetudo, per quam receptum erat, ut clericorum causæ in ea regione finirentur; quare Africani Patres illa incommoda, & pericula objiciebant, illamque urgebant consuetudinem, ne Apiarii provocatio admitteretur. Neque vero cum illi consuetudinem proponebat, quidquam detrahebant de jure Primatus, quod nunquam in discrimen revocarunt. Nuncio firmo, & immoto, per legitimam consuetudinem, quæ scilicet cum expresso, aut tacito Summi Pontificis consensu fuisset inducenda, potuissent Africani jus acquirere finiendi in sua regione, sine ullo appellationis beneficio, suorum clericorum controversias. Simili modo quamquam jus confugiendi ad Principem semper integrum esse debeat, tamen proprius ei subditus per consuetudinem acquirere potest privilegium judicandi suorum causas sine appellatione, ut docet Grotius de *Jur. bell. & pac. l. 2. c. 4. §. 23*; neque ideo quis dicat, Principem in civili republica non habere potestatem, quæ summo imperio affixa est. Hanc igitur consuetudinem Africani Patres urgebant, ignorantes, eam à Sardicensi Concilio ruptam, sublatamque fuisse, eamque ut firmarent consuetudinem, an. 418. novum illam edidit canonem, ne Presbyteri, & ceteri ad transmarina judicia confugerent. Sane Pontifex in ea controversia proponebat canones Sardicenses, quos Nicænos vocabat, quod hi illis confirmati fuerant et quod fuerant conditi à pluribus Episcopis, qui Nicænæ synodo interfuerant, ut observat Amortius *Elem. jur. canonic. t. 1. p. 5. seq.* Responderunt Africani, se hos canones ignorare agentes in *Ep. ad Cælestinum apud Constantium Ep. Pontific. Roman. n. 4. col. 1061. & 1062.*, "Nam ut aliqui, tanquam à tunc sanctitatis latere, militatur, in nulla invenimus Patrum synodo constitutum; quia illud, quod prædem per eundem Coreviscopum nostrum Faustinum tamquam ex parte Nicæni concilii exinde transmissi in conciliis verioribus... tale aliquid non potuimus reperire." Quibus

ex verbis manifestum est, eos sine cunctatione paruisse, si canones novissent Sardicensis Concilii, cui, præter ceteros, etiam Gratus Carthaginensis Episcopus interfuerat, uti observant Constantius in *Not. lit. E. E. c.*, & Tilemontius *art. 3. 4. in Vit. Augustin. t. 13. p. 864.*, qui de cetero his appellatioribus minus favent. Revera ipsi Africani Patres an. 419. ad Zosimum dedere litteras, quarum mentio est in *Ep. 2. ad Bonifacium I.* apud Constantium *col. 101. & 1014.*, & quibus ipsi dicunt hæc: "curavimus, ut ea (*Sardicensia decreta*) servari sine ulla injuria paulisper sineremus usque ad inquisitionem statutorum Nicæni Concilii." Ipsa hæc temporis cunctilia de monstrat, Afros, repertis canonibus, de quibus quærebat, statim Summo Pontifici obsequuturos. Late hæc argumentum non persequatur Fratres Bullerini *cit. Observ. in 1. part. Dissert. 5. Quenelli col. 955. et seq.* Atque hæc quidem de Presbyteri appellatione disputatio fuit; verum de Episcoporum ad Sedem Apostolicam appellationibus minime actum est, neque iis unquam Africani Patres restiterant. Ino & remissius, & recentia, uti loquitur Augustinus *loc. cit.* erant exempla appellationum; & vero ipse Augustinus appellationes memorat Prisci Victoris, Laurentii, Antonii Fussalensis, qui omnes Africani Episcopi erant. In eadem causa sunt Cecilianus, & Lupicianus, similiter Africani Episcopi; ex quibus intelligitur consuetudinem, quam Afri de Presbyteris, minoribusque clericis urgebant, nunquam ad Episcopos fuisse tractatam. Revera de appellationibus clericorum erat Africanus Canon, quem in illo controversiæ æstu Afri condiderant, ut firmarent consuetudinem, quam proponebant; sed de Episcopis nasquam cautum fuerat, ut ipsi Apostolicam Sedem non appellarent. Neque scrupulum adquem injicere potest id, quod Carthaginensi Concilio an. 419. cap. 28. apud Dionysium *cod. can. Eccl. Afric. in Biblioth. Jur. can. Juscelli t. 1. p. 344. et. Paris 1661.* constitutum est; quo quidem canone confirmatur id, quod de vetitis Presbyterorum, aliorumque clericorum appellationibus superiori anno sancitum fuerat, atque additur *sicut et de Episcopis sapius constitutum est.* Verba hæc quibus la non viris doctis, præsertim Natali Alexandro *Histor. Ecclesiast. dissert. 28. in sec. IV. prop. 3. t. 4. p. 479. ed. cit.*, & Oesio Cardinali *Histor. eccl. hist. l. 27. n. 36. t. 12. p. 134. ed. Rom. falsa*, ac per fraudem adjecta videntur. Sed ut ut ver, & germana habeantur, certe eo canone prohiberi non possunt Episcoporum appellationes, quæ sapius vetitæ dicuntur; & tamen nunquam eas vetitas fuisse constat, quin earum & remotissimæ, & recentia exempla sunt, ut loquitur Augustinus. Adde, quod Africani Patres in Apiarii causa usque ad inquisitionem Nicænorum curarunt servanda a Zosimo prolata statuta, uti ipsi loquuntur in *cit. Ep. 2. ad Bonifacium I.*, ac denique cuncta sunt composita, uti patet ex epistola ad Bonifacium, quam describunt Mansius *t. 4. Concilior. p. 481.*, & Amortius *Elem. Jur. canon. t. 1. in Append. p. 438. ed. Ven. 1763.* Quis credat, eo ipso anno, quo omnia sunt composita, contra jus hactenus observatum, contra consuetudinem tum antiquioris, tum recentioris temporis, Episcopos appellare Summum Pontificem fuisse prohibitos? Itaque longe alius hujus canonis

sensus est, quod solide, nervoseque ostendunt Fratres Ballerini *l. c. col. 966.* & Cl. Zaccaria *Anti Febron. t. 3. l. 3. c. 4. n. 12.* Scilicet eo canone id constituitur, ut Presbyteri ad transmarina judicia non confugiant; sed Primates, aut ad universale concilium appellent; quæ appellatio ad Primates, aut de universale concilium sæpius de Episcopis constituta est. Id vero non excludit transmarinas appellationes Episcoporum; sed sicuti Episcopi in appellationibus, quas in provinciis interposuerant, iudices habebant Primates, aut universale concilium, ita etiam Presbyteri, ac Diaconi lisdem iudiciis in posterum uti jubentur.

§. XXVIII. * Lapsu temporum jus hoc appellationum ad Summum Pontificem etiam Ecclesiæ lege (1), & consuetudine (2) firmatum est. Verum utraque non novum jus constituit, sed jam constitutum, & hærens in Primatu confirmavit (3). Quare qui jus quarundam appellationum Summo Pontifici tantum esse putant ex jure Patriarchico, ii faciunt, ut quod ex jure Divino Pontifex habet, id ex jure Ecclesiastico habere videatur. Sed Patriarchas supra Episcopos posuit sola lex Ecclesiæ, Summum Pontificem ipse Christus. Itaque illi opus habent Ecclesiæ lege, sine qua Episcopis superiores non sunt, ut appellationes recipiant à sententiis Episcoporum; sed hac lege Ecclesiæ, & hoc jure Patriarchico opus non habet Summus Pontifex qui à Christo supra Episcopos jurisdictionem accepit.

(1) Jus appellationum ad Sedem Apostolicam confirmatum fuisse Sardicensi Concilio ita compertum, exploratumque est, ut se plane ecclesiasticæ historiæ redes, & ignaros fateantur, qui huc etiam pertrahunt Isidorianas Decretales, quæ post quinque fere sæcula in manus hominum pervenerant. Nolo in hominumæptiis refutandis frustra operam terere; quia si jam an. 347, quo Synodus Sardicensis habita est, jus appellationum ad Sedem Apostolicam præbatur, confirmatumque fuerat, plane desiderandos præciteret, quia e de re initium juris positivi à falsis Isidori Decretalibus excidendum esse arbitranti. Sunt autem in Sardicensi Concilio canones tres, qui ad hanc locum pertinent, nimirum can. 3. 4. 7. seu 5. *1. 2. Concil. eos. c. 59. collect. Labbei. can. 3.*, ut ostendunt Fratres Ballerini *l. c. col. 947.*, non pertinet ad appellationes, quæ post omnia gradatim excusantur iudicia postremo hæc ad Sedem Apostolicam interpretantur; sed pertinet ad secundum iudicium, quod statim post primum iudicium à Summo Pontifice constitueretur. Novum id quidem erat ex eorum temporum consuetudine, ut qui à primo iudicio damnatus fuerat, non statim iret ad Episcopum sibi iudicem proferre, ut exutum erat Concilio Antiocheno can. 14. *Concil. 1. 2. col. 501. collect. Labbei*; propterea dictum est: "Si vobis placet, S. Petri Apostoli memoriam honore-

mus, ut scribatur ab his, qui causam examinarunt, Julio Romano Episcopo, & si judicaverit renovandum esse judicium, renovetur, & det judices." Sed ratio Primatus, & studium coercendi audaciam Eusebianorum, qui Romano Pontifici in causis Orientis jus suum eripere conabantur, fecit, ut novum illud jus constitueretur. De appellationibus diserte agunt Canones 4. & 7. seu 5, iisque constitutum est, quod Summus Pontifex appellationes recipiat, ac det judices appellantis, vel ipse *causa cognita sententiam ferat*. Quod clarius explicat interpretatio Dionysii Exiguū *cit. can. 4.* quæ his est concepta verbis: "Cum aliquis Episcopus depositus fuerit eorum Episcoporum judicio, & proclamaverit, agendum sibi negotium in Urbe Roma; alter Episcopus in ejus cathedra, post appellationem ejus, qui videtur esse depositus, omnino non ordinetur, nisi causa fuerit in judicio Episcopi Romani determinata." Basnagius, Du Pinus, Quesnellus, & ceteri, qui Sardicenses Canones in Oriente receptos negant, refutantur certissimis testimoniis, & monumentis, quæ, præter ceteros, collegerunt Frates Ballerini *cit. t. 2. opp. S. Leon. col. 95. et t. 3. p. xxxiv. et seq.*, ac Josephus Sim. Assemanius *Biblioth. jur. Orien. t. 1. l. 1. c. 5. p. 110.* Recte Græcorum canonum interpretes Theodorus Prodrum Senior apud Papadopolium *Prænot. mystag. p. 367.* de his canonibus Sardicensibus dicit hæc: "Damnatis in omni judicio semper licet appellare ad Romanum Episcopum, & hujus imperio iterum judicari, aut ab eo, aut à suis legatis." De Sardicensibus canonibus, præter Ballerinius, accurate, & copiose egerunt Natalis Alexander *Hist. eccles. Diss. 28. in sæc. 4. t. 4. p. 462 et seq. cit. ed. Ven. Zaccaria Anti-Febonio t. 3. l. 3. c. 3. p. 478. ed. Casenæ et Anti-Feb. vind. Diss. 8. c. 5. n. 5. p. 456. et seq. t. 3.*, & Marchettus *dei Canoni del Concilio di Sardica par. 2. §. 2. p. 111.*, à quibus omnia, quæ contra jus Appellationum ex his canonibus peti solent, graviter, ac solide refutantur.

(2) Appellationum, quæ ad Sedem Apostolicam ex omnibus mundi partibus interpositæ sunt, tum ante, tum post Sardicense Concilium, magnus numerus est. Anno 142. à judicio Synopensis Episcopi, à quo ob stuprum de gradu dimotus fuerat, Marcio Romam venit, ut à Sede Apostolica pacem, & communionem obtineret. Negant Launojus, de Marca, Du-Pinus, pluresque Protestantes, Marcionis appellationem veram esse appellationem, sed aliud ostendunt Bellarminus *De Rom. Pon. l. 2. c. 21. opp. t. 1. p. 331. ed. Ven. 1721.* Christianus Lupus *de Appellat. Diss. 1. c. 18.* Mansius, & Roncaglia in *Natal. Alexandr. Histor. eccles. sæc. 4. Diss. 28. t. 4. p. 481. seq. ed. Ven. 1776.*, Zaccaria *Anti-Febon. par. 2. l. 3. c. 2. n. 2.* Anno 250. Privatus Lambesitanus damnatus à synodo 90. Episcoporum litteras communionis à S. Cornelio Pontifice fraudulenter impetrare conatus est; quod sane, non nisi cognita, & revocata synodi sententia fieri poterat. Unde veram appellationem ipse Constantius edatit *Ep. Ponuf. Roman. in notit. Ep. Non extant. Steph. I. §. 2. n. 4. col. 223.* Biennio post Fortunatus, alique Atricanæ Ecclesiæ Presbyteri; anno autem 262. Basilides Asturicensis, & Martialis Emeritensis, Episcopus

Apostolicam Sedem appellarunt. Cyprianus *Ep.* 68. *col.* 253. *ed. Baluzii Ven.* 1728. nullam adversus hanc appellationem querelam proponit; tantum dicit eam obreptitiam, & ita jus appellationis agnoscit. Exemplum hoc vetusto juri appellationum confirmando aptissimum esse, animadvertunt Baluzius *Not.* 27. *in cit. Ep.* 68. *col.* 260., & Fratres Ballerini *cit.* 1. 7. *Opp. S. Leonis col.* 931. Eodem anno Paulus Samosatenus ab Antiocheno Concilio depositus suam iterum causam apud Felicem Pontificem agendam curavit; qua de re copiose agit Cl. Zaccaria *Anti-Fehron. part.* 2. l. 3. c. 2. §. 6. Anno 313 Cæcilianus Carthaginensis Episcopus judicatus, & ejectus à Synodo Carthaginensi multarum provinciarum Melchiadem Pontificem appellavit, ab eoque causa cognita, absolutus est. Denique an. 341. celebris est Athanasii appellatio, de qua agit Sozomenus *Hist.* l. 3. c. 8. p. 102. *ed. Cantabrig.*, ac Gelasius l. *Ep.* 13. *ad Dardan.* apud Labbæum t. 5. *col.* 329. *id. Ven.* habet hæc: "Sanctæ memoriæ quippe Athanasium Synodus Orientalis addixerat, quem tamen exceptum Sedes Apostolica, quia damnationi Græcorum non consensit, absolvit." Atque hanc quidem appellationem in discrimen revocare ausus non est Constantius Ariannus Imperator, sed tantum apud Liberium egit, ut ejus quoque judicio Athanasius damnaretur, sicuti patet ex *Dialog. int. Liberium & Constantium* apud Coustantium *Ep. Pontif. Roman. col.* 433. & seq. Sunt & aliæ harum appellationum Sar. licensi Concilio antiquum exempla, quæ omnia, præter ceteros, collegit Auctor dissertationis Romæ editæ 1768. *de Appellationibus ad Romanum Pontificem.* Post Sardicense Concilium plura etiam sunt de his appellationibus monumenta. Næm sæculo IV. Eustathius Sebastenus Episcopus cum in Concilio Melitinensi Ariannorum depositus fuisset, Liberium Pontificem appellavit, à quo restitutus est; qua de re confer ea, quæ diximus l. 1. t. 3. *sect.* 1. §. 18. *not.* 5. p. 179. Eodem sæculo Petrus Alexandrinæ Ecclesiæ Sacerdos; itemque Instantius, Salvianus, Priscilianus Apostolicam Sedem appellarunt. Initio V. sæculi appellatio occurrit S. Joan. Chrysostomi, de qua multa à me dicta sunt *cit.* p. 179., & quam adversus Lautojum, Dupinium, Quenelium, Giannonium, Petrum de Marca, & ceteros late vindicat David Jugemens *canon. chap.* 7. *art.* 5., Natalis Alexander l. c. p. 466. ibique Mansius *in Not.*, Pagius *in Baronium ad an.* 404. n. 16. t. 6. p. 433. *ed. Lucæ*, Christianus Lupus *de Appellation. Disc.* 1. c. 27., Bianchini *dein. Extra. Polizia di la Chiera* t. 5. *par.* 2. p. 81. Zaccaria *Anti-Fehroni* t. 3. p. 103. & seq. Atque hæc quidem Chrysostomi appellatio non fidei, sed meræ disciplinæ causam respiciebat; unde edacitur, ut recte monet Natalis Alexander p. 467., jus appellationum ad Sedem Apostolicam non tantum in rebus fidei, sed etiam disciplinæ. Pertinent ad fidem sæculi V. appellationes Bubalii, & Tauriani ad Innocentium I., uti patet ex ejus *Ep. ad Episc.* *Macedon.* apud Coustantium *col.* 841., Cælestii Presbyteri, & Patrocli Arelatensis ad Zosimum, qui utramque memorat *Ep.* 2. *ad Ciu-rel.* & *ep.* 5. apud eundem Coustantium *col.* 944. & 959, item quatuor illæ ex Africa appellationes, quas ab Augustino recesserit diximus, Perrevii Episcopi, de quo loquitur Bonifacius l. *ep. ad Rufin.* 13. apud

Constantium col. 1036, Eutherii Thyanensis, & Helladii Carsensis, qui nomine Episcoporum Euphratesiæ, utriusque Ciliciæ, Cappadociæ secundæ, Bithyniæ, Thessaliæ, & Mœsiæ ad Sxtum III. confugerunt, uti constat ex eorum epistola apud Constantium col. 1245. & seq. Idem Smirnenis Episcopi ad eundem Sxtum III., qui eam memorat ep. 9. n. 3. col. 1. 66. apud Constantium. De Gallicanis appellationibus celebre est testimonium S. Leonis M., qui ep. 10. ed. *Ballerini* t. 1. col. 634. inquit, "à Gallicanis innumeris relationibus esse consultam Sedem Apostolicam, & quemadmodum vetus consuetudo poscebat, per diversarum appellationum causarum, aut retractata ab ea, aut confirmata fuisse judicia." Mitto appellationes Cheledonii, Lupicini, Eutychetis, S. Flaviani, Theodoriti, Salomonis Presbyteri, Stephani Larissæ, Contumeliosi Episcopi Rejenis, ceteras, quarum magnus est numerus, quæque ab iis, quos supra indicavi scriptoribus accurate describuntur. Consistam in appellationibus Honorati Archidiaconi Salonensis, Felicissimi, & Vicentii Diaconorum, Hadriani Episcopi Thebani, Joannis Presbyteri Iauriæ, Joannis Presbyteri Chalcedonensis, & Athanasii Monachi, Claudii Abbatis, Pauli Episcopi Africani, Florentii Episcopi Epidauri, Donadei Diaconi Numidiæ, Januarii Malacæ, Alcisonis Corcyrensis, quarum appellationum omnium testis, est S. Gregorius M. l. 1. Ep. 19. opp. 20. t. 2. col. 503. 504. 566., l. 3. Ep. 6. 7. 8. 9. & 53. col. 627. seq. & col. 662. l. 6. Ep. 14. 15. 16. 24. 63. col. 803. 804. 809. 838., l. 12. Ep. 8. col. 2186. l. 13. Ep. 45. c. 1250 seq., l. 14. Ep. 7. & 8. col. 1264. & 1266. ed. Paris. 1705. Vide etiam Ferrandum can. 59. apud Justellum *Biblioth. jur. can.* t. 1. p. 450. ed. Paris., & Capitularia Caroli M. l. 7. c. 315. apud Baluzium *Capitular. Reg. Fran.* t. 1. col. 731. & c. 412. col. 745. ed. Ven. 1772. Postremo rem concludam Gelasii I. verbis Ep. 4. seu in *Commonitor. ad Faustum Magistrum* t. 5. Concil. col. 295. *Collect. Labbæi cit. ed. Ven.* "nobis, inquit, proponunt canones, dum nesciunt, quid loquuntur, contra quos hoc ipso venire se produnt, quod primæ sedi sana, rectaque suadenti parere fuggiunt. Ipsi sunt canones, qui appellationes totius Ecclesiæ ad hujus Sedis examen volvere deferri; ab ipsa vero nusquam prorsus appellari debere anxerunt."

(3) Quæ de Primatus jure dicta sunt, ostendunt, ei prorsus hære jus appellationum; idque etiam confirmant exempla appellationum Sardicensi Concilio antiquiorum. Nam si jus hoc primum his canonibus statutum fuisset, nullæ ante eos occurrerent ad Apostolicam sedem appellationes. Hinc eas ex ipso jure Primatus repetunt S. Bonifacius I. Ep. 14. ad *Thessal. Epis.* col. 1038. apud Constantium, Agapitus ep. 4. ad *Justinianum Imperat.* apud Labbæum *Collect. Conc.* t. 5. col. 542. ed. Ven. Agatho in Concilio Romano *ibid.* t. 7. col. 206., Gelasius I. in *ut. Common. ad Faustum* apud Labbæum t. 5. Conc. col. 297., Valentinianus III. ep. ad *Theodos.* opp. S. Leon. p. 201. ed. Rom.; & S. Bernardus de *considerat. ad Eugen.* l. 3. c. 2. opp. t. 2. p. 370. ed. Ven. 1781. Appellatur, inquit, de toto mundo ad te. Id quidem in testimonium singularis Primatus sui Reliqui Patres, quos intersunt S. Innocentius I. ep. 2. ad *Victric.* n. 6. apud

Constantium col. 749. Julius I. *Ep. I. ad Eusebian. n. 22.* apud eundem Constantium col. 386., Leo M. *ep. 10. ad Viennens. episc. c. 2. opp. t. 1. col. 634. ed. Ballesin.*, ceteri, quos mitto, nec nimis sim, hanc ajunt, perpetuo fuisse Ecclesiæ consuetudinem, ut ab omnibus Summus Pontifex appellaretur; quæ perpetua consuetudo tantum ad jus primatus referri potest. Ipse Quesnellus, qui tanto studio appellationibus adversatur *Diss. 16. in S. Leon. §. 14. n. 4.* fateri vel. invitus debuit; "Gallicanus, cum appellationes receperunt, respexisse ad Primatus Pontificis dignitatem, ac potentiorē, ut Irænaeus vocat, principalitatem."

§. XXIX. Jus Patriarchicum inesse dicimus in Summo Pontifice, propterea quod lex Ecclesiæ quæ in Oriente inter ipsum, & Episcopos esse voluit Patriarchas, medium hunc gradum in Occidente non constituit; ideoque Pontifex Occidentis Patriarcha appellatur, quoniam eum quoque occupat in Occidente locum, qui in Oriente datus est certis Episcopis, quos Ecclesia ceteris in ea regione superiores fecit. Sed tum in Oriente, tum in Occidente Primas, & caput Ecclesiæ est; & jus annexum Potestati superiori, qualis est Primatus, ad inferiorem, quæ in illa inest, hoc est ad Patriarchatum, referri non potest. Simili modo si Princeps, qui summo potitur imperio, aut Ducis in bello, aut Judicis civilium controversiarum partes velit sustinere, quidquid in utroque munere gerit, non ex mera judicis, ducisve potestate gerit, sed ex potestate summi imperii, in qua utraque illa potestas insita & affixa est (1).

(1) Confer Heineccium *Elem. jur. natur. et gent. l. 2. c. 8. §. 156. et 157. et c. 9. §. 192. opp. t. 8. p. 213. et 229. ed. Neap. cit.*

§. XXX. Inter appellationes, quæ ex Oriente, quæque ex Occidente ad Summum Pontificem interponuntur, hoc discrimen est, quod illæ, cum gradatim fiunt judicium postulant Patriarcharum antequam Capitis, & Primatis judicium subeant; hæ vero à Metropolitibus statim ad hunc Primum, & caput deferuntur. Sed utroque loco Primas est, qui appellatur, & qui judicat. Si quid Pontifex ageret annexum soli Patriarchatui, non Primatui, id quidem ageret tamquam Patriarcha, non tamquam Primas; sed cum ipse habeat jus appellationum ex Primatu, non ex Patriarchatu, semper

tamquam Primas appellationes recipit, quocumque ex loco procedant.

§. XXXI Quod si jus appellationum oritur ex potestate, & jurisdictione, quæ in Primatu hæret, consequens est, ut Pontifex, cum ex ea potestate, & jurisdictione appellationes recipit, possit suo libitu vel causas ipse cognoscere, vel iudices, qui eas cognoscant, constituere in loco unde appellatur. Ita in civili republica alterutrum facit Princeps arbitratu suo; quoniam jus appellationum adhæret in summa potestate, cum qua reipublicæ præpositus est. Alicubi quidem lex Ecclesiæ, aut consuetudo potest efficere, ut propter locorum longinquitatem, difficultatem rerum, aliasve causas ejusmodi dentur iudices in provincia, unde appellatio interposita est; verum neque Ecclesiæ lex, neque consuetudo potuit eripere Summo Pontifici potestatem, & jurisdictionem, quam à Christo accepit (1).

(1) Sane maxima pars appellationum, quas supra descripsi, pertinent ad judicia, quæ à Summo Pontifice Romæ acta sunt; & Sardicensibus canonibus, uti ostendi loco superiore, diserte cautum est, ut Romæ cause agerentur. Argumentum hoc, præter ceteros, solide, copioseque persequuntur Fratres Balerinii *cit. t. 2. Opp. S. Leonii col. 683.*, & Cl. Zaccaria *Anti-Febron vindic. par. 3. Diss. 8. c. 6. p. 495. et seq.* Illud ridiculum, quod habet Dominicus Cavallarius *Instit. Jur. canon. par. 3. c. 28.* Is enim §. 4. "libens agnoscit, jus appellandi Romanam Sedem à synodorum inferiorum judiciis, tanquam consecaneum Primatus Romani Pontificis in universam Ecclesiam haberi posse; est enim Romanus Pontifex ceteris Episcopis superior; naturalis vero ratio dicat, ab inferioribus ad superiorem appellandum." Tum §. 5. & seq. conatur ostendere, Romanos Pontifices eo jure usos non fuisse; postea Sardicensi Concilio eis dandi iudices facultatem fuisse concessam, hos canones serius fuisse receptos, denique per falsas Isidori decretales Summos Pontifices non tantum dandi iudices, sed etiam in iudicandi causis appellationum potestatem obtinuisse. Mitto omnia, quæ supra dixi, ac suis ipsis principiis Cavallarium urgeo. Si jus appellationum "consecaneum est Primatus Romani Pontificis in universam Ecclesiam, si ipse appellatur, quia ceteris Episcopis superior est, & naturalis ratio dicat, ab inferioribus ad superiorem appellandum," hoc est si jus appellationum originem habet à Jure Divino, à quo certe Primatus oritur, quid Summus Pontifex opus habuit canonibus Sardicensibus, aut falsis Isidori decretalibus? Non hæc decretales, neque illi canones dederunt jus appellationum, sed dedit ipse Christus, qui Primatum instituit. Mitto cetera, quæ Caval-

larius comulat contra jus appellationum, quod in ipso Primatu inesse demonstravimus. Nam ipsa sunt argumenta Bohemeri, Van-Espenii, Febronii, ceterorum, quos supra refutavimus, ut proinde eadem omnia quædrent etiam in Cavallarium, qui aliorum errores litteris consignavit. Simili plane de causa "in notis ad titulum de Judiciaria Ecclesiæ potestate" separatim non refutavimus Cavallarium, qui *Inst. canon. par. 3. c. 2. & 3.* adversus judicariam in causis civilibus Ecclesiæ potestatem multa habet, quæ à Du Pinio, Fevretio, Van-Espenio, ceterisque similibus desumpta sunt. Nam eorum ineptiis explosiis, atque rejectis, etiam Cavallario, cujus par omnino causa est, satisfactum arbitramur. Liceat mihi hæc loco, quoniam memoravi Isidori Mercatoris collectionem, cujus sæpe in his Institutionibus mentio occurrit, aliquid animadvertere, quod post editum totum I. earundem Institutionum, ubi de hac collectione disserui *p. 67 et seq.* intellexi ex Missæ istola P. Burriellii data ad Franciscum Ravagum die 22. Decembris an. 1752., quam mihi legentium dedit V. Cl. Laurentius Hervas, qui etiam illius partem descripsit in opere, cui titulus *Storia della vita dell'Uomo t. 2. l. 4. c. 11. p. 191.* Tradit nimirum Burriellius, Isidorum usum præsertim fuisse Hispanica collectionis canonum, cui multa addidit ingenio suo, multaque emendavit, atque detraxit, ut suum illud figmentum componeret, quod & ego observavi *prolegomenis t. 1. c. 5 § 6 p. 68. et seq.* Illud in primis monet ipse Burriellius, sese omnia Hispaniarum archiva diligentissime lustrasse, neque ulum unquam manusertum codicem ejus collectionis reperire potuisse; quod argumento est plane maximo, Hispanos, qui Isidorum conferentes cum ea collectione, quæ in omnium manibus versabatur, nullo negotio fraudem detegere potuissent, Isidori figmenta penitus ignorasse. Ilam autem collectionem Gothic-Hispanicam describit Burriellius litteris ad Canonicum Petrum de Castro datis die 30. Decembris an. 1754., quas equidem litteras apud eundem eruditum virum Laurentium Hervas legi. Scilicet ea continet canones XX. Nicænos; quos continuo sequuntur aliarum Græcorum Synodorum Canones in latinum sermonem conversi; sed hæc versio diversa est à Dionysiana, atque eadem magna ex parte est, quam dedit Isidorus Mercator, cujus nunc eam Harduinius edidit. Atque hæc causa est, propter quam multi in Galliis putaverint, Isidori collectionem in Hispaniis fuisse absolutam, quia nimirum Isidorus ex collectione Gothic-Hispanica fere integræ Græcorum canonum versionem arripuit. Novum hinc argumentum edicunt, ex quo patet, non modo nullas fuisse in hac Isidori collectione Pontificum Romanorum partes, sed ipsos etiam nullam ejus rationem habuisse; quam si habuissent, illam certe ad Ecclesiam Hispanicam, quæ semper magnam habuit cum Romana Ecclesia conjunctionem. Sane pars altera collectionis Gothic-Hispanicæ constat ex Decretalibus Summorum Pontificum centum, ac datus, usque omnibus certæ fidei quas sequitur Decretalis *de libris recipiendis*, & non recipiendis, unde Gratianus desumpsit *Can. Sancta Romana 3. Dist. 15.*, qui can. n., uti tenatur Burriellius *cit. Ep. ad Canon. de Castro*, in omnibus Codicibus, non Gelasio,

sed Hormisdæ tribuitur. Optandum maxime esset, ut præclara Hispanorum natio, quæ viris abundat ingenio, ac doctrina plenis, in lucem emitteret collectionem Gotico Hispanicam, quam du-bus illis literis Burrielius memorat, quamque ipse illustravit; magnum exinde umen acciperet ecclesiastica jurisprudentia, & multa forte o-currerent emendanda in operibus eorum, qui antiquas canonum collectiones eliderunt. Certe testatur Burrielius, multa se animadvertisse minus vere, & minus accurate scripta à Card. Aguirri, & à Cajetano Cennio, qui hæcenus visi sunt Hispanicæ Canonum collectiones omnium diligentissime expendisse.

TITULUS XVI.

De in integrum restitutione.

- | | |
|--|--|
| I. In integrum restitutio quid? | VII. Effectus restitutionis in integrum. |
| II. & III. Qui habeant beneficium restitutionis in integrum? | VIII. Supplicatio Principi oblata. |
| IV. Quibus in rebus detur? | IX. Confirmatio Apostolica. |
| V. & VI. Qui in integrum restituantur? | X. Oris aperitio. |

§. I.

Qui appellationis remedio uti non potest, beneficium habet restitutionis in integrum, per quam omnia in antiquum statum restituuntur. Definitur autem in integrum restitutio à Paulo IC. (1) redintegrandæ rei, vel causæ actio (2). Datur hoc remedium extra ordinem, ut subsidio sit iis, quibus aliæ desunt actiones per quas jus suum consequuntur. Quare cum actus ipso jure irritus est, aut cum aliud suppetit ordinarium civile remedium, in integrum restitutio dari non solet (3).

(1) *Recept. sentent. l. 1. tit. 7. §. 1. apud Schultingium Jurisprud. vet. Ant. Justinian. p. 233. ed. Lipsiæ. 1737.*

(2) Actionis vocabulum generatim hic accipitur pro quovis juris remedio, quod quis vel intendit, vel à Magistratu conceditur, ut in l. 37. ff. de Obligat. & action. Ab Isidoro Origin. l. 5. c. 25. in integrum restitutio definitur, *causæ, vel rei reparatio.*

(3) *L. 27. ff. de Minor.*

§. II. Non temere, ac sine delectu, sed tantum justis

de causis in integrum restitutio conceditur. Majores XXV. annis non restituuntur, nisi demonstrata causa læsionis, quæ culpa vacat: qualis est dolus alterius (1), causa metus, alienatio judicii mutandi causa facta (2), absentia, aut justus error (3); denique si qua alia judici juxta causa videatur (4). Minores annis XXV. propter lubricam ætatem, probata læsione, restituuntur (5); modo restitutio petatur intra quadriennium à tempore, quo minores esse desinunt.

(1) *Cap. 4. de In integr. restit., cap. 6. de his quæ vi metusvz.*

(2) *L. 1. ff. de Alien. jud., c. 1. eod., c. 11. de jud.* Extat in Pandectis, atque in Decretalibus titulus de Alienatione judicii mutandi causa facta. Fit autem hæc alienatio, quoties pars altera, quæ litem habet, dolo malo jus suum in aliquem transfert, & facit commutationem, ut loquitur *c. 1. de Alienat. jud. mutand. caus.*, veluti si vendat, aut cedat potentioribus, ut adversario gravius negotium ingerat, atque ejus conditionem deterioiorem faciat.

(3) *L. 2. ff. de Restit. in integr., c. 4. eod.* Vide etiam Paulum *Recept. sentent. l. 1. tit. 7. §. 1.* apud Schultingium *l. 3. ed. cit. p. 233.*

(4) *L. 1. ff. Ex quib. caus. major., c. 4. de In integr. restit.*

(5) *L. 2. eod. de Filiisfam. min., c. 4. de In integr. restit.* Concessa autem in integrum restitutione minori, etiam ejus fidejussori si occurrit, ut inquit Ulpianus in *l. 51. ff. de Procurat.* Consule Edmundum Merilium *Observ. l. 4. c. 10. p. 128. ed. Neap. 1720.*

§. III. Exemplo minorum, etiam Universitates habent in integrum restitutionem (1): similiter, & Ecclesia eodem beneficio fruitur (2). Nomine autem Ecclesie Jurisconsultorum sententia, & usu fori omnia corpora ecclesiastica, monasteria, domus religiosæ, academice, hospitalia comprehenduntur. Restituitur Ecclesia, si detrimentum accepit, eaque restitutionem petat intra quadriennium, postquam illud pertulit; modo ab initio propter dolum, vim, metum, aut aliud justum impedimentum jus suum persequi non potuerit (3); & vero restituitur ubicumque sit læsa, etiam propter negligentiam Procuratoris, qui ejus jura, & documenta non protulit (4); contra confessionem sibi noxiam (5); contra lapsum fatalium (6); non solum contra laicum, sed etiam contra aliam Ecclesiam, quæ intulit detrimentum (7).

(1) *L. 4. cod. Ex quib. caus. major. in Integr. rest., l. 3. cod. de Jur. reipubl., l. 9. ff. de Appellat.*

(2) *Cap. 1. de In integr. restit., c. 2. cod. in 6. Clem. unic. cod.*

(3) *Cap. 1. de In integr. restit. in 6.*

(4) *Cap. 2. de In integr. restit.*

(5) *Cap. 2. cod. in 6.*

(6) *Cap. 3. de In integr. restit.*

(7) *Cap. 3. col. At enim qui privilegium habet, eo uti non potest adversus illum, cui par est privilegium l. 12. §. 1. cod. Qui prior. in pig-
nor. Verum id quidem est, si utraque Ecclesia de damno vitando agat;
at si altera de damno vitando, altera de lucro captando agat, illam con-
tra hanc restitui æquum est, uti similiter minor contra minorem restitui-
tur l. 12. §. Item quæritur ff. de Minor.*

§. IV. Datur in integrum restitutio etiam contra sen-
tentiam Principis (1), aut summi Pontificis (2), sed tantum
uterque contra propriam sententiam, aut sui delegati res-
tituit (3); datur præterea tam in judicio, quam extra judi-
cium cum quis ex aliquo facto, aut contractu læsus est. Se-
mel non delegata amplius conceditur, præterquam ad appel-
lationem omissam; nisi deinceps nova prodierint monumen-
ta, quorum gratia tribuenda videatur (4).

(1) *L. 1. & 2. cod. Si sæp. restit. in integr. postul.*

(2) *Cap. 5. de In integr. restit.*

(3) *L. 18. ff. de Minor. c. 5. an., l. 3. cod. Si advers. rem jud.*

(4) *Cap. ult. de Integr. restit.*

§. V. Restituit autem Magistratus urbanus, vel provin-
cialis, vel iudex in eam rem à Principe, vel à Magistratu
datus (1). Municipalis Magistratus sine Principis mandato
neminem restituere potest (2), quoniam non habet mixtum
imperium, cujus præsertim est propria in integrum resti-
tutio. Atque hi quidem concedunt in integrum restitutio-
nem, quam ordinariam dicimus, quæ scilicet ab ipsa lege,
atque intra certum tempus, puta intra quadriennium tri-
buitur. Nam extra ordinem, hoc est præter scripti Juris
imperium, uti fit in transactionibus, & similibus, lapso-
que tempore à lege constituto, solus Princeps restituit.

(1) Confer Cujacium in *cod. l. 4. tit. 46. opp. t. 10. col. 862. ed. cit.*

(2) *L. 26. ff. ad Municipal.* Vide Scipionem Gentilem *de Jurisdiet. l. 1. c. 3. opp. t. 3. p. 96. seq. ed. Neap. 1764.* Verum jure Codicis etiam Municipales Magistratus in integrum restituere posse, censet Odo-
rus de Restit. in integr. par. 1. qu. 32. art. 4.

§. VI. Magistratus adversus suam, aut judicis inferioris, parve potestatis sententiam restituit; inferior autem Magistratus contra superioris sententiam restituere non potest (1). Nostri moribus Judex ordinarius, qui in Urbe principe jus reddit, quique ex omnibus provinciis appellatur, in integrum restituit adversus judicata Magistratum provincialium, & municipalium; sed contra ipsius judicatum à Principe in integrum restitutio conceditur. Alicubi mos est, ut propter incidentia in lite à judice ordinario, cum vero agitur de præcipuo negotio, veluti de contractibus, transactionibus, hæreditatum aditionibus, aut repudiationibus, præscriptionibus, rebus judicatis, ceterisque similibus, non nisi à Principe, vel ab eo, cui data hæc potestas à Principe est, restitutio tribuatur (2).

(1) Consule Cujacium *l. c.*, & in *l. 16. ff. de Minor. 25. an. opp. t. 1. col. 688. ed. cit.*, & Donellum *de Jur. civil. l. 11. c. 14. §. 3. opp. t. 5. col. 1243. seq. ed. Luçæ cit.*

(2) Vide Voetum in *Pandect. l. 4. tit. 1. n. 3. & 4.*

§. VII. Petita in integrum restitutione omnia in suo statu manere debent, donec res finita fuerit (1); & ideo late sententiæ executio suspenditur, perinde ac appellatio interposita fuisset (2). Ea vero inde impetrata omnia ad pristinum statum vocantur, læsio removetur, & quæ sua sunt unusquisque recuperat (3). Nam restitutio prodest non tantum illi, qui eam impetrat, sed etiam illi, contra quem conceditur, quoniam utrique suum tribuendum est. Sed qui rem recuperat, solvere debet impensas quas alter in rem fecit (4).

(1) *L. un. cod. in Integr. restit. postul. ne quid novi fiat.*

(2) *Cap. 6. de In integr. restit.*

(3) *L. 25. §. Restitutio ff. de Minor.*

(4) *Cap. 1. de In integr. restit.*, *C. 11. de reb. eccles. alien.*

§. VIII. Etiam à supplicatione Principi oblata, quam, & *revisionem* appellamus (1), adjuvantur illi, qui appellationis, remedio uti nequeunt. Quæ supplicatio dici potest querela adversus molestiam, sive gravamen iudicis, à cujus sententia propter ejus excellentiam statuto, aut Principis constitutione appellare non licet (2). Ea vero si proponatur intra decem dies post latam sententiam; efficit, ut eadem sententia non aliter exitum habeat, nisi victor fidejussionem præbuerit tantum restituendi cum ultimis augmentis, quantum fuerit in condemnatione, si sententia revocetur (3). Elapso quoque decennio recte intra biennium hæc supplicatio proponitur; sed tunc nulla cautione opus est, ac sententia statim vim, & exitum habet (4).

(1) Multi supplicationem à revisione distinguunt, & hæc illi quidem affinem, non omnino similem faciunt. Confer Benderum *de Revision. in præm. n. 18. & seq.*, & Hilligerum *ad Donellum de Jur. civil. l. 28. c. 6. §. 15. not. 22. t. 6. col. 418. & 419. ed. Lucæ cit.*

(2) *L. unic. cod. de Sentent. præfect. prætor.*

(3) *Auth. Quæ supplicatio cod. de Precib. imper. offeren.*, quæ Authentica sumpta est ex *Novell. 119. c. 5.* Vide Cujacium *in cod. de Sentent. Præfect. l. rator. opp. t. 9. col. 989. ed. cit.* Sed jam plerisque in locis fori us. receptum est, ut supplicatio intra dies decem Principi oblata sententiæ executionem suspendat, neque ulla habeatur ratio cautionis *de restituendo*, quam forte victor emittere velit.

(4) *Consuev. Vætum ad Pandect. l. 49. tit. 2.*, qui ea de re copiose disputat.

§. IX. Quemadmodum vero qui causa cecidit, iudicium antea gestum infirmari postulat, ita qui superior discessit, illi vim majorem sæpe addendam curat, quod fit potissimum Apostolicæ Sedis confirmatione. Agunt ea de re Decretales in titulo *de Confirmatione utili, vel inutili*. Apostolica hæc confirmatio, cum facta est causa cognita, præcedit omnem controversiam; adeo ut res à Summo Pontifice confirmata amplius in discrimen revocari non possit. Contra vero si edita est re non cognita, atque *in forma communi*; ut ajunt, ea quidem impedimento non est, quominus iudex rem noscat; quia confirmatio conditionem habet, modo justa sit sententia, de qua quærebatur (1).

(1) *Cap. 1. ibique Glossa, v. Confirmationem, & c. 2., & c. 7. d. Confirmat. util. vel inutil., c. 5. de Concess. præben., c. 14. de Offic. & præst. delegat.*

§ X. In primis autem curandum est, ut à Pontificia confirmatione procul absit omne obreptionis, aut subreptionis vitium; scilicet ea non est impetranda aut falsa narrando aut vera militiose reticendo (1). Quod merito transfertur etiam ad cætera Apostolicæ Sedis mandata, decreta, confirmationes, quæ cum in iis obreptio, aut subreptio inest, vim nullam habent. Hodie de vi, aut justitiæ privilegii, mandati, aut confirmationis Sedis Apostolicæ disputari non solet, nisi primò ab ipso Pontifice *oris*, ut vocant, *aperitio* fuerit impetrata.

(1) *Cap. 1. & 2. de Confirmat. util. vel inutil.*

TITULUS XVII.

De arbitris.

- | | |
|---|--|
| I. Per arbitros, & transactiones lites tolluntur. | IX. Quomodo plures arbitri judicare debeant; & quid agendum si inter se dissentiant? |
| II. Qui arbiter? | X. Quando arbitri cogendi ad ferendum judicium? |
| III. Arbitrator vel necessarius, vel voluntarius. | XI. Quomodo ab arbitris judicandum? |
| IV. Quibus in rebus necessarii arbitri assumantur? | XII. Quæ causæ rejiciant arbitrium? |
| V. Arbitri voluntarii nullam habent jurisdictionem. | XIII. Arbitri judicium ad boni viri arbitrium quando redigatur? |
| VI. Sententia ab arbitro lata quam vim habeat? | XIV. Quis arbitri executionem decernat? |
| VII. Qui arbitri esse possint? | XV. Quomodo expirent arbitria? |
| VIII. Unus ne, an plures arbitri eligendi? | |

§. I.

Forensem strepitum longasque, ac periculosas judiciorum ambages declinaturi non raro controversias omnes arbitro-

rum fidei dijudicandas committimus, aut initis mutuo consensu pactis, & transactionibus sedamus, atque componimus. Itaque posteaquam de judiciis actum est, aliqua etiam de arbitris, & aliqua item de pactis, & transactionibus addenda sunt.

§. II. Arbitr in libris juris civilis sæpe est iudex à Præ-tore datus (1); sed tamen distinguitur ab eo, quem proprie iudicem appellamus (2). Qui bonæ fidei judiciis datur, arbiter, qui stricti juris, iudex est, uterque constituitur à Magistratu, qui dati ab se iudicis, aut arbitri sententiam exequitur (3). Nobis hoc loco arbiter est iudex ad cognoscendam, finiendamque controversiam litigantium voluntate constitutus, sive id ipsi legis imperio fecerint, sive sponte sua (4).

(1) L. 3. *cod. Commun. divid.*

(2) L. 7. *ff. ad l. Jul. reperi.*, l. 15. *ff. de Re jud.* §. 1. *Inst. de Act.*

(3) L. 15. *cit. ff. de Re jud.* Confer Brisonium de *Verb. signific. v. Arbitr.*

(4) Arbitr ab eo distinguitur, quem nos arbitratorem vocamus, quod quidem vocabulum Jus Civile ignoravit, rem tamen ipsam recte novit. Arbitrator autem dicitur, qui sine ulla iudicii forma ex æquo, & bono lites suo consilio, & auctoritate studet componere l. 14. §. *Recepisse ff. de Recept. qui arbitr. recep.*, vel conventiones, alique ad finem bonum perducit, adhibeturque in contractibus, ut rerum pretia, mercedem operarum, lucrum, aut damnum, ceteraque similia boni viri arbitrio constituat l. 70. §. *Gener. ff. de Jur. dot.*, l. 76. 77. 78. 79. *ff. Pro socio*, §. 1. *Inst. de Locat.*, §. 2. *Inst. de Empt.*, l. ult. *cod. de Contrahen. empt.* Confer Cujacium in l. 4. *qu. Pauli l. 77. opp. t. 5. col. 966. seq.*

§. III. Nam alii sunt arbitri, quod ipsi quidem litigantes sumunt, sed legis jussu, & alii sunt, quos ipsi suo arbitrio, ac libera voluntate constituunt; & hi *voluntarii*, illi vero *necessarii* appellantur (1). Arbitri necessarii veri iudices sunt, quoniam dantur à lege, vel Principe, vel Magistratu, qui eos eligere cogunt; ideoque habent jurisdictionem, eorumque sententia vim accipit rei iudicatæ, ab eaque appellatur (2). Retinent tamen nomen arbitratorum, quoniam mutuo partium consensu eliguntur, ut arbiter pro socio, tutelæ (3).

(1) Arbitri libera litigantium voluntate electi proprie *compromissarii*, legis autem imperio constituti *iuris* arbitri dicuntur. Atque hi quidem originem ducunt à iudicibus, qui olim dabantur in negotiis bonæ fidei partium voluntate electi *l. 17. ff. de Jud.*, qui ex æquo, & bono arbitrari de lite poterant, & quorum in Jure Romano sæpe mentio est *l. 7. ff. de Negot. gest. l. 1. ff. de Pact. dotat. l. 47. ff. Famil. erisc.* Quin etiam hi dabantur ad articulos incidentes definiendos, veluti ad probandos fidejussores, à quibus etiam appellari poterat, cum instar iudicium pedaneorum essent *l. 9. ff. Qui satisd. cogan.*

(2) *L. 9. ff. Qui satisd. cogan.*, *l. 23. ff. de Appellat.*, *c. 11. de Offic. deleg. in 6.*

(3) Consule Cujacium in *l. 16. cod. de Jud. opp. t. 9. col. 138. ed cit.*

§. IV. Plura autem negotia sunt, quæ leges ab his arbitris expediri volunt. Ita jure civili si delegati iudices suspecti habeantur, eligendi sunt arbitri, qui ipsam principem causam dijudicent (1); itemque jure canonico cum iudices super revocatione Literarum Apostolicarum inter se non consentiunt (2), aut cum datus iudex suspectus est, arbitri constituuntur (3). In Africana Ecclesia eligi debebant arbitri, qui noscerent appellationes à sententia synodi provincialis (+), & nunc jure municipali quarundam regionum sancitum est, ut eorum, qui inter se certo cognitionis gradu conjunguntur, lites arbitrorum iudicio committantur.

(1) *L. 16. cod. de Jud.*

(2) *Cap. 11. de Offic. & potest. delegat. in 6.*

(3) *Cap. 39. de Offic. & potest. deleg.*, *c. 14. de Rescript.*, *c. 41. §. 2. & c. 61. de Appellat.*, *c. 4. de For. competem.*

(4) *Can. 96. cod. African.* apud Dionysium Exiguum in *Biblioth. Jus. telli t. 1. p. 382.*

§. V. Arbitri voluntarii nullam habent jurisdictionem sed tantum notionem, nec proprie iudices sunt, quos privatorum consensus facere non potest (1); sed tantum ex compromisso iudicis partes suscipiunt (2). Compromissum est conventio, qua litigantes controversiam alicujus iudicio subijciunt, spondentque, se arbitri sententiæ passuros (3). Accepta ab arbitro conventio *receptum* dicitur (4). Hoc autem promittunt litigantes, vel mutua stipulatione, vel nu-

do pacto, & interdum etiam pro eorum arbitrio adjecta pœna per quam ipsi firmiori vinculo obstringuntur.

(1) *L. 3. cod. de jurisdictione.*

(2) *L. 14. §. 2. ff. de Recept. arbitr. qui arbit. recep.*

(3) *L. 12. §. 2. ff. eod., c. 10. de Arbitr.*

(4) *L. 23. §. 2. ff. eod., c. 4. de Arbitr.*

§. VI. Antiquo jure etiam jusjurandi religione compromittentes suam obligabant fidem; tum id vetuit Justinianus (1); sed jure canonico recte emititur jusjurandum, & emissum valet (2). Cum compromisso adjecta pœna est, quæ adjicitur, & omittitur arbitrio litigantium (3), tum civili, tum canonico jure locus est petitioni pœnæ, non exceptioni rei judicatæ, quam arbitrio minime parit (4); cum pœna est omissa, *incerti actio* à jure civili comparata est (5). Justiniani lege (6) si pactum sine pœna est *arbitri sententiæ stari*, & litigantes aut sententiam subscripserint, aut decem dierum silentio confirmaverint, reo pacti exceptio, actori in factum actio conceditur. Sed hodie sublatis in civilis juris subtilitatibus, quodvis compromissum, etiam nudo pacto initum, actionem, & exceptionem parit. Nam passim recepta sententia est, etiam ex nudo pacto actionem, & exceptionem non oriri; sive id ex jure canonico, aut potius ex ejus interpretatione in mores traductum fuerit, sive quod labentibus annis grave, & absurdum visum fuerit, etiam in nudis pactis fidem fallere (7).

(1) *Auth. Decernit cod. de Recept. & arbitr., Novell. 82. c. 11. §. 1.*

(2) *Cap. 2. de Arbitr.*

(3) *L. 32. §. ult. ff. de Recept., c. 9. de Arbitr.*

(4) *L. 2. ff. de Recept., c. 9. de Arbitr.*

(5) *L. 32. §. ult. ff. de Recept.*

(6) *L. 5. cod. de Recept. & arbitr.*

(7) Confer Gudelium *de Jur. novissim. l. 3. c. 5. n. 8. & seq.*, Vinetium *de Pactis c. 7.*, Voetium *ad Pandect. l. 2. tit. 14. n. 9.*, Grotium *Manud. ad jurispr. Holland. l. 3. c. 1.*

§. VII. Omnes, qui judices, ii ferme arbitri esse possunt,

sive sint privati homines, sive magistratus (1), iudicesve ordinarii, aut delegati (2). Quin etiam ab hoc officio non repelluntur infames, et libertini (3), filii quoque causam patris cognoscere non prohibentur (4). Haud tamen arbitri constitui possunt servi, pupilli, furiosi, amentes, et similes (5), minores annis viginti (6), itemque ex jure civili mulieres (7); quamquam eis jus canonicum arbitrium permittat, si lege, aut moribus ordinariam habeant jurisdictionem (8). Laici quoque in rebus spiritualibus arbitri esse nequeunt (9), nisi cum Episcopi auctoritate clericis sint adjuncti, aut jussi à Summo Pontifice arbitrium susceperint (10); denique excommunicati vitandi, quorum societatem refugimus, arbitri munere fungi non possunt.

(1) L. 3. § 4. ff. de Recept. arbit. qui arbit.

(2) Inquit Ulpianus in L. 9. ff. eod. non posse judicem arbitrium recipere ejus rei, de qua judex est. Sed civili juri à Canonico derogatum plerique sentiunt. Ut sit, certe jure Canonico tum ordinarii, tum delegati iudices arbitri esse possunt, uti patet ex C. 5. 7. 10. de Arbitris, & c. 14. de Præsumpt.

(3) L. 7. ff. de Recept. arbit. qui arbit., can. 2. §. cognitores c. 3. q. 3.

(4) L. 6. ff. eod.

(5) L. 9. ff. de Recept. arbit. qui arbit. recept.

(6) L. 46. ff. eod. Late ea de re disputat Voëtus ad Pandect. l. 4. tit. 8. n. 7.

(7) L. ult. Cod. de Recept. & arbit.

(8) Cap. 4. de Arbitr. Cujas historiam tradit Manrique Annal. Cisterc. t. 3. an. 204 c. 5. Confer etiam Cujacium Observ. l. 13. c. 23. cpp. t. 3. col. 348. ed. cit.

(9) Cap. 8. de Arbitris.

(10) Cap. 9. eod.

§. VIII. Tam unus, quam plures arbitri constitui possunt, itque tum pares, tum impares numero; licet satis sit impares numero eligere, ut hoc modo, si dissentiant, ratum firmum habeatur quod à pluribus definitum fuerit. Nam scitum est, quod cum omnium, qui iudices dati sunt, sententie inter se non conveniunt, litem finit judicium, et ad plures numero ediderunt; cum autem cuncti sunt opinione discordes, præfertur sententia ejus, qui minorem summam constituit, quoniam summam minor in majori continetur, ideoque omnes in eam consenserunt (2).

- (1) *Cap. 1. de Arbitris.*
 (2) *Cap. 1. eod. in 6., L. 32. §. Si plures ff. de Recep. arbit. qui arbit.*

§. IX. Jure civili, cum plures arbitri electi sunt, omnes conjunctim judicare debent; nisi cautum nominatim sit ut uno absente, reliqui negotium expediant (1). At jure canonico si unus citatus, nec impeditus adesse nolit recte præsentes controversiam finiunt (2); quod rectissime sancitum est, ut lites exitum habeant celeriores. Quod si duo arbitri constituti sint, iique inter se in judicando dissentiant, secundum jus civile tertius sumitur in compromisso designato, sed eo non designato solvitur compromissum, quoniam in hoc tertio eligendo arbitrii dissentire possunt (3). Sed hodie semper duobus arbitris, quorum est dissimile iudicium, integrum est tertium, etiam non nominatum, sumere, qui litem finiat, modo litigantes expresse non contradicant (4); quod juris canonici disciplinae consentaneum est (5).

(1) *L. 19. §. Item, & L. 20. & 21. ff. de Recep. arbit.*

(2) *Cap. 2. de Arbitris in 6.*

(3) *L. 19. §. Si in duos ff. de Recep. arbit.*

(4) Arbitris dissentientibus posse litigantes à compromisso resilire certum est, cum id eis à lege permittatur. Itaque si litigantes testationibus suis denuncient, ne tertius eligatur, aut ne sententiam dicat, non intelligo, ut modo hic tertius, in quem nunquam litigantes consenserunt, arbitri efficiatur; cum non sine partium voluntate satis idoneus arbiter esse possit. Consule Voetium *ad Pandect. l. 4. tit. 8. n. 13.*

(5) *Cup. 61. de Appellat.*

§. X. Arbitri iudicium sponte suscipiunt, quoniam, ut eleganter inquit Ulpianus (1), hæc res libera, & soluta est, & extra necessitatem jurisdictionis posita. Sed quod initio voluntarium erat, fit postea necessarium; quoniam qui arbitrium susceperunt, videntur suam obligasse fidem, quam eos liberare oportet. Itaque arbitri semel suscepto munere omnino fungi debent, & repugnantes coguntur imperio magistratus (2); nisi justam habeant causam, propter quam sui officii partibus non satisfacere impune possint. Ita si litigantes arbitrium infamaverint, aut eo spreto & contempto ad alium arbitrium iverint, si graves inter ipsos inimicitie

ortæ sint, impune arbitrium adjicitur; similiter adversa valetudo, necessaria profectio, munus reipublicæ, aliaque similia justam præbent abjiciendi, aut saltem differendi arbitrii causam (3).

(1) *L. 3. §. 1. de Recept. arbitr.*

(2) *L. 3. §. 1. cit., & L. 21. ff. eod.*

(3) Confer Habermum *Prælect. ad pand. l. 4. tit. 8. n. 7.*, & Heineccium *eod. loc. §. 540. opp. t. 2. p. 135. ed. Neap. 1769.*

§. XI. Pendet autem ex indole præsertim, & ratione compromissi, quo modo, quove ordine procedere, quam potestatem habere, quam contra non habere, quot numero esse, intra quod tempus, & quibus de rebus arbitri judicare debeant (1). Generatim ferenda est ab arbitris sententia loco, in quem compromissum fuit (2); die non feriato (3); tempore convento, nisi litigantes nullum tempus definiverint, vel ejus prorogandi arbitris dederint facultatem, vel arbitri jurent, sibi nondum liquere (4); partibus præsentibus publicanda est (5), nisi aliud populorum moribus receptum sit; denique ferenda est de negotio, quod datum fuit, non de alio (6); & si plura negotia commissa sunt, de omnibus est judicandum (7). Possunt quoque arbitri alios eligere, qui controversiam definiant cum hanc potestatem à litigantibus acceperunt (8), non item cum ea de re nihil actum est (9).

(1) Confer *Cap. 1. & 12. de Arbitris.*

(2) *L. 27. §. Si arbiter ff. de Recept. qui arbitr. receper.*

(3) *L. 2. & 7. Cod., & L. 41. ff. de Recept. qui arbitr.*

(4) *L. 14. l. 37. l. 38. l. 55. ff. de Recept. qui arbitr. receper.*

(5) *L. 32. §. Si quis ff. eod.*

(6) *L. 37. §. de Officio ff. eod.*

(7) Id vero plenum compromissum appellatur *L. 25. & l. 27. §. Plenum ff. eod.*

(8) *Cap. 13. de arbitris.*

(9) *L. 37. §. Quæsitum ff. de Recept. qui arbitr. receper.*

§. XII. Non in omnibus tamen causis arbitrii adhiberi possunt, sed in iis tantum, quæ privati arbitrii sunt; quoniam per simplicem arbitri notionem expediri non possunt, quæ ad jus publicum pertinent, & publicam auctoritatem desiderant Ergo rejiciunt arbitrium causæ restitutionis in integrum, criminales, in quibus criminaliter agitur, item causæ status, scilicet ingenuitatis, natalium, libertatis (1), actiones populares, & famosæ (2), similiter causæ matrimoniales (3); quippe quæ omnes vires superant privatæ potestatis. Etiam causæ exemptionum, quod in iis agitur de jure Summi Pontificis, per compromissum nosci, expediri quæ non possunt (4).

(1) L. 37. §. Julianus de Recept. qui arbit. recept., l. ult. col. Ubi et apud quem cognosc. restit. in integ., c. 9. de In Integr. restit.

(2) L. 37. §. Julianus ff. de Recept. qui arbit. recep.

(3) Cap. penult. de In Integr. restit. Verum sponsalia de futuro non rejiciunt compromissum, quoniam ea mutuo consensu dissolvuntur Cap. 2. de Sponsal.

(4) Cap. 5. de Arbitris.

§. XIII. Arbitri pronuntiatio sententia proprie non est, sed à jurisconsultis arbitrium (1), passim vero fori usu laudum vocatur (2). Ab eo non datur appellatio, quoniam absurdum esset diuturna lite vexare eos, qui ad arbitros iverunt, ut se à litium ambagibus, et impensis liberarent; arguere vero semetipsum debet qui compromissit, si minus æquum judicem elegit (3). Verum ut sententiæ ab arbitro prolatae iniquitas, atque error emendetur, passim in foro receptum est, ut illa ad arbitrium boni viri redigatur. Quam reductionem intra decem dies postulat, qui causa cecidit, atque ita vim, et cursum sententiæ suspendit (4). Magnam autem hæc *reductio* cum appellatione affinitatem habet, ac per eam negotia arbitris antea commissa ad ordinarium judicem deferuntur.

(1) L. 9. ff. Qui satisd. cog.

(2) Inferiori latinatis ævo *judicare* dictum est *laudare*. In l. 21 de *Feudis* c. 20. scriptum est : *laudatum sæpe scio*, hoc est *judicatum*. Consule Hotomannum de verb. *Feudat.* Turnebus *Advers.* l. 14. c. 12. vehementer objurgat jurisconsultos, quod barbaro *laudi* vocabulo utantur, cum arbitri sententia *arbitrium* latine dicantur. Verum hoc quidem est, quod Turnebus dicit de barbarie vocabuli *laudi* sed elegantiores jurisconsulti *arbitris* verbo usi sunt, & ita sane loquitur Cajus cit. L. 9. ff. *Qui satisd. cog.*

(3) L. 32. §. *Stari ff. de Recept. qui arbitr.*

(4) Confer Voetum in *Pandect.* l. 4. tit. 8. n. 25. et seq.

§. XIV. Ceterum cum arbitri voluntarii nullam habeant jurisdictionem, eorum arbitrium vim, et exitum non habet nisi præsto sit auctoritas Magistratus, seu Judicis ordinarii, cujus imperio arbitri executio perficitur. Hoc autem imperium ad illud exequendum non accomodat Magistratus, nisi primum re cognita intelligat, dignum revera esse arbitri judicium, quod à litigantibus observetur.

§. XV. Expirant arbitria mutuo consensu, morte compromittentium, nisi etiam hæredum facta sit mentio (1), uno alterove ex arbitris mortuo (2), nisi cautum compromisso sit, ut uno ex arbitris vita functo reliqui judicent (3), lata sententia, interitu rei, de qua litigatur lapso tempore constituto, nisi illud justis de causis, uti demonstratum supra est, prorogatum fuerit.

(1) Cap. 10. et ult. de *Arbitr.*, L. 32. §. *Si hæredis ff. de Recept. arbit.*

(2) Cap. 50. de *Testibus*.

(3) Cap. 42. de *Offic. et potest. delegat.*

TITULUS XVIII.

De pactis & transactionibus.

I. Quid pactum?

II. Pacti liberatorii exempla.

III. Pacta Sacris Canonibus non probata.

IV. Pacta observanda.

V. Transactio quid?

VI. Ut ea valeat, quæ requirantur.

VII. Effectus transactionis.

VIII. Qui transigere possint?

IX. Quibus de rebus transactio fieri nequeat?

Non solum arbitris, sed etiam pacto, et transactione lites finire possunt. Pactum ab Ulpiano definitur (1) duorum, vel plurium in idem placitum consensus, patetque latissime in jure de pactis disputatio. Nos hoc titulo non de pactis universe agimus, sed illud tantum persequimur genus pactorum, quibus lis extinguitur, et quæ vulgo *liberatoria pacta* appellantur.

(1) *L. 1. ff. de Pactis.*

§. II. Pacti liberatorii in jure civili multa exempla sunt (1), atque illud prodest ad exceptionem, quæ vel pacti conventi exceptio, vel exceptio doli dicitur, quoniam dolo agit, qui contra pacti fidem agit (2). Jure quoque canonico cautum, et provisum est, ut pacta diligenter observentur, adhibita etiam, ubi opus fuerit, judicis auctoritate (3); modo pactum honestum, licitum, possibile sit (4), jus tertii non lædat (5), fiatque ab iis, qui paciscendi obtinent potestatem.

(1) "Si paciscar, ne judicati, vel incesarum ædium agatur, pactum valet. Si paciscar ne operis novi nuntiationem exequar... si ex re familiari operis novi nuntiatio sit facta, liceat pacisci." Sunt hæc liberatorii pacti exempla, quæ proponit Ulpianus in *L. Jurisgentium 7. §. Si paciscar ff. de Pactis*. Simile est exemplum Pauli in *L. 27. §. Si cum mihi ff. eod.* cujus hæc verba sunt: "si cum mihi decem deberes, pepigero, ne à te viginti petam, in decem tibi prodesse pacti conventi vel doli exceptionem placet."

(2) *Doli exceptionem subsidium esse pacti exceptionis* inquit Ulpianus. *L. 10. §. Plerumque ff. de Pactis.*

(3) *Cap. 1. & 3. de Pactis.*

(4) *Cap. 4. §. ult. eod.*

(5) *Cap. 7. eod., c. 2. eod. in 6.*

§. III. Pacta quæ sacris canonibus nominatim impro-

bantur, sunt pactum de beneficio ecclesiastico pecunia, aut alia re pretio æstimari solita resignando (1); de concedenda ecclesia ea lege, ut post obitum provisi alius succedat (2); de solvenda graviore pensione, ut quis facilius ecclesiam obtineat (3); pactum quo monachi aliis sua bona locant, ut hi aut decimas sibi solvant, aut apud eosdem eligant sepulturam in perniciem ecclesiæ parochialis (4).

(1) *Cap. 4. de Pactis.*

(2) *Cap. 5. eod.*

(3) *Cap. 6. eod.*

(4) *Cap. 7. eod.*

§. IV. Cetera pacta, quæ non bonis moribus adversantur, non res impossibiles, turpesve continent, non in animæ detrimentum vergunt, postremo, quibus nihil jure obstat, custodienda, observandaque diligenter sunt. Hinc privilegiis etiam, quæ privatim sua, et propria sunt, abdicare se unusquisque potest (1); valetque pactum juratum, quo mulier, cum nubit, accepta dote promittit, se nihil amplius ex paterna hereditate petituram (2).

(1) *Cap. 1. de Pactis in 6.*

(2) *Cap. 2. de Pactis in 6.*

§. V. Sed litium dirimendarum causa plerumque utimur transactione, quæ species quædam est pacti, et interdum etiam pacti nomine appellatur (1). Proprie transactio initur de re dubia, ac licet incerta (2); atque aliquid datur, aut promittitur, ut litigantium alter litem deserat (3). Pactum autem pertinet ad res certas, atque, ut plurimum, nihil accepto, aut promisso conficitur.

(1) *L. 28. §. 2. ff. de Pactis, l. 1. cod. cod., l. 4. ff. de Jur. fisc.*

(2) Transactionis, et pacti discrimen eleganter expressit Ulpianus in *L. 1. ff. de Transact.* his verbis: "Qui transigit quasi de re dubia, & lite incerta, neque finita transigit; qui vero paciscitur donationis causa, rem certam, et indubitatam liberalitate remitti."

(3) *L. 38. Cod. de Transact.* Atque id quidem adeo late patere complures putant, ut eam statuunt interpretationis regulam, si quando in libris juris pactum re aliqua data, aut promissa, aut retenta fieri dicitur, ut in *L. 28. ff. de Pactis, l. 1. col. de Pactis, l. 4. ff. de Jur. fisc.*, semper pactum pro transactione accipiendum esse. Sed qui ita sentiunt, vehementer errant. Transactio quidem numquam est gratuita, sed pactum, et gratuito fit, ut in *L. 1. ff. de Transact.*, & cum pretio, atque aliquo dato, ut in *l. 41. ff. de Pactis, & in l. 6. §. Si quis, & §. Qui jussu ff. de His qui notan. infam.* Non igitur in *l. 1. ff. de Transact.* illa est adhibenda, quæ vulgo adhibetur, verbor. interpunctio, *qui paciscitur donationis causa, rem certam &c.*, sed legendum est, ut Græci, & horum exemplo Dionisius Gothofredus legunt: *qui paciscitur donationis causa, rem certam &c.*, quemadmodum in *l. 28. §. Si filius ff. de Pactis* scriptum est: *si donandi causa pactus sit.*

§. VI. Porro hæc duo in transactione omnino sunt necessaria, ut scilicet detur aliquid, aut aliquid promittatur, utque de re dubia fiat. Nam promisso, datove nihil, itemque de re certa transactio fieri non potest (1). Hinc etiam post sententiam recte transigimus, quia adhuc incertus est litis exitus, sed non etiam post rem judicatam, et cum procul est omnis litis redintegrandæ metus (2). Sed quemadmodum jure Romano transactio super re judicata firmabatur, cum per Aquilianam stipulationem, et acceptilationem jus ex re judicata quæsitum ipso jure perimebatur (3), et gratuitum probabatur super re judicata pactum, tamquam liberatorium, et donationis causa conceptum (4), ita moribus receptum est, valere transactiones, quæ super negotio ex re judicata certo initæ sunt (5).

(1) *L. 38. cod. de Trans.*

(2) *L. 32. col. l. col.* Verum ad transactionem recte incundam satis esse litis metum, scriptum est in *l. 2. cod. cod.*

(3) *L. 32. Cod. de Trans.*

(4) *L. 7. §. Si paciscar ff. de Pactis, Paulus Recept. sentent. l. 1. tit. 1.*

§. 5. ibique Schultingius in *Not. n. 13. p. 220. ed. Lips. 1737.*

(5) Videndus Græcæwegen *ad l. 7. §. 1. ff. de Trans. n. 2.*

§. VII. Transactionis magnus in jure favor, et auctoritas est. Nam ea mutæ transigentium renunciationis vim habet; quo fit, ut omnia eorum jura tollantur (1), pariatque

litis finitæ exceptionem (2), itaque bona fide, atque ex non falsis instrumentis, ne si nova quidem deinceps prodeant monumenta, è medio tollenda sit, nisi primum in integrum restitutio impetrata fuerit (3). Jure civili tum *nudo pacto*, tum subjecta pacto convento *Aquiliana stipulatione* transactio perficitur (4). Cum pacto facta est, actio exceptione submovetur (5), cum Aquiliana stipulatio est adhibita, actio ipso jure tollitur (6). Sed canones non laborant de ista nimis attenuata diligentia juris civilis, et Aquiliana etiam stipulatione neglecta, obligationes quoquo modo contractas transactione omnino perimi volunt (7).

(1) *Cap. 1. de Trans.*

(2) *Cap. 1. de Litis contest. in 6.*

(3) *L. 10, 19, 42. Cod. de Trans.*

(4) *L. 2. § 15. ff. de Trans.*

(5) *L. 15. cod. eod.*

(6) *L. 3. et 4. cod. eod.*

(7) *Cap. 1. de Trans. ibique Gonzalez n. 15.*

§. VIII. Transigere omnes possunt, qui pacisci, et alienare; nam transactio alienatio est. Hinc minores, pupilli, amentes, ceteri similes, qui res suas alienare nequeunt, etiam transigere prohibentur; et Praelati, qui sine certis solemnitatibus res Ecclesie alienare non possunt, easdem quoque solemnitates in transactione servare debent (1). Quod dicendum generatim est de omnibus, qui res habent ad Ecclesie patrimonium pertinentes, uti sunt beneficia (2), decimæ (3), cetera similia, de quibus si fiat transactio sine debitis solemnitatibus, obligare quidem poterit, qui eam absolvit (4), successores vero non obligat, neque aliquid Ecclesie rebus infert detrimenti (5).

(1) *Cap. 2. § 3. de Trans.*

(2) *Cap. 7. eod.*

(3) *Cap. 2. eod.*

(4) *Cap. 5. eod.*

(5) *Cap. 8. eod.*

§. IX. Sed neque de rebus omnibus transigere fas est. Nam Jus Canonicum transactionem fieri vetat de ecclesiasticis beneficiis, in quibus omnis non gratuita pactio turpis habetur, planeque rejicitur (1), sed tamen in illis admittitur amicabile composicio (2); item de jure patronatus, quod accepta pecunia in alium conferri non potest (3). Sponsalia de futuro transactionem non respiciunt; quoniam mutuo consensu dissolvi possunt (4); sed de matrimonii sacramento omnis plane transactio, aut pactio irrita est (5).

(1) *Cap. 4. de Pactis, cap. 4. de Trans.*

(2) Ita si duo inter se de beneficio litigent, recte fit amicabile compositio, per quam alter nullo accepto pretio, vel re temporali suo se jure sponte abdicat *cap. 7. de Trans.*

(3) *Cap. 9. eod.*

(4) *Cap. 2. de Sponsal.*

(5) *Cap. ult. de Trans.*

TITULORUM TOMI TERTII.

TITULUS I.

De judiciaria Ecclesiæ potestate. Pag. 1

TITULUS II.

De judiciis & eorum divisione. 25

TITULUS III.

De procuratoribus. 29

TITULUS IV.

De foro competenti. 54

TITULUS V.

De libelli oblatione, deque in jus vocando. 51

TITULUS VI.

De Dolo & contumacia. 61

TITULUS VII.

De litis contestatione. 66

TITULUS VIII.

De juramento calumniæ. 69

TITULUS IX.

De probationibus 73

TITULUS X.

De exceptionibus, & replicationibus. 96

TITULUS XI.

De ordine cognitionum. 105

TITULUS XII.

De mutuis petitionibus. 110

TITULUS XIII.

De dilationibus. 113

TITULUS XIV.

De sententia, & re judicata 115

TITULUS XV.

De appellationibus. 131

TITULUS XVI.

De in integrum restitutione. 158

TITULUS XVII.

De arbitris. 163

TITULUS XVIII.

De pactis, & transactionibus. 171

FINIS TOMI TERTII.

JOANNIS DEVOTI,
DEI ET APOSTOLICÆ SEDIS GRATIA
EPISCOPUS ANANIENSIS,
INSTITUTIONUM
CANONICARUM.

LIBRI IV.

TOMUS QUARTUS.

EDITIO NOVA, ETIAM IPSIS ROMANIS EDITIONIBUS REVERA
CORRECTIOR, ATQUE EMENDATIO.

TERTIA EDITIO.

APUD D. JOSEPHUM MARTINEZ.

MATRITI MCCCXIX.

EXCUDEBAT JOSEPHUS COLLADO.

Superiorum facultate.

*Se hallará en las librerías de Martinez, frente San Felipe
el Real, y de Calleja, calle de Carretas.*



PIO SEXTO,

P. O. M.

JOANNES EPISCOPUS ANANIENSIS,

FELICITATEM.

Quartus hic liber, PIE PONTIFEX OPTIME MAXIME, finem faciet *Canonicarum Institutionum*. Est autem liber hic de *iudiciis criminalibus*; quoniam civilia persequutus sum libro superiore. Initio paulo accuratius agendum putavi de *Ecclesiæ in coercendis criminibus potestate*; quo loco refutavi non modo *Bohemerum, Thomasium, Pfaffium, ceteros Protestantes*, sed etiam *Van-Espenium, & refractarios quosdam scriptores*, qui illam in discrimen revocare conati sunt inanibus quibusdam ratiunculis, quas non quærendæ, sed opprimendæ veritatis gratia excogitare potuerunt. Ego facile intelligo, quamobrem aliqui Protestantes (non enim omnium ex eo grege hominum eadem sententia est) qui *Ecclesiam merum collegium esse arbitrantur, omnem ei adimant criminalem potestatem, quam totam adscribunt civili Reipublicæ, cui subjiciunt Ecclesiam*; sed certe intelligere non possum, quomodo ii, qui se catholicos profitentur, & *Ecclesiam veram, perfectamque rempublicam agnoscunt, potestatem detrahant, quæ in primis est hujus veræ, & perfectæ reipublicæ propria*. An *Paulus, cum viginti minatur Corinthiis, cum negat se parciturum reugnantibus imperio suo, si ad eos venire cogatur, cum acceptam à Christo potestatem ostendit, per quam ulcisci possit omnem inobedientiam, & se durius acturum profitetur adversus eos, qui sibi non pareant, cum accusationes contra Presbyterum Episcopi iudicio committi, non declarat aperte, quæ a Christo in puniendis maleficiis Ecclesiæ rectoribus potestas data sit? Apostolorum successores Episcopi, cum de criminibus judicant, eorumque reos vinculis, verberibus, exilio, ce terisque pænis coercuerunt, an alienam exercuerunt juris-*

dictionem, non propriam, & affixam magistratui, quem in Ecclesia gerebant? His ego, ac similibus monumentis, quæ in notis colligi, ne textum producerem ultra fines Institutionum, solumque orationis rumperem, demonstravi potestatem Ecclesiæ in criminibus coercendis; adjecique præterea testimonia non modo Patrum, & Conciliorum, sed etiam Principum, qui plus semel hanc eandem potestatem agnoverunt, suisque legibus comprobarunt. Hac autem probe stabilita, & fixa potestate, consequens est, ut recte Ecclesia judicet, semperque judicarit de criminibus, quorum ejus est proprium judicium, sive ob rem ipsam, sive ob personas, à quibus ea patrata sunt, quæque ecclesiasticæ potestati subsunt, recteque pœnas aptas, & idoneas cuique crimini constituerit. Quare titulis, qui sequuntur, universum genus criminum, quæ ecclesiastica, quæque mixta dicuntur (nam civilium criminum tractatio propria est eorum, qui scribunt de jure civili) pœnasque omnes, quibus puniuntur fontes, explicavi. Singulis quibusque locis legentium oculis subjecta esse volui jura Sedis Apostolicæ: quod in primis faciendum intellexi, non tam pro Episcopi munere, quo tuo beneficio fungor, quam pro fide Catholica, in qua Dei beneficio perpetuo vixi, & in qua omnem quæ jam mihi restat, vitam acturum confido. Quid enim Catholico Scriptori, in primis autem Episcopo, magis conveniens esse potest, quam jura ostendere, atque tueri Summi Pontificis, hoc est Capitis sui, per quod efficitur Ecclesiæ unitas, sine qua vera Christi Ecclesia haberi non potest? Quæ in re mihi bilem, & stomachum movent aliqui, qui priores quidem libros Institutionum mearum laude dignos existimarunt, sed reprehenderunt studium in Sede Apostolicam; ac mihi Romæ scribenti ignoscendum putarunt, quod multa, ut ajunt, præter animi sententiam scripto mandaverim. Ego procul absum à laudibus, quibus ipsi me ornare voluerunt, & nihil omnino in me inesse sentio doctrinæ, ingenii, nitoris; sed certe in omnium conspectu profiteor, me unam sequutum fuisse veritatem, & nihil dedisse Sedi Apostolicæ, quod non ei jure debitum esse intelligerem. Tute ipse, Sapientissime Pontifex, cui propter exquisitam doctrinam, & excellens ingenium explorata sunt omnia, mihi judex, & testis es, me nihil ingenio meo litteris consignasse, sed omnia sumpsisse ex

Patribus, ex Conciliis, ex perpetua Ecclesiæ disciplina. Quid igitur meam imminuere conantur fidem malevole vituperatores, quasi aliud scripserim, aliud animo firmum habeam? Meorum sententiarum reprehensores convellant monumenta, quibus eæ nituntur, ostendant me Sedi Apostolicæ dedisse, quæ non dabant Patres, Concilia, totius Ecclesiæ consensus, cetera suis quæque locis indicata; quod si præstare non possunt, comprimant inanes voces, quibus non meam, sed suam ipsi produnt causam, juraque Sedis Apostolicæ mecum agnoscant, & fateantur.

Sed jam his missis, quorum ego rationem plane nullam habeo, ad eos venio, pietate, ac doctrina præstantes viros, cum quibus vera mihi in his, quæ scripsi, sententiarum conspiratio, consensusque est, quique hos labores meos non tam verbis, quam facto probare voluerunt. Ex eorum genere sunt complures doctissimi Episcopi, qui adolescentibus, quos in seminariis educant in spem Cleri, Institutiones meas publice tradendas curarunt; ac præterea Vir Clarissimus, cujus plura sunt scripta, quæ in manibus hominum versantur, quique in optima, quam evulgavit, studiorum methodo tantum tribuit Institutionibus meis, gratia, & benevolentia in me sua, non merito aliquo meo, ut eas docendæ, erudiendæque juventuti omnium aptissimas judicet. Quibus ego viris tantas habeo gratias, quantas habere maximas possum; non tam quod tenues labores meos gravissimo judicio probarunt; quam quod excitatis adolescentibus ad studia Canonice Jurisprudentiæ, quod ego scribendo conatus sum, eorum opera, & auctoritate jam videor efficere, atque assequi potuisse.

Tibi vero quas agam, & habebo gratias, ô decus, tutela, columen, laborum, studiorumque meorum, Optime, Sapientissimeque Pontifex, quo auspice, & approbatore hæ Institutiones initium, cursum, exitum habuerunt, iterumque in vulgus eduntur? Tu omnes earum libros in amplissimo tuo nomine apparere sivisti; quo quidem beneficio quid ego majus, atque præstantius desiderare potuissem? Effecisti tu tamen excellenti hac, & præclara natura tua, ut in eo esset augendi locus, quod mihi jampridem cumulatam esse videbatur. Nam in maximis occupationibus, quibus a sacro, & civili, quod utrumque incredibili sapientia, & virtute, ac summo omnium beno

regis, imperio distineris, honore affecisti maximo ac singulari Institutiones meas, ut eas legeres, atque etiam non improbares. Quibus ego immortalibus beneficiis tuis quam parem reperire orationem potero? Et tamen tantis his beneficiis affectus alia adhuc postulare audeo: tu vero pro benignitate tua singulari, ac prope divina efficies, ut non frustra postulaverim, & simul dabis hanc veniam, ut quoniam tibi referri gratia non potest, quanta debetur, habeatur tamen quantam maximam animus meus capere potest. Scilicet absolutis Institutionibus rem canonicam universam fusius, & uberius pertractandam agrediar; qua de re multa jam retuli in commentarium meum, teque rogavi, ut ex archivis educi juberes vetusta quædam, quæ nunc in tenebris latent, monumenta, quibus historia præsertim Canonice Jurisprudentiæ quam maxime illustrari, ornarique videtur posse. Hoc quoque opus ut in tuo nomine apparere patiaris rogo; nam nihil mihi gloriosius, nihil illustrius potest accidere, quam mea scripta commendare nomini Pii Sexti, cujus in omnium oculis, atque ore sunt laudes, & cujus memoriam excipient omnes anni consequentes. Interim pedibus advolutus tuis oro, obtestorque te, ut me patrocinio, cui me totum commendo, summo, & excelso digneris tuo, mihiq; Apostolicam benedictionem impartias.

APPROBATIONES

secundæ editione redditæ.

Prodit tandem in lucem volumen quantum, idemque ultimum Institutionum Canonicarum Joannis Devoti Episcopi Ananiensis multo auctius, atque emmendatius. Innumeræ profecto in dies exeunt Juris Ecclesiastici Institutiones, nec deerit fortasse qui supervacaneum à viro clarissimo laborem in hisce libris conscribendis, nedum poliendis, fuisse susceptum putet: at si innumera illa volumina excutias, ex iisque secernas, vel imperitorum hominum ineptias, vel plena veneno, fallaciisque delitescentium Ecclesie hostium deliramenta, ~~vix~~ aliqua invenies, ex quibus nonnullam rei canonice notitiam sine periculo haurire fas sit. Gratiae itaque maximæ præstantissimo Præsuli habendæ sunt, qui quatuor hisce voluminibus ea cumulatissime præstitit adolescentibus adjumenta, quibus in Ecclesiastici Juris penetralia deduci tutissime, expediteque possint. Quod ad me attinet, expendi diligenter novissima celebratissimi operis additamenta; eaque mihi, si quidquam in istis rebus intelligo, digna plane auctore suo, studiosæque juventuti perutilia visa sunt, ideoque quamcitus evulganda.

Dabam Romæ IV. Nonas Januarias anni MDCCXCVI.

*D. Coppola Proton. Apostolicus, & S. Rit. C.
Secretarius.*

Judicio, quod secundo, ac tertio de opere Canonicarum Institutionum Cl. V. Joannis Devoti Episcopi Ananiensis tulli nunc quarto confirmo: præclarum illud, egregiumque ita esse, ut si eorum venia, quorum potestas est, denuo auctore ab ipso emendatum vulgetur typis, & rerum Ecclesiasticarum studiosis utile, & tenebrosis hisce temporibus futurum quam maxime opportunum existimem.

Dabam Romæ ex Collegio Germanico 11. Nonas Januarias 1794.

J. Castillioneus Proton. Apost. Pœnit. Litterarum Corrector, Congr. Immunit. Ecclesiast. & Indicis Consult. atque Boni Regiminis à Secretis.

Superiori anno tertius prodit è typis Institutionum Canonicarum Reverendissimi Episcopi Ananiensis liber de civilibus judiciis. Quartum de judiciis criminalibus, si per eos, ad quos pertinet, potestas fiat, quantotius ewulgari, nihil est, quod prohibeat; & quarto hoc volumine aureum institutionum opus absolutum est. Id igitur unum nunc optandum restat, ut Cl. Vir majus illud opus, quo fusius res canonica universa, & uberius illustranda est, patiatur exire in lucem; quod si fecerit, & is fidem suam, quam jamdiu obstrinxit, liberabit; & nihil nobis erit amplius, quod in hoc studiorum genere desideremus.

Romæ ex Aedibus Magnæ Curiae Inocentianæ Kalendis Februarii MDCCXCIV.

*N. Riganti Majoris Præsidentiae Abbr.
& AC. in Civilibus Locumtenens.*

Antequam dicant boni filii: concupiscentiam habemus dissolvi, & esse cum Christo: multi prius, tanquam mali servi, & quodammodo improbi fugitivi, ad Dominum suum temporalium flagellorum verbera revocantur. *S. AUGUSTINUS Ep. 185. ad Bonifacium c. 6. opp. t. 2. col. 652. ed. Maurin. Venet. 1729.*

Si vult hæreticus non esse, neque audire, non isti, aut illi satisfacit.... Festinet pro omnibus Sedi Romanæ satisfacere; hac enim satisfacta communiter obtemperantes omnes primum, & orthodoxum prædicabunt. *S. MAXIMUS MARTYR Ep. ad Petrum Illustr. opp. t. 2. pag. 76. edit. Combesis. Paris 1675.*

TITULUS I.

De Ecclesiæ in coercendis criminibus potestate.

- | | |
|--|---|
| <p>I. Pœnarum finis, & earum infligendarum potestas.</p> <p>II. Ecclesiæ pœnas irrogat in foro interiori, & exteriori.</p> <p>III. Pœnarum infligendarum potestatem Ecclesiæ à Christo accepit, eaque Apostoli usi sunt.</p> <p>IV. Episcopi, etiam ethnicis dominantibus, hanc potestatem exercuerunt.</p> <p>V. Data Ecclesiæ pace, ejus potestas etiam Imperatorum legibus confirmata est.</p> <p>VI. Ecclesiæ quomodo in Clericos, & quomodo in laicos animadvertat?</p> | <p>VII. Civilium, & Ecclesiasticarum pœnarum finis, & ratio.</p> <p>VIII. Ecclesiæ pœnæ spirituales, & temporales.</p> <p>IX. Jūdicia criminalia Ecclesiæ in Clericos, & in Laicos.</p> <p>X. Quomodo Clerici ab Ecclesiā puniantur?</p> <p>XI. Quomodo Clerici ab Ecclesiā laicæ Potestatis coercionem subiciantur?</p> <p>XII. Partes ecclesiasticæ, & civilis potestatis.</p> <p>XIII. Potestas Ecclesiæ in personas clericorum.</p> |
|--|---|

§. I.

Malos male habendos, & eum, qui malum fecit, malum ferre debere, non solum civilis, sed etiam divini, ac naturalis juris docet auctoritas. Nam hoc modo, & ceteri à crimine deterrentur, & civium incolumitati consulitur, & damnum, atque injuriam, quam quis suo scelere naturæ intulit, religioni, reipublicæ, quantum fieri potest, ipse emendat, & corrigit. Quare crimina sequuntur pœnæ, quibus improbi coercentur, salusque, & tranquillitas reipublicæ conservatur, easque infligit, cui publicæ salutis, & tranquillitatis cura, ac summa potestas commissa est. Non enim par in parem habet imperium, & jurisdictionem, per quam prenam irroget; ac si lædens a læso punitur, non pœna hæc est, sed vindicta, si à tertio, non pœna, sed alia læsio, & injuria est. Neutrum vero fieri sinunt leges, quibus civiles hominum societates gubernantur (1).

(1) Puffendorpius de Jur. nat. & gent. l. 8. c. 3. §. 4. n. 3., & Hei-

§. II. Utraque potestas civilis, & ecclesiastica propriam habet, atque ab altera distinctam rempublicam, utraque suum habet imperium, & jurisdictionem, subditos; ex quibus respublica efficitur, res, quæ ad eam pertinent, magistratus, quorum cura, administratione, auctoritate cuncta geruntur (1). Quare utraque punit maleficia; sed civili potestati unum est forum, idque exterius, ecclesiasticæ duplex, alterum interius, exterius alterum (2). Interioris fori potestatem Christus Ecclesiæ dedit his verbis (3): *quorum remiseritis peccata, remittuntur eis: quorum retinueritis, retenta sunt*; potestatem fori exterioris his verbis expressit (4): *si peccaverit in te frater tuus &c. dic Ecclesiæ, si autem Ecclesiam non audierit, sit tibi sicut ethnicus, & publicanus*. Quibus quidem verbi sacri interdicti, sive anathematis pœnam, qua nulla gravior in Ecclesia coercitio est, contineri Patres docent.

(1) Confer quæ dixi in *Prolegomenis c. 1. §. 6., et c. 2. t. 1. p. 6. et 16., et l. 3. tit. 1. t. 2. p. 2. et seq.*

(2) *Nihil dubitandum est*, inquit Synodus Cameracensis tit. 14 c. 1. apud Labbæum t. 20. *Conc. ed. Ven. col. 1411.*, "duplex esse forum ecclesiasticum à Christo nomine clavium nobis insinuatum; alterum sacramenti pœnitentiæ, quod ad conscientiam spectat, in quo reus non nisi ex propria confessione solvitur, & ligatur; alterum vero jurisdictionis, & regiminis externi, in quo reus non solum ex propria confessione, sed etiam per testes convincitur, & judicatur." Mitto cetera testimonia quæ superiori loco descripsi.

(3) Joannes XX. 23.

(4) Matth. XVIII. 15. et seq. Hoc etiam spectat illud Christi apud Lucam X. 16. *qui vos audit, me audit, qui vos spernit, me spernit*, quibus verbis jubendi, & coercendi potestas Apostolicis tribuitur, atque in ipsum Christum centi max pronuntiatur, qui illorum mandatis non obtemperaverit. Pertinet etiam ad hunc locum potestas pascendi, hoc est regendi, ut ostendit in *Prolegomenis c. 2. §. 18. not. 2. t. 1. p. 18.*, agnus, & oves, nimirum & pastores, & oves, ut observat S. Ambrosius l. 10. in *Lucam n. 175. & seq. opp. t. 4. 265. seq. ed. Vener. 1781*, & S. Bernardus de *Consider. l. 2. c. 8. opp. t. 1. col. 428. ed. Mabillonii Paris 1719.*, quem Christus contulit in Petrum, quem Ecclesiæ caput constituit, quemque omnibus dignitate, & jurisdictione præesse voluit.

Præclare Bossuetius in sermone, quem *de Veritate Ecclesiæ* V. Idus
 Novembris anno 1681. ad Collegas habuit, qui ad Comitia convenie-
 rant opp. t. 7. p. 473. ed. *Argentinae* 1752. "C'est à Pierre, inquit, qu'il
 »est ordonné... de paître, & de gouverner tout, & les brebis, & les pe-
 »nites, & les meres, & les pasteurs memes. Pasteur à l'égard des peu-
 »ples, & brebis à l'égard de Pierre." Par est ratio potestatis cla-
 vium, quæ primum uni Petro, cui omnes Christus subesse jussit, da-
 ta est, Matthæus XVI. 18. & 19., deinde & Petro, & ceteris Aposto-
 lis, Matthæus XVIII. 18. Nihilotamen minus Ecclesiæ in coercendis cri-
 minibus potestati adversantur recentiores Protestantes, qui cum Ecclesiam
 non veram, perfectamque rempublicam, sive, ut inquirunt, statum, sed
 Collegium esse defendant, ei licere negant in reos criminum pœnis ani-
 madvertere. Ex eorum numero Bohemerus *Jur. Eccles. Protest.* l. 5.
 tit. 37. §. 16., Plessius *de Orig. jur. eccles.* p. 205. Ecclesiam nul-
 lam propriam habere censent potestatem criminum constitutis pœnis coercendo-
 rum, quod si qua ei facultas est animadvertendi in illos, qui societatem
 perturbant, eam totam repetunt ex pacto vel expreso, vel tacito, quo quis
 in Collegium receptus est. Hinc si quid vitii in pœnarum *conventionum*
 irrogatione inesse videatur, rem omnem subijciendam esse putant judi-
 cio civilis potestatis, cui collegium subeat. Eadem est sententia Chry-
 stiani Thomasi in *Dissert. de For. compet. cler.*, Mosheimii, ceterorum Pro-
 testantium, qui Puffendorffii errorem sequuti Ecclesiam merum collegium
 faciunt; quem quidem errorem refutavi in *Prolegomenis* c. 1. §. 6. & seq.
 t. 1. p. 6. & seq., & ante me multo uberius, & luculentius refutavit doct-
 tissimus Mamachius *Ep. 2. ad Febrontum* §. 6. & 7. p. 207. & seq. t. 1.
 Protestantibus prævit vetusta, eaque deterrima secta Catharorum, seu
 Paritariorum, qui ipsa Apostolorum ætate omni non solum ecclesiasticæ,
 sed etiam civili potestati obsistebant. Horum errores, ut observat Pera-
 vicius *de Hierarch. eccles. in Pref. n. 3. p. 52. t. 6. ed. Ven. 1757.*, instau-
 rare visus est Salmasius, qui cum laicos omnes sacerdotes faciat, conse-
 quens est, ut nulla ab Episcopo pœna infligi possit, neque ejus juris-
 dictio in coercendis criminibus sita sit. Inquit enim, Episcopos initio non
 fuisse magistratus, neque eos habere potestatem, & jurisdictionem, qua
 imperant, & invitos, ac repugnantes ad parendum cogant. Catharos se-
 quuti sunt alii hæretici, in primis vero Marsilius Patavinus, & Joannes
 Jandunus, qui sine Principis venia Ecclesiam pœnis coercere neminem posse
 existimabant. Horum errores condemnavit Joannes XXII. in *Const. Li-
 cet juxta doctrinam* apud Raynaldum *ad an. 1327. n. 28. & seq. t. 24. An-
 nal. p. 347. ed. Luca.* Sed et tamen in medium revocatus est Spala-
 tensis Apostata de *Republ.* l. 5. c. 1. 2. 3. Joannes Morinus *de Admin. sâ-
 cram. part. l. 1. c. 10.* Ecclesiam usque ad XI. aut XII. sæculum tantum
 interioris fori judicio, & potestate crimina coercuisse putat, atque ad hoc
 tantum forum universa ipsius jurisdictionem referendam esse contendit.
 Cum Morino sentiunt Van Espenius *Jur. eccles. part. 3. t. 4. c. 1.*, Gian-
 nonius *Histor. civilis t. 1. l. 2. c. ult.*, Auctor libelli Ticini editi *an. 1783.*
 "Del diritto d'imporre gl'impedimenti dirimenti nel matrimonio, è di dis-

pensarne t. 2. p. 125." Cavallarius *Inst. Jur. can. par.* 3. c. 4. Verum non his omnibus eadem prorsus sententia est. Sunt enim qui sæculo XI., sunt qui serius, aut citius interius forum ab exteriori distingui coepisse arbitrantur; adeo incertum, controversumque est his magistris, & effectoribus epocharum, quod ipsis certam, atque exploratum esse deberet. Sed potestatem, quam habet Ecclesia, cogendi invitos, & repugnantes, late explicarunt, ac vindicarunt Gersonius *de Potest. Eccles. consid.* 4. t. 2. *opp. col.* 230. *ed. Antwerp.* 1706., Hervæus, Petrus de Aliasco, Joannes Major, qui omnes *de Potestate Ecclesie* tractatus ediderunt, item Almaynus *de Auctor. Eccles.* cap. 2. coroll. 3. & *de Potest. eccles.* & *laic.* q. 3. cap. 2. Alversus Salmasium solide, graviterque disputat Petavius *de Hierarch. Eccles.* l. 3. c. 8 & *seqq. opp. t.* 6. pag. 150. & *seq. ed. Ven.* 1757. Quæ Morinus falso statuit, quæque ejus exemplo litteris consignarunt Van-Espinius, Littræ, ceteri, refutata sunt l. 3. tit. 1. *fero per tot.* Denique, ne omnes singillatim enumerem, de Ecclesiæ potestate copiose egerunt Dadinus Altaserra *Eccles. jurisd. vind. advers. Fœret.*, Hallier *de Hierarch. Eccles.* l. 4. art. 7. §. 1. & *seq. p.* 419. *ed. Paris.* 1656., Franciscus à Victoria in *adhibitis relectionibus de Potest. Eccles.*, Zacharias Boverius *Alversus de Dominis censur. parenet. de Rep. Eccles. par. 2. cens. int. t. c. 2. p.* 127. & *seq. ed. Meliolan.* 1621. Et novissime Cl. Franciscus Antonius Zaccaria in dissertatione 3. *de Disciplina*, cui titulus "Comandi chi puo, ubbidisca chi dee" Faventiæ edita p. 152. *seq.* Videndus est etiam Petit-Piedas "Traité du droit, & des prerogatives des Ecclesiastiques dans l'administration de la justice seculiere." Quin saniores quædam Protestantes Ecclesiam in cœrendis criminibus potestatem habere non inficiuntur; atque eorum è numero sunt Basnagius *Annal. Eccles.* t. 2. *Dissert.* 4. *de Eccles. tribun.* §. 1. p. 491. *ed. Rotterdam* 1766., Beveregius *Prolegom. ad synod. seu Pandectas Canonum n.* 2. *seq. t.* 1. p. 1. *seq. ed. Oxonii* 1672.

§. III. Atque hanc quidem à Christo acceptam potestatem intelligendi pœnas tum in interiori, tum in exteriori foro Apostoli & verbis, & factis ostenderunt. Præsertim Paulus, cujus plura extant scripta, quam aliorum Apostolorum, in Paulum, atque Alexandrum (1), itemque in Corinthiim incestus in novercam reum animadvertit (2), quem postea, cum resipuisset, pœna solvit, atque ecclesiæ communioni restituit: *Virgam* minatur (3), negat se parciturum, si venire cogatur (4), acceptam à Christo *potestatem* ostendit, per quam *ulcisci* possit *omnem inobedientiam*, & se *durius* acturum profitetur adversus eos, qui sibi non obediunt (5). Ipse Paulus Episcopum docet, quemadmodum accipere debeat accusationes, quæ contra Presbyterum deferuntur (6).

- (1) *I. ad Timot. I. 20.*, & *II. ad Timot. IV. 15.*
 (2) *I. ad Corinth. I. 5. & seq.*, & *II. ad Corinth. II. 6. & seq.*
 (3) *I. ad Corinth. IV. 21.*
 (4) *II. ad Corinth. XIII. 2.*
 (5) *II. ad Corinth. X. 6. & seq. II. ad Thessalonic. III. 14.* Confer quæ dixi *l. 3. tit. 1. §. 10. & seq. t. 3. p. 11. & seq.*
 (6) *I. ad Timoth. V. 10.*

§. IV. Exemplo Apostolorum Episcopi eandem semper quoties opus fuit, potestatem exercuerunt. Quod non solum Constantino Imperatore, & quarto post Christum natum sæculo, quo tempore Christiana religio in Imperio dominari cœpit, sed etiam prioribus sæculis factum est. Nam eo temporis intervallo Victor Summus Pontifex in Theodorum Byzantinum Coriariū animadvertit, & coercuit Asianos, qui ipsa lūna XIV., Hebræorum more, pascha celebrabant. Similiter à Presbyteratus gradu dejectus, ac cenurarum pœnis affectus est Marcio; Paulus Samosatenus de Episcopatu dimotus, atque ab Ecclesia ejectus: sumpta pœna de Novato, & Felicissimo, de Basilide Asturicensi, & Martiale Emeritensi, de Origine, de ceteris, qui in religionem peccaverant. Atque hi quidem omnes non pœnas sua sponte susceperunt, sed eas Ecclesie lege, & imperio sustinere coacti sunt (1).

(1) Quam ægre tulerit depositionis sententiā Marcio, & quantum laborarit; ut gradum suum recuperare posset, narrat S. Epiphanius *Hæres. 22. vel. 42. n. 1. p. 302. t. 1. ed. Colonie 1682.* Paulus Samosatenus tam audacter, & pertinaciter restitit sententiæ depositionis, quæ adversus eum lata fuerat, ut Christiani Aristates negarent ipsam Aurelianum Imperatorem, qui eum ex domo Episcopali per vim expelleret. Imperator autem licet ethæicus, sententiā tulit, qualem Christianus Imperator ferre potuisset; nam legem dixit, ut donu traderetur illis, quibus illam Christianæ Religionis Antistes, & Romanus Episcopus con edendam indicrent; quæ cuncta constant ex Eusebio *Hist. eccles. l. 7. c. 30. p. 364. ed. Valesii Cantabrig. 1720.* Theodoret. *Hæret. fabul. l. 2. c. 8. p. 223. t. 4. opp. ed. Paris. 1610.* Similiter quæ ægre Novatus, & Felicissinus, itemque Basilides Asturicensis, & Martiale Emeritensis, contra se latam sententiā tulerint, quantum eumque laborarit, ut ejus vim declinare possent, ostendit S. Cornelius *Ep. ad S. Cyprianum*, quæ inter Cyprianus epistolæ est 50., & Cyprianus *Ep. ad Cornel. & ep. 59. p. 236, 237. & 265. ed. Amstelædami 1700.* Origines autem de se ipso de-

monstrat, quam agro, & invito animo Demetrii Episcopi sententiæ parere debuerit in *Præfat. t. 6. Joan. t. 4. opp. p. 101. ad Paris. 1759.*, quæ de re vide etiam *Constantium in Ep. Roman. Pontif. col. 115. & seq.*, Confer præterea eundem Cyprianum ep. 3. *ad Rogation. p. 172.*, & ep. 43. *ad Plæbem p. 227.* unde intelligis, quemadmodum Episcopi punire sotes possint. Mitto cetera, ne longus sim.

§. V. Data Christianis, pace, non solum suo jure, sed etiam legibus Imperatorum (1), Ecclesia de criminibus judicavit. Atque hæc quidem judicia non tantum erant de criminibus in religionem (2), sed & omnes comprehendebant causas, in quibus Clerici aliquo in rempublicam criminæ arguebantur (3). Potestatem illam cognoscendi puniendæque crimina in religionem à Christo nominatim accepit Ecclesia, in quam ipse contulit clavium potestatem, & cujus unius esse voluit curare omnia, quæ ad res sacras, aut divinas pertinent. Quare quisquis inter Ecclesiæ filios per Baptismum cooptatus in ea peccat, quæ unius Ecclesiæ gubernio, curæ, judicio commissa sunt, is omnino illius potestatem, & animadversionem subire debet, ac si ejus decreto non steterit, Christi jussu, tamquam ethnicus, & publicanus habendus est (4): nimirum ei sacris est interdicens, & communione Christianorum.

(1) Vide Constantini constitutionem *Extravag. cod. Theod. de episc. judic. de qua late egi l. 3. t. 1. §. 22. not. 4. t. 3. p. 29. & seq.*, Item *L. 12. 41. 47. cod. Theod. episc. Eccles. & Cleric.* Justiniani Novellam 83., Capitularia Caroli M. l. 5. cap. 398. & 390. l. 7. C. 347. & 436. t. 1. col. 604. 606. 735. 750. ed. *Baluizii Ven. 1772.*, & alibi passim.

(2) De rebus, quæ ad religionem pertinent, omne judicium unius Ecclesiæ esse, nulla est, & nulla unquam fuit inter catholicos controversia. Nam tota hæc potestas, & gubernatio uni Ecclesiæ à Christo data nominatim est; & hæc spectant Concilia quavis ætate habita ad fidem, ac disciplinam stabiliendam, hæreticosque condemnandos, huc similiter constitutiones, quas Romani Pontifices, quoties opus fuit, ediderunt. Confer doctissimum Mamachium *ad Auctorem op. Quid est Papa?* ep. 3. t. 1. p. 237. *seq.* & confer etiam quæ ipse scripsi l. 3. tit. 1. §. 8. tom. 3. p. 55. & seq.

(3) Auctor *constit. Apostolic. l. 2. c. 47.*, Canon Apostolorum 66. apud Cotelerium *PP. Apostolic. tit. 1. par. 257. & 451. ed. Amstelædam. 1724.*, Concilium Eliberitanum *can. 74.*, ibique *Albaspinaeus in Not. p. 184. ed. Neap. 1770.*, Antiochenum *can. 12. 14. 15.* apud

Labbæum concil. t. 2. col. 595. ed. Ven. Carthaginense III. can. 9., & Carthaginense III. can. 2. col. t. 2. col. 1421. & 1454. Toletanum III. can. 13. t. 6. col. 700, Matisconense an. 580. can. 8. & 32. t. 6. col. 662. & seq. ejusd. collect. Labbæi. Confer etiam Optatum Milevitanum l. 1. contr. Parmenian. n. 22. & 23. p. 22. 23. ed. Antwerp. 1702., Rufinum Histor. l. 10. sect. 1. C. 2. col. 217. ed. Vallarsii Veron. 1745., qui refert ea de re præclaram Constantinî Imperatoris sententiam; Luciferum Cillari-tanam l. 1. pro S. Athanas. adv. Constantium in Biblioth. PP. t. 4. p. 184. lit. G. ed. Lugdun. 1677. Constantinum Imp. ep. ad Pop. Alexandr. apud Athanasium Apol. 2. contr. Arian. n. 62. opp. t. 1. p. 142. ed. Patavii 1777. Ambrosium in Act. conc. Aquilejen. opp. Ambros. t. 5. p. 511. ed. Ven. 1781., & ep. 21. ad Valentinian., ep. 56. ad Theophil. t. 6. p. 52. & p. 184., Martinum apud Sulpitium Histor. l. 2. C. 50. t. 2. p. 263. ed. Veron. 1754. Gregorium M. ep. 56. ad Joannem ep. l. 2. opp. t. 2. c. 667. ed. Paris 1705., & in can. 39. & 40. caus. 11. q. 1., Hilariu ad Constant. l. 1. n. 1. col. 535. t. 2. opp. ed. Veron. 1730. Athanasium in Hist. Arian. ad Mon. n. 52. opp. t. 1. p. 297. ed. Patav. 1777., Osium ad Imper. Constant. apud Athanasium Histor. Arian. ad Monach. t. 1. p. 293. ed. Patav. cit. Libellum ep. ad Euseb. apud Constantium epist. Pent. Roman. col. 431., et in Dialog. cum Constantio apud eundem, n. 1. col. 434., Ipsi etiam Ariani Principes hanc Ecclesiæ jurisdictionem in causis civilibus & criminalibus agnoverunt. Nam Theodoricus Gothorum Rex calumniatores Augustani Episcopi, quoniam erant clerici, ad Mediolanensem Episcopum judicandos misit, apud Cassiodorum l. 1. t. 1. ep. 9. p. 7. ed. Rotomagi 1679. Romanosque clericos actione tum civili tum criminali apud Romanum Pontificem, vel judicem ab eo datum pulsari voluit Athalaricus apud eundem Cassiodorum l. 8. t. 1. ep. 24. p. 136. ed. cit. Quod si aliquando clerici apud laicos judices propter crimen accusati sunt, id quidem injuria, ac per vim factum est; qui etiam interdum clerici à laica potestate auxilium petierunt, non ut ipsa judicium ferret, sed ut alienam temeritatem vi adhibita coecederet, atque ut repug-nantes ad parendum Ecclesiæ sententiis cogeret. Constantinus Imperator exilio mulcavit S. Athanasium propterea quod eum ecclesiastico judicio damnatum putavit, cui se parere oportere intellexit, sicuti testatur Sozomenus Histor. Eccles. l. 2. c. 20. p. 84. ed. Valesii Cinti-brig. 1720. Verum ipse ecclesiastico judio habito Antiochiæ, Romæ, Sardiciæ absolutus fuit, quod ipse Athanasius Apolog. contr. Arian. in-2 princ. opp. t. 1. p. 97. et 98. ed. Patavii cit. satis esse docet, ut omnis controversia plane finita habeatur. Crimen autem Athanasio objectum non ecclesiasticum, sed læsæ majestatis erat, in quod præ ceteris Imperator animadvertendum putarat. Non esse longus in recensendis exem-plis, quorum ecclesiasticæ historiæ plenæ sunt. Tantum indicabo judi-cium, quod sanctissimi Episcopi dederunt de Itacio, qui accusatus fuit adversus Priscilianum, & Instantium ad licum Principem detulerunt. Porro eum gravissime imprecabarunt S. Martinus Turonensis qui cum eo, ejusque sociis numquam communicare voluit, ut testatur Severus Sulpi-

cuius l. 2. n. 57. t. 2. p. 263. et *Dial.* 3. n. 12. t. 1. opp. p. 140. ed. *Véron.* 1754. Similiter Theognostus, alique sanctissimi Episcopi ea de causa ab ej. s. co. muni one divisi sunt, uti patet ex eodem *Sylpicio* t. 1. l. c. & Sancto Ambrosio *Ep.* 24. n. 12. opp. t. 6. p. 80. ed. *Maurin. Ven.* 1781., qui sese abstinuisse testatur à communione Episcoporum, cui cum Iaciniis communicabant; idem quoque judicium fuit S. Siricii Pontificis, uti patet ex Concilio Taurinensi *can.* 6. t. 2. col. 1386. *collect. Labbæi*; & vero Iacius, quod Priscilianum accusaverat, exul, & ecclesiasticæ communionis expers decessit, sicuti narrat S. Isidorus de *Vir. illustr.* c. 15. p. 781. ed. *Paris.* 1601.

(4) Matthæus XVIII. 15. & seq. Ceterum Ecclesiæ in coercendis criminibus tum interioris, tum exterioris fori potestatem testatissimam faciunt Patres universi, præter ceteros autem Auctor *Constr. Apostolic* l. 2. cap. 11. t. 1. 37. 42. 47. seq. apud Cotelierum PP. *Apostol.* t. 1. p. 220. 222. 230. 254. 257. ed. *Amstelædami* 1724., Cyprianus *ep.* 52 ad *Cornel.*, & *ep.* 3. ad *Rogatian.* p. 238. & 172. ed. *Amstelædami* 1700., Gregorius Thaumaturgus *ep. canon. can.* 5. 8. & 9. p. 49. & seq. ed. *Paris.* 1621., unde patet, alias de iis, qui sponte crimen essent confessi, & alias de iis, qui essent convicti, pœnas sumptas fuisse: Innocentius I. *ep.* 6. ad *Exuper. Tolosan.* n. 10. apud Constantium *ep. Roman. Pontif. col.* 794., qui pœnas constituit adversum adulterum, "cujus flagitium detegatur, qui probatione cessante, vindictæ rationem jubet conquiescere, qui conceptis verbis nominat uxores adulteras apud Sacerdotes delatas, hoc est accusatas." Omnia hæc, ut quisquis facite intelligit, non nisi ad exterioris fori judicium referri possunt. Idem quoque confirmant Augustinus *Serm.* 351. de *Pœnitent.* c. 3. opp. t. 5. col. 1359. ed. *Maurin. Ven.* 1731., Cæsarius Arelatensis in *Append. serm. Augustin. serm.* 289. De castitate n. 5. opp. t. 5. par. 2. col. 482. ed. cit. Joannes Chrysostomus *Hom.* 22 in 2. ad *Corinth.* opp. t. 10. p. 589. ed. *Montjauconis Paris.*, Theophylactus *Comment. in Ep.* 11. ad *Corint.* c. 10. v. 8. p. 40. ed. *Londini* 1636., Oecumenius *cod. loc.* t. 7. p. 719. ed. *Paris.* 1631. Id præstremo addam, criminalia judicia in foro exteriori a Judicibus eodem fere ritu, quem Lex Romana constituerat, expediri consuevisse. Generatim in omnibus judiciis ecclesiasticis, uti supra animadverti, cunctæ non adhibebantur solemnitates civilium judiciorum; sed sæpe etiam hæc solemnitates, saltem quæ præcipuæ erant, observatæ diligenter sunt. Id ex collatione Juris civilis cum ecclesiastica historia manifestum est. Jure civili accusatio instituitur libello, cujus formula extat in l. 3. ff. de *Accusat.*, quique actis inseritur. Accusatorium libellum Eusebius Doriæ Episcopus adversus Euthychem Presbyterum, & Archimandritam proponit, ut eum hæreseos accuset, eumque religi vult, & inferri monumentis actorum, sicuti patet ex Concilio Constantinopolitano S. Flavianii Patriarchæ *Act.* 1. & 2. t. 4. *concil. col.* 93c. & 935. *collect. Labbæi*. Quod etiam in Concilio Chalcedonensi *Act.* 3. *dict.* t. 4. col. 1267. adversus Dioscorum Theodorus præstat; quin & alia ecclesiastica judicia per libellum institutam demonstravi l. 3. tit. 5. §. 1. not. 4. p. 73. Jus

civile accusatoris inscriptionem, & subscriptionem postulat. Inscriptione accusator ostendit, se Titium ex gr. ex una, alterave lege reum deferre, eum nunc se reum demonstraturum profiteretur. *d. l. 3. & l. 2. col. de Exhib. reit.*, subscriptione vel ipse per se, vel per aliam, cum litteras nescit, declarat, suas se implevisse partes, seque obstringit reciproci poena, si falso ab se hominem accusatum pateat *cit. l. 2.* Eusebius *cit. act. 1. & 2. col. 931. 934. & 935.* paratum sese exhibet convincere Eutychem falso habere catholicum nomen, libellum sua manu subscribit, & *act. 5. & 7. col. 991. et 1010.* non obscure significat, vereri se, ne per fraudem Eutychem poenam talionis perlerat, quem metum Flavianus depellit. Ita in Chalcedonensi Concilio *act. 3. t. 4. col. 1267.* Paschasius S. Leonis Papæ Legatus de Theodoro Diacono Dioscori accusatore dicit hæc: "Si confidit probare ea, quæ ingerit, ... proprio ore confiteatur, si non vult regularem adversus se converteri sententiam." Ex Jure civili reo libellus est offerendus, ut rem omnem noscat, eique ad deliberandum temporis spatium conceditur *Novel. 53. c. 3.* Idem sum cum Eutyche factum est *act. 1. et 3., aliisque actionibus col. 935. 979. seq.* Jus Civile in judiciis notarios adhiberi, cunctaque in acta referri jacet. Utrumque in causa Eutychem Constantinopolitani Concilii Patres fecisse, constat ex *act. 2. et 3. col. 938. 974. 978. 979. 982.*, idque etiam in Chalcedonensi Concilio gestum est *act. 3. col. 1290. et 1294.* Quæ de interrogandis testibus à Jure civili sunt constituta, ea fere omnia in eadem synodo Flavianus observavit *act. 3. col. 978.* Jure civili reas per apparitorem ter in judicium vocatur, atque in eum etiam manus injiciantur, cum gravior est causa, quæ poenam postulet asperiores *arg. l. 1. ff. de per al. caus. appell. red. pos.* Dioscorum, Eutychem, atque alios semel, iterum, ac tertio vocatos constat ex actis Concilii Constantinopolitani S. Flaviani, Chalcedonensis, aliorumque complurium, ex quibus etiam patet, Episcopos per Episcopos saltem duos, clericum per clericos, laicum per laicos vocari consuevisse. Vide Christianum Lupum *Diss. in Conc. Ephes. cap. 3. et Append. ad Ephesin. latroc. act. 3. opp. l. 2. p. 9. et 213. ed. Ven. 1724.* Interdum, quod ecclesiasticæ lenitatis est proprium, quartam etiam citationem Synodi emitti voluerunt, & vero eandem in causa Nestorii emisit Synodus Ephesina *act. 1. t. 3. Concil. col. 1006 collect. cit.* Eusebius accusatum reum ad Concilium invitum duci postulat *act. 3. col. 986.*, quamquam eam vim adhiberi tunc Flavianus nolit. Jure Romano cum nuntius rei copiam habere nequit, decretum citationis denunciare in faciem debet; atque id revera cum Eutyche factum patet ex *act. 3. col. 983.* Secundum Jus civile regulariter in causa criminali frustra procurator constituitur *l. pen. §. ult. ff. de Publ. jud. l. 1. ff. an per alium.* Eutyches ad synodum vocatus Abrahamium, aliosque misit, qui suam agerent causam, ac pro se responderent; at S. Flavianus *act. 4. col. 992.* his Abrahamium verbis alloquitur: *quomodo, rogo te, et pariter, arturo accusato, pro eo alterum dicere?* Romanorum legis statutum erat, ut reus ab accusatore, & jadicie interrogaretur *l. 6. §. 1. ff. de Cust. reor.* Eutychem in Concilio Constantinopolitano Eusebius accusator, & Fla-

vianus Concilii Præses interrogant *act. 7. col. 1010. seq. Loqui nisi interrogato res i non licebat ex jure civili Romanorum*, uti tradit Ascanius Pedianus in *Verin.* 3. Theophilus, & Memas Presbyteri, qui Eutychem ad synodum vocaverant, instante Eusebio, ac jubente Flaviano, multa contra Eutychem resantur; interroganti a ten Flaviano, cur ea pridem in medium protulissent, respondent *act. 6. col. 1002. nunc interrogati capessum putavimus hoc dicere*. Antequam sententia feratur ex jure Romanorum proponitur terminus peremtorius, intra quem reus venire debet, si iudicium debet, eoq; e non veniente, sententia in contumacem emittitur. Sicut em Eutychi terminum proposuerunt Constantinopolitani Concilii Patres, eoq; elapsi, *privabitur omnino*, inquit *act. 5. col. 998, & presbyteri dignitate, & alienabitur præse monasterio*. Accusationem deserere ex jure civili crimen est, quod extra ordinem puniunt *l. 2. col. ad S. C. Torpil. S. Gregorius M. in can. 6. caus. 2. qu. 3. Pauli M. Diaconum*, quod ab Episcopi accusatione destiterat, criminis reum iudicat, quamquam ei peculiares ob causas, quas narrant Romani Correctores, veniam tribuat. Damnari absentem leges Romanorum vetant *l. 5. ff. de pæn., l. 1. ff. de Requir. vel abs., l. 6. cod. de Accusat.* Iudicium, quod a synodo Tyria contra S. Athanasium latum fuerat, multis quidem de causis irritum habitum est, sed ea præsertim de causa, quod contra absentem ius dictum fuerat, uti patet ex rescripto Julii I. nomine evulgatum, quod extat in Athanasii scriptis *t. 2. p. 603, ed. Patav. 1777.*, atque ex epistola synodica PP. Alexandrinorum *t. 2. Concil. col. 575. Collect. cit.* Contumaces etiam absentes recte damnari statutum est *l. 5. ff. de Panis, & l. 10. ff. de Public. judic.* Nestorium, qui ad Synodum vocatus non venerat, depositionis pœnæ ab Ephesinis Patribus subiectum fuisse, tradit S. Cyrillus Ep. ad Cler. et Pop. *Alexandr. in t. 1. Conc. col. 1102. cit. collect.* Similiter Dioscorus a Chalcedonensi Concilio *act. 3. t. 4. Concil. col. 1302.* absens damnatus est, postquam tertio inutiliter vocatus fuerat. Juris civilis disciplina ita fert, ut reo insinuetur sententia, qua cognita ipse appellare possit. Sententia in Ephesino Concilio adversus Nestorium lata insinuata ei est per litteras synodales, quarum epigraphæ hæc est: *Synodus Nestorio invito Judo.* Pœremo quæ a jure civili de probationibus ab actore, de exceptionibus a reo proponendis, de concedendis utrique idoneis dilationibus sunt constituta, ea fere omnia in ecclesiasticis quoque judiciis observata fuisse, ex Conciliorum actis manifestum est. Placuit conferre Jus civile cum ecclesiasticis judiciis, ut clarior sit error illorum, qui Ecclesiam exterius forum habuisse inficiantur.

§. VI. Potestas animadvertendi in crimina clericorum oritur ex imperio, & jurisdictione, quam Ecclesia, tamquam perfecta, ac distincta respublica in suos subditos habet. Nam cui summa potestas, & jurisdictio comissa est, cui jus est imperandi, legesque ferendi, ei quoque jus com-

petit puniendi sontes, qui legibus non obtemperant, statumque reipublicæ pervertunt (1). Omnes, qui baptismum susceperunt, proprie Ecclesiæ subditi sunt; sed tamen ita fert imperii, & sacerdoti concordia; ut laici tantum in rebus sacris, atque divinis, clerici autem in rebus omnibus Ecclesiæ subjiciantur; quoniam hi magistratus habent, & officia ecclesiastica, & proprie conficiunt ecclesiasticam rempublicam, sive administrationem, & potestatem, quam à civile distinguimus (2).

(1) Puffendorfius, & Heineccius *l. c.*

(2) Laicos aliquot jam usque ab antiquis temporibus clericis infestos fuisse, tradit Bonifacius VIII. in c. 3. de Immunit. Eccles. Eum reprehendit Cavallarius *Inst. Jur. Canon. par. 3. c. 25. §. 2. not. 2.*, quasi id minus vere dictum sit, quoniam ait initio magnam inter clericos, & laicos fuisse concordiam, ac tantum post editas Isidori decretales dissidia erupisse. Sed falso, & immerito Cavallarius Bonifacium accusat. Nolo longus esse in recensendis exemplis, quorum historiae plenæ sunt. Tantum indicabo, quod Hilarius Pictaviensis Episcopus narrat evenisse ætate sua, quæ in IV. sæculum incidit 1582 scilicet ad Constant. August. *l. 1. n. 1. opp. t. 2. p. 535. ed. Veron. 1730.* Constantium regit, ut suis quoque legibus personalem Clericorum immunitatem confirmet, "neque posthac laici", præsumant, atque usurpent, & putent se causas cognoscere clericorum, & innocentes homines variis afflictionibus, minis, violentia, terroribus frangere, atque vexare."

§. VII. Jamvero civilium, & ecclesiasticarum pœnarum non idem plane finis, neque eadem prorsus ratio est. Ecclesia, quam charitas exercet, duo tantum habet proposita, primum, ut peccator redeat ad bonam frugem, alterum, ut ceteri exemplo pœnæ à crimine deterreantur (1). Civilis potestas in irrogandis pœnis levi quoque dignitatem tuetur, & publicam ultionem persequitur. Ecclesiasticarum pœnarum summus est gradus eos, qui gravissime peccarunt, è republica expellere; civilis potestas progreditur etiam ad pœnas, per quas sanguis effunditur, aut sontes morte multantur.

(1) Præclare Augustinus *Epist. 185. ad Bonifac. n. 7. opp. t. 2. col. 653. ed. Ven. cit.* "Multi, inquit, per illas correcti sunt, & quotidie corriguntur; & se esse correctos, atque ab illa furiosa pernicie

„liberatos gratias agunt. Et qui oderant, diligunt, molestasque sibi suis-
 „se saluberrimas leges, quantum in insania detestabantur, tantum recep-
 „ta sanitate gratulantur, & in residuos, cum quibus fuerant perituri,
 „jam simili dilectione nobiscum, ut pariter instemus, ne illi perirent,
 „excitantur.” Deinde multis ostendit, utile prorsus esse homines pœ-
 „narum metu ad veritatem ducere, ac quasi compellere: “multis enim,
 „ait, profuit prius timore, vel dolore cogi, ut postea possent doceri,
 „aut quod jam verbis didicerant, opere sectari. Denique habet hæc: An-
 „tequam dicant boni filii; concupiscentiam habemus dissolvi, & esse
 „cum Christo; multi prius, tamquam mali servi, & quodammodo im-
 „probi fugitivi ad Dominum suum temporarium flagellorum verbera re-
 „vocantur.” Ad hæc postrema Augustini verba diligenter advertant vel-
 lim, qui Ecclesiam temporales infligendi pœnas potestatem habere in-
 ficiantur.

§. VIII. Et quoniam Ecclesiæ potestas duplex est, al-
 tera tota spiritualis à Christo separatim data, quæ tum in
 interiori, tum in exteriori foro exercetur, altera, quam ip-
 sa habet communem cum omni perfecta, ac distincta re-
 publica, & quæ temporalis dicitur; sequitur, ut duplex
 etiam sit genus pœnarum, quæ ab ipsa irrogantur. Aliæ
 scilicet spirituales sunt, quæ animum affligunt, & aliæ tem-
 porales, quæ corpus castigant. Spirituales pœnas infligendi
 jus est in omnes, qui per baptismum inter Ecclesiæ filios
 cooptati sunt, quique in religionem peccant; temporales
 quoque pœnas in omnes constituit Ecclesia, sed in laicos, &
 clericos ratione dispari.

§. IX. Laici, qui tamquam Christiani, Ecclesiæ, tam-
 quam civilis reipublicæ cives, hujus imperio parere debent,
 Ecclesiæ coercionem subsunt in iis criminibus, quorum ju-
 dicium ad Ecclesiam pertinet; in ceteris à civibus magis-
 tratibus judicandi sunt. In hos quoque utitur Ecclesia pœ-
 nis temporalibus, ut eam habeat, quam habere opus est,
 rationem criminum, & reus resipiscat, neque omnes in-
 discriminatim subiciantur pœnis spiritualibus, quæ gravis-
 simæ sunt. Clericorum crimina omnia coercent Ecclesia, si-
 ve ecclesiastica, sive civilia sint. Hæc quidem propter rem
 ipsam non secessant Ecclesiæ potestati; sed ei tamen sub-
 jecta sunt propter jus in personas, quarum crimina coer-
 cenda sunt à republica, in qua versantur, & cui subji-
 ciuntur.

§. X. At clerici civilis quoque reipublicæ cives habendi sunt, neque eos Ecclesia ita in rempublicam suam cooptavit, ut ipsi impune contemnerent, ac perverterent jura civitatis. Ergo Ecclesia curat, ut hæc jura sarta tecta servantur, pœnasque repetit à clerico, qui ea violare ausus est. In quibus sane pœnis suam quoque, cum est opus, partem, & potestatem civili reipublicæ relinquit. Scilicet quamdiu ipsa habet pœnas delicto pares, easdem ipsa imponit eo jure, quod omnis respublica habet in civēs suos, & clericum criminis plectit exilio (1), verberibus (2), multa pecuniaria (3), carceribus (4), ceterisque pœnis, quibus hoc agitur, ut peccator emendetur, ac ceteri exemplo pœnæ sese à crimine absteineat (5).

(1) *Hi, qui adversa eis molliuntur*, inquit Concilium Romanum sub Symmacho P. an. 503. apud Labbæum t. 5. concil. col. 504. "siculæ SS. PP. statutum est (quibus ex verbis constat tutam tunc fuisse eam disciplinam), & hodie Synodali, & Apostolica auctoritate firmatur, penitus abjiciantur, & exilio, suis omnibus sublatis, perpetuo tradantur." Ante hanc Romanam Synodum eandem exilii pœnam ab Ecclesiastico Magistratu irrogatam memorat Euzebius D. rilæi Episcopus in concilio Constantinopolitano sancti Flaviani act. 7. col. 1010 t. 4. ejusd. collect., & ejus quoque mentio est in Concilio Arenticensi IV. can. 29. t. 5. concil. col. 1369., & Toletano XII. can. 10. t. 7. col. 1443., itemque apud S. Gregorium M. ep. 71. lib. 11. ad virtutum Sultiacon. opp. t. 2. col. 1172. ed. Maurin. Paris. 1706., et in can. 23. dist. 63. in can. 9. c. 3. q. 4., et in can. 3. c. 3. q. 5.

(2) "Tantum scelerum", inquit S. Augustinus ep. 133. n. 2. ad Marcellin. Triben. opp. t. 2. col. 396. ed. Maurin. Ven. 1729. confessio- nem... virgarum verberibus erodisti, qui modis excruciationis, & à magistris liberalium artium, & ab ipsis parentibus, & sæpe etiam in judiciis solet ab Episcopis adhiberi." De S. Cæsario Arelatensi narrat Cyprianus ejus discipulus in ejus vita apud Surium ad diem 27. August. t. 4 p. 97. ed. Colonia Agrippinae 1583. eum diligenter observasse: "ut nemo ex illis, qui ipsi parabant, si pro sua culpa flagellandi essent, amplius triginta novem ictibus ferirentur, ita tamen ut si quis in gravi culpa esset deprehensus, permitteret, ut post dies paucos vapularet iterum." Idem 10æ æ genus memorant etiam S. Gregorius M. l. 4. ep. 27. ad Januar. et l. 9. ep. 65. ad eund. opp. t. 2. col. 707. et 982. ed. cit. et l. 11. ep. 71. ad Anthem. Sultiacon. col. 1177. Cassianus l. 4. Instit. c. 16. p. 58. ed. Francof. 1622., Palladius Histor. Lausiac. c. 6. p. 90. in Bill. PP. Græco-Lat. t. 2. ed. Ducæi Paris 1624. Concilium Agathense can. 38. & 41. apud Labbæum t. 5. concil. col. 527. &

528. Narbonense sub Reccaredo *can.* 13. t. 6. col. 728., Epaonense *can.* 13. t. 5. col. 713., Matisconense I. *can.* 8. t. 6. col. 660.

(3) Multas pecuniarias ab Ecclesia constitutas fuisse, ostendit concilium Carthaginense V. *an.* 399. *vol.* 400. *can.* 2. apud Labbeum t. 2. *concl.* col. 1454 & S. Gregorius M. *ep.* 26. l. 4. *ad Januar.* t. 2. col. 724. *ed. cit.* Eadem quoque multa paganos Calamenses pecten los censabat Augustinus *ep.* 104. *opp.* t. 2. col. 379. *ed. Maurin Ven.* 1759.

(4) De Ecclesiae decanicis, sive carceribusegi l. 3. tit. 1. §. 21. not. t. p. 23. Carceris autem loco sæpe clericus in monasterium detrahebatur. Si *Episcopus*, inquit Concilium Agithense, (salis autem Epaonense) *can.* 50. apud Labbeum t. 5. *Conc.* col. 529. "Presbyter, vel Diaconus capitale crimine commiserit, aut chartam falsaverit, aut testimonium falsum dixerit, ab officii honore depositus in monasterium retrahatur, & ibi, quamdiu vixerit, laicam communionem accipiat." Confer etiam Concilium Matisconense I. c. 5. apud Labbeum t. 6. col. 659., Hispalense *can.* 3. *ed. loc.* t. 6. col. 1314., & Epaonense *can.* 22. t. 5. col. 714. S. Gregorius M., *ep.* 4. l. 10. *ad Sabin.* *Sublizon.* t. 2. col. 1044. "eum in districtam custodiam redigi jubet; & ideo, inquit, quia tanti facinoris iniquitas districta, atque subtili investigatione quærenda, atque plectenda est, hac tibi auctoritate præcipimus, ut vigilantistudio, & diligentissimo cura perquiras, & si quæ indicia apprehendere hujus rei potueris, eum in custodiam districtam, quousque nobis renunties, redigas, ut qualiter immanissimum facinus disenti debeat, ac puniri, deliberare possimas."

(5) Quid sibi velit Ecclesia in corporalibus infligendis poenis, egregie, præter ceteros explicat S. Gregorius M. *ep.* 27. l. 4. *ad Januar.* t. 2. col. 707. "Paulum vero clericum, inquit, qui sæpe dicitur in maleficiis deprehensus, qui despecto habitu suo ad laicam reversus vitam in Africam fugerat, si ita est, corporali prius proveniente vindicta, providimus in poenitentiam dari, quatenus, & secundum Apostolicam sententiam, ex carnis afflictione spiritus salvus fiat." Quo loco Gregorius memorat & corporalem vindictam & poenitentiam, quam utramque distinguit, & utramque a lversis criminum illi non cleri non constitui jubet. Ad corporales poenas referendæ sunt etiam publicæ ænitentiæ, non ab initio Ecclesie institutæ ut constat ex Tertulliano *Apolog.* c. 39. & l. de *Patent.* c. 5. & l. de *Pœnit.* c. 9. p. 31. 558. 127. *ed. Paris.* 1675. & S. Irenæus *Contr. hæres.* l. 1. c. 13. n. 5. & 6. p. 63. & 65. t. 1. *opp. ed. Venet.* 1724., lateque ostendunt Massæus in Irenæo *Diss.* 7. art. 7. n. 74 & 75. p. 126. *seq.* t. 2. *opp. Irenæo.*, & Albinus in *Orig.* l. 2. *Orig.* 22. p. 113. *ed. Neap.* 1772. quam primum feri esse constitutæ, deantur enemaes illæ Stationes, de quibus disserui l. 2. tit. 2. sect. 4. §. 7. p. 110. *seq.* Nam poenitentes clerici operiebantur, sibi crines tondebant, jejuniis corporis cruciabant; fluxis genibus stabant, sese a balneo, convivio, matrum usu abstinebant, aliisque subiciebantur poenis, quas nemo inflictabatur fuisse, poenas, quæ corpus castigabant. He quidem omnes eo spectabant, ut criminosis emendaretur, atque ad bonam frugem rediret; sed hoc item omnium ecclesiasticarum poenarum finis est. Atque in his quidem poenis, ut

inquit Augustinus *ep. 185. ad Bonif. c. 6. opp. t. 2. col. 652. ed. Venet. 1730.* "cur non cogeret Ecclesia perditos filios, ut redirent, ei perditii filii coegerunt alios, ut perirent?" Porro si Ecclesia semper constituit pœnas, quæ corpus castigarent, manifestum est, ei jus esse corporales pœnas infligendi. Si eas ipsa constituit tum in interiori, tum in exteriori foro, dubitari non potest, quin ejus potestas exterius quoque forum attingat. Denique si eadem Ecclesia his pœnis animadvertit, etiam ethnicis dominantibus, cum scilicet à laico Principe nulla hujusmodi facultas concedi potuit, facile intelligitur, eam suo jure hanc potestatem, non cujusquam beneficio, ac privilegio obtinuisse. Certe quod à Petro gestum est àversus Ananiam, & Saphiram, à Paulo adversus Elimam magum, & adversus blasphemum, est quidem contra ordinem factum, sed tamen ostendit Ecclesiæ potestatem corporales quoque pœnas infligendi. Apposite Auctor incertus, sed antiquus sub nomine Augustini *in l. Contr. Fulgent. Donatist. c. 23. t. 9. col. 11. in Append. opp. S. Aug. ed. Venet. 1733.* "Non enim, inquit, malos per-equi peccatum est; nam & sanctos, & sanctum sanctorum Dominum malos legimus persecutos. Dones namque persecutionem Domini non ferentes clamabant: quis nobis, & tibi, fili Dei, venisti perdere nos? Et Paulus Elimam magum ultus est cecitate, & blasphemum hominem tradidit Satanæ, & Petrus Ananiam, & Saphiram ejus uxorem men laces occidit, & Simonem magum tamdiu persecutus est, donec morte perimeret. Sed & David in persona Christi clamat, & dicit: persequar inimicos meos, & comprehendam illos, & non convertar, donec deficiant. Affligam illos, nec poterunt stare."

§. XI. Sed cum criminis magnitudo pœnas postulat asperiores, quæ modum superant ecclesiasticæ coercitionis, Ecclesia non illud suscipit rei patrociniū, quod in civilis reipublicæ detrimentum redundaret. Quare clericum flagitiosum de gradu dimovet, atque ab se ejicit, & subdit civili potestati, quæ de eo pœnas sumit, quas aptas, & idoneas judicat. Verum non pro quovis crimine clericus de gradu dimovendus, atque ex ecclesiastica republica expellendus est. Non enim omnia crimina paria sunt, & iniquum atque absurdum esset parem levioribus, & parem item immanioribus criminibus pœnam constituere. Si ejectio clerici à republica ecclesiastica pœna est gravissima omnium, quas Ecclesia adhibet, ac tantum atrocioribus criminibus reservata, non eadem certe pœna plectendus est clericus, qui levius deliquit. Quare is quidem afficiendus est pœna; sed cum crimen tam grave non sit, ut pœna perducenda videatur ad summum gradum, qui ei jus cri-

pit civis reipublicæ ecclesiasticæ, puniendus est à republica, ad quam pertinent, & cujus imperio subicitur.

§. XII. Atque hæc semper fuit ecclesiasticæ, & civilis reipublicæ concordia; utraque suam semper habuit in coercendis criminibus potestatem, neque unquam altera alteram perturbavit, aut fecit, quod crimen aliquod inultum impunitumque dimitteretur. Civilis respublica habet res, ac personas suas; & suas item res, ac personas habet respublica ecclesiastica, quæ sine illis vera, ac perfecta respublica haberi non posset. Laici omnes pertinent ad civilem rempublicam, clerici ad ecclesiasticam, quoniam hi sunt cives, ex quibus hæc duæ respublicæ efficiuntur. Civilis reipublicæ propria sunt omnia civilia negotia; quidquid res sacras, aut divinas respicit tantum ecclesiæ subest potestati.

§. XIII. Verum negotia, quæ sua indole, & natura propria essent civilis reipublicæ, sæpe fiunt subjecta reipublicæ ecclesiasticæ, quoniam ei subsunt personæ, quarum ea negotia sunt. Nemo enim alicujus negotium expedire cum imperio, & jurisdictione potest, nisi in personam habeat potestatem. Ita crimina, quæ propter naturam suam à civili republica noscenda, puniendaque essent, Ecclesiæ animadversioni subjiuntur, quia patrata sunt à clericis, qui ecclesiæ potestati, imperioque subsunt. At quod facit Ecclesia, ut propter jus in personas animadvertat etiam in crimina, quorum sua non esset coercitio, id civilis respublica efficere non potest, ut propter jus in personas laicorum judicet etiam de criminibus, quæ ab iis in sacra, divinaque admissa sunt. Nam harum rerum cognitio, & animadversio est supra jura meræ reipublicæ, earumque judicium, & potestas à Christo tam in Clericos, quam in laicos uni Ecclesiæ data est.

TITULUS II.

De delictis, & eorum divisione.

- I. Quid delictum, quid peccatum?
II. Peccatum unius Ecclesiæ potestati subjectum.
III. Delicta ecclesiastica.

- IV. Civilia.
V. Mixta.
VI. Cui mixtorum criminum judicium competat?

Criminalium judiciorum materia in delictis est posita. Est autem delictum, seu crimen (1) libera, & voluntaria actio, vel omisso contraria legibus, poenaeque coercenda. In omni delicto inest etiam peccatum, quod est quævis improba divini, aut humani juris violatio; quoniam Deus homines parere jussit non tantum legibus ab se, aut ab ecclesia latis, sed etiam legibus, quas civilis potestas constitueret, quæque divinis, aut ecclesiasticis mandatis non adversarentur. Contra non omnia peccata sunt item crimina, quia non omnia redundant in detrimentam societatis, ideoque divinæ ultioni reservantur, neque humanis legibus coercentur (2).

(1) Romani Jurisconsulti privata delicta à publicis criminibus distinguebant; horum accusationes cuivis è populo à lege commitebantur; illa autem non nisi privatis partium querelis in judicium deferbantur. Sed jam ab omnibus utrumque vocabulum promiscue usurpatur. Alia quibus item delicta appellantur nomina, describit Renazzius *Inst. crim. l. 1. c. 1. §. 4.*

(2) S. Augustinus in *Can. 1. dist. 81.* peccatum à crimine ita distinguit exponens illud Apostoli, oportet Episcopum ordinandum sine crimine esse: "Non ait enim Apostolus, *inquit*, si quis sine peccato est; hoc enim si diceret, omnis homo reprobaretur, nullus ordinaretur. Sed ait: *»*si quis sine crimine est, sicut est homicidium, adulterium, aliqua immunditia fornicationis, furum, fraus, sacrilegium, & cetera hujusmodi. *»*Crimen est peccatum grave accusatione, & damnatione dignissimum. *»*et S. Thomas lect. 2. comm. in Ep. ad Titum: Aliud *inquit*, est crimen, & aliud est peccatum. Peccatum dicitur quodcumque sive magnum, sive parvum, sive occultum. Crimen autem magnum, & infame.

§. II. Quidquid in crimine peccatum est, cujusvis illud naturæ sit, unius Ecclesiæ potestati subjicitur, quoniam ei tantum Christus retinendi, ac remittendi peccata facultatem attribuit. Quare crimina, quorum coercitio pertinet ad civilem rempublicam, subsunt Ecclesiæ judicio propter peccatum; & hoc quidem judicium exercet Ecclesia in foro pœnitentiæ, in quo pœnæ sacerdotis arbitrio imponuntur. Quia etiam publica peccata publicis quoque afficiuntur ab Ecclesia pœnis, ut ita publicæ offensioni satisfiat (1). Multa tamen scelera sunt, in quibus Ecclesia tam de crimine, quam de peccato judicat, & in quæ tum exterioris, tum interioris fori potestatem exercet.

(1) Concilium Tridentinum *Ses. 24 de Reform. c. 28.*

§. III. Nam crimina vel mere ecclesiastica, vel civilia, vel mixta dicuntur. Ecclesiastica sunt, quæ directe contra fidem, & religionem, resque omnes divinas, & sacras admittuntur. Hujusmodi sunt apostasia, hæresis, schisma, simonia, profanatio sacramentorum, fractio sigilli sacramentalis, omisso paschalis communionis, aliaque præterea, si quæ sunt generis ejusdem. Omnia hæc crimina subsunt Ecclesiæ coercionem, sive à clericis, sive à laicis patrata fuerint.

§ IV. Civilia sunt, quæ directe lædunt civilem rempublicam, neque aliquid habent spirituale, præter criminis in foro interno absolutionem, & poenitentiam, qualia sunt homicidium, furtum, rapina, falsum, calumnia, cetera similia. Horum facinorum coercitio pertinet ad civilem rempublicam, eaque tantum cum à clericis admissa sunt, propter jus, quod ecclesia habet in personas, ad ecclesiasticum forum deferuntur. Nos de his criminibus non agemus, quoniam eorum tractatio propria est eorum, qui jus civilis reipublicæ persequuntur.

§. V. Mixta demum crimina sunt, quæ simul & religionem lædunt, & civili reipublicæ damnum, atque injuriam inferunt. Huc spectant sacrilegium, perjurium, blasphemia non hæreticalis, sortilegium, delicta venerea, crimen usurarum, similia. Obnoxia sunt hæc crimina tum Ecclesiæ, tum civilis reipublicæ coercionem, quoniam jura utriusque violant, & utraque in his criminibus partem suam curare, & tueri debet. Quare Ecclesia poenas sumit de iis, quæ ad religionem, civilis Respublica de is quæ ad læsam hominum societatem pertinet. Ita sane hæc crimina mixta dicenda sunt, quia subsunt utriusque animadversioni; non quod sine discrimine ad alterutrum forum deferri possint, ab eoque noscantur, cui primum res omnis commissa fuit. Nam si tantum alterutra potestas in hæc crimina inquireret, jus alienum invaderet, eaque cognosceret, quæ suæ potestati, & imperio subjecta non sunt.

§. VI. Sed alicubi in hæc crimina animadversio committitur mixtis tribunalibus, quæ scilicet ex Magistratibus ecclesiasticis, laicisque constat; alicubi mos est, ut mix-

tas has causas definiat unus iudex, sive ille laicus, sive ecclesiasticus sit, qui scilicet prior negotium occupavit. Verum id factum fuit tacito, aut expresso convento, & cum legitima auctoritate; ne qua rerum confusio oriretur, si reus unius criminis duplex iudicium, & duplicem poenam perferre cogeretur. Ecclesiā igitur sibi uni reservavit interioris fori iudicium, potestatem autem fori exterioris etiam civili reipublicæ permissit, si ipsa primum de his criminibus iudicium institueret.

TITULUS III.

De Apostasia.

- | | |
|---|---|
| I. Apostasia quid? | cederent? |
| II. & III. Ex Apostatis alii ad Judæos, alii ad Ethnicos transibant. Illorum triplex genus. | VIII. Apostatarum poenæ. |
| IV. Ex illis, qui ad-Ethnicos abibant, alii Turificati, alii Sacrificati, alii Libellatici. | IX. Regulares deserentes institutum suum Apostatæ; & poenæ in eos constitutæ. |
| V. & VI. Libellaticorum multæ species. | X. Episcopi officium in Apostatas Regulares. |
| VII. Qui proxime ad Apostatas accederent? | XI. Clerici quomodo Apostatæ fiant, & quibus poenis subjiciantur? |

§. I.

Apostasia græcum est nomen, quod latine significat defectionem, & apostatæ sunt, qui penitus à christiana religione per baptismum suscepta defecerunt. Ut vero quis apostata habeatur, sufficit, quod Christianam religionem deseruerit, quamquam ad aliam non transierit. Nam & ii, qui abjecta christiana religione athei facti sunt; apostate habentur, quamquam nulla ipsis religio sit, quam sequantur. Latiore sensu inter apostatas recensebantur etiam Catechumeni, qui catechesim deserentes ad Deorum templa transibant (1), quamquam baptizatorum apostasia deterior, quam catechumenorum haberetur. Certe ii, quos manuum impositione, certisque precibus inter catechumenos Ecclesia retulerat, generale Christianorum nomen obtinebant (2), & in multis quidem rebus tamquam christiani censebantur.

(1) *L. 2. Cod. Theod. de Apostas.*

(2) Confer *Canonem* 39. Concilii Eliberitani, *can.* 7. Concilii Constantinopolitani I., & *can.* 95. Concilii Trullani, quorum omnium feci mentionem *lib.* 2, *tit.* 2. *sect.* 1. §. 30. *not.* 2. *p.* 48.

§. II. Prioribus Ecclesiæ sæculis, ex apostatis alii erant, qui Judæorum, & alii, qui ethnicorum sacra amplectebantur. Illorum triplex erat genus. Unum eorum, qui prorsus abjecta christiana religione ad Judaicam accedebant, & hi proprie apostatæ erant, ex quorum numero fuit Aquila, interpret Bibliorum, qui cum ab Ecclesia ejectus fuisset propter studium astrologiæ, ad Hebræos migravit, & novam Bibliorum versionem Christianis infensissimam evulgavit (1). Plures quoque hujusmodi erant ætate Barchochabæ, qui multos Christianos Christum ejurare, & maledictis insectari coegit (1).

(1) Epiphanius *de Pond. & mens.* n. 15. t. 2. p. 171. *ed.* Coloniae 1682.

(2) Justinus Mar. *Apolog.* 1. n. 31. p. 62. *ed.* Paris. 1742.

§. III. Alterum genus erat eorum, qui Christianam religionem non penitus abiciebant, sed cum ea Judaicam commiscebant, atque ita novam quamdam religionem efficiebant. Hujusmodi erant Cælicolæ, qui circumcisionem cum baptismo conjungebant, in quos gravissime civilibus quoque legibus animadvertitur (1). Alii denique erant, qui non prorsus ad Judaicam religionem transibant, neque aliquod ejus dogma amplectebantur, sed in remotioribus quibusdam ritibus, & consuetudinibus Judæis adhærebant, atque ita, horum more, in Sabbato iotabantur, cum iis cibum sumebant, vel jejunabant, eosque consulebant ad recipienda philacteria, & amuleta pro morbis depellendis (2), quam artem Judæi sese ex commentitiis quibusdam Salomonis accepisse ferebant.

(1) *L. 43. Cod. Theodos. de Heret.* Ad genus horum apostatarum spectant Cerinthiani, Ebionæi, Nazaræi, Ecclesæi, Samsæi, quos memorat Augustinus *de Heres.* c. 8, 9, 10, 32. *opp.* t. 8. *col.* 7. & 11. *ed.* Venet. 1733., similiter il, qui se Hypsistatios vocabant, de quibus agit Gre-

gorius Nazianzenus *Orat.* 19. in *Funer. patr.* n. 5. *opp. t. 1. p.* 289. *ed. Coloniae* 1690.

(2) Canon Apostolorum 62. ad 70. apud Cotelierum *PP. Apostolic.* t. 1. p. 451. *ed. Amstelædami* 1724. Concilium Laodicense *can.* 29. & 37. apud Labbæum t. 1. *Conc. col.* 1535. & 1538. Eliberitanum *can.* 49. & 50. t. 1. *col.* 998, Agathense *can.* 40. t. 5. *col.* 528., Veneticum *can.* 12. t. 5. *col.* 81., Epæonense *can.* 15. t. 5. *col.* 713. Mariscanense I. *can.* 15. t. 6. *col.* 66., Arvernense *can.* 6. t. 5. *col.* 950., Aurelianense III. *can.* 13. t. 5. *col.* 271. *ed. Ven.*, Chrysostomus *Orat.* 1. contra *Judeos* n. 1. *opp. t. 1. p.* 588., *Orat.* 3. In eos qui pascha jejun. per totum pag. 606. & *Orat.* 2. In eos qui cum *Judeis* jejun. p. 601. *ed. Montfauconii Paris.*

(3) Confer Josephum *Antiquit.* l. 8. c. 2. p. 419. *ed. Havercampi Amstelædam.* 1726., & Originem *Tract.* 17. in *Matth.* *opp. t. 3. p.* 767. *ed. Paris.* 1740.

§. IV. Ex illis, qui ad ethnicos abibant, alii sponte sua, & alii vi, ac pœnarum metu perterriti Christianam religionem deserebant. Hi proprie lapsi dicebantur, & eorum alii erant *Thurificati*, alii *Sacrificati*, alii *Libellatici* (1). *Thurificati* dicebantur, qui thus idolis adoleverant; *sacrificati*, qui immundis sacrificiis ora maculaverant (2), hoc est in templo præsertim carnes comederant hostiarum, quæ Diis immolatæ fuerant, quod idololatriæ argumentum erat. Sed non eadem prorsus erat omnium *thurificationum*, & *sacrificatorum* ratio. Nam gravius censebatur crimen eorum, qui læti, ac pretiosis induti vestibus, primoque impetu fracti, quam eorum, qui mæsti, ac longioribus victi tormentis Christum deseruissent.

(1) Horum crebra mentio est apud Cyprianum ut in *ep.* 20. ad 15. ad *Cler. Roman.* & *ep.* 55. ad 52. ad *Antonian.* p. 199. & 241. *ed. Amstelædami* 1700.

(2) Ita loquitur Cyprianus *cit. ep. ad Cler. Roman.*

§. V. *Libellatici* erant, qui nec thure, nec sacrificio à Christo deficiebant, sed tamen religionem ejurabant libellis, quos vel ethnicis magistratibus dabant, vel ab iis accipiebant, ne publice sacrificia facere cogerentur. Triplex eorum genus fuisse, plerique sentiunt (1). Alii nimirum magistratibus se non esse Christianos diserte affirmabant, religionem suam verbis, scriptove negantes, atque

ajentes, se paratos esse ad sacrificium faciendum, cum à magistratu vocarentur (2). Alii nec Christum ejurabant, neque ipsi libellum dabant, sed vel amicum ethnicum, vel servum mittebant, ut idolis hostiam immolaret, vel fidem abnegaret, atque ita libellum à magistratu impetrarent; quasi ipsi fecissent, quod ab aliis factum fuerat. Hos Ecclesia comparabat prioribus libellaticis, qui per se ipsos crimen admiserant (3).

(1) Baronius *ad an.* 253. *n.* 18. § *seq.* *t.* 2. *p.* 580. *ed.* Lucæ unum tantum libellaticorum genus facit; sed alia pierisque viris doctis, qui triplex illorum genus distinguunt, sententia est. Confer Albaspinæm *Observ. l. 1. cap.* 21. *p.* 54. *ed.* Neap. 1770., & Binghamum *Origin. eccles. l. 16. c.* 4. § 6. *t.* 7. *p.* 202. § *seq.* *ed.* Halæ Magleb. 1761.

(2) Cyprianus *de Lapsis p.* 95. *ed. cit.* hos eodem loco habet, atque illos, qui revera sacrificium fecerant. Vide etiam *Epistolam Cleri Romani ad Cyprianum inter Cyprian. Ep.* 30. *p.* 210.

(3) Confer *laudatam epistolam Cleri Romani ad Cyprianum.* Canones Petri Alexandriani *can.* 6. apud Beveregium *Pandect. canon. t.* 2. *p.* 12. *edit.* Oxonii hos quoque libellaticos memorant, iisque pœnam imponunt; sed tamen discrimen constituunt inter dominum, qui servum miserat, interque ipsum servum, qui jussus rem idam egerat.

§. VI. Denique alii erant, qui cum magistratus iram pecunia, & muneribus extinguere possent intelligerent, ipsum adibant, & se Christianos esse, neque idolis thus adolere, aut hostiam immolare posse aperte profitebantur, sed tamen data pecunia libellum immunitatis impetrabant. Hi non erant proprie apostasiæ rei, sed culpa non vacabant, quod in libello diceretur, eos jussu magistratus sacrificium fecisse (1). Ab his non procul aberant, qui se amentes fingebant, ut sacrificium declinarent, quique ad aram ipsam accedentes sese epilepticos esse simulabant, ne sacrificare cogerentur. Hujus criminis rei pœnam ferebant simulationis indigæ homine Christiano, qui turpi animi abjectione videtur prodere religionem, quam præferre debet (2).

(1) Confer Cyprianum *Ep.* 55. *ad Anton. p.* 245. *ed. cit.*

(2) Vide Petrum Alexandrinum *can.* 5. *p.* 12. *l. c.* Ad hunc autem locum referenda est Constitutio *Inter omniænas* 89. Benedicti XIV. *t.* 1. *ejus Bullar. p.* 183. *ed. Ven.* edita adversus eos, qui Christia-

nam fidem in corde retinent sed tamen eam prodere videntur externis quibusdam ritibus, per quos infideles distinguuntur. Plures enim Christiani in Turcarum imperio vitam agentes religionem simulabant, atque ut Turcæ viderentur, eorumque juribus ac privilegiis frui possent, eorum templa frequentabant, ecclesiasticum jejunium cum esu carnum violabant, matrimonia coram eorum iudice, quem appellant *Cadi*, celebrabant. Sancivit Pontifex, ne quis tale aliquid faciat, ut Turca habeatur; secus ei tum in vita, tum in morte sacramenta denegari voluit. Similiter in regionibus Albanicæ aliqui Christiani, ut multa onera, & incommoda declinarent, nomen aliquod suscipiebant, quod proprium Turcarum est, & quo Turcæ à ceteris distinguuntur. Id etiam fieri vetuit ipse Benedictus XIV. *Const. Quod provinciale concilium* 37. p. 135. t. 4. *ejus Bullar.*, quia tametsi fides animo retineatur, illa tamen "fieri nequeunt sine Mahumetis errorum simulatione, sinceritate Christianæ contrariæ, quæ mendacium in re gravissima continet, & virtutalem fidei negationem, maxima cum Dei injuria, proximique scandalo includit." Quæsitum quoque est, num ii, qui ad Turcas desciverunt, ac postea redierunt ad Christianam religionem, non solum Christianis, sed etiam Turcis præsentibus publice, & expresse apostasiam ejurare debeant; & responsum est à Congregatione Sac. Inquisitionis apud Card. Albitium de *Inconstant. in fid.* c. 8. n. 29. eos "non teneri ad abjurandam apostasiam publice coram infidelibus, sed sufficere, ut eam abjurent in balneo coram fidelibus abstinendo ab actibus infidelitatis, ac depouendo habitum infidelium, quatenus sit protestativus falsæ religionis." Confer Benedictum XIV. de *Synod. dioces.* c. 20. n. 8. et seq.

§. VII. Proxime ad apostatas accedebant, et tamquam religionis proditores habebantur, qui superstitiosos ethnicorum ritus adjuvabant, vel imitabantur. Hujusmodi erant ii, qui sacrificantium coronam gestabant (1), & qui Flaminis, hoc est, ethnici sacerdotis munus suscepissent; quoniam Flaminis erat populo exhibere ludos, & spectacula, quæ plena superstitionis erant, atque in honorem Deorum edebantur. Similiter scenici, histriones, aurigæ, qui currus in publicis spectaculis agitabant, qui victimas aut thus pro sacrificio vendebant, idolorum artifices, qui Deorum aras ædificabant, vel orabant, idololatriæ favere, adutoresque esse videbantur (2).

(1) Confer Concilium Eliberitanum *can.* 55. ibique Albaspinæum in *Nor.* p. 180. *ed. Neap.* 1770.

(2) Late de his omnibus agunt Binghamus *Orig. eccles.* l. 16. c. 4. §. 8. et seq. t. 7. p. 206. et seq. *ed. cit.*, & Selvagius *Antiq. Christian.* l. 4. c. 3. §. 3. seq.

§. VIII. Ex veteri disciplina apostatæ, qui vere idololatriæ rei erant, non solum ab Ecclesia ejiciebantur, sed etiam in quibusdam Ecclesiis excluderentur à venia, & absolutione, quam tantum in vitæ exitu impetrabant (1). Quia alicubi ea erat disciplinæ severitas, ut etiam in exitu vitæ reconciliatio denegaretur idololatriæ reis, quibus spes omnis in una Dei misericordia relinquebatur. Sed postea dari cœpit venia, etiam antequam mortis periculum immineret; atque iis imposita pœnitentia, quæ brevior, aut longior erat pro gravitate criminis, & adjunctis, quæ illud comitebantur.

(1) Confer quæ ea de re dixi l. 2. sect. 4. §. 87. et not. 6. 7. 8. p. 151 et seq.

§. IX. Apostatæ dicuntur etiam Regulares, qui temere deserunt institutum, cui se solemnibus emissis votis addixerant, & clerici, qui à clericali statu deficiunt (1). Qui regulare institutum deseruerunt statim arcentur à sacris, & communionem Christianorum (2), præsertim si habitum etiam dimiserint (3), amittunt privilegia instituti, unde discesserunt (4), susceptorum ordinum munera exercere prohibentur (5). Sunt & aliæ pœnæ adversus apostatas inductæ peculiaribus institutis, & legibus Ordinum Regularium, quales sunt carceris, jejuniis, similes; præterea neque ipsi alios eligere ad prælaturas, neque ab aliis eligi possunt.

(1) Concilium Chalcedonense can. 7. apud Labbæum t. 4. col. 1683. *ed. Ven.* "Eos, inquit, qui in clero semel ordinati sunt, & itidem monachos, statuimus nec ad militarem expeditionem, nec ad sæcularem dignitatem posse venire. Qui autem hoc audent, & non pœnitentia ducti ad id revertuntur, quod propter Deum prius elegerant, anathematizari." Similia habent S. Leo M. ep. 167. ad Rustic. resp. 14 (pp. 1. 1. col. 1426. *ed. Ballerin. Ven.*, S. Augustinus in *Psal.* 83. n. 4. col. 101. & in *Psal.* 99. n. 12. col. 383. *opp.* 1. 6. *ed. Ven.* 1761., Concilium Arelatense II., in *can. ult. dist.* 50. Teletam VI in *can.* 2 c. 20. q. 3. Tur. nense in *cap.* 3. Ne clericos, vel monachos, & Alexander III. in *cap.* 1. de *Apostat.* Ille autem revera apostata habetur, qui regulare institutum temere deserit, certoque, ac deliberato animo ab eo discedendi; non item qui cum legitima venia di cedit, aut qui non prorsus regularis vitam propositum abiecit. Plures hinc oriuntur quæstiones de iis, qui à religione discesserunt, sed tamen habitum adhuc retinent, item-

que de iis, qui sine venia superioris institutum suum deseruerunt. ut laxiorem, arctioremve regulam amplectantur. De his omnibus agit Theophilus Raynaudus *de Apostas. à relig. ordin. opp. t. 17. p. 5. & seq.* Verum congregatio Cardinalium Concilii Tridentini Interpretum an 1624. sancivit: "ut fugitivi, & apostatæ, sive habitum regularem deferant, sive non, possint, ac debeant ab Episcopo loci, ubi moram trahunt, in carceres conjici, ac superioribus regularibus consignari, secundum regularia instituta puniri." Ex quo patet apostatas habendos esse regulares, qui venia à superiore non impetrata à claustris discesserint, et que extra ea temere vagantur, sive habitum gerant, sive deseruerint, si ve redeundi ad religionem animum habeant, sive prorsus abjecerint. Quia etiam, ut animadverti *l. 1. tit. 9. §. 15. p. 411. à Concilio Tridentino c. 4. & 19. de Regular. sess. 25.*, & à Benedicto XIV. *Const. Si datam* 7. p. 237. t. 1. ejus Bullar. ed. Ven. 1754. sancitum est, ut tamquam apostatæ habeantur Regulares, qui suo arbitrio habitum deserunt, utque à claustris monasterii discedunt, ut professionis nullitatem pronuntiant, aut eant ad sui Ordinis superiores. Eodemque habentur loco, qui post unicam de nullitate professionis latam sententiam, etiam non interposita appellatione, habitum abjecerunt, quoniam hoc verotium duabus saltem sententiis expediendum est. *Benedict. XIV. Const. Si datam* 47. §. *Quemadmodum*, t. 2. ejus Bullar. p. 238. ed. Rom. scu Par. 1754. Pertinet etiam ad hunc locum Constitutio *Licet sacra* 12. Benedicti XIII. t. 12. Bullar. p. 70. & Constitutio *Pastor bonus* 95 §. 33. Benedicti XIV. t. 1. ejus Bullar. p. 198. ed. Ven. Consue. Benedicti XIV. de Synod. diocess. l. 13. c. 11. n. 14. & Girardus *Epist. jur. pontif.* p. 2. sect. 157. p. 1029., ubi etiam habes constitutiones eadem de re editas à Sixto V., & à Clemente VIII.

(2) *Cap. 2. Ne cleric. vel monach. in 6.*

(3) Regularem, qui religionem deseruit, non tamen habitum dimisit, haberi quidem ut apostatam, & fugitivum, sed non ipso facto in eam excommunicationis incidere, præter ceteros, tradit Pirhingius *J. r. canon. l. 3. tit. 50 §. 7.*

(4) Concilium Tridentinum *sess. 25. de Regul. c. 19.*

(5) *C. 6. de Apost.*

§. X. Episcopus in carceres conjiciendos curat apostatas, qui in sua diocesi commorantur, eosque, ut meritis plectantur poenis, tradit regularibus superioribus (1); sed hi quoque debent eosdem perquirere, ac dare operam diligentem, ut redeant ad bonam frugem, ac per canonicas poenitentias crimen expiare possint (2). At illud in primis Episcopi est apostatam monere, ut sua sponte redeat ad religionem, unde discessit; quod cum ipse præstiterit, & apostata monitis obtemperavit, Regulares superiores ab

Episcopo rogati, jussique à Sede Apostolica abstinere se debent à pœnis asperioribus, quæ sunt in apostatas constitutæ (3). Sæpe etiam Sedes Apostolica spatium temporis elargitur, quo apostatæ resipiscant, & eos à se ultro venientes recipit, pœnasque temperat, quibus in illos jure animadvertere oportere (4).

(1) Confer decretum editum à Congregatione Concilii die 21 Septembr. an. 1624., & approbatum ab Urbano VIII. §. 4. ac vide etiam Giraldum *Exposit. Jur. Pontific. par. 1. l. 3. tit. 31. sect. 536. p. 348.*

(2) *Cap. 24. de Regular.* Vetus autem hæc est regula, & Gregorio IX. antiquior, sicuti ostendit Hæftenus *Disquisit. monastic. par. 2. l. 8. tract. 4 disp. 8.*

(3) Consule Benedictum XIV. *de Synod. dioces. l. 13. c. 11. n. 11.* & 12: Quin etiam anno jubilæi Regulares apostatæ, qui sponte redeunt ad Religionem, quam deseruerunt cunctis soluti pœnis à Sede Apostolica veniam impetrant, modo à Regulari Superiore absolutionem petant, & culpam fateantur suam, atque emendationem polliceantur. Benedictus XIV. *Const. Pastoris 26. §. 1. c. 3. ejus Bullar. p. 150. ed. cit.*

(4) Benedictus XIV. *Const. Pastor bonus 95. §. 33. t. 1. ejus Bullar. p. 198. ed. cit.*

§. XI. Clerici etiam, qui suo relicto ordine, & habito à clericalis vitæ instituto deficiunt, & quod laicorum est proprium, vitæ genus suscipiunt, inter apostatas recensentur (1). Hi plectuntur pœna excommunicationis (2), fiunt infames (3), & irregulares (4), amittunt privilegia clericatus (5), & frustra moniti ab Episcopo in carceres conjiciendi sunt (6).

(1) Minores clerici, qui beneficium non habent, apostatæ non fiunt, ut omnes sentiunt; quoniam suo lubitu clericalis vitæ institutum deserere, & nuptias inire possunt. Sed num clerici minores, qui beneficium habent, incidunt in apostasiam saltem latius acceptam, disputant Pirhingius *Jus canon. l. 5. tit. 9. n. 4.* & Schemier *par. 2. de Delict. c. 3. n. 73.*

(2) Quæ excommunicatio latæ sententiæ est, si clericus apostata matrimonium contraxerit *Clem. unic. de consanguinit.* Atque hæc quidem pœna contra apostatas, qui clericatum, aut regulare institutum deseruerunt, sane vetus est, eaque jam constituta à Concilio Chalcedonensi, *can. 7.* quem describit Gratianus *can. 3. caus. 20. q. 3.*

(3) *Can. 23. caus. 2. q. 7., et con. 2. caus. 3. q. 4.*

(4) Irregularitas hæc oritur ex infamia, nisi apostata matrimonium

contraxerit, quia tunc ob bigamiam similitudinariam irregularis fieret

c. 4. & 7. de Bigam. non ordin.

(5) C. 3. & 25 de Sentent. excom.

(6) C. 5, de Apostat.

TITULUS IV.

De hæresi.

I. Hæresis quid?

II. Catholicæ Ecclesiæ fidem sequi omnes debent.

III. ad VI. Judicium Ecclesiæ, & Summi Pontificis in rebus fidei. Utrumque errore subesse non potest.

VII. Hæreticus etiam qui sciens prudens in fide dubitat.

VIII. Suspectus de hæresi.

IX. Hæreticorum poenæ ab Ecclesia constitutæ.

X. Poenæ in clericos qui in hæresim incidunt.

XI. Poenæ inductæ à Jure civili.

XII. Hæretici ad Catholicam Ecclesiam redeuntes.

XIII. Antiqua de his Ecclesiæ disciplina.

§. I.

Hæresis Græcis, Latinis est *secta*, atque apud eos hoc vocabulum, tam in bonam, quam in malam partem accipitur. Sed antiquissima ecclesiasticorum scriptorum consuetudine vox hæc male sonat, & significat voluntarium errorem intellectus Christiani hominis in fide cum pertinacia voluntatis. Ergo non omnis error statim aliquem hæreticum facit; sed tantum qui in fide, & qui cum voluntatis pertinacia conjunctus est (1).

(1) Hunc sane spectat illud Augustini: "errore possum sed hæreticus non ero;" quia scilicet pertinax in errore non ero, sed eum cognitum statim abjiciam, neque in ecclesiæ sinum conjiciam.

§. II. Fides, quam omnes sequi debemus, est fides, quam sequitur Ecclesia catholica, quamque ipsa omnibus credendam proponit. Nam ei creditum est doctrinæ depositum, & ideo quidquid ipsa probat probandum omnibus est, rejiciendum vero quidquid eadem rejicit (1). Sæpe novi exoriuntur errores, qui fidem infuscare, atque homines abstrahere à veritate possent, nisi præsto esset

certum, fixumque judicium, quod fallere, & falli nequit, & cui tuto adhærere possumus. Quare hoc judicium reddit Ecclesia, quæ cum errorem aliquem tamquam hæreticum condemnavit, quisquis ejus sententiæ obfirmato in errore animo resistit, hæreticus est (2).

(1) Ut quis hæreticus sit, necesse est, quod resistat fidei dogmati ab Ecclesia recepto. Ex quo efficitur, ut hæreticus haberi non possit, qui opiniones sequitur, de quibus nondum ab Ecclesia judicium latum est.

(2) Judicium Ecclesiæ intelligitur judicium Episcoporum, qui cum unitatis centro, hoc est, cum Summo Pontifice consensunt. Nam hi Ecclesiam efficiunt, quam *universalem*, aut *regentem* appellamus, & quidquid ab ipsis aut de fide, aut de moribus definitum est, apud omnes veritatis loco esse debet. Sed qui ægre ferunt Ecclesiæ judicium, quod suis erroribus adversarium maxime esse sentiunt, eo rem adducere conantur, ut vix unquam certum, atque exploratum Ecclesiæ judicium esse possit. Mitto antiquiores hæreticos Montanum, Donatistas, Nestorium, Iconomacos, Wiclefum, Lutherum, aliosque similes. Nostræ ætatis sectarii potissimum sequuntur Joannem du Verger, hominem satis notum nomine Abbatis S. Cyrani; quem ex testimonio S. Vicenti à Paulo, & Cisterciensis Abbatis Joannis Jovaud de priores Ecclesiæ defectum, & contemptum Concilii Tridentini, quod ipse Scholasticorum cœtum appellabat, pietatis simulatione omnibus persuadere voluisse constat. Hi nimirum sunt verissimi hostes Ecclesiæ, licet in externa ejus communione vivant, quorum animis alte hærent errores, quos literis mandarunt Jansenius, & Quesnellus, quosque Sedes Apostolica, & consensus totius Catholice Ecclesiæ condemnavit. Audent hi homines ab hoc judicio provocare, sed ne Ecclesiæ auctoritati, & doctrinæ impudenter obsistere videantur, ea diverticula quærunt, ut non illud esse videatur certum, fallique nesciunt Ecclesiæ judicium quod catholicis omnibus revera est. Primum igitur Romanæ Ecclesiæ auctoritatem in discrimen revocant; deinde vero sic statuunt, Ecclesiam quidem in Synodo congregatam errori haud subesse, non item Ecclesiam per totum orbem diffusam, atque dispersam, nisi unanimo omnium consensus, idemque absolute sit. De his duobus paulo post dicam: nunc cetera prosequar, quæ sunt hujusmodi. Inquiunt videlicet in paucis, si ipsi opprimantur, residere veritatem, eosque hæreticos haberi non posse quamquam numero pauci obsistant ceteris, qui cum Summo Pontifice conjuncti sunt, audiendam, esse vocem plebis, quæ cum Pastoris voce consentiat, ut Ecclesiæ judicium sit; uniuscujusque examini, si præsertim vitæ integer sit, definitiones esse subijcendas, ut inde veritas clarescat; denique inferiorum clericorum cum Episcopis judicium esse necessarium. De his omnibus dicam pro instituto meo parca. Sane quod aperiunt, in paucis inesse veritatem, cum opprimuntur, id commune est, semperque

fuit hæreticis universalis, qui semper sese opprimi conqueſti ſunt, atque hanc fuiſſe Donatiſtarum, & Pelagianorum cantilenam, teſtatur Auguſtinus *Cont. lit. Petilian.* l. 2. c. 45. *opp. t. 8. col. 251. ed. Ven. Maurin.* 1733. & t. 10. col. 858. De Pelagianis id tradit Neſtorius ad Cæleſtinum Pont. apud Labbæum t. 3. *conc. col. 199. ed. Ven.* "Julianus, & Florus, & Orientius, & Fabius . . . sæpe . . . ſuas cauſas deſeſſerunt tamquam orthodoxi temporibus orthodoxis perſequeutionem paſſi . . . inſiſtunt per ſingulos dies impletes aures omnium vocibus lacrimoſis." Idem conſtat ex libello, quem Julianus nomine 18. Epiſcoporum dedit ad Zoſimum P., & l. *de Bon. conſtant.* apud la Fontaine in *conſtit. Unigenitus* t. 4. col. 1241. Ipſe Neſtorius reſcribens Cæleſtio Pelagiano apud Marium Mercatorem p. 71. *ed. Paris.* 1673. "Nolli ægre fere, inquit, venerabilis perferens ea, quæ inferuntur aſſerentibus veritatem, & refugientibus pollutorum communionem; quia & Sanctis, qui ante noſtram ætatem extiterunt, gratæ fuerunt ærumnæ, & ipſæ quidem temporales erant, veritas autem æterna . . . Paulus hoc modo quoque, & Petrus interfecti ſunt. Et quid amplius iudici opus eſt? Ita actum eſt ſemper per diſcras tentationes pietate corrente. Nolli igitur à veritate deficiens eam perdere." Eadem querela fuit Petri Abailardi adverſus S. Bernardum, ac Sedem Apoſtolicam, & eadem Calvini in *Præfat. antidot.* adverſus Concilium Tridentinum. Verum querelam & errorem hæreticorum integravit Queſnellus *prop. 66. ad 100.* quem, ſequitur Labordius P. *Temoignage de l'vérité*: omnino contra omnem veri ſpeciem, & contra omnium Patrum auctoritatem. Quis enim caput, & partem fere totam Eccleſiæ, cui Chriſtus ſemper ſe adfuturum promiſit, veritatem in uno, aut altero membro ſitam opprimere poſſe arbitrabitur: Contra divinam legem, inquit Liberius P. *Epist. 4. ad Conſtantium* apud Couſtantiam *Epist. Roman. Pontif. col. 424.*, "viſum eſt, cum Epiſcoporum numerus pro Athanaſio major exiſteret, in parte aliqua commodare conſenſum;" ipſeque Athanaſius Ep. ad Jovian. *Imperat. de Fid. n. 2. opp. t. 1. par. 2. p. 623. ed. Patavii* 1777. "Quæ enim ſit, inquit, omnium illarum Eccleſiarum ſententia, & experientia novimus, & earum habemus litteras, Nec vero te fugit, Piſſime Auguſte, tametiſi pauci quidam huic fidei adverſantur, præjudiciū tamen facere non poſſe, quinque cum Orbis univerſus Apoſtolicam fidem retineat." Baſilius quoque Ep. 204. ad Neocaſar. n. 7. *opp. t. 3. p. 307. ed. Maurin. Paris.* 1730. "Juſtius, inquit, eſt autem res noſtras iudicari non ex uno, aut altero non recte in veritate ambulantiſ, ſed ex multitudine Epiſcoporum, qui nobis in toto terrarum orbe per domini gratiam conjuncti ſunt." Auguſtinus *cont. Creſcon.* l. 3. c. 3. *opp. t. 9. col. 437. ed. Maurin. Ven.* 1733. "Si omnino credendum ſit, ait, quinquaginta Epiſcopis Orientalium . . . contra tot millia Epiſcoporum, quibus hic error in toto orbe diſplicuit." Conſer eundem Auguſtinum *Adverſ. Parmenian.* l. 3. c. 6. t. 9. col. 75, Concilium Ephesineſum in *Relat. Synodi ad Imp. act. 5.* apud Labbæum t. 3. col. 1178. *ed. Ven.*, cujus hæc verba ſunt: "Perabſurdum enim eſt 200.

„& 10. SS. Episcoporum synodo, quibus & universa Occidentalium SS. Episcoporum multitudo, & per ipsos reliquus totus terrarum orbis consensit, triginta tantum numero sese opponere;” præterea S. Bernardum Ep. 126. n. 11. opp. t. 1. p. 57. ed. Ven. 1765. Vere ac sapienter Clerus Gallicanus “Lettre écrite au Roy par l’assemblée Générale du Clergé de France tenue à Paris l’année 1731.” t. 12. Act. Cler. Gall. p. 1671. absurdam opinionem illorum, qui in paucis veritatem residere inquirunt, perstringit his verbis: “Le grand objet des Sectaires est de combattre, & de rendre odieuse l’autorité du corps des Pasteurs unis à leur Chef pour y substituer celle de quatre, ou cinq Evêques Refractaires, Systems monstrueux, qui sappe les fondemens de la Religion, qui détruit l’universalité, & la visibilité de l’Eglise; & réduit les fideles comme les Protestans, à n’avoir plus de regle fixe de leur creance.” Certe quis non intelligit, nullam jam hæresim, & neminem futurum hæreticum, si paucis liceat Ecclesiæ judicio resistere? Omnes enim, qui propter errores ab Ecclesia condemnantur, sese opprimi quererentur, & penes se veritatem esse contenderent. Ergo Ecclesia, quæ ab ipsis dissentit, in errore versaretur, atque ita satis esset, quod ipsa hæreticos condemnaret, ut desineret esse Ecclesia catholica, hoc est columna, & firmamentum veritatis. Nam quibus hæreticis non illud præsto esset diverticulum, ut Ecclesiæ judicium impune despicerent, erroremque suum probare, ac tueri possent? Ergo Lutherani, Calviniani, ceteri non amplius erunt hæretici, quoniam omnibus idem patet effugium, & omnes pari jure cum Quesnelo veritatem penes se esse arbitrantur. Quos vero ex multiplici illo numero hæreticorum, quibus omnibus dissimiles, interque se pugnantis sententiæ sunt, ceteris præferendos putabimus? Omnes penes se veritatem habere censent, & tamen si qua secta veritatem haberet, eam certe habere non possent reliquæ sectæ, quæ ab aliis quam maxime discrepant. Ergo ut intelligatur, qui veritatem sequantur, quique in errore versentur, oportet adesse judicem, qui certo definiat, quis insistat in veritate, & quis ab ea procul absit. Hic autem judex non alius esse potest, quam Ecclesia, cui Christus fidei depositum commisit, hoc est Ecclesia Catholica Romana, ad quam tantum pertinent ea signa, quæ veram Christi Ecclesiam distinguunt, uti demonstratum est in *Prolegomenis* c. 1. §. 13. & seq. t. 1. Hæc una penes se habet veritatem, quam à Christo accepit perpetuo custodiendam; hæc hæreticos pronuntiat Zuinglianos, Anabaptistas, Lutheranos, Calvinianos, ceteros, quoniam cum hi omnes ab ea discrepent, discrepant à veritate, quæ extra eam esse non potest. Neminem ipsa opprimit, sed curat ut veritas, quam integram custodire debet, hominum erroribus non opprimatur, eique semper adest spiritus veritatis usque ad consummationem sæculi, sive paccata, & tranquilla sint tempora, sive adversitatibus affligatur. Confer quæ ea de re scripsit Franciscus Simonis Belga de *Fraudibus hæret.* par. 3. fr. 19. At cum judicio Supremi Pastoris, & Episcoporum cum eo morali unanimitate consentientium necessarius est plebis consensus, sive, ut alii scribunt, vox testimonii traditionis, ita ut illud sine plebis consensu, ac testimonio vim nullam ha-

beat? Hoc quoque Appellantes à Calvino, & Protestantibus arrigere non dubitarunt. Nàm id expresse litteris mandavit Calvinus *Inst. l. 4. c. 1. n. 22.* eademque est sententia Lutheri *de Captivitat. Babilon. tit. de Ordine* §. *Quid si cog-ventur app. t. 2. p. 25. ed. Viterberg. 1562.*, & Apostatae M. Antonii de Dominis *l. 1. c. 12. n. 42.* Eodem quoque spectat Richerius de *Potest. eccles. & civ.*, ejus doctrinam duo concilia provincialia an. 1611. habita gravissima inusta nota confixerunt, quippe quæ contineret "multas propositiones, expositiones, & allegationes erroneas, scandalosas, schismaticas, & ut sonant hæreticas." Hæc duces, & auctores sequuntur Quesnellus *pr. 73.*, & in *Memor.*, Auctor libri *Renversement de liberté*, Labbordiùs "Temoignage de l'averité," Auctor epistolæ à M. l'Evêque d'Autun, Auctor operis apologiæ de *Curex de Paris*, Auctor operis *Nouveaux memoirs sur l'appel*, Auctor libri *De la droit & canonicité de l'appel*, Febronius, alique similes. Horum commenta egregie refutarunt plures viri docti, præsertim Melchior Canus de *loc. Theolog. l. 4. c. 4. concl. 4.*, Bossuetius *Hist. variat. l. 11. n. 14.* & in *Conférence de M. Bossuet*, Auctor libri *Reflexion sur non écrit.* Niccolius *Les pretendus Reformez convaincus de Schisme l. 3. c. 9. & de l'Unité de l'Eglise l. 3. c. 14.* Scheffnacher *lit. 6.* Tournelius *Tract. de Ecclesia p. 2. art. 9.* Card. Gottus in *Veris Eccl. Christ. t. 1. c. 15. seq. & in Coloq. adv. Picenini. par 3. colloq. 4. n. 4. & seq.* Fenelonius Archiepiscopus Cameracensis *Instruction Pastorale an. 1728.* Card. de Bissy *Instruction Pastorale an. 1725.* Languetius Episcopus Svessonensis *Instruction 2. an. 1718. n. 27. & seq.* Denique hæc doctrina inquam hæretica in M. Antonio de Dominis à Sorbona damnata est. Revera plura sunt, ut ostendi in *Prolegomenis c. 2. §. 18. p. 17. & 18. t. 1.*, sacrarum Scripturarum loca, in quibus omnis docendi, pascendi, regendi potestas non plebi, sed tantum Apostolis, omnibus, aut nominatim Petro data est, atque absurdum esset ea, quæ Apostolis, hoc est, Præfectis dicta sunt, ad Plebem detorquere. Hujus vero ab Apostolis, eorumque successoribus exercitæ potestatis pleni sunt Sacrarum Scripturarum, & ecclesiasticæ historiæ libri, eamque testatissimam faciunt Patres universi, præsertim Ignatius M. *Ep. ad Trallian. n. 70.* apud Cotelierium *PP. Apostol. t. 2. p. 63. ed. Amstelædami 1724.*, Cyprianus de *Unit. eccles. p. 78. ed. Amstelædami 1700.*, Gregorius Nazianzenus *Orat. 9. p. 154. ed. Coloniae 1690.* Ambrosius, Augustinus, Chrysostomus, Hilarius, Gregorius, ceteri Patres, quos laudat Niccolius de *l'Unité de l'Eglise liv. 3. Chap. 14.* ubi omnes diluuntur Appellantium objectiones, quæ eadem ac Protestantium sunt. Ac non modo sacris litteris, & traditioni adversantur, qui populi consensus, & suffragium necessarium putant, ut Ecclesiæ judicium existat, sed etiam prorsus ridicule certum, ac falli nescium, judicium expectant à multitudine imperita, levi, inconstanti, cujus, ut plurimum, diversæ sunt sententiæ, quæ partium studiis rapitur, quæ facile in errorem inducitur. Omnia hæc enucleate, copioseque persequitur doctissimus Mamachiùs *Orig. & antiq. Christian. l. 4. par. 2. c. 1. §. 4. t. 5. p. 256. seq.* Quod vero dicitur de subjiaciendis uniuscujusque examini definitionibus,

id, ut recte observat Cl. Bolgenius in opere, cui titulus *Risposta al quesito Cosa è un appellante?* n. 328. seq. p. 516. seq. recidit in examem, & spiritum privatum Protestantium, quem errorem late refutarunt Bellarminus *Controv.* l. 3. de *Verbo Dei* c. 3. t. 1. opp. p. 68. ed. Ven. 1721. Bossuetius *Histor. variat.* l. 10. c. 15. seq. & *Instruct. sur l'Eglise & conférence avec le Ministre*; Arnaldus *Perpetuité de la foi* t. 1. chap. 3., Niccolius *Prejugez legit.* chap. 14.; & *Pretendu reformé convaincu de schisme* liv. 2. chap. 7., Scheffinecher *lit.* 2. alique, quos longum est recensere. Principio quomodo hoc examen in tanta hominum multitudine fieri potest, & quem demum exitum consequetur? Deinde si rem uniuscujusque examini permittimus, ecquod jam erit judicium omnibus unum, certum, fixum, stabile, errori non subjectum; quis jam erit hæreticus, qui cum privato examine errorem suum tueri, & probare non possit? Denique qui consensum secundi ordinis Presbyterorum requirunt, ut Ecclesiæ judicium ratum firmum sit, ii revocant errorem Aetii, de quo loquitur Sanctus Epiphanius *Hæres.* 75. num. 3. t. 1. pag. 906. & seq. el. *Colonie* 1682, quem antea revocarunt Valdenses, Wiclefitæ Calviniani, Angli Presbyteriani, Richerius, quemque inter ceteros late refutarunt Bellarminus *de Eccles. milit.* l. 3. c. 16. p. 75. opp. t. 2. ed. Venet. 1721., Petavius *de Hierar. Eccl.* l. 4. c. 2. n. 5. t. 6. p. 178. ed. Ven. 1757., N. Alexander *Histor. Eccles. ad sæc. 4.* Dissert. 44. t. 4. p. 618. ed. Ven. 1776., Niccolius *Pretend. reform. convainc. de schism.* liv. 3. chap. 10., Veith *Richerii system. confut. sect.* 2. §. 54. n. 46. & seq. p. 299. & seq. & Bolgenius *Esame della vera idea della S. Sede* n. 1. & seq. p. 8. & seq., & in cit. libr. *Risposta al quesito Cosa è un appellante* n. 279. p. 427. Sane docendi, pascendi, regendi potestas non Presbyteris, sed Apostolis, eorumque successoribus à Christo data est, semper Ecclesiarum regimini, & administrationi Episcopi sunt præpositi, non Presbyteri; in conciliis œcumenicis ab Episcopis editum est judicium, quod Christianis omnibus veritatis loco esse deberet. Atque id adeo verum est, ut semper Ecclesia generalia Concilia designaverit tantum expresso numero Episcoporum, qui iis interfuerant. Ita cum memorat Episcopos 318. aut Episcopos 600., intelligit Concilium Nicænum, aut Chalcedonense, quoniam à totidem Episcopis duo illa Concilia constituuntur. Quod si aliquibus conciliis etiam Presbyteros interfuisse constat, id factum est vel ex consensu Episcoporum, quibus certos Presbyteros vocare placuit, qui sapientia præstarent, vel ut absentium Episcoporum vices agerent, ut ostendi in *Prolegomen.* c. 3. §. 40. p. 36. t. 1. Hinc Episcopi subscribebant hac formula: N. Episcopus *judicans subscripsi*: sed à subscriptionibus Presbyterorum aberat to judicans, ut pateret, in Conciliis Episcopos proprie judices esse, & in Concilio Chalcedonensi *act.* 1. col. 886. t. 4. *Collect.* Labbæi habentur hæc *foras mittite superfluos, concilium Episcoporum est.* Rem concludam egregiis verbis Cleri Gallicani *Harangue faite au Roy à Versailles le 17. Sept. 1730 pour la Cloture de l'Assemblée Générale du Clergé de France* t. 12. *Actes. Eccles. Gallic.* p. 1760. ed. Paris. an. 1740., quæ verba sunt hæc: "Le calme près nous soupirens, ne scauroit se trouver, que

» dans la soumission aux Décrets de la Foi, & dans l'obéissance à
 » ceux, qui en sont les juges. Ce sont les Evêques, & les Evêques seuls.
 » C'est à eux qu'il appartient d'en décider les dogmes, de les ensei-
 » gner, de les expliquer, de les garantir, d'en établir également la cer-
 » titude, & l'écumenicité, & d'y soumettre les peuples, *et p. 1674.*
» ubi extat la Lettre écrite au Roy par l'Assemblée Générale du Clergé
» de France tenue à Paris en l'année 1731. Nous le disons, *inquiunt,*
 » avec douleur, la subordination s'affoiblit. Le simple Prêtre se met au
 » rang des premiers Pasteurs, & prend la place des juges de la Foi. Des
 » Curés de la Capitale de vôtre Royaume osent dans un Memoire imprime
 » attaquer ouvertement un Ordonnance, & une Instruction Pastorale
 » de leur Archevêque, que sont hors de toute atteinte &c." *Pancis ab*
hinc annis Berg-mi prodiit egregius liber Marii Lypi de Parochiis ante
annum Christi millesimum, quo in libro evidenter ostenditur, quam sero
Parochi instituti in Ecclesia fuerint, ut proinde audiri nequeant, qui
diuinam eorum institutionem jactant.

§. III. Sed hoc judicium certum, & falli nescium ex-
 tare semper in Ecclesia debet, ut semper integra sit fi-
 des, & cum novus erumpit error, statim condemnari pos-
 sit, ne reliquos inficiat. Si illud ab Episcopis expectamus
 aut in toto orbe dispersis (1), aut in concilio congregatis,
 quam longum erit, ac sæpe etiam difficile hoc omnium
 Episcoporum judicium, quæ sententiarum divortia esse po-
 terunt, quod tempus requiretur, ut expressus, quod item,
 & id quidem multo longius, ut tacitus omnium Episcopo-
 rum consensus habeatur! Interim Christiani homines in
 summo errore, & in maximarum rerum ignorance ver-
 sarentur, ac sæpe malum, quod illico erat avertendum,
 serperet, & manaret in dies latius; nisi esset in promptu
 judex certus, & falli nescius, qui omnem errorem sua sen-
 tentia depelleret.

(1) Congregatam in œcumenico Concilio, non item per orbem diffu-
 sam, & dispersam Ecclesiam erroris expertem esse contendit Juris, quem
 Bosquetius *Hist. variet.* t. 2. l. 15. n. 99. solide accurateque refutavit.
 In eodem luto hæsitavit Theophilus Besgoïn de la Cuilleitière, Auctor
 operis *Temoignage de l'Univer. de Paris.* t. 1. p. 28., itemque Auctor
 alterius operis *de la nécessité de l'apel* p. 665. Errorem hunc Sacra Fa-
 cultas Parisiensis an. 1644. apud Languetum Episcopum Svesunensem
Avertis. 2. an. 1718. n. 2. damnavit his verbis: "Hæ propositiones in
 » quantum infallibilitati Ecclesiæ universalis in nullo alio statu, quam in

„solo Concilio Œcumenico congregatæ tribuunt, temerariæ sunt, ipsi Ecclesiæ injuriosæ, & hæreticæ.” Nihilotamen minus multi ex Appellanti-
bus hanc errorem revocare ausi sunt; inepte sane, & ridicule Chris-
tus enim se Ecclesiæ adfuturum pollicitus est, *omnibus diebus usque ad consummationem sæculi*, eamque semper esse voluit columnam; & firma-
mentum veritatis, ne fideles *fluctuantes sint, sicut parvuli, & circumfe-
rantur omni vento doctrinæ*. Si eam tantum in Concilio congregatam erro-
ris expertem dicimus, ei non semper præsto erit Christus, neque sem-
per damnare errores poterit, & proponere veritatem, quam omnes tuto,
certoque sequantur. Ergo, ut recte observat, Cl. Mamachius l. 1. *de*
Animib. Justor. in sinu Abrahamæ ante Christi mortem expertibus beatæ visionis Dei ad Rom. an. 1766. c. 2 §. 1. p. 114. seq., & §. 2. p. 189. & 190.
seq., & §. 3. p. 203. seq., usque ad annum 325., quo primum œcumeni-
cum concilium habitum est, omnia incerta, & erroris plena esse debue-
runt; eademque erit ratio ceterorum temporum, quibus Ecclesia caruit
œcumenicis conciliis, quæ raro habentur. Quo quid magis falsum, & ma-
gis absurdum dici, flagique potest? Non utat exemplis Pauli Samosate-
ni, Monrani, Novatiani, Pelagii, & aliorum, qui extra œcumenicum
Concilium dispersæ Ecclesiæ consensu damnati sunt; neque item affe-
ram, quæ sunt prope innumera, Patrum testimonia. Sunt hæc nota
omnibus. Illud non omittam, quod ex Augustino observat Bossuetius,
cujus fidem Appellantes repudiare non possunt. Inquit autem ipse l. *In-*
struct. sur l'Eglise num. 21. S. August. donne toujours l'sentiment (consen-
sus) de l'Eglise pour une entière convention de la vérité. Alii vero sunt
ex Appellantibus, qui dispersæ Ecclesiæ auctoritatem in discrimen non
revocant, sed tamen, ut ea rata firma sit, omnium consensum postu-
lant unanimem, & eum quidem non moralem, sed physicum, & ab-
solutum, adeout certum Ecclesiæ judicium haberi non possit, cui
aliquis Episcopus, aut aliqua insignis Ecclesia adversetur, quin ab-
solutam hanc unanimitatem etiam ad œcumenicum concilium transfe-
runt. Hi nimirum faciunt, ut unius Episcopi sententia plus valeat, quam
universæ Ecclesiæ consensus, quoniam illi Ecclesiæ decretis interceden-
di facultatem attribuunt; ut unus aliquis Episcopus errare numquam
possit; ut vix unquam haberi queat certum Ecclesiæ judicium, quoniam
difficile est, in magno numero Episcoporum, qui in Ecclesia sunt, non
aliquem reperiri, qui à ceteris dissentiat. Quid si Episcopus aliquis hæ-
reticus fiat, cujus quidem rei non pauca in historiis exempla sunt? Eum
Ecclesia damnare non posset; & interim Christianis incerta esset fides,
atque in errore versari liceret; quoniam unius Episcopi sententia impe-
dimento esset, quominus certum ea de re judicium ab Ecclesia emittere-
tur. Ino quis unquam hæreticus condemnaretur? Ipse quidem decipere
non posset universum Ecclesiam, sed facile posset in suam partem trans-
ferre unum, aut alterum Episcopum, quod sane pluries evenisse cons-
tat; id vero satis esset, ut ipse impune sequi, docereque errorem posset.
Quot Arius erroris socios habuit Episcopos, quot Donatistæ, quot ce-
teri hæretici. An, quod de iis latum est ab Ecclesia judicium catholi-

cus homo in discrimen revocabit? Quam illustris erat Anglicana Ecclesia, antequam in schisma, atque in hæresim delaberetur? An ab ea procul esse debuit schisma, & hæresis, quod tot Episcopi contra sententiam Catholicæ Ecclesiæ utrumque tuebantur! Mitto reliquas Ecclesias, quæ initio catholicæ erant, & nunc schismaticæ, aut hæreticæ sunt. Certe Christus *surrepturos prævidit lupos rapaces ex vobis ipsis* (senioribus) *non parcentes gregi, & loquentes prava*, sed Christianos procul ab iis esse, & firme in Ecclesiæ fide stare voluit, seque adfuturum promisit, ut recte observat Bossuetius II. *Instruction sur l'Eglise* n. 28., corpori totius Ecclesiæ, non cuivis membro, ipsamque Ecclesiam semper erroris expertem futuram, non singulos Episcopos pollicitum est. Confer, inter ceteros, Cl. Bolgenium in laudato libro *Risposta al quesito Cosa e un' Appellante* num. 249. et seq. p. 393. et seq., et n. 282. et seq. p. 441. et seq.

§. IV. Hic autem iudex, quem in promptu habere debet Ecclesia, ut semper sit expers erroris, non alius esse potest, quam Summus Pontifex, quem Christus Ecclesiæ caput, & omnium magistrum, & unitatis centrum constituit. Qui tantum Ecclesiæ accedente consensu eum errare non posse affirmant, sine hoc consensu negant, ii tollunt certum illud iudicium, quod semper extare in Ecclesia debet, ut statim error depellatur. Nam antequam compertum, exploratumque sit iudicium omnium Episcoporum, quibus pontificia decreta probanda esse putant, incerta erunt omnia, & malum radices aget altiores, atque impune dominabitur (1).

(1) *L'Eglise*, inquit, S. Franciscus Salesius in ms. opere, quod extat in Bibliotheca Chisiana C. 10. *plur. A. n. 71. p. 42*, "a toujours baigné son d'un confirmateur infai liblé, en quel on puisse, s'adresser, d'un fondement, que les portes d'enfer, & principalement l'erreur ne puisse renverser, & que son pasteur ne puisse conduire a l'erreur ses enfans. Les successeurs donc de S. Pierre ont tous ses mêmes privilèges, qui ne suivent pas la pers me, mais la dignité, & la charge publique." Late hoc argumento persequitur auctor libelli, qui nuper ex Gallico in Italicum sermonem conversus editus est Firmi, & cui titulus: "L'infallibilità del Papà probata coll'esame del quarto articolo della dichiarazione del clero di Francia radunato nel 1682." Confer etiam Veith Richer. *sistem. confunt. sect. 2. §. 42. n. 16. p. 243.*

§. V. Quin etiam, ne cognita quidem Episcoporum sententia, iisque inter se consentientibus, sed tamen a

Summo Pontifice dissentientibus, omnis erroris causa removebitur. Nam si Episcopi à Summo Pontifice dissentiant, (quod illi quidem evenire posse existimant, nos autem negamus), ecquod erit iudicium, quod omnes tuto sequi possint? Episcopi sine capite, centroque unitatis, à quo cuncti copulentur, Ecclesiam representare nequeunt (1). Ergo eorum iudicium esse non poterit exploratæ veritatis loco. Ergo non habebit Ecclesia iudicium illud certum, ac falli nescium quod in ea Christus semper esse voluit.

(1) Confer quæ dixi in *prolegomenis* C. 2. §. 21. et seq. t. 1. p. 20. et seq., quæque item collegi l. 1. t. 3. sect. 1. §. 13. p. 165., et seq., & quæ l. 3. tit. 15. §. 18. not. 2. p. 203. et seq. animadverti contra Appellantes, quorum huc redit sententia.

§. VI. Sed Primatus indoles, & ratio in primis efficit, ut iudicium Summi Pontificis in fidei morumque regulis definiendis certum omnibus esse debeat; adeout qui ab eo damnatos errores sequitur, hæreticus habeatur. Nam Christus Primatum instituit ad unitatem Ecclesiæ conservandam, & Pontifex omnes ad eandem secum, præsertim in fide, unitatem jure Primatus cogit. Si ejus iudicium in rebus fidei errori subesset, Ecclesia, quæ ratione Primatus, ad eandem fidem cogitur, ad assentiendum errori cogeretur, quod certe, fieri non potest. Quare aut verum non est, quod nemo catholicus inficiari potest, totius Ecclesiæ præsertim in fide unitatem cum Petri successoribus Primatus instituendi causam fuisse, aut erroris expers esse debet quidquid à Summo Pontifice propter unitatis bonum definitur, & quidquid ab Ecclesia universa, quæ ad hanc unitatem cogitur, tenendum est (1). Atque ita sane perpetua Ecclesiæ disciplina, & Patrum consensus docet (2).

(1) Præclare S. Thomas *Sum. Eccles. l. 2. c. 109, 111, 112. Una fides*, inquit, *debet esse totius Ecclesiæ, secundum illud 1. Corint. 1. id ipsum dicatis omnes, ut non sint in verbis schismata: "quod servari non posset, nisi questio fidei de fide exorta determinetur per eum, qui toti Ecclesiæ præest, ut sic ejus sententia à tota Ecclesia firmiter teneatur; & ideo ad solam auctoritatem Summi Pontificis pertinet nova*

meditio Symboli, sicut & omnia alia, quæ pertinent ad totam Ecclesiam, ut congregare synodum generalem, & alia huiusmodi." Consule Mamachium *Antiq. Christian. t. 5. par. 1. p. 93. seq. & 134. seq.*, & Ep. 1. ad Auctor. oper. *Quid est Papa? §. 14. t. 1. p. 57.*, Card. Orsium de *Irreformab. Rom. Pontific. in disfin. fid. controuv. jud.* Auctorem operis Avenione editi an 1747. "De suprema Romani Pontificis auctoritate hodierna Ecclesiæ Gallicanæ doctrina," Ballerinium de *Vi ac ratione. Primat. Romani Pontif. c. 15. p. 260. seq. ed. August. Vindel. an. 1770.*, Zaccariam *Anti-Febron. vind. par. 2. Dissert. 5. c. 3. seq.* Bolgenium *Esame della Vera Idea della S. Sede n. 88. & seq. p. 35. & seq. ed. Maceratæ 1788.*

(2) Nota est ea Christi promissio apud Matthæum XXI. 16. & seq. qua postquam ipse affirmavit, se edificaturum Ecclesiam supra S. Petri confessionem, seu fidem, quam petre nomine designavit, spondit, & portæ inferi non prævalebunt adversus eam. Ipsum petre vocabulum firmitatem, ac numquam defuturam soliditatem ejusdem fidei designat; ex quo plures Patres eandem soliditatem, quæ in Petri fide fuit, ad ejus successores transiisse affirmarunt. Hinc S. Leo M. *Serm. 3. ad 2. c. 2. t. 1. col. 12. ed. Ballrin.* "Soliditas illius fidei, inquit, quæ in Apostolorum Principe est laudata, perpetua est; & sicut permanet quod in Christo Petrus credidit, ita permanet, quod in Petro Christus instituit." Et *serm. 3. c. 3. t. eod. col. 12* recitato Evangelii loco super hanc petram &c. concludit: "manet ergo dispositio veritatis, & B. Petrus in accepta fortitudine petre perseverans, suscepta Ecclesiæ gubernacula non reliquit." Et *serm. 5. c. 4. t. eod. col. 22.* "Soliditas enim, inquit, illa quam de petra Christo etiam ipse (Petrus) petra factus accepit, in suos quoque se trastulit hæredes." Sane quomodo errori obnoxius esse potest ille, super quem Ecclesiæ fundata est! Locum hunc Evangelii solide expendunt Ballerinius l. c. cap. 12. §. 2. p. 66. et seq., & Cl. Bolgenius in cit. libro *Risposta al quesito &c. n. 129. et seq. p. 207. et seq.*, Confer S. Iræneum de *Hæres. l. 3. c. 3. n. 2. opp. t. 1. p. 175. ed. Ven. 1734.*, Tertullianum cap. 23. de *Præscript. p. 210. ed. Paris 1675.*, Optatum Milevitanum contr. *Donat. l. 2. cap. 5. p. 35. ed. Anvers. 1702.*, S. Cyprianum ep. 55. ad *Antonian. p. 243. ed. cit. 1700.*, S. Hilarium de *Tym. l. 6. c. 37. opp. t. 2. p. 160. ed. Veronæ 1730.*, S. Ambrosium de *Incarnat. c. 5. n. 34. opp. t. 6. p. 494. ed. Maurin. Ven. 1781.*, S. Augustinum in *Psalm. contr. part. Donat. opp. t. 9. col. 4. ed. Maurin. Ven. 1733.*, & l. 2. *Oper. imperf. contr. Julian. n. 103. t. 10. col. 993.*, S. Leonem M. ep. 10. ad *Episc. Gallican. provinc. Viennen. c. 1. opp. t. 1. col. 633. ed. Ballerin. Ven.*, & *serm. 83. c. 2. t. 1. col. 331.*, Simplicium P. ep. 4. ad *Zenon. August. apud Labbæum t. 5. Concil. col. 98. ed. Ven.* S. Gelasium In *commo-nit. ad Faust. eod. loc. col. 297.*, S. Theodorum Studitam l. 2. ep. 129. p. 462. t. 5. *oper. Sirmoudi ed. Ven. an. 1728.*, S. Innocentium l. ep. ad *Synod. Carthag. n. 1. apud Constantium ep. Roman. Pontific. col. 888.*, cetera Patrum, & Conciliorum loca, quæ collegerunt Mamachius, Balleri-

nus, Bolgenius I. c. Vulgatus est etiam alter Evangelii locus apud Lucam XXV. 32., quo Christus ita Petrum alloquitur: "Simon, ecce satanas expetivit vos, ut cribraret, sicut triticum; ego autem oro pro te, ut non deficiat fides tua, & tu aliquando conversus confirma fratres tuos." Quo ex loco patet, à Petro, ejusque successoribus fratres in fide esse confirmandos, quod sane ipsi recte præstare non possent, si in fidei definitionibus errori subessent. *Commune erat omnibus Apostolis*, inquit S. Leo M. *Serm. 4. ad 3. c. 3. t. 1. col. 18. et cit.* illum explicans Evangelii locum, "periculum de tentatione formidinis, & divinæ protectionis auxilio pariter indigebant, quoniam diabolus omnes exagitare omnes cupiebat elidere: & tamen specialis à Domino Petri cura suscipitur, & pro fide Petri proprie supplicatur, tanquam aliorum status incertior sit futurus, si mens Principis victa non fuerit." Quæ ratio petita ex ratione Primatus, ut indicat vox illa *Principis*, cum etiam Petri successoribus sit communis, dubitari non potest, quin ad eos quoque transierit vis orationis Christi, qui pro Petri fide nunquam defecturâ Patrem exoravit. Consentit etiam Bossuetius, qui in *Meditation. sup. evang. die 70.* ita ea Christi verba explicat: "Satan expetivit, ut criberet vos: ego autem, Petre, oravi pro te speciatim, pro te distincte, non quod alios neglexerit, sed, ut, explicant SS. Patres, quia firmato capite impedire volebat, ne membra nutarent." Quem in finem paulo post declarat, "S. Petrum ob rationem Christi recepisse fidem constantem, invincibilem, inconcussam, & ita abundantem, ut ipsa apta fuerit ad confirmandum non solum alios fideles, sed etiam fratres suos Apostolos, & pastores gregis." Atque hæc quidem ad Primatum pertinere, qui ad Petri successores transivit, & exinde Apostolicæ Sedis fidem vinci, & errare non posse, ostendit in *Meditation. diei 72.* Confer Gelasium P. *Ep. 14.* apud Labbæum *tom 5. Concil. col. 341. ed. Ven.*, Pelagium II. *Ep. 5. ad Eliam. t. 6. Conc. col. 425.*, S. Bernardum *Ep. 190. c. 1. seu Tract. contra Abailard. ad Innoc. II. opp. t. 2. p. 283. ed. Ven. 1765.*, S. Thomam in *cap. 6. Matthæi*, & in *2. 2. q. 1. ar. 10.*, ceteros à Ballerinio collectos *I. c. §. 3. p. 270. & seq.* Mitto reliqua, quæ ab eodem, Ballerinio, Machio, Osio, Bolgenio exposita graviter, accurateque sunt.

§. VII. Jam vero hæreticus est habendus non tantum, qui pervicax in errore perseverat, quem Ecclesia, aut Summus Pontifex tamquam hæreticum condemnavit, sed etiam qui sciens prudens in fide dubitat (1). Nam quisquis dubius est in fide Ecclesiæ catholicæ, hoc ipso in fidem obstinare peccat; quoniam dubium, & incertum esse non potest, quod à catholica Ecclesia veluti fide divina credendum proponitur. Dubius autem in fide censetur, non tantum qui de universa dubitat Ecclesiæ doctrina, verum etiam qui

aliquem fidei articulum obfirmate in discrimen revocat.

(1) *Cap. 1. de Hæret.*

§. VIII. Præter hæreticos, sunt etiam de hæresi suspecti, qui nimirum ex indiciis, & conjecturis errare in fide cum sententiæ obstinatione censentur. Est autem suspicio de hæresi levis, vehemens, & violenta. Levis suspicio est, quæ oritur ex signis externis operum, vel verborum quæ minus tuta, certa que sunt, & quæ raro admodum hæresis præsumptionem afferunt; ut si quis semel hæreticorum conventibus interfuerit. Vehemens educitur ex argumentis, quæ sæpe certa firma que sunt, & ideo juris afferunt præsumptionem, quæ contraria probatione tollenda, evertenda que est; ut si quis in rebus fidei errores fuderit, aut die vetito carnes manducaverit. Denique violenta suspicio inducit præsumptionem juris & de jure, quæ nulla contraria probatione labefactari potest, quæque satis est, ut quis tamquam hæreticus condemnatur; veluti si quis frequens hæreticorum cœtibus interfuerit, vel de hæresi suspectus sacramento se purgare noluerit, vel hæresim ejurare, & inde excommunicatus per annum in excommunicatione perseveret (1).

(1) *C. 13. §. 2. de Hæret., c. 7. eod. in 6., Concilium Tridentinum Sess. 25. de Reform. cap. 3.*

§. IX. Multæ in hæreticos poenæ tum ecclesiasticis, tum civilibus legibus constitutæ sunt. Et Ecclesia quidem eos plectit excommunicationis poena, atque ecclesiastica communione privat (1); quoniam in Ecclesia retinendi non sunt, qui ab ea divortium fecerunt, neque cum fidelibus sunt commiscendi, qui alios depravare opinionum monstrent, & exemplo possunt (2). Eidem poenæ subjiciuntur etiam, qui scientes in loco sacro hæreticos sepeliverint, eorumque futores, hospites, defensores, præterea qui cum iis in sacris communicaverint (3).

(1) *Can. 13. caus. 24. q. 3., C. 8. 9. 15. de Hæret.* Confer etiam *Bullam in Curia Domini.*

(2) "Secundæ, inquit Hieronymus *Comment. in Ep. ad Galatas c. 5. Tom. IV.*

vers. 8. opp. t. 7. col. 489. ed. Vallarsi Veronæ, putridæ carnes, & scabiosum animal à caulis ovium repelle dum, ne tota domus, masa, & pecora ardeat, corrum pati r, putrescat, intereat. Arius in Alexandria una scintilla fuit; sed quia non statim oppressa est, totum orbem ejus flamma populata est.

(3) Canon Apostolorum 37. al. 45. apud Cotelierum PP. Apostolic. t. 1. p. 448. ed. Amstelædani 1724.; Concilium Laodicenum can. 9. apud Labbæum Concil. t. 1. col. 1531. ed. Ven. cit.

§. X. Præterea si clerici sint hæretici, omnibus ecclesiasticis officiis privantur, ac perpetuo deponuntur (1), & generatim hæretici irregulares sunt, sive in hæresi baptizati fuerint, sive in eam inciderint post acceptum in catholica fide baptismum; nam reversi ad ecclesiam catholicam tamquam laici recipiuntur, ac perpetuo à sacro ministerio repelluntur (2). Eadem hæc pœna pertinet etiam ad eos, qui hæreticos recipiunt, iisve favent, aut eos defendunt, item ad eorum liberos ex paterna linea ad primum, & alterum gradum, ex materna usque ad primum tantum, si eorum parentes in hæresi decederint (3); denique in hæresi perseverantes cum pertinacia sæculari Curia traduntur, ut meritis plectantur pœnis (4), atque in errore morientes ecclesiastica sepultura privantur (5).

(1) C. 9. de Hæret. Vide etiam Cyprianum Ep. 59. ad Magnum p. 296. ed. Amstelædani 1700.

(2) Cun. 21. caus. 1. q. 7. can. 17. caus. 6. q. 1., c. 2. §. 2., de Hæret. in 6.

(3) C. 25. de Hæret. in 6.

(4) C. 9. de Hæret.

(5) C. 8. eod.

§. XI. Civilibus quoque legibus multæ in hæreticos pœnæ indictæ sunt, quæ tamen in cujusvis sectæ hæreticos non omnes cadunt. Cuncti generatim infamia notantur, & in quemvis hominem sibi criminis societate conjunctum testamentum condere, aut donationem conferre, atque ipsi aliquid ex alieno testamento, aut donatione capere prohibentur. Præterea eorum bona publicantur (1), ipsique pecuniariæ (2), aliisque similibus pœnis subsunt; quin etiam jus Romanum hæreticos nonnullos ultimo supplicio afficit,

quales sunt Enekratitæ, Saccophori, & Hydroparastatæ, qui omnes Manichæorum erroribus inquinati erant (3); item qui aliquem rebaptizaberit; & qui rebaptizatus fuerit, modo per ætatem criminis capax sit, morte mulctantur (4). Denique à Federico II. aliæ quoque contra hæreticos pœnæ statutæ sunt (5).

(1) Confer Codicem Theodosianum *tit. de Hæret.*, ubi omnes fere habes pœnas, quæ à Jure civili in hæreticos sunt constitutæ.

(2) Ipse Augustinus, qui initio æquum non putaverat contra Donatistas ob errorem vim adhiberi, deinceps experiundo novit, utiles esse contra hæreticos pœnas pecuniarias. Augustinus *Ep. 185. ad Bonif. c. 7. opp. t. 2. col. 8; 1. ed. Mur. Ven. 1759*. Nimirum ipsi pœnarum metu perterriti in rem diligentius inquirunt, ac doctiores facti ad catholicam Ecclesiam revertuntur. Sane multos hæreticos inter angustias & afflictiones in bonam mentem rediisse constat, quoniam his malis veluti excitati de rebus suis diligentius cogitare cœperunt, atque ita noverunt, & abjecerunt errorem, in quo pridem hæsitabant.

(3) *C. 9. cod. Theodor. de Hæret.*

(4) *C. 2. cod. Ne sanct. baptism. iter.*

(5) Ejus constitutionis fragmenta extant in *Auth. Si vero, et Auth. credentes cod. de Hæret.*

§. XII. Hæretici, qui pœnitentia ducti redire ad catholicam Ecclesiam velint, recipiuntur, sed primum errorem detestari, atque ejurare, fidemque catholicam profiteri debent. Atque hi quidem ab asperioribus liberantur pœnis, sed sæpe, cum ita rerum ratio postulat, perpetuo carceri addicuntur (1). At eorum, quos *delapsos* vocamus, qui scilicet plus semel in hæresim lapsi sunt, tamquam ficta habetur pœnitentia, ideoque ipsi sæculari judici traduntur, ut debitæ pœnis afficiantur (2). Iis tamen Pœnitentiæ, & Eucharistiæ sacramenta non denegantur, si manifesta dederint pœnitentiæ argumenta.

(1) *Cap. 15. de Hæret.* Confer etiam Benedictum XIV. *Const. Romanæ 129. §. 11. r. 1. ejus Bullar. p. 313. ed. Rom. seu Ven. 1754.*

(2) *Cap. 4. cod. in 6.*

§. XIII. Vetus disciplina hæreticos, qui ad Catholicam Ecclesiam veniebant, cum in hæresi nati, baptizatiq; fuissent, ab illis distinguebat qui ad eam redibant cum baptizati,

et educati in fide catholica fuissent; ac postea descivissent (1). Illi enim non per poenitentiam solum, sed per manuum etiam impositionem, ac si in hæresi uncti non fuissent, etiam per sacri-chrismatis unctionem recipiebantur (2). Quamquam enim baptismus valide collatus haberetur, tamen suspensa videbatur manere charitas; quæ in sola Ecclesiæ unitate habetur, donec ad catholicæ matris sinum accederent. Contra qui primum catholici, deinceps hæretici fuerant, excipiebantur per poenitentiam, quæ brevior, longiorve erat pro ratione rerum, ac temporum disciplina (3).

(1) Confer S. August. Ep. 93. ad Vincent. Episc. C. 13. opp. t. 2. col. 253. ed. Maurio. Ven. 1729., et l. 2. contra Crescon. Donat. c. 16. t. 9. col. 419. cit. ed.

(2) Vide Petrum de Marca in can. 28. Conc. Claromont.

(3) Concilium Eliberitanum can. 12 apud Labbæum conc. t. 1. col. 995. hos hæreticos decem annos agere poenitentiam voluit: Concilium Agathense can. 60. t. 5. col. 530. tempus hoc contraxit ad annos tres; Concilium Epaonense can. 25. t. 5. col. 718. etiam tertio anno poenitentiam mitigavit. Plura ea de re habet Binghamus Orig. eccles. l. 16. c. 6. §. 16. et 17. t. 7. p. 302. et seq. ed. Halæ Magdeburg. 1761.

TITULUS V.

De schismate.

I. Schisma quid?

II. An schismatici sint hæretici?

III. Quotuplex schisma?

IV. Schismaticorum poenæ.

§. I.

Schisma etiam Græcum nomen est, quod latine scissuram, ac divisionem significat. Schismatici sunt, qui se ab unitate separant Ecclesiæ Catholicæ, quæ in eo est posita, ut plures, Ecclesiæ particulares, tamquam plura membra, sub uno omnium capite unum corpus efficiant. Cum autem hujus unitatis centrum sit Summus Pontifex, nec sine hoc centro, in quo omnes particulares Ecclesiæ copulantur, una ex cunctis Ecclesia effici possit, facile intelligitur, Ecclesiæ unitatem abruptere, ideoque esse schismaticos, qui à Romano Pontifice discessionem faciunt (1). Nam

qui discedunt à centro, in quo unitas existit, ii profecto ab unitate discedunt; nec cum Ecclesia conjuncti esse possunt, qui ab ejus capite disjuncti ac dissociati sunt. Itaque Schismatici sunt Græci, qui sub Patriarcha Constantinopolitano in Turcarum imperio vitam agunt (2); Ultrajectenses (3), ceteri; qui divisi sunt à Sede Romana, & à capite Ecclesiæ, centroque unitatis.

(1) Diserte Cyprianus de Unit. Eccles. p. 397. ed. Baluzii Ven. 1728. (qui locus corruptus est in textu Filii p. 78. ed. Amstelædami 1700) "Qui cathedram Petri, inquit, super quam fundata est Ecclesia, deserit, in Ecclesia se esse confidit?" Hieronymus ep. 15. n. 2. ad Damas. P. de Hipost. opp. t. 1. col. æ. edit. Vallarsii Veron. "Beatitudini tuæ, inquit, videst cathedræ Petri communionem consocior... quicumque extra hanc domum agnum comederit, profanus est." Ambrosius Orat. de Obi. Satyr. fr. n. 47. p. 527. t. 6. ed. Ven. 1721. "percontusque ex eo est, inquit, utrum nam cum Episcopis catholicis, h. e. cum Romana Ecclesia conveniret." Eadem est sententia Irenæi contra hæres. l. 3. c. 3. opp. t. 1. p. 175. ed. Massueti Ven. 1734. qui de Ecclesia Romana dicit hæc: "Ad hanc enim Ecclesiam propter potorem principalitatem necesse est omnem convenire Ecclesiam, hoc est eos, qui sunt undique fideles." Quem clarissimum Irenæi locum frustra convellere, ac detorquere conantur Protestantes, præsegit Fellus, Grabbius, Salmassius, quos solide refellunt Massuetus Dissert. 3. in Irenæum art. 4. n. 31 & seq. t. 2. p. 108. & seq. cit. ed. Ven., Valsecchius La verità della Chiesa Catholica Romana c. 6., & Mamachius ep. 4. ad Fabron. p. 32. seq. & p. 419. seq. Possem & alia afferre Patrum & Conciliorum quoque testimonia, quæ prope innumera sunt, nisi Institutionum brevis impedimento esset. Nolo tamen omittere præclara quædam ea de re Gallicanæ Ecclesiæ testimonia. Ille fuit, inquit Bossuetius, Instruct. sur les promesses faites à l'Eglise p. 96. Paris 1700. "que un peu de bon sens, & de bonne foi, pour avouer, que l'Eglise Chrétienne à eu dès son origine, pour une marque de son unité, la communion avec la Chaire de S. Pierre, dans la quelle tous les autres Sièges ont gardé l'unité." In qua sola unitas ab omnibus servaretur: "en sorte qu'en y demeurant, comme nous faisons, nous sommes le corps, qui à vu tomber à droit, & agauche ceux, qui sont séparés d'eux mêmes." Episcopus Bononiensis Docum. pastor. 1724. "Il ne me vient, inquit, mes très chères freres, ou à vous exhorter de ne vous écarter jamais de la foi de l'Eglise de Rome, C'est par l'union avec le Saint Siège Apostolique, que l'Eglise est une." Et Cardinalis de Bissy in Docum. pastor. 14. Juin 1728. "L'Eglise de Rome, inquit, que Jesus-Christ a établie la tête d'un corps, qui doit toujours être un, & qui ne peut toutefois conserver son unité, qu'en demeurant uni avec elle." Alia bene multa ea de re Gallicanæ Ecclesiæ

testimonia collegit Auctor operis, cui titulus *de Romani Pontificis auctoritate Ecclesiae Gallicanae doctrina* l. 1. c. 3. §. 2. & 3. Egrege totum hoc argumentum persequitur Auctor tractatus *de schismate*, qui primum Gallice editus est, deinde Italice redditus prodit anno 1718. sine logo. Illud postremo animadvertam, adeo necessariam semper habitam fuisse omnium Ecclesiarum cum Romana Ecclesia communionem, & conjunctionem, ut cuncti Episcopi eam praeferre, atque omnibus testatam facere voluerint. Ea de causa in Concilio Nicæno statutum est, ut in litteris formatis, quæ catholicam communionem ostendebant, non solum describeretur prima littera nominis trium Personarum Sanctissimæ Trinitatis, sed etiam prima littera nominis Petri, ut ita communio cum unitatis centro Romana Ecclesia designaretur, uti ostendit Baronius *ad an.* 325. *p.* 143. t. 4. *ed. Lucæ* Hinc etiam, ut recte est observatum à Cl. Zaccaria *de Reb. ad Histor. atque antiq. eccles. pert. Diss.* 12. c. 3. §. 5. *p.* 251. *ed. Fulgin.* 1681., sæculo XI. catholici Episcopi, ut à schismaticis distinguerentur, sese *Apostolicæ Sedis gratia* Episcopos appellabant. Hæc quidem formula his concepta verbis quæ nunc etiam Catholici Episcopi utuntur, haud usurpari primum cœpit sæculo XIII., ut Thomassinus *Vet. & nov. Eccles. disciplin. par. 1. l. 1. c. 60. n. 9.* Patres Maurini *de Arte diplomatica* t. 4. *p.* 591. *not. 1.* aliique existimat, sed etiam sæculis XI., & XII. in usu erat, quod certissimis allatis monumentis ostendit Zaccaria *l. c. c. 3. p. 235. & seq.* Quin etiam multo ante hoc tempus S. Leo M. Anatolium suum, hoc est *Apostolicæ Sedis gratia* Constantinopolitanum Episcopum constitutum affirmat, uti sapienter est animadvertum à Cl. Mamachio *ad auct. oper. Quid est Papa?* ep. 3. §. 1. t. 1. *p.* 251. *ad* 256. quo loco graviter, nervoseque ostenditur, quam merito ab Episcopis, præsertim Occidentis, ea formula adhibenda sit.

(2) Adversus schisma Græcorum late scripserunt Emanuel Colecia *l. 4. contra Græcos*, Jos. Stegmannus "Refutatio errorum Photianorum, Michael Nau Ecclesiæ Romanæ Græcæque vera effigies &c." *Paris* 1680. Stephanus de Altimura, quo nomine later P. Le-Quenius, *Panoplia contra schisma Græc. Paris.* 1718.

(3) Confer "Historiam de Rebus Ecclesiæ Ultrajectensis à tempore mutatæ religionis in Fœd. Belgio monumentis authenticis roboratam variisque dissertationibus illustratam Coloniae Agripinæ 1725." Cornelium Paulum Høyneck van Papendrecht "Historia Ecclesiæ Ultrajectinæ à tempore mutatæ Religionis in Fœderato Belgio, in qua ostenditur ordinaria Sedis Archiepiscopalis, & Capituli jura intercedisse. Mechliniæ 1727." & Aloysum Mazzium "*Storia delle rivoluzioni della Chiesa di Utrecht Venezia* 1787." Hoc quoque argumentum pari cum laude tractavit Laurentius Veith in libro *de Gemina delectatione* edito *Augustæ Vindelic.* 1785. *sect. 2. art. 2. p. 100. seq.* Videndæ autem in primis sunt litteræ tres plenæ gravitatis, veritatis, auctoritatis, dignitatis, quas Optimus, Sapientissimusque Pontifex PIUS VI an. 1778. & 1779. dedit ad Fœderati Belgii Catholicos adversus schis-

máticos Episcopos Ultrajectenses, quasque describit Mozzius *cit. histor.* p. 203. & seq. t. 3.

§. II. Schismatici propriæ hæretici non sunt, quoniam integram relinquunt Ecclesiæ doctrinam (1); at nullum schisma est, si diu stet, quod in hæresim non recidat, quoniam qui in illo pervicaci animo perseverat, Ecclesiæ auctoritatem contemnit, ipsaque pertinacia schismatici profitentur, quod catholicæ Ecclesiæ doctrina non patitur, extra Ecclesiæ unitatem salutem dari (2). Quin omnes schismatici sibi aliquod dogma confingere solent, ut justas suæ discessionis causas habere videantur (3).

(1) *Can. 43. caus. 23. qu. 5.*

(2) Nostro hoc sæculo Tillotsonus, Saurinus, Bolingbrokius, Juriscus, Marchio de Argens, ceteri similes ausi sunt defendere, quod hæretici, & schismatici extra Ecclesiæ unitatem non sint, atque æternam salutem consequi possint. Institutionum brevitatis haud patitur, me longo sermone immorari in eorum commentis refutandis, quod post Bossuetium, aliosque complures catholicos Scriptores egregie præstitit Valsecchius *L'verita della Chiesa Catholica Romana* c. 8. Vide etiam Lupolum *Prælect. jur. Eccles. c. 6. §. 8. & seq.*

(3) S. Hyeronimus in c. 3. *Ep. ad Titum opp. t. 7. col. 738. ed. Vallarsii Veronæ.*

§. III. Est autem schisma vel internum, vel externum. Interni schismatis reus est, qui à propria Ecclesia injuste discedit, in eaque turbas excitat, & cœtus conflatur, qui in diversa studia rapiantur. Externum schisma est, ubi particulares Ecclesiæ, quæ mutuis fœderibus nexæ, & jugatæ sunt, exortis dissidiis dissociantur, neque amplius unam majorem ecclesiam efficiunt, sed tot existunt particulares cœtus, quot sunt ecclesiæ inter se dissidentes. Atque hoc quidem schisma particulare est, cum particulares Ecclesiæ inter se tantum dissociatæ sunt, sed tamen cum universali Ecclesia communionem, ac societatem retinent. Nam universale schisma est, cum aliqua Ecclesia, vel aliqui Christiani à catholicæ Ecclesiæ univestitate discedunt.

§. IV. Schismatici qui ab universali Ecclesia discessio-

nem faciunt, iisdem propè pœnis, quibus hæretici, afficiuntur. Quamquam enim schisma sine hæresi esse possit, tamen eam plerumque conjunctam habet, in eandem erumpit. At qui à sua Ecclesiâ, suoque Episcopo injuste separantur, si clerici sint, deponuntur, si laici, extra Ecclesiam projiciuntur (1). Quod si Episcopus in pietate peccet, atque hæresis, apostasiæ, schismaticis reus sit, recte se Christiani à peccatore præposito separabunt (2).

(1) Canon Apostolorum 32. apud Cotelierum PP. *Apostolic. t. 1. p. 440. ed. cit.* Clericus schismatis reus etiam pœna excommunicationis plectitur in *can. 43. caus. 23. qu. 5.*

(2) *Plebs*, inquit Cyprianus Ep. 67. *al. 63. p. 288. ed. Amstelædami 1700.*, obsequens Prelatis Dominicis, & Deum metuens à peccatore „Præposito separare se debet, nec se ad sacrilegi sacerdotis sacrificia „miscere.”

TITULUS VI.

De Vetita Tolerantia Hostium Religionis.

I. Omnes à catholica veritate dissentientes inter catholicos non tolerandi.

II. ad IV. Quid Ecclesia, quid Princeps sæcularis in hoc genus hominum agere debeat?

V. Ne recta quidem ratio sinit in-

ter catholicos versari hos homines, qui à veritate abhorrent.

VI. Nulla his hominibus justa erroris excusatio est.

VII. Quando, & quomodo hi homines tolerari possint?

ni l'op. 100. 110. 120. 130. 140. 150. 160. 170. 180. 190. 200. 210. 220. 230. 240. 250. 260. 270. 280. 290. 300. 310. 320. 330. 340. 350. 360. 370. 380. 390. 400. 410. 420. 430. 440. 450. 460. 470. 480. 490. 500. 510. 520. 530. 540. 550. 560. 570. 580. 590. 600. 610. 620. 630. 640. 650. 660. 670. 680. 690. 700. 710. 720. 730. 740. 750. 760. 770. 780. 790. 800. 810. 820. 830. 840. 850. 860. 870. 880. 890. 900. 910. 920. 930. 940. 950. 960. 970. 980. 990. 1000.

Ne catholicorum animi inficiantur erroribus, pravisque opinionibus, & factis eorum, quibus aliena à veritate sententia & religio est, recte & sapienter Ecclesia constituit, ut hi homines procul à catholicorum societate, & consortio expellantur (1). Horum autem multiplex genus est. Nam alii sunt, qui Deum prorsus tollunt, aut qui ociosum fingunt, & nihil sollicitum rerum humanarum Deum: alii, qui rerum omnium effectorem faciunt, quod creatum est; sunt denique Apostatæ, Hæretici, Schismatici. Hi ut inter Catholicos maneant; ferendum non est.

(1) Vetus est error Apellis, ut testatur Eusebius *Histor. l. 5. c. 13. p. 226. ed. Valesii Cantabrig. 1720.* agentis fidei rationem non esse quaerendam, quia si omnes in Christum credunt, atque in eo spem suam ponunt, ad eandem Ecclesiam pertinent, etiamsi fortasse in aliis rebus dissentiant; quem errorem & Georgius Cassander Bellarmini aetate, ut ipse testatur *de Laicis l. 3. c. 19. opp. t. 2. p. 272. ed. Ven. 1721.*, excitavit, Donatistae Augustini aetate adversus catholicos contendebant haereticos esse tolerandos, non autem coercendos poenis sive temporalibus, sive spiritualibus, quod ipse Augustinus ostendit *contr. op. Parmenien. l. 1. c. 8. opp. t. 9. col. 19.*, & *contr. ep. Petilian. l. 2. c. 10. t. 9. col. 223. ed. Ven. 1733.* Errorem hunc integrarunt Joannes Wicleffus, Joannes Husius, Lutherus, Raymundus Lullus, Laelius Socinus, Gerardus Titius, Zimmermannus, Claudius Jurieus, & omnes fere Protestantes. In eodem luto haesitarunt Auctor litterarum Judaicarum, Persarum, Turcicarum, Peruvianarum, Auctor operis *Essai sur la liberté de produire ses sentimens*, Auctor de *Meurs*, Auctor de *'Esprit*, Voltairius *Traité sur la tolerance*, Montesquieus *Esprit des lois liv. 25. Chap. 9. & 10.*, Alembertus *Defensa de l'esprit des loix v. tolerance*. Novissime haereticos & theologicæ, & civiliter tolerandos esse contentunt Bartholinus à S. Paulo Heremita Monachus, Leopoldus ab Hay E, iscopus Gradecii Reginae vulgo *Konigsgratz*, quem solide Josephus M. Isotta opusculo Vercellis edito an. 1728. *Della tolleranza Cristiana*, Tamburinius, quem Bartolomeus Cuccagnius peculiari opere refutavit. Ex ipsis Protestantibus, qui saniores sunt, ultro fatentur, atque ostendunt, nullo modo tollerandos esse, sed poenis esse coercendos, atque expellendos illos, qui Deum negant, aut qui eum nullam omnino habere censent rerum humanarum procuracionem, quæ monstra opinionum ipsi quoque civili reipublicæ maxime perniciosa esse docet Cicero *de Natur. Deor. l. 1. n. 2. & seq. opp. t. 2. p. 501. & seq. ed. Geneva 1743.* Ex eorum numeros sunt Grotius *de Jur. bel. & pac. l. 2. c. 20 §. 46.*, Puffendorpius *de Offic. homin. & civ. l. 1. c. 4. §. 2.*, & *de Jur. natur. & gent. l. 3. cap. 4. §. 4.*, Wolfius, Thomasius, Bohemerus, Schmidius, alique complures, quos Jo. Albertus Fabricius laudat, & sequitur duobus operibus, quorum alteri titulus est "Delectus argumentorum, & syllabus scriptorum, qui veritatem religionis Christianæ asseruerunt" *cap. 14.* alteri vero *salutaris lux Evangelii cap. 26.*, item auctor Epistolæ *super tolerantia*, quæ Lockio tribuitur, quamque describit Clericus *Bibliot. univers. t. 15.* Nostis vero Catholicis certum, fixumque est, tolerandos non esse homines à catholica veritate alienos, eosque meritis quoque poenis esse coercendos; atque id late demonstrant Suarezius *de Fide Sess. 3. disp. 20 per tot.*, Bellarminus *de Laicis l. 3. cap. 21. & 22. opp. tom. 2. pag. 276. ed. Ven. 1721.*, Rossensis *art. 33. contr. Luther.*, de Castro *de Just. heret. panit. l. 2. c. 1.* Jobus Pamelius *de Relig. diversitatibus non alienatentis*. Valsechius *Dei fundamenti della religione e dei fonti dell'empirei l. 3. par. 1. c. 6. & la verità della Chiesa Cattolica Romana c. 8. §. 11. seq. Papinus Du*

Tom. IV.

tollerantissime, Gouchatus *Lettr. critiq. let. 126. ad. 146.*, Nounottus, *L'esprit de Voltaire dans ses écrits Chap. 10. Observ. sur la tolérance*, Lupolus *Prælect. jur. eccles. l. 3. c. 5. §. 19.*, Emmanuel de Iturriaga *Lettera di M... al Vescovo di Konisgratz, & in ejus apologia*, cui titulus *Il sistema della tolleranza*, Joannes Dami-nus Vaccusis Archidiaconus *justa religionis coactio*, auctor operis Friburgi editi an. 1785., cui titulus: "La tolerance Chrièrenne opposee au tolerantisme phi osophique, ou lettres d'un patriotè se soi disant curé sur son dialogue au ssojet des protestans." Videnda est etiam *apologie de Louis XIV.* " & de son conseil sur la revocation de l'édit de Nantes pour servir de reponse à la lettre d'un patriote sur la tolérance civ. des protestans de France;" preterea videndum est diarium ecclesiasticum Romæ t. 1. p. 131, & 147, & t. 2 p. 53, 57, 61, 65. Præclare Bossuetus, qui totum hoc argumentum late persequitur contra Jurieum *Histoir. de variat. sismi avertissim. dernière part. t. 5. p. 555. seq. ed. Paris. 1770.* inquit, n. 115. p. 311. "On voit clairement, que ce qui rend cette Eglise si odieuse aux Protestans, c'est est principalement, & plus que tous les autres dogmes, sa sainte, & inflexible incompatibilité, si on peut parler de cette sorte; c'est qu'elle veut être seule, parce qu'elle se croit l'épouse: titre, qui ne souffre point de partage. ... Car c'est en effet ce qui la rend si sévère, si insociable, & ensuite si odieuse à toutes les sectes séparées, qui la plupart au commencement ne demandoient autre chose, si non qu'elle voulût bien les tolérer, ou du moins ne les pas frapper de ses anathêmes. Mais sa sainte sévérité, & la sainte délicatesse de ses sentimens ne lui permettoit pas cette indulgence, ou plutôt cette mollesse: & son inflexibilité, qui la fait haïr par les sectes schismatiques, la rend chère, & vénérable aux enfans de Dieu."

§. II. Porro Ecclesiæ est curare diligenter, ut fidei depositum integrum conservetur, ut unitas fidei, & charitatis, ideoque et veritatis à nemine abrumperetur, ut procul sit omnis error, & cuncta removeantur, quæ veritati obesse, atque ab ea Christianos abstrahere possunt (1). Quare ejus omnino proprium est officium, atque munus tum procul ejicere, tum pœnis coercere omnes (2), qui cum à catholica veritate dissentiant, alios corrumpere, fidemque infuscare possunt exemplo, impunitate, licentia, maligna contagione, quæ ab uno profecta manat latius. Imo hac agendi ratio non iis tantum prodest, qui integra fide sunt, à quibus omne removetur periculum depravationis, sed etiam iis, qui in errore versantur, quibus sapientia Ecclesiæ judicium, & justa coercitio salutem attulit (3).

(1) *Igitur scintilla statim ut apparueris*, inquit Hieronymus *Comment. in ep. ad Galatas c. 5. vers. 9. opp. t. 7. col. 489. ed. Vallarsii Veron.*, "extinguenda est, & frumentum à massæ vicinia semovendum secundæ putridæ carnes, & scabiosum animal à caulis ovium repellendum, ne tota domus massa, corpus, pecora ardeat, corrumpatur, putrescat, intereat. Arius una scintilla fuit, sed quia non statim oppressa est, totum orbem ejus flamma populata est." S. Ambrosius *de Fide ad Gratian. c. 6. opp. t. 5. p. 311. ed. Ven. 1781.* dicit hæc: "hæresis velut quedam hydra fabularum, vulneribus suis crevit, & dum sæpe reciditur, pullulat, igni debita, incendioque peritura."

(2) "Cur ergo non coheret Ecclesia, inquit Augustinus *ep. 185. ad Bonifac. c. 6. opp. t. 2. col. 651. ed. Ven. cit.* perditos filios, ut redirent, si per liti filii coegerunt alios, ut perirent?" Hieronymus *ad Ripar. contr. Vigilant. ep. 109. n. 3. col. 721. t. 1. ed. Veron. cit.* "Non est crudelitas, inquit (crimina pro Deo puniri) sed pietas."

(3) Confer Augustinum *cit. ep. ad Bonifac.*, ubi late hæreticos repellendos, coercendisque esse demonstrat; & si aliud aliquando senserat, sic scribit *in Retract. l. 2. c. 5. opp. t. 1. col. 43. ed. cit.*, sunt duo libri mei contra partem Donati, in quorum primo dixi, non mihi placere, ullius sæcularis potestatis impetu schismaticos ad communionem violentem arctari. Et vere tunc mihi non placebat, quia nondum expertus fueram, vel quantum mali auderet unitas, vel quantum eis in melius mutandis conferre potest diligentia disciplinæ."

§. III. Atque ita semper Ecclesia, Patresque omnes (1) devitari voluerunt, & cum catholicis conjunctos & consociatos esse vetuerunt omnes, qui à fidei veritate aberrarent; exemplo scilicet, & auctoritate eorum, quæ sacris libris continentur (2), quæque ab Apostolis gesta sunt (3). Neque vero alicui vim infer Ecclesia, aut aliquem ad fidem violentè adducit, cum eos homines procul à catholicorum consociatione esse jubet, & pœnis etiam coercet. Tantum ea curat, ut erroribus non inficiantur, qui fide integra sunt, atque ut pœnis moniti errorem noscant, & ad fidem redeant, qui ab ea discesserunt.

(1) Confer Polycarpum *Ep. ad Philippen. n. 6. & 7.*, & Ignatium M. *Ep. ad Smyrnen. n. 4. & 7.* utrumque apud Cotelerium *PP. Apostolic. t. 2. p. 188. et 84. et 86. ed. Amstelædani 1724.*, Justinum M. *Dialog. cum Tryphon. Jud. n. 35. p. 132. ed. Paris. 1742.*, Irenæum *Contr. hæres. l. 4. c. 26. n. 4. opp. t. 1. p. 262. ed. Ven. 1734.*, Cyprianum *Ep. 39. ad popul. Cartag. p. 226. & 227. ed. Amstelædani 1700.* Optatum Milevitanum *Contr. Parmenian. l. 3. c. 7. p. 64. ed. Antwerp. 1702.*, Hieronym. *in Ep. ad Galat. c. 5. vers. 9. opp. t. 7. col. 738. ed. Vallar-*

sii Veron., Augustinum Ep. 93. ad Vincent. et Ep. 185. opp. t. 2. col. 230. et 643. Tract. 11. sup. Joan. n. 14. t. 3. par. 2. col. 382, et Contr. Ep. Parm. l. 3. c. 6. t. 9. col. 75. ed. Ven. 1730., Ambrosium paulo ante laudatum, Leonem M. ep. 15. ad Titib. in princ. opp. t. 1. col. 696. et Sermoni 69. de Passione. Dominic. c. 5. col. 271. t. 1. opp. ed. Ballerin. Ven., Gregor M. l. 1. ep. 74. ad Genn. diem Patrib. et Exa ch. Afric. opp. t. 2. col. 558. ed. Paris. 1705., Isidorum Hispal. Sent. l. 3. c. 13. p. 670. ed. Paris. 1601., Pelagium l. ep. 2. 3. et 4. ad Nars. apud Labbæum Conc. t. 6. col. 468. ed. Ven., Bernardum serm. 66. in Cantic. n. 12. opp. t. 4. p. 341. ed. Ven. 1765. Thomam Aquin. 2. 2. qu. 10. art. 8., et q. 11. art. 3. Vide etiam quæ de Samosatensi, deque Alexandrina Ecclesia adversus Arianos gesta memorant Theodoretus Histor. lib. 4. c. 15. p. 165. ed. Valesii Cantabrig. 1720., quæque Athanasius in Vita n. 68. p. 677. opp. t. 2. ed. Patav. tradit de Antonio, qui scilicet "neque cum Meletianis schismaticis quidquam habuit commercii... neque cum Maaichæis, aliisque hæreticis amice contulit unquam. . . Existimabat enim, & adsequebat, amicitiam horum, & consuetudinem animæ perniciem, atque interitum esse;" quæ denique ab omnibus generatim Episcopis contra hæreticos fieri consuevisse testatur Eusebius Histor. l. 4. c. 24. p. 16. ed. Thurin. 1746. Similia pene sunt, quæ de Paphnutio memoriæ prodidit Sozomenus Hist. l. 2. c. 25. p. 81. ed. Cantabrig. 1720.

(2) Joannes ep. 2. vers. 10. et 11. "Si quis venit ad vos, inquit, & hanc doctrinam (Christi) non habet, nolite recipere eum in domum, nec ave ei dixeritis; qui enim dicit i li ave, communicat operibus ejus malignis." Paulus ad Titum III. 10. "Hæreticum hominem post unam, vel secundam correctionem devota, sciens quia perversus est, & ad Romanos XIV. 17. Rogo vos, fratres, ait, ut observetis eos, qui dissensiones, & offendicula præter doctrinam, quam vos didicistis, faciunt; & declinate ab illis; per dulces enim sermones, & benedictiones seducunt corda innocentium." Idem habet ipse Paulus II. ad Timoth. II. 17., & seq., II. ad Thesalonie. III. 6. et 14., & Matthæus VII. 15.

(3) Joannes Evangelista Cerinthus videns sese in balneo lavantem, statim fugit; sicuti narrat Irenæus Contr. hæres. l. 3. c. 3. t. 1. p. 177. ed. Ven. cit., qui & hæc addit momentosa verba: "tantum Apostoli, & eorum discipuli habuerunt timorem, ut ne verbotenus communicarent alicui eorum, qui adulteraverant veritatem." Quod etiam scriptum reliquit Eusebius Hist. l. 4. c. 14. p. 61. ed. Cantabrig. 1720. Confer etiam quæ de Policarpo Joannis discipulo scribit Hieronymus de Vir. illustr. c. 17. opp. t. 2. col. 843. cit. ed. Veron.

§. IV. Sed & Princeps civili reipublicæ præpositus catholicæ religionis hostes expellere, pœnisque coercere debet (1). Nam ejus est tueri veritatem, curare diligenter, ut ea semper integra sit, remove omnia, quæ alios abstrahere

ab hac veritate possunt, quæque hominum erga Deum officiis adversantur. Quare cum quis ab Ecclesia veræ religioni inimicus judicatus est, debet omnino Princeps omni ope, & opera eniti, ut arceatur contigio scelestis, quo tota respublica corrumpi, & contaminari potest (2). Accedunt dissidia, seditiones, confusio, & perturbatio rerum, cetera mala, quæ, ut plurimum, existunt propter consociationem eorum, quibus in odio veritas est (3); horum vero malorum, vel ipse metus, atque periculum ad omnem eorum causam removendam sollicitat eum, cui publica salus, atque tranquillitas commissa est.

(1) Duplex distinguitur tolerantia, altera, quæ ecclesiastica, altera, quæ civilis dicitur. Ecclesiastica tolerantia est, cum quis omnes hæreticos vera Ecclesiæ membra, & veros filios agnoscit, civilis autem, cum omnibus sectis libere suæ religionis cultus, impunitasque conceditur. Recte autem est animadvertendum à Bossueto *Histoire des Variat. avvertissement. sixième, sur les let. de M. Jureu de n. part. n. 11. t. 5. p. 165. ed. Paris. 1770.*, quod eorum, qui civilem tolerantiam defendunt, hoc consilium, hoc propositum est, ut ecclesiasticam quoque tolerantiam confirmem, inter, ne catholicam, ceterasque religiones nullum discrimen faciant. "Si on se déclaroit, *inquit ille*, ouvertement pour la tolerance ecclésiastique, c'est-à-dire, qu'on reconnut tous les herétiques pour vrais membres, & vrais enfans de l'Eglise, on maneroit trop évidemment l'indifference des Religions. On fait donc semblant de se renfermer dans la tolerance civile... leur dessein véritable est de cacher l'indifference des religions sous l'apparence misericordieuse de la tolerance civile."

(2) Egregie S. Augustinus *Tract. 11. in Joan. ad n. 14. of p. t. 3. par. 2. col. 382 cit. ed. Ven.* "Mirantur autem, *inquit*, quia commoventur Potestates Christianæ adversus detestandos dissipatores Ecclesiæ. Si non ergo moverentur quomodo redderent rationem de imperio suo Deo? Intendat charitas vestra, quid dicam; quia hoc pertinet ad Reges sæculi Christianos, ut temporibus suis pacatam velint matrem suam Ecclesiam habere, unde spiritualiter nati sunt... Talia facere volunt (*hæretici*). & saltem talia pati nolunt. Nam videte, qualia faciunt, & qualia patiuntur; occidunt animas, affligunt in corpore, sempiternas mortes faciunt, & temporales se perpeti conquirunt." S. Leo *M. ad Turrib. Ep. 15. in princ. t. 1. col. 694. ed. Baltern.* dicit hæc: Merito Patres nostri, sub quorum temporibus hæresis hæc nefanda prorupit, per totum mundum instantes egere, ut impiis furor ab universa Ecclesia pelleretur, quando etiam Principes mundi hanc sacrilegam amentiam ita detestati sunt, ut auctoritatem ejus, & plerosque discipulos legum publicarum cense prostermerent, & profecto diu ista districtio ecclesiasticæ lenitati, quæ, etsi sacerdotali contenta judicio, cruentas refugit ultiones, severis tamen Chris-

„tianorum Principum constitutionibus adjuvatur, dum ad spirituale non-
 „nunquam recurrunt remedia, qui timent corporale supplicium.” Idem
 habet S. Isidorus H'spalensis *de Summo bono seu Sentent.* l. 3. c. 51. p. 686.
ed. Paris 1631., cuius hæc verba sunt: “Sepe per regnum terrenum
 „coeleste regnum proficit, ut qui intra Ecclesiam positi contra fidem,
 „disciplinam Ecclesiæ agunt, rigore principum conterantur, ipsamque
 „disciplinam, quam Ecclesiæ humilitas exercere non prævalet, cervicibus
 „superborum potestas principalis imponat & ut venerationem mereatur,
 „virtutem potestatis impertiat,” S. Gregorius M. l. 1. ep. 74. *opp. t. 2.*
col. 558. ed. Paris 1705. vehementer laudat Gennadium Patrium, &
 Exarcham Africæ, quod magno studio hæreticos armis persequeretur.
 “Cognovimus, inquit, eos contra catholicam Ecclesiam, Domino eis ad-
 „versante, colla subrigere, & fidem velle Christiani nominis inclinare;
 „sed Eminentia vestra conatus eorum comprimat, & superbas eorum
 „cervices iugo rectitudinis premat.” Mitto cetera Patrum testimonia,
 quæ multa sunt; tantum seligam quædam ex iis à civili potestate
 adversus hæreticos gesta sunt. Constantinus M. in exilium pepulit
 Arium à Nicæno Concilio damnatum, teste Sozomeno *Histor.* l. 1.
 c. 20. p. 38. *ed. Cambrig. 1720.* Idem Donatistas in campum educi, ac
 trucidari mandavit, ut testatur Augustinus *contr. ep. Parmen.* l. 1. c. 8.
opp. t. 9. col. 19. ed. cit. qui recte id factum affirmat, eundemque adver-
 sus hæreticos severissimas leges scribit *Epist. b. ad ejus vit.* l. 3.
 c. 64. p. 620. *ed. Cantabrig. 1705.* Justinianus contra eos præcipue ab
 imperio expelli voluit, ut tradit Auctor *Histor. Miscell.* l. 10. apud Mu-
 ratorium *Rer. Ital. Script.* t. 1. p. 104. *M. lib. lxxv. c. 1.* & Paulus hæ-
 reticus cum sociis ab Eudodio Præfecto jussu Maximi Imperatoris interfec-
 tus est, probane Hieronymus *de Orosio Ep.* 13. c. 2. *opp. t. 1. col.*
1023. ed. Vallartii Veron., & Leone M. Ep. 15. *ad Turic. opp. t. 1. col.*
695. ed. Bullerii. Michelēn Imperatorem hæretico capite mulctatos vo-
 luisse, scribit laudatus Auctor *Histor. Miscell.* l. 24. p. 176. Basilium
 magum, & hæreticum Romæ à catholico populo comustum fuisse, tes-
 tatur Gregorius M. *Dialog.* l. 1. c. 4. t. 2. p. 165. *ed. cit.* Conter etiam
 l. 4. c. 5. 8. *col. de Heret.*, l. 1. c. 2. *de Sum. Trinit.*, l. 1. c. seq. *de Apos-*
fat.; item constitutionem Friderici II. Imp., quæ integra describitur ab
 Innocentio Ciruio in *V. Comp. De re al.*, & cujus fragmenta extant in
Auth. Si vero & Auth. Credentes. c. 104, præterea quæ de Alexio Com-
 meno Imp. memoræ prodidit Zonaras in ejus vita n. 23. in *Byzantina Hist.*
collect. ed. Paris. 1687. p. 301., de sui temporis disciplina S. Ber-
 nardus in *Cantic. serm.* 65. *opp. t. 4. ed. Ven. 1765.* p. 341.

(2) Quantum mali civili reipublice attulerint Anani, Donatistæ, Ma-
 nichæi, Viclephite, Hassite Anabaptistæ, Lutherani, Calviniani, gene-
 ratim omnes hæretici, satis ex historiis compertum est. Quod etiam osten-
 dit Auctor libri editi an. 1787, cui titulus *Discours à lire au conseil en*
présence du Roy par un ministre patriote sur le projet d'accorder l'état civil
aux Protestans. Ipse Petrus Blyleus multa dat argumenta in *Commentar.*
Philos. ad illa verba, Compelle intrare, ut conficiat, puniendos esse

atheos, & hæreticos, qui morum regulas corrumpunt, qui turbas in re-
publica excitant, qui ministris injuriam irrogant, qui malæ fidei sunt;
qui societati inferunt detrimentum. Ex quibus omnes pœnas à catholicis
contra hæreticos constitutas vindicari, late, ac nervose ostendit Gaucha-
tus *loc. cit. let. 144.* Confer etiam Bossuetium *Hist. variat. l. 10. c. 56.*

§. V. Quim etiam recta ratio non sinit, nobiscum ver-
sari homines, qui abhorrentes à veritate sententias sequun-
tur. Nam ex ea cognitum, comprehensumque animis ha-
bemus, esse dominatorem, & effectorem omnium, cuncta
nutu regentem, præsentem, immortalem, ac præpotentem
Deum, quem eo, quo decet, cultu prosequi debemus, &
à quo quidquid credendum accepimus, veritatis haben-
dum loco est. Non enim ipse falli, aut fallere quemquam
potest. Quisquis igitur ab iis dissidet, quæ à Deo tradita,
& patefacta hominibus sunt, impius est, & veritati res-
istit; nec recta ratio errorem cum veritate confundi si-
nit, & cum iis, qui veritati adhærent, turmatim, atque
commixtim vivere, qui alios deducere à veritate pos-
sunt (1).

(1) Pulcre Victorius Maria Costa de Arignano Cardinalis, & Archie-
piscopus Taurinensis in *egregia Synodo Diocesana*, quam nuper evulga-
vit, *c. 2. p. 33.* "Neque enim hominum societati, inquit, bene esse po-
test, nisi homines secundum rectam rationem vivant. Quid autem est
recta ratio, nisi sequi voluntatis Dei voluntati, qui æterna, & summa ra-
tio est, obtemperare, & juxta eam vivere?"

§. VI. Neque alicui justa erroris excusatio est, aut quod
in veritate hæret, aut quod eam non satis exploratam habet.
Nam Deus, qui homines veritatem agnoscere, & sequi vo-
luit, certa dedit signa, quibus eadem innotesceret. Quisquis
hæc signa despicit, neque sedulo in veritatem inquit, cul-
pa non vacat; cum iis vero, qui prave sentiunt voluntate,
& perversa sua, quæ potest esse recte sentientibus con-
suetudo, societas, similitudo religionis, morum, senten-
tiarum, ex qua conjunctio societatis existit?

§. VII. Quod si interdum mali gravioris metus, atque
periculum expelli non sinit à civitate hæreticos, ceteros-
que similes, licet exlegi necessitati morem gerere, & ob-
temperare. Tunc autem hi homines in civitate retinentur;

sed ita tamen retinendi sunt, ut eorum error latius manare non possit, neque cæteri ex eorum societate detrimenti aliquid accipiant.

TITULUS VII.

De libris improbatæ lectionis.

- | | |
|--|---|
| <p>I. Quam grave ex pravorum librorum lectione malum.</p> <p>II. Horum librorum lectio merito ab ecclesia vetita.</p> <p>III. Cautio in ea re Hebræorum, Ethnicorum, Sectarum omnium.</p> <p>IV. Pravorum lectio librorum ab Ecclesia vetanda est.</p> | <p>V. Ab Ecclesia speciatim notandi sunt libri, qui legi nequeunt.</p> <p>VI. Doctrina in aliquo libro ab Ecclesia damnata ab omnibus damanda est.</p> <p>VII. Quomodo Summus Pontifex pravos libros condemnet?</p> |
|--|---|

§. I.

Non societas tantum, & consuetudo hæreticorum, eorumque omnium, qui male de religione sentiunt, atque à veritate discrepant, sed etiam pravorum lectio librorum nobis vehementer obest, moresque vitiat, & à rectis vivendi, atque credendi regulis abducit. Itaque ut à perniciofa refugimus societate, ita nobis abstinendum est à pravis libris, quorum præceptis imbui legendo possumus, atque ad eorum mores, consuetudinemque deduci (1). Imo gravius est, quod ex pravis libris, quam quod ex pravo sermone accipimus, detrimentum. Nam quæ legimus altius, quam quæ loquendo audivimus; hærent impressa animo, & difficilius è memoria elabuntur.

(1) Adversus vetitam pravorum librorum lectionem multa scripsere Protestantes, aliique complures, quibus nulla religio est, quique ægre ferunt, eripi ex manibus hominum libros, à quibus nisi in errorem deducantur, eorumque mores depravantur. Jacobus Laurentius an. 1719. Amstelædami dissertationem edidit. "de Libris Gentilium, Judæorum, Turcarum, Patrum, Pontificiorum tolerandis, Protestantium vero prohibendis." Daniel Francus sub disciplina Jacobi Thomasi anno 1666. exercitationem evulgavit *de Indicibus Papistarum expurgatoriis*, quam valde auctam anno 1684. iterum edidit Lipsiæ cum titulo "Disquisitio academica de Papistarum indicibus librorum prohibitorum, & expur-

gatorium, in qua de numero, auctoribus, occasione, contentis, fine, & jure indicum illorum disseritur." In eodem argumenti genere versati sunt Bernardus Von Sanden, cujus est: "Exercitatio Theologica de indicibus librorum prohibitoris, & expurgatoris apud Pontificios, Joannis Conradus Schramm, à quo edita est disputatio de Librorum prohibitorum indicibus, horumque utilitate, & abusu." Justus Heusingius Bohemerus, cujus dissertatio de *Jure circa libros improbandi lectionis ad l. 4. §. 1. ff. Famil. creisc.* prodit an. 1724. Halæ Magdeburgicæ, quam deinceps ipse Bohemerus interuit *Juri Ecclesiastico t. 4. l. 5. tit. de Heret. §. 67. ad 124.*, Christophorus Schoetigenius, qui Dresdæ evulgavit commentarios quinque, quorum tres sunt: "de Indicibus librorum prohibitorum, & expurgandorum, quartus de Navis litterarilis, quintus de Navis politicis indicum prohibitorum, & expurgatorum, præterea tractatum de Expurgatione Pontificia libro um prohibitorum." Est etiam Arnaldi opus, quod anno 1771. in Italicum sermonem conversum Venetiis prodit de *Proibizioni de' libri*. In eodem luto hesitant Voltairius, Auctor litterarum Judicarum; itaque Auctor libelli, cui titulus *Essai sur la liberté de prierie ses semimens*, aliique similes, qui bellum religioni, bonisque moribus indixerunt. Ecclesiæ potestatem vetandi lectionem pravorum librorum, præter duos Protestantes Danielem Colberum, & Andream Knadium, in discepsa revocare ausi sunt Paulus Sirpius, Fevronis, & paucis ab hinc annis Camillus Nanettus Antecessor Patavinus, cujus anno 1767, Venetiis est huius "Avvertimenti politici istorici-canonico-legali al Principi Cristianiani intorno all' uso della loro potestà sulle cose ecclesiastiche, e sacre, item auctor operis *La Chiesa, e la repubblica dentro i loro limiti*." Sed de pravorum librorum merito vetita lectione, deque Ecclesiæ, & Romani Pontificis in eo negotio potestate solide, graviterque deservuerunt Gabriel Putherbois. "Theotimum sive libri tres de Expurgandis malis libris, Jacobus Greterus de Jure, & modo prohibendi expurgandi, & abolendi libros hæreticos, & noxios, qui deinceps scripsit *notion hujus operis Supplementum, ac denique Epimetrum seu Accurarium ad opus, & supplementum de Jure, & modo*," quæ omnia extant tom. 13. operum ipsius Greterii, quæ anno 1734. edita sunt Ratisbonæ; Theophilus Rinaudus "Erotemata de malis, ac bonis libris, deque iusta, aut injusta eorumdem confixione," quod opus descriptum est inter cetera Rayaudi opera Lugduni edita an. 1665. tom. 11. Multa etiam, & præclara eadem de re collegit Joannes Baptista Braschi in egregio opere de *Libertate Ecclesiæ t. 3. c. 26*; multa item in medium allata sunt à Mariano Ruelio Carmelita, qui Arcadio nomine Gilasci Eutclidensis edidit "Saggio dell' Istoria dell' Indice Romano de' libri prohibiti, atque ab Alphonso de Ligaro Episcopo de Jura prohibitione, & abolitione librorum negat lectionis" Sed omnium copiosissime, accuratissime ne totum hoc argumentum se tractavi: Cl. Zaccaria, qui primum edidit dissertationem, quæ extat t. 3. *Annua ter. Ital. l. 1. c. 13.*, deinceps. vero anno 1777. peculiare opus, cui ti-

tulus *Storia polonica delle proibizioni de' libri* Habes hoc opere uno in conspectu positum quidquid ad jas am nocuorum librorum prohibitionem, Ecclesæque, & Romani Pontificis in ea re potestatem ostendendam, atque a hæreticorum, a forinque similium commenta refutandam pertinet. Videndi sunt etiam Gauchardus *Let. crit.* t. 4. *let.* 41., Valsechius *dei Fontanti della Religione è dei fonti dell'empietà* l. 3. par. 3. c. 3. & 4., & Cl. Mamachius *ad auctor. off. Quid est Papa?* §. 22. t. 1. p. g. 324. & seq., à quibus ea de re multa sunt præclare, ac solide animadversa.

§ II. Recte igitur, & sapienter Ecclesia, cujus est curare, ut cunctis sana religio, moresque integri sint, & omnis mali, atque erroris auferatur occasio, lectionem vetat librorum, quos rectis moribus, ac fidei integritati noxios esse animadvertit. Quin etiam ut omnis in re tam gravi damni suspicio, & periculum arceatur, ne retineri quidem sint eos libros, quos aliquis legere curiosus, atque imprudens, & à quibus infici errore potest. Qua in re Ecclesia non tantum prospicit, & consulit saluti, atque utilitati Christianorum, sed etiam ab impetu, & furore perditorum hominum virtutes vindicat, & veritatem sanctissimæ religionis, quam si Dei filii esse volumus, venerari, diligere, vereri debemus. An non Ecclesie testimonio, & auctoritate tueri oportet sanctitatem, ac veritatem Religionis; an non merito censura notantur, qui eam odio habent, contemnunt, irridunt (1)?

(1) Utrumque hoc argumentum late, & egregie persequitur Zaccaria l. c. l. 2. *Dissert.* t. c. 1. 2. 3., ubi etiam recensentur libri, quorum lectio merito improbat.

§. III. Atque hic sane mos fuit Hebræorum (1). Ethnicorum (2), sectarum omnium (3), è medio tollere, atque etiam comburere libros, qui eorum religioni, bonisve moribus adversarentur. Nimirum recte omnes intelligebant, quantum religio, quantum mores, atque ita respublica caperet detrimenti ex lectione librorum, qui in omnium manibus impune, ac sine delectu versarentur. An non catholicis adhibenda erit cautio tam salutaris, tam necessaria, probata consensu Patrum (4), & Ecclesie disciplina (5), ne quis eorum abstrahatur a veritate, quæ tantum in Catholica Ecclesia est:

(1) Narrat Michael Glica 2. p. ann. p. 182. ed. Paris 1660. in *Byzant. histor. collect.*, qui Eusebium laudat, quod Ezechias Rex libros aliquot, qui Sacerdoti tribuebantur, comburi iussit, ne forte populus ex eorum lectione in Idolatriam reparetur. Sed quanta in librorum lectione cautio esset, & provisio Hebræarum, ostendit in primis agendi ratio, quæ in ipsis sacris Bibliis adhibebatur. Nimium ad hoc cunctes, qui nondum trigessimæ ætatis annum attingerant, uti scribit Hæ. nymæ *Proem. in Comment. ad Ezech. opp. t. 5. col. 3. ed. cit.*, aut potius ex vigesimo anno non excesserant, uti tradit Gregorius Nazianzenus *Apoc. opp. t. 1. p. 21. ed. fol. 1690.*, legere non sinebant Genesim, quædam Ezechiel's capita, & librum Canticorum, quod etiam memorie prodidit Origenes *Prologo in Cant. opp. t. 3. p. 26. ed. Paris 1740. ne forte*, ut inquit Auctor librorum *de Vit. contemplat.*, qui olim Prospero tribuebantur, nunc Juliano Pomerio adscribuntur, l. 3. c. 6. n. 6. in *append. opp. 5. Prosperi p. 55. ed. Paris 1711.*, "hæc spiritualia secundum carnem adhuc carnaliter acciperent, nec virtutes cogitarent, quas mulieres ille *quæ non sciunt in his libris mentio est* significant, sed ipsas cogitant carnaliter deprecant; propterea consulto juniores legere sunt illa prohibiti, quæ sicut spiritualiter accepta vivificant, ita carnaliter intelligentibus ipsa carnalis intelligentia occasiones carnalis concupiscentiæ subministrat."

(2) Abderitem Protagoram, quod in principio libri sui sic posuerat: *de Diis neque ut sint, neque ut non sint, habeo dicere*, Atheniensium jussu urbe, atque agro exterminatum fuisse, librosque ejus in concione combustos, scribit Cicero *de Natur. Deor. l. 1. n. 73. opp. t. 2. p. 525. ed. Olivetti Genovæ 1743.*, & Lactantius *de Ira c. 9. p. 14. t. 2. ed. Paris 1743.* Sed Romanorum in primis magna fuit cura, & sollicitudo removendi, tollendique libros, & cætera, quæ mores hominum depravare, eosque à religione avocare possunt. Multa ejus rei monumenta sunt apud Livium *lib. 25. c. 1. l. 3. p. 939. l. 39. c. 16. l. 40. c. 29. t. 5. p. 330. & 490. ed. Drakenborchii Lug. Bat. 1743.*, Valerium Maximum *lib. 1. c. 1. t. 2. p. 23. ed. Torrentii Leide 1726.*, Suetonium in *August. c. 31. n. 1. p. 225. t. 1. ed. Leovardie 1714.*, Senecam *Controv. proem. l. 5. t. 3. opp. p. 348. ed. Amstel. 1682.*, Tacitum *Annal. l. 4. n. 35. & l. 14. n. 30. p. 597. t. 1. & p. 737. t. 2. ed. Ven. 1708.*

(3) Catholicorum libros ab Arianis, ac præsertim Gregorio Cappadocæ Patriarca Alexandrino, Genserico, & Vnerico Vandalorum Rege, ab Iconoclastis crematos fuisse testantur Athanasius *Encyclica ad Episcop. ab Ep. ad Orthodox. de perseq. excut. n. 3. opp. t. 1. p. 90. ed. Pat. 1777.* Victor Vitensis *de Perseq. Vandal. l. 2. n. 12. p. 16. & l. 4. n. 2. p. 66. ap. Ruinart. Hist. Pers. Vandal. ed. Paris. 1694.*, Theodorus Studites *Ep. ad Patriarch. Alex. Apud Baronium ad ann. 87. n. 27. t. 13. Annal. p. 599. ed. Lucæ. Notum est, Lutherum corpus Juris Canonici igni tradidisse: quid actum ab Anabaptistis fuerit, narrat S. ekanus *lib. 10. quid à Calvinianis*, patet ex eorum synodo apud Scheltenham *lib. 9. in aris. pag. 31.* Quia etiam Hæretici tollendos, removendosque cunctos libros auctorum hæreticorum, qui ex diversis sectis essent. Gaspar Radacherus La-*

theranus ea de re libellum Vitembergæ edidit anno 1556., ut conficeret, à Magistrato tollendos esse libros eorum omnium, qui Lutherani non esset, quem librum memorat Gretserus in *Epim. seu Alectari ad opes de Libr. nos. prohiben. c. 1.* Re vera Lutherani magnopere resisterunt Sacramentariorum libris, uti narrat Hospinianus *Hist. sacram. p. 11.*, itemque libris Zuinglianorum, & Calvinianorum, qua de re cum Calviniani quererentur, responsum ab illis est in *R. J. A. octolox. conc. c. 14.* "jam quod conqueuntur aliquibus in locis, libris Zuinglianorum. & Calvinianorum locum datum non esse, vel Theodosii, Valentiani, & Marciani primum Imperatorum exempla, qui ne quis Nestorii, Eutychetis, & Apollinistarum libros describeret, aut legeret, edixerunt, nos- troque Principum pia mandata excussant." Idem à Calvinianis adversus Lutheranum librum factum est, quod multis collectis exemplis ostendit Zaccaria l. c. *Dissert. 1. c. 7.*

(4) Ceterum Dionysium Alexandrinum apud Eusebium *Hist. l. 7. c. 7. p. 326. ed. Valerii Cantabrig. 1720.* S. Hieronimum *Ep. 84. & 107. col. 287 & 682. t. 1. ed. Valarii Veronæ.* Theodorum Studitam *lib. 11. ep. 167. p. 658. ed. Paris. Sirmondi 1696.*

(5) Cum Paulus divinum verbum Ephesi nuntiaret, multi ex eis, qui fuerant carissa sectati, contulerunt libros, & combusserunt eorum omnibus uti scriptum est in *Act. Apostol. XIX.* Insigne hoc monumentum esse monet Gretserus de *Jer. & mor. prohib. l. 1. c. 5.* moris Ecclesie pravos eripiendi libros ex manibus Christianorum. Canon Apostolorum 52. 59 & 60., apud Ceterium PP. *Apostol. t. 1. p. 430. ed. Amstelædami 1724.* divulgari vetat *alios inter ipsos impiorum libros*, itemque libros schismaticorum à S. Cypriano vetitos fuisse, constat ex ejus *p. 45. p. 251. ed. Amstelædami 1700. p. 128.*, Atii Thalliam à Patribus Concilii Nicæni condemnatam fuisse, scribunt Socrates *Hist. lib. 1. c. 21. p. 48. ed. Valerii Cantabrig. 1720.*, & Nicephorus *lib. 8. c. 18. p. 599. t. 1. ed. Paris. 1630.* quod Patrum decretum ab omnibus observari jussit Genstardinus editio, quod memorat Sozomenus *loc. cit.*, describit enim Socrates similiter *la. l. c. loc. cit.* Concilio Carnaginensi IV. a. 401. Græcorum *can. 1. dist. 37.* statutum est, ut *Episcopi Gentilium libros non legant; hereticorum autem pro necessitate, & tempore.* Quid dicam de Oligos libris? Es sane purius damnatos, lectionemque eorum veritam fuisse testantur Sozomenus *Hist. l. 2. c. 14. p. 343.*, Socrates *ib. 6. cap. 9. p. 324. ed. cit.*, & Hieronymus *l. 2. Contr. Rufin. n. 22. t. 2. col. 515. ed. cit.*, Confer etiam Arianæ Episcopi litteras contra Pelagii libros ad Innocentium I. apud Constantinum *Epist. Rom. Pont. t. 2. p. 224.*, itemque litteras PP. Concilii Ephesini contra libros Nestorii ad Theodosium, & Valentianum Imperat. *Act. I t. 3. concil. col. 110. collect. libbri*, præterea S. Leodem *Ep. 15. ad Tullianum c. 15 & 16. opp. t. 1. col. 706. ed. Biliam.* ubi in Hispaniis in quo lecti nisi in his libris non Pelagianistarum libros, atque apocryphas scripturas non debentur ducere esse pronuntiat, sed etiam gentes arguendas, atque reprimendas; quod idem ipse Romæ fecerat adversus Manicheorum libros, sicuti

narrat Prosper in *Chronic.* *tol.* 749. *ed.* Paris. 1711. Mitto cætera, ne nimius sim. Tantum indicabo celebre decretum Gelasii Pontificis, quod pertinet ad exitum sæculi V., & quod vel unum ostendit, quanta jam esset ea ætate cara, & sollicitudo Sedis Apostolicæ, ne in Chæcietarum manibus versarentur libri, ex quibus ipsi damni aliquid accipere possent. De hoc decreto copiose disserit Zaccaria *l. c. l. 1. ep. 2.*, ubi etiam plura habes monumenta, quæ ad rem nostram pertinent. Videndi sunt etiam Binghamus *Orig. eccles. l. 16. c. 2. §. 14. p. 103. seq. t. 7. ed. Hæne Magdeburg. 1761.*, & Mamachius *ad auctor. op. Quid est Papa? ep. 3. §. 22. t. 1. p. 304. seq.*

§. IV. Jamvero quemadmodum leges, quibus pravorum lectio librorum interdicitur, huc spectant, ut omnibus sancta, integra, inviolata Religio sit, damnumque arceatur, & periculum animarum, ita totum hoc negotium pertinet ad ecclesiasticam potestatem, cujus curam, diligentiamque desiderant sanctitas religionis, atque animarum salus. Et quoniam religioni infertur injuria, animi imbuuntur erroribus, sive publice, sive privatim hi libri legantur, imo privata lectio, quæ fieri diligentius solet, plus affert detrimenti; idcirco utraque lectio vetanda est ab ea potestate, quæ homines deterreat ab iis, quæ in aperto, ac propatulo, quæque in occulto fiunt. Atqui tantum ecclesiastica potestas, quæ animis imperat, & eos poena costringit, efficere potest, ut se homines ab iis abstineant, quæ non solum in luce, & conspectu omnium, sed etiam in abdito, atque in tenebris fugienda sunt.

§. V. Cunctos generatim libros, qui religioni, & moribus officiant, procul à nobis esse oportere, omnes facile intelligunt, quibus cordi religio, & integritas morum est. Sed nisi Ecclesiæ judicio constaret, quos speciatim libros legere, sine periculo liceat, quos contra figere oporteat, cuncta essent incerta, & unius, alteriusve libidini commissa; ac sæpe quis imprudens, & ignarus libros legeret perniciosos, quos salutare putabat, erroresque committeret, qui semel infixi animo sæpe nunquam deponuntur. Quare Ecclesia designat libros religioni, bonisque moribus inimicos, hos legi, atque etiam retineri vetat, & poenas etiam addit, quæ animam affligunt, ut timor non ex hominum judicio, quod fidei occultatatio fallit, sed ex peccati conscientia exoriat (1).

(1) Atque ita sane omni ætate observatum est, scilicet pravorum lectio librorum semper ab Ecclesia vetita est, uti paulo ante demonstravi *not. 5.* & latius ostendit Zaccaria *l. c. Epoc. 1. ad 7. & Dissert. 2.* Quæ dum disputo, haud equidem inficior, etiam laicos Principes cavere suis legibus posse, ne quis legat, retineatve libros, qui adversantur iis rebus, quæ eorum curæ, potestati, administrationi commissæ sunt. Verum hæc leges sunt ad instar reliquarum legum civilium, quæ tantum pœnis temporalibus repugnantes coercent, quæque vim exserunt suam in ea regione, in qua conditæ sunt. Ecclesiæ tantum est vetare libros, qui religioni, bonoque spirituali adversantur, ejusque leges pœnas quoque irrogant, spirituales, & ubique Christianos obstringunt. Quod si interdum à laico Principe vetiti sunt Hæreticorum libri, id quidem factum est, posteaquam illi Ecclesiæ judicio vetiti jam, damnatique fuerant. Arii libros jam igni tradiderant Nicæni Patres, antequam eos Constantinus edicto proscriberet. Theodosius Jun., & Valentinianus Nestorii libros improbarunt; sed hi Synodo Ephesina anathematizante fuerant condemnati, ut inquit Liberatus Diaconus in *Breviar. c. 10. p. 44. ed. Garnerii Paris. 1765.* Confer S. Cælestinum *Ep. 13. ad Nestorium n. 2. seq. col. 1115. seq.* apud Constantium *Epistolar. Roman. Pontific. & Epist. Joan. Antiocheni, quæ est 3. inter Cælestinianas 3. n. 2. ibid. c. 1283.* Similiter in Capitularibus Caroli M. *l. 1. c. 73. apud Baluzium t. 1. ed. 482. ed. Ven. 1772.* quidam libri improbantur; sed antea simile Zaccaria Pontifice decretum emissum fuerat, uti observat Pithœus *Glosar. ad Capitular. verb. Tractatus catholici t. 2. col. 512.* Ac ne omnia prosequar, nonne Leo X. Lutheri libros condemnavit? Idem postea factum est à Carolo V., sed his primum edicto monuit, ea scripta esse à Summo Pontifice auctoritate sua Apostolica, ut præmittitur, damnata Theodosius primus cum seductus à Chrysaphio Monothelita fuisset (vide 3. P. Concil. Chalced. *c. 10. t. 4. Concilioz. Labbæi ed. Ven. col. 1807.*) Theodoretii scripta nondum ab Ecclesia improbata damnavit. Verum Chucedonense Concilium, uti constat ex *Act. 8. t. 4. Concil. col. 1522. collect. Labbæi, nulla Imperatoris legis habita ratione Theodoretum absolvit, suæque Sedi restituit; deincepsque eandem legem Valentinianos, & Marcianus abrogarunt declarantes, "quod injusta sententia nihil obsit hæceni quoque, & Theodoretæ religionis Episcopis, qui eadem lege continentur, quoniam non possunt sacerdotes constitutione damnari, quos synodicum ordinat de conservata religione decretum. Concilium Chalcedonense part. 3. c. 11. col. 1510. t. 4. cit. collect." Quid? Enochem Zenonis, hætesim Hæracli, ac Tyrum Constantis nonne semper Ecclesia desepit, atque rejecit? Sepe etiam illi Principes gravissimas contra hæreticos edidere leges, verum rogatu Ecclesiæ, ut facilius eorum audacia coerceretur. Ita Imperatorum (Arcadii, & Honorii) scripta, quæ de Alexandria, & Egypto Originistas pellicebant, Hieronymo, ut ipse inquit *cont. Rufin. 2. l. c. 2. opp. t. 2. col. 464. ed. Vallarsii Verona, suggerentis dictata sunt. Hæ-**

ronymus autem sine dubio hoc mandatum acceperat ab Anastasio I. P., qui illud Imperatorum edictum *responsa* tantum appellat Ep. 3. apud Labbæum t. 2. *Concil. col.* 1432. Ephesini Patres ad Theodosium, & Valentinianum Imperatores dedere litteras, ut cunctos Nestorii libros comburi curaret. Concilium Ephesinum *Act. 1. t. 3. cit. collect. col.* 1102. atque Orientales Episcopi Orto- dexi, & Archimandritæ Constantinopoli- tani, uti patet ex Concilio Constantinopolitano sub Menna habito *ann* 536. t. 5. *Concil. col.* 1006. *cit. collect.*, Agapitum P. rogarunt, ut à Justinia- no contra Severi libros edictum impetraret.

§. VI. Ecclesiastica autem potestas, à qua damnantur improbanturque libri, ex quibus religio & mores detrimen- tum capiunt, est ipsa Ecclesia, & Summus Pontifex Ec- clesiæ caput (1). Alterutrius judicio, & auctoritate opus est, ut omnes per totum Christianum orbem lege obs- tringantur, quodque ab iis editum est iudicium neque fal- li, neque fallere quemquam potest. Quare sive aliquis dam- natus error fuerit (2), sive definitum in libro errorem in- esse (3), sive speciatim, sive generatim, atque, ut ajunt, *in globo* præscripti errores fuerint (4); quidquid à Summo Pontifice, aut ab Ecclesia sive sparsa per terrarum orbem universum, sive in Synodum, congregata pronunciatum, san- citumque est, apud omnes veritatis loco esse debet. Episco- pus etiam, ac provinciale Concilium damnat, legique ve- tat libros, quos noxios esse animadvertit, sed ejus leges circumscribuntur terminis diœceseos, aut provinciæ, in qua latæ sunt, & errori subesse possunt.

(1) Ne omnia colligam monumenta pontificiæ potestatis in damnan- dis, vetandisque libris religioni, bonisque moribus inimicis, qui d. opere esset, scriptis longioris, quodque egroge præstitit C. Zacharia *ad li- bro indic.*, pauca tantum indicabo, quibus cognitis facile erit de cæteris judicare. III. sæc. ad Pontianum Pontificem libri Origenis missi fuerunt, ut damnantur. Confer Constantium in Pontian. §. *anb. n.* 1. *col.* 116. & in Falian. §. 1. *n.* 1. *col.* 117. Contra etiam Anastasium I. p. ad Joann. Hierosolymit. apud eundem Constantium ep. Roman. Pontific. *col.* 726. Ad Innocentium I. Summum Pontificem præstantissimi quoque Africæ Episcopi dedere litteras, ut Pelagii librum condemnaret. "An- themet ergo (inquit illi apud Constantium epist. Roman. Pontific. *col.* 884.) Pelagius scripta sua... Aut si sua esse negat, aut scriptis suis ab inimicis suis dicitur mixta, quæ sua esse negat, an themet eadem, " & damnet paternæ exhortatione, & auctoritate Sanctimoniarum... " Si enim cognoverint (Pelagii socii) eundem librum, quem illic vel

putant esse, vel norunt, Episcoporum catholicorum auctoritate, & maxime sanctitatis tuæ, quam apud eum esse majoris ponderis non dubitamus," &c. Librum Innocentius legit, & eum à quovis damnandum, atque calcandum Africanis Episcopis respondit apud Constantium l. c. col. 905. Leo I. Priscillianistarum libros non modo legi vetuit, sed etiam flammis tradi voluit *ep. 15. t. 2. opp. p. 694. ed. Balierin. Ven.* Plura quoque hæreticorum opera jussu Gelasii I. apud Anastasium Bibliothec. in *Gelas. t. 1. p. 167. n. 2. ed. Romæ 1724.*, & Symmachi apud eundem in *Symmachi. n. 5. p. 175.* incendio condagarunt. Similia habes apud Gregorium M. l. 6. *ep. 66. opp. 1. t. 2. col. 841. ed. Paris. 1705.*, quem in hunc Monachi à Congregatione S. Mauri rectissime adnotarunt, "agnoscendum esse scilicet in Romanis Pontificibus libris aliquos prohibendi potestatem & consuetudinem, cui parere te- nebantur etiam orientalis Ecclesiæ aludini Constantinopolitano Patriarchæ, aut alteri alioqui subditi." Huc etiam spectat Concilium Turonense an. 567. *can. 20. apud Labbæum t. 6. Concil. col. 541.*, cujus hæc verba sunt: "Et quorum auctorum valere possit prædicatio, nisi quos Sedes Apostolica aut semper intromisit, aut apocryfos fecit? & Patres nostri hoc semper custodierunt, quod, eorum præcepit auctoritas." Adde curam & sollicitudinem, quam semper præstantissimi, sanctissimi que viri habuerint, ut eorum scripta Summi Pontificis judicio probarentur. Dionysius Alexandrinus ad Dionysium alterum Summum Pontificem libros quatuor misit, ut ipse judicaret, num ejus recta esset de Trinitate fides, de quo aliqui dubitabant. Libros item quatuor contra duas Pelagianorum litteras ad Bonifacium P. misit Augustinus significans, sese ea scripta mittere "non tam discenda, quam examinanda, & ubi forsitan aliquid displicerit, emendanda. Augustinus *opp. tom. 10. col. 433. ed. Venet. 1731.* De Cæsario Arelatensi scribit Gennadius *de Script. eccles. c. 86. in t. 2. opp. S. Hieron. ed. Peron. col. 984.*, "quod ipse de gratia quoque, & liberi arbitrio edidit testimonia Divinarum Scripturarum, & Sanctorum Patrum judiciis munita. . . . Quod opus etiam Papa Felix per suam epistolam roboravit, & in laus promulgavit." Ipse Gennadius c. 99. & 101. *ibid. col. 689. & 990.* testatur, suum se de fide librum Gelsii P. judicio subjecisse, eundemque Gelasium Honorati Missiliensis scripta approbasse. Sunt etiam Nicolai I. Pontificis celebres responsiones *ad consulti. Bulgarorum*, atque in his n. 103. apud Labbæum in *concil. t. 9. col. 1566.* retineri verantur, & cremari jubentur Sarracenorum libri, quos Bulgari abstulerant. Quid adversus Photii libros, quibus homo schismaticus Summum Pontificem Sedemque Apostolicam audacissime insectabatur, ab Hadriano II. Pontifice actum fuerit, constat, ex Concilio Romano an. 868. apud Labbæum *t. 10. col. 447.*, atque hoc quidem factum VIII. Œcumenico Concilio probatum est *act. 7. apud Labbæum, t. 10. col. 817.* Joannes Diaconus ad Joannem VIII. Pontificem sæculo eodem IX. scribens *de S. Gregor. Magni vita t. 4. Oper. S. Gregor. ed. Paris. col. 20.* "Romano inquit, Pontifici, Deus omnipotens probandorum, seu expellendorum

»scriptorum omnium speciem dedit procul dubio potestatem. Quid dicam de libro Joannis Scoti à Leone IX. primum in Romana, deinceps autem in Varcellensi Synodo damnato, apud Labbæum t. 11. col. 1431. *ed. Ven. cit.* de Petri Abelardi scriptis, quæ Innocentius II. condemnavit, uti patet ex ejus *ep. ad Archiepiscopos Remens. & Senonens. & ad Bernard. Abbatem*, apud Labbæum t. 12. col. 1415. & 1420., quid de alio opere Joannis Scoti, quod Honorius III., uti ostendit Mabillonius *Prefat. ad sec. 4. Benedictin.* §. 8. n. 135. p. 66. *ed. Paris. 1680.* quid de libris Talmudicis Hebræorum, quos Innocentius IV. apud Raynaldum *ad an. 1244. n. 42. t. 21. p. 312. ed. Lucæ* ab omnibus improbari voluit, quid de libris Aristotelis, quos Gregorius IX., uti patet ex ejus Constitutione apud Raynaldum, *An. t. 21. ad an. 1231. n. 48. p. 50. ed. Lucæ*, in Parisiensi Universitatē legi vetuit, "quousque examinati fuerint, & ab omni errorum suspitione purgati" de Marsili Patavini, & Joannis Jandani libris, quos exterminari jussit Joannes XXII. apud Raynaldum *ad an. 1327. n. 28. seq. t. 24. Annal. p. 347. ed. Lucæ*, de aliis hæreticorum, ac de Raymundi Lullii libris, quos Gregorius XI. apud Raynaldum *ad an. 1374. n. 12. t. 26. p. 252. & al. anno 1372. n. 35. p. 229. ib.*, atque apud Natalem Alexandrum *Histor. eccles. sec. 13. & 14. c. 3. art. 20. t. 8. p. 90. ed. Ven. 1776.*, de scriptis Wielefi, quæ primum ipse Gregorius XI., deinde Alexander V. exterminari voluit apud Raynaldum *ad an. 1409. n. 89. t. 27. p. 305.* de erroribus, atque operibus Lutheri, quæ à Leone X. damnata sint, *Constit. Exurge Domine 44. p. 487. t. 3. Bullar. p. 1. 3. Romani?* Nimias essem, si cætera hujusmodi monumenta recensere scribendo vellem.

(2) Ecclesia ejusque caput Romanus Pontifex proponere potest modis omnino tribus alicujus falsi dogmatis, aut doctrinæ judicium. Aut enim propositionem generatim damnat, nullo habito respectu ad illum, qui eam protulit, ex. gr. Propos. Christus non habet animam, aut ut prolatam ab aliquo ex. gr. Socino, aut ut aliquo libro comprehensam, ex eoque decerpam, vel simul cum eo damnatam. Primum illud Ecclesiæ judicium errori subesse non posse, inter catholicos omnes constat, quoniam hujusmodi quæstiones juris quæstiones dicuntur, in quibus definiendis Ecclesia errare non potest. Cetera judicia, quæ non ipsam in se doctrinam attingunt, sed ut prolatam ab homine, vel scriptis expressam, vocantur judicia circa quæstiones facti, in quibus non eadem omnium ratio est. Nam quæri potest, num Apollinaris ex. gr., aut alter aliquis certam illam propositionem docuerit, vel certum illud damnatum scriptum exaraverit. Atque hæc quidem facti quæstio dicitur *de facto mere personali*. Quæri etiam potest, num sensus propositionis, vel libri, quem certo moraliter prolatam, aut quem scriptum ab aliquo constat, ex. gr. Nestorio, Jansenio, quamque, aut quem Ecclesia tamquam hæreticam, hæreticumve damnavit, hæreticus revera sit, prout ab iis Auctoribus explicatur, aut in eorum libris continetur, secundum communem intelligentiam, & verborum significationem. Atque hæc facti quæstio dicitur *de facto dogmatico*. De facto *mere personali* minime sollicita est

Ecclesia, quæ suum in eo negotio j. d. cum minime interponit. Itaque si quis ex. gr. diceret auctorem libri *Augustinus*, qui Jansenii nomine circumfertur, non esse revera Cornelium Jansenium hujussem Episcopum, is qui sem pugnet contra omnium fidem, ac testimonium, sed tamen Ecclesie, quæ ea de re minime laborat, decretis non adversaretur. De facto *dogmatico* magna ab Ap. eliamibus, Jansenianis, Quærellian's controversia excitatur. Nam qui Jansenii propositiones quæque traditas in libro *Augustinus* tamquam catholicas omni ope, & opera defenderant, antequam eæ damnarentur, uti ostendunt Du Mas. *Histoire de 5. Propositions*. t. 2. & Auctor libri Romæ editi an. 1745., cui titulus *Breve Istoria delle variazioni del Giansenismo*, postquam Jansenii doctrina quinque illis propositionibus comprehensa damnata est, stilum repente verterunt, ac negare cœperunt, errores illos Jansenii libro contineri, hæreticum esse sensum propositionum, uti eæ sunt in illo libro descriptæ, Romanum Pontificem, & Ecclesiam in hoc judicio librorum errare posse, eique silentio obsequi satis esse, licere autem cuivis animo fovere sententiam, quæ magis placeat. Id præsertim Antonius Arnaldus cepit contendere; atque hæc celebris est *juris, & facti* distinctio. Hæc, ut verbis utar præclarissimi Fenelonii Cameracensis Archiepiscopi *Doctr. pastor. adv. lib. cas. conscient.* an. 1704. p. 7. "scriptorum infinito prope numero defenditur, Ecclesiam, nihil obstantibus Christi promissis, posse ope divina usque eo destitui, ut & fallatur ipsa, & ipsos salvet, si quando denunciat, eo, quem legit, textu, sententiam hæreticam, hoc nest dogmati revelato adversam proprie significari. Adeo doctrina hæc non offendit animos, ut contra unusquisque sic statnere as uceat, eam adhibita j. s. inter, & factum distinctionis beneficio curam, & inexpugnabilem fieri." Defensores hujus tam falsæ, tamque ineptæ sententiæ gravissime exagitat ipse Fenelonius pluribus documentis Pastoralibus editis an. 1704. & 1705. Videantur etiam Jacobus Bragius B. suetius Episcopus Meldensis *Lettre a la R. M. Abbe, & religieux de Port Royal* n. 1. seq. t. 12. *oper. p. 360. seq. ed. Leod. an. 1707.*, Honoratus Tournelyus in *Theolog. tract. de Eccles. par. 2. art. 3. qu. 5. p. 344. ed. Ven. 1765.*, Simonet. *Theolog. tr. 9. de Reg. fid. disp. 9. art. 11.*, Bertius de *Theolog. discipl. l. 17. c. 5. opp. t. 2. p. 100. ed. Ven. 1765.* Præceteris autem videndus est Cl. Bolgenius, qui egregio opere Bixie edito an. 1788., cui titulus "Fauti dogmatici osti della infallibilità della Chiesa nel decidere sulla dottrina buona o cattiva de libri" totum hoc argumentum copiose, accurateque explicavit. Ceterum distinctionem illam inter jus, & factum, quam in primis Arnaldem defendisse monui, non ipse primus reperit, sed ab Aristinis arripuit. Nam Eusebius Nicomediensis, & Theognis Nicanus, ut testatur Socrates *Histor. l. 1. c. 14. p. 42. ed. Valerii Cantabrig. 1720.* fidei subscripserunt, sed anathematici adversus Aristin subscribere nonverunt, negantes eum hæreticum habendum esse. Similiter religiosi silentii in rebus dogmaticis vestigia sunt apud Nestorianos, qui per illud Alexandrum Episcopum tueri conabantur, quod damnationi Nestorii subscribere no-

luerat. Sic enim ipsum excusat Theodoretus *Ep. ad Jo. Antiochenum*, quæ est c. 17. *Synodici aut. Tragediam Irenæi*, extatque apud Bazarium *Nov. Collect. conc. ecl.* 871. *ed. Paris* 1683., & apud Libbæum t. 4. *conc. col.* 43. *ed. Ven.* "Primo quia, quæ dicit, sunt orthodoxa, secundò, quoniam silentium servat, Ecclesiæ pacem in nullo contaminans."

(3) Ecclesiam, quæ ipse caput Romanum Pontificem in definiendis factis dogmaticis, uti rem paulo ante explicavi, errare non posse, catholicis omnibus plane persusum est. Nam Christus Ecclesiæ adest in munere docendi; atqui in facto dogmatico munus est docendi, per quod discimus "formam habere sanctorum verborum, custodire depositum fidei, & simul devitare profanas vocum novitates," ut inquit Apostolus *II. ad Timot. I.* 13. & 14., & *I. ad Timot. VI.* 20. Præterea quomodo Ecclesiæ pastores pascere gregem poterunt, exhortari in doctrina sana, & eos, qui contrahunt, arguere, nisi noxia pascua, quæ vitanda sunt, hoc est pravorum librorum indiciant, de quibus comprehensa doctrina, bona ne, an mala sit, iudicium feriant? Quomodo Ecclesia erit templum Dei vivi, columna, & firmamentum veritatis, nisi certo iudicet de doctrina, quam quis aut sermone, aut scripto proponit? Sane de veritate, aut errore alicujus propositionis separatim sumptæ certum, ac factum nescimus esse Ecclesiæ iudicium, inter omnes constat. At uti ut nescitur, vera ne, & catholica, an falsa, & hæretica sit aliqua propositio, videndum est, quo sensu usurpata fuerit, & hic porro sensus non nisi ex toto sermone, aut libri contextu educi potest. Ita ex. gr. ea propositio *filius Dei est consubstantialis Patri*, tamquam hæretica damnata est adversus Paulum Samosatenum, qui iis verbis utebatur, ut Patrem, ac filium unam solam personam cum Sabellio faceret; contra vero tamquam fidei dogma firmata est adversus Arium, qui filium secundum Divinitatem Patri æqualem esse negabat. Itaque si totus sermonis, aut libri contextus præsertim facit, ut aliqua propositio catholica, aut hæretica habeatur, consequens est, ut Ecclesia in expendenda, noscendaque doctrina, quæ aliquo libro comprehensa est, nimirum in definiendo facto dogmatico, errare non possit. Similiter de vero sensu Sacrarum Scripturarum Ecclesia iudicat ex toto contextu, nixa testimoniis Patrum, hoc est sententiis, quæ ex toto eorum operum contextu educuntur. Adde quod ad factum dogmaticum pertinet decretum Concilii Tridentini *Sess. 4. decr. 2.*, quo Vulgata authentica declaratur; ad factum item dogmaticum traditio, quam Ecclesia ex Patrum scriptis educit. Quid dicam de Conciliis œcumenicis, quæ sæpe damnant hæreticorum sententias ex eorum operum extractas, quæque num legitime congregata, & approbata fuerint, ex facto quarendum est. His accedit consensus Patrum, & constans, atque perpetua Ecclesiæ disciplina. S. Joannes Chrysostomus œcumenici Concilii actum itatem appellat, ut sibi exploratum sit, num Origenis doctrina damnari debeat, sicuti scribit Socrates *Hist. l. 6. c. 14. p. 329. ed. Cantabrigiæ* 1700. S. Augustinus de *Carthagini. rad. c. 8. opp. tom. 6. col. 270. ed. Ven.* 1731. mittit ad Ecclesiæ iudicium cupientem scire, qui libri hæretici sint, atque huic iudicio obistere quemquam posse negat, *de Util.*

creden. cap. 17. tom. 8. col. 69., S. Hieronymus *Ep. ad Pammach. 84. opp. tom. 1. col. 522. ed. Veion. cit.* ait *subscribentium* facco dogmatico de Origenistis, aut de Ecclesia exeundum clamat. S. Leo *Ep. 1. ad Aquilejen. Episc. c. 1. opp. t. 1. col. 591. et. Ballerin.* Pelagii discipulos *apertis professionibus* damnare jubet "superior erroris auctores, nihilque sit in verbis eorum obscurum, nihil inventiatur ambiguum;" & *ep. 93. ad Synod. Chalced. c. 3. col. 1073. t. 1. ed. cit.*, ait "pertinere ad puritatem fidei, atque doctrinæ d. m. i. hæreses cum suis auctoribus." Confer etiam Gregorium M. *ep. 25. ad Jo. Episc. Constantinopol. l. 1. opp. t. 2. col. 515. ed. Paris 1705.*, librum diurnum Rom. Pontific. *tit. 9. c. 2. pag. 20. ed. Garneii Paris. 1680.*, Concilium Turonense II. *can. 20. apud Labbæum t. 6. Conc. col. 541. ed. Ven.*, Lateranense an. 649. sub Martino I. *can. 18. sect. 5. t. 7. col. 363.*, Constantiense *sess. ult. t. 16. col. 765. ejusd. collect.* Eadem Ecclesiæ disciplinæ ratio est. Porro Concilium Nicaenum non tantum errorem Arii condemnavit, sed ejus quoque personam, & librum, quem Thaliam inscripserat, ut patet ex *ep. synod. PP. Concilii ad Eccles. Alexand. apud Labbæum Conc. t. 2. col. 259.*; omnesque compulsi ad subscribendum damnationi, Theodoretus *Hist. l. 1. c. 8. p. 31. ed. Cantabrig. 1720.*, & Eusebius Nicomedien-sis, ac Theognis Nicænus subscribere nolentes à Concilio sunt depositi, neque restituti, nisi antea probassent omnia, quæ à Patribus decreta fuerant, Socrates *Hist. l. 1. c. 8. & 14. p. 22. & 42. ed. Cantabrig.*, quem in locum videndus est Valesius in *Notis*. In Concilio Ephesino tamquam Catholica probata est S. Cyrilli epistola ad Nestorium, ipsius autem Nestorii epistola ad Cyrillum tamquam hæretica ab omnibus damnata est, proscriptique sunt Nestorii errores desumpti ex *libris, commentariisque ipsius t. 3. Concil. Act. 1. col. 1007. & 1078*. In Concilio Chalcedonensi probata est epistola S. Leonis M. *Act. 4. t. 4. col. 1382. seq.*, "et qui non subscribit e istolæ, cui omnis sancta synodus consentit, hæreticus est," inquit Concilii Patres *Act. 4. col. 1403*. In Concilio œcumenico V. damnatus est Origenes, ejusque doctrina, & scripta, uti constat ex *can. 11 ejusd. Conc. apud Labbæum t. 6. col. 211.*, & ejus discipuli aut damnationi subscribere, aut de Ecclesia exigere coacti sunt, teste Hieronymo *ep. 84. ad Pammach. & Ocean. opp. t. 1. col. 522. cit. ed.* Quæ eadem synodo damnata quoque sunt tria capitula, hoc est scripta Theodori Mopuesteni, ac Theodoretæ adversus S. Cyrillum, & epistola Iba Edesseni ad Marim Persam, de quibus magna animorum contentione quærebatur, num in iis Nestorii errores continerentur. Synodus hæc tria capitula damnavit, atque omnes, qui catholici haberi vellent, damnationi subscribere coegit, uti constat ex Facundo Hermianensi *l. 3. c. 1. p. 35. ed. Paris. 1686.*, & S. Gregorio M. *Ep. 2. & 39. l. 4. opp. t. 2. col. 682. & 719. cit. ed. Paris.* Idem adversus Pelagium factum est, uti ostendunt Augustinus de *Peccat. orig. c. 9. opp. t. 10. col. 256. & de Gest. Pelag. c. 6. t. 10. col. 200. ed. cit.* Innocentius I. *ep. 31. ad 5 Episc. apud Cousantium ep. Pontif. Roman. 5. col. 901.*, Leo M. *ep. 1. ad Episc. Aquil., & ep. 2. ad Septim. opp. t. 1. col. 591. &*

594. Jure igitur, ac merito catholicis omnibus certum debet esse judicium, quod de Jansenii libro *Augustinus*, deque ejus propositionibus, ac de *Moralibus observationibus* Quesnellii iatum est ab Innocentio X. *Const. Cum occasione* 167. Bullar. Roman. t. 6. part. 3. p. 246, Alexandro VII. *Const. Ad sanctam* 136 t. 6. part. 4. p. 10., Clemente XI. *Const. Vincam Domini* 16. et *Cons. Unigenitus* t. 10. p. 145. et 340. De qua quidem *Constitutione* Unigenitus perlegenda sua egregie litteræ, quas Summus Pontifex Pius VI. die 13. Septembris anno 1781. dedit ad Episcopum Brixensem, quibus sane litteris Pontifex Sapientissimus pro ea, qua præstat, singulari, exquisitaque doctrina, flagrantique studio, quo ardet, castigandæ, propugnandæ, propagandæ orthodoxæ religionis invicte, ac perspicue demonstravit, *Constitutionem Unigenitus* irreformabile Sedis Apostolicæ iudicium continere, idque e iam antea definiverant Patres omnino centum in Concilio Romano Benedicto XIII. Pontifice congregati, qui in authentico decreto tit. 1. c. 2. *Constitutionem ipsam fidei regulam* agnoscunt, atque ab omnibus ejusdemque conditionis, & gradus, omnimoda, ac debita obedientia, & executione observari volunt. Iudicium idem plus semel dedit Sac. Facultas Parisiensis, præsertim die 15 Decembris an. 1729., cum declaravit, eam se *Constitutionem amplecti tamquam dogmaticam Ecclesie universalis iudicium*, & idem etiam à Parisiensibus Episcoporum comitiis an. 1751. latum est. Cum enim inter Episcopos orta esset controversia de Eucharistia illis deneganda, qui Bullæ *Unigenitus* adversarentur, factum est inter eos divortium sententiarum; neque tamen ex Episcopis nullus fuit, qui Bullam *Unigenitus* tanquam dogmaticam universalis Ecclesiæ decretum non prædicaret. Nam qui sententiam unam sequebantur ita inquirunt in 1. & 2. artic. "Cum igitur accesserit Ecclesiæ consensus, secretum illud merito vocetur iudicium dogmaticum, & irreformabile Ecclesie universalis, tum iudicium ejusdem ad doctrinam pertinens. Hic iudicio debetur sincerum mentis & cordis obsequium. Qui contra illud discedit peccat, peccant in materia gravi." Qui vero in alteram sententiam ceciderunt in 1. artic. dicunt hæc: "Constitutio Clementis XI., quæ incipit Unigenitus Dei filius, dignat cum est, & irreformabile Ecclesiæ iudicium, cui sincerum mentis, & cordis obsequium sine peccato necesse denegari non potest. Vide Lettre ci-culaire de l'Assemblée générale de Clergé aux Archevêques, & Evêques de France an. 1755. p. 2 & 4." Neque omittenda est recentior, eaque recentissima Cœnæ Gallicani declaratio edita in Comitibus an. 1765. quæ extat in *Act. quod. an.* p. 46., atque his est concepta verbis: "Eas ob causas agnoscunt ut nos semper agnovimus, Constitutionem Unigenitus tamquam iudicium dogmaticum Universalis Ecclesiæ, aut (quod eodem recidit) tanquam iudicium irreformabile huius ipsius Ecclesiæ in materia doctrinæ, cui iudicio deferimus, quam illa exigit, sinceram cordis, & spiritus submissio: em." Confer V. CCI. Zaccarian *Anti Feltron. vind. par. 2. Dissert. 5. cap. 6.* & Laurentium Veith de *Gemin. delect. sect. 2. art. 1. §. 21. n. 69. seq.*, à quibus & alia plura ejusdem rei monumenta describuntur.

(4) Cum Ecclesia propositiones aliquas, uti hæreticas, aut etiam erroneas, vel temerarias, scandalosas &c., sive speciatim, sive generatim, & in *globo* damnat, judicia hæc vere dignifica sunt, atque omnibus certum esse debet, nullam esse ex iis notam, quæ non merito in illas propositiones cadat; præterea si agatur de censura generali, & in *globo*, nullam esse ex damnatis propositionibus, quæ non aliqua ex enumeratis notis digna sit. Secus neque dignificum esset decretum Concilii Constantiensis *Sess.* 43. contra articulos Wiclefii, & Hussi, neque dogmatica Bulla Leonis X. contra articulos Lutheri, nec Constitutio S. Pii contra Bajam, neque item dogmaticarum rerum litorum habenda essent, quæ ab Innocentio XI. contra Martinum Molinos ab Innocentio XII. in propositionibus 23. expressas ex libro, cui titulus *Lex Maxima de Sancte &c.* sacra sunt. Cuncta hæc decreta, & constitutionis propositiones in *globo* damnant; & tenent cuncta catholici omnibus dogmaticæ sunt. Ac Martinus V. in Bulla, qua Constantiense Concilium prohibuit, expresso decrevit, ut *specialiter litteratus* (si hæreticus sit suspectus) inter cetera interrogetur, utrum crederet, sententiam sacri Constantiensis Concilii supra quadraginta quinque Joannis Wiclef, & Joannis Hus triginta articulis superius descriptis latam fore veram, & catholicam, scilicet quod quadraginta quinque articulis Joannis Wiclef, & Joannis Hus triginta non sunt catholici, sed quidam ex eis sunt notorie hæretici; quidam erronei, alii temerarii, & perniciosi, alii piam auriem offensivi. Atque hæc quidem parva in propositionum condemnatione in *globo* recte, & sapienter emittitur, ne qua illarum defenditur, aut animo retineatur, licet non singule eandem censuram mereantur, eo fere modo, quo prudens medicus ægrotis sapienter vetat, ne illa utatur exdapsis, quæ in opiparo convivio paratæ sunt, quoniam omnes egroti sunt noxæ, licet medicus non lesinatur, quomodo singulæ, et quæ plus minusve noceant. Confer Pallavicinia in *Histor. Conc. Præsent. l. 1. c. 22.*, Turmelinum *Prælect. theol. de censur. art. 1. t. 3.*, ubi multa habes ea de re testimonia. Sunt qui has condemnationes generales, & in *globo* recentioris disciplinæ esse putant; at ipsam satis esse debere non nisi Catholico, ut hanc Ecclesiæ disciplinam eo, quo decet, observare veneretur. Verum falsum est, quod illi ajunt. Sane cum in Concilio Nicæno damnata sunt Arrii scripta, ac nominatim ejus Thalia, non eodem prorsus loco habita sunt omnia, quæ iisdem scriptis continebantur. Cum Origenis opera Alexandrino à Theophilo damnata fuerunt, ac vetita eorum lectio à S. Epiphanio Cypri, à S. Anastasio P. Romæ, an quidquid Origenis scripserit pari modo improbatum est? Cum in Concilio V. œcumenico tria capitula damnata fuerunt, an omnia, quæ epistola Ibe Eleutherii ad Marinum Posidon, atque scripta Theodori Mopsuesteni, ac Theodori adversus S. Cyrillum comprehendebant, similibus infecta censuris, & pari dignitate indicata sunt? In eodem Concilio damnatæ fuerunt litteræ Honorii ad Sergium, & Petri Constantinopolitani ad Joannem IV. P., quis crederet, damnatum, proscriptumque similiter fuisse quidquid duabus his litteris scriptum fuerat?

§. VII. Summus Pontifex libros damnat, quos noxios esse deprehendit, aut per Breve, Bullamve suam, aut per Congregationes Indicis (1), Sacrae Inquisitionis, olim etiam per S. P. Apostolici Magistrum interdum pravi libri damnabantur. Ab his quoque Congregationibus vetitorum lectio, librorum his permittitur (2), qui nihil ex ea detrimenti capere possunt. Improbantur autem libri, postquam à doctis viris cogniti, expertisque dilligentissime sunt, neque eadem est omnium improbandorum ratio. Sunt enim qui plus religioni, bonisve moribus adversantur, atque horum magis fugienda lectio est; alii sunt, qui ita scatent erroribus, ut non modo legi, sed ne castigari quidem possint, & alii, quorum est improbacha lectio, donec corrigantur (3).

* *De Summi Pontificis auctoritate in damnando libris*

(1) Primus Paulus IV. Sac. Inquisitionis Congregationi negotium commisit, ut vetitorum librorum indicem conficiendum curaret. Re perfecta adhuc Tridentini Patres in hoc re. Concilio agendum putarunt, cum inventa arte typographica, & alia, quae ad valentiam hereticorum libri, qui ne ad fideles agentis pervenirent, dilligentissime cavendum erat. Sed ne Concilio huius negotium, quod prius subieperant, quod jam Sedes Apostolica solvere non erat valens, curae sunt litterae à Summo Pontifice, qui eos ad hoc opus hortaretur. Re quaesita, & expensa dilligenter, uti narrat Cardinalis Pollicenius *Histor. Conc. Trident. l. 15. c. 19* denique à doctis viris quos Tridentina Synodus elegerat absolutus est index, missusque ad Pium IV. Pontificem, qui eum ipse expendit; atque à iuris viris expendi iussit, ac denique indicem ipsum edidit. eumque specim. Bulla die 34. Martii anni 1564. confirmavit. Mortuo Pio IV. Summus Pontifex repositus est S. Pius V., qui Sac. Indicis Congregationem instituit, cuius esse voluit vetitorum librorum indicem conficere, & curare, atque inungi munere, quod pridem Tridentini Concilii Patribus commissum fuerat. Idcirco enim, qui Indicis Congregationem primum à Sixto V. institutam putant, uti ostendit Ruchus *Saggi dell'istoria dell'Indice Romano de' Libri proibiti*. Atque hujus quidem Congregationis, quae constat ex Cardin. libris, pluribusque viris doctis est curare indicem librorum vetitorum, qui ejus pressu in librum emittitur, quique per omnes, cum citatis indicibus plures sacrae sunt accessores, renovari solet. Anno superiori nova Indicis librorum prohibitorum editio perfecta est jussu optimi & pietatissimi Pontificis Pii VI., cuius in Religiosis, morumque integritatem singulare studium, ac magis praecare, quae in omni genere virtutes sunt, quas n. l.ia unipain obs. ravit c. 11. No.

(2) Hic Sac. Inquisitionis Congregatio libros permittit, quorum lectio dilligitur, neoditae, quales sunt haereticorum de religione agentium libri. Sac. Indicis Congregatio veniam tribuit legendi libros, in quibus

levius inest periculum. Certi quidam libri pro Urbe Roma etiam à P. Magistro S. P. Apostolici permittuntur.

(3) S. Eusebius Varcellensis, uti testatur S. Hieronymus *Ep. 61. opp. t. 1. col. 346. ed. cit.*, "omnium psalmorum commentarios hæretici hominis vertit in nostrum eloquium licet hæretica prætermittens, optima quæque transtulerit." Ipse Hieronymus eandem hanc methodum in quibusdam Origenis libris adhibuit, uti ipse testatur *Contr. Rufinum l. 2. n. 12. col. 542. opp. t. 2.* Quantos in hoc eodem opere labores exantlarit Cassiodorus, ignorat nemo, idque Cassiodorus ipse confirmat *de Instit. divin. Litter., l. unic. c. 1. p. 540. ed. Rotomag. 1679.* Præclara hæc exempla sunt, quæ os obturare deberent maledicis vituperatoribus Sedis Apostolicæ, quæ similiter emendari jubet libros, in quibus, mali aliquid inesse deprehendit; & qui hos libros ita emendatos legent merito in Romanos Correctores usurpare poterunt ea Hieronymi verba *cp. 84. t. 1. col. 525. ed. cit.* "cum hæc rejeceritis, & quasi censoria virgula separaveritis à fide Ecclesiæ, tuto legam cetera, nec venena jam timebo, cum antidotum præbitero." Late in hoc toto argumento versatur Zaccaria *cit. libro Storia polemica delle proibizioni de' libri*, ubi etiam *Dis sert. 3.* ab hæreticorum calumniis solide vindicat Sedem Apostolicam, cujus in vetandis libris plena sapientiæ, prudentiæ, æquitatis ratio est:

TITULUS VIII.

De Hæreticæ pravitatis inquisitoribus.

- I. Fidei, morumque integritas custodienda diligenter est.
- II. Ejus rei curandæ causa Tribunal Inquisitionis institutum est.
- III. Hujus origo.
- IV. Congregatio Inquisitionis Romæ, cui præest Summus Pontifex.
- V. Ad eam graviora ex toto christiano orbe negotia referenda.
- VI. Inquisitoris munus nihil detrahit Episcopi officio, & potestati.

- VII. X. Vindicatur Tribunal Inquisitionis.
- XI. Omnes hæreses deferre, & hæreticos accusare debent.
- XII. Etiam infames testimonium dicere, atque accusare possunt.
- XIII. Juramentum de observando secreto.
- XIV. Summa æquitas, ac diligentia iudicii.
- XV. & XVI. Contra quos judicet Tribunal Inquisitionis.

§. I.

Non satis fidei, morumque integritati consultum videretur, si tantum esset exclusa societas illorum, qui à catholica veritate discrepant, amotique illorum libri à ma-

nibus catholicorum; nisi etiam essent magistratus, qui in fidei corruptores inquirerent, prænisque coercerent, & ea statim removerent mala, quæ universæ societati detrimentum inferre possunt. In omni bene constituta republica suprema lex est ejus salus, & incolumitas, eamque curare maximum est officium ejus, qui reipublicæ præest. An non etiam incolumitas, salusque ecclesiasticæ reipublicæ, quæ præsertim in fidei, morumque integritate posita est, custodienda erit diligenter, eaque cura, & sollicitudo ad eum pertinebit, qui huic reipublicæ præpositus est?

§. II. Ergo Summus Pontifex, cui tota commissa est Catholica Ecclesia, curare in primis debet, ut integra sit fides, ut errores removeantur, ut inquiratur in eos, qui fidem corrumpunt, statumque ecclesiasticæ reipublicæ pervertunt. Hæc causa fuit instituendi tribunal, quod Inquisitionis vocatur, quoniam ejus est inquirere in errores, qui contaminare animos catholicorum possunt, eosque à salutaribus doctrinæ pascuis abducere. Initio unusquisque Episcopus in diœcesi sua, vel plures Episcopi in provinciali Concilio congregati, in eos, qui in diœcesi, aut provincia orirentur, errores inquirebant (1); semper tamen graviora negotia ad Sedem Apostolicam referebantur atque ita Episcopus, vel Concilium provinciale ad exitum perducendum curabat, quod à Sede Apostolica decretum fuerat (2).

(1) Vide *Dalium Altaserra de Juris Eccl. l. 4. c. 3.*, & *Bianchium Dell'esterior polizia della Chiesa t. 3. c. 3. §. 10. n. 2. & 3.*

(2) Confer quæ dixi in *Prolegomenis §. 39. & in not. t. 1. p. 30. & seq.*, & *l. 3. tit. 4. §. 8. & in not. 1. p. 55. seq.*

§. III. Lapsu temporum, cum gravius malum urgere videretur, oportuit Summos Pontifices in eas regiones, in quibus hæresis longe lateque serpebat, Legatos mittere, qui suam Episcopis opem adjungerent, ut ita facilius perditorum hominum audacia coerceri, & Christiani deterri à peregrinis, pravisque doctrinis possent (1). Sed cum novi quotidie errores erumperent, & numerus augeretur hæreticorum, Legati autem neque semper præsentis es-

sent, neque semper satis aptum malo remedium adhiberent, visum est perpetuos instituere magistratus, qui semper præsentes essent, ac semper in unaquaque regione ad fidei integritatem animum intenderent, erroresque omnes vix natos comprimerent, & repellerent (2) Ita instituti sunt Inquisitores; pimum probatæ pietatis, & doctrine viri, præsertim ex Dominicanorum (3), aut Franciscanorum familia, qui vicaria funguntur opera Sedis Apostolicæ in avertendis, tollendisque erroribus, atque in fide integra, & incolumi conservanda.

(1) Innocentium III. ante exitum sæculi XII., hoc est anno 1198. Rayneium, & Gnidonem in Narbonensem provinciam ad retundendos hæreticos Legatos misisse constat ex *ep. 122 & 123. l. 2. t. 2. ed. Baluzi p. 40.* Quam autem ob causam huiusmodi homines cum delegata auctoritate in regiones mitteret Sedes Apostolica, ut socii acciderent Episcopis, qui ordinaria auctoritate potiebantur, ostendunt Innocentii III. litteræ ad Cistercienses apud Matriquesi in *Annal. Cisterciens. t. 3. p. 420. & seq.*, quibus quidem consonant historiarum monumenta.

(2) Quantum boni attulerit, & mali averterit institutio quæsiturum fidei, compertum omnibus est. Nam eorum cura, & diligentia factum est, ut sensim post annum 1360. decreverit in Italia cum primis sectarum pestilentia, neque ulla amplius aut nova, aut vet. sit hæresis apud Italos radices egerit, uti observat Mur torius *Aniq. Italic. Dissert. 60.* Mirum hinc videri non debet, quod hæc tribunal adeo, sit invisum hæreticis, quorum errores, & audaciam comprimit. Vide Rich num in *Ven. Monetam Diss. t. 1. c. 7. §. 5. seq. p. XXXI. ed. Romæ 1743.*

(3) Qui primus Inquisitor fuerit à Summo Pontifice constitutus, incertum, controversamque est. Alii cum Matriquesio *Cisterciensem Annalium* Scriptore, munus hoc commissum fuisse primum existant monachis quibusdam ejus Ordinis, præsertim vero Arnaldo, B. Petro de Castonovo, & Rodolfo an. 1104. Innocentii III. auctoritate. Contra alii sunt, qui cum Jacobo Echardo de *Script. Ord. Præd. t. 1. p. 18. ed. Paris. 1719.* tantum à Gregorio IX an. 1231. minus, & nomen Inquisitori institutum, ac primum ad Fratres Ord. Præd. delatum fuisse arbitrantur. Blandiani item hoc modo dilimere videntur, agentes aliterum, veriorum esse Echardi sententiam, si de nomine Inquisitoris quaeratur, contra vero si quaestio sit de potestate inquirendi in hæreticos in qua totum est positum officium, ac dignitas Inquisitoris, dubitari non posse, quin priusnam Cistercienses, posteaque S. Dominicus eo numere functi sint. Verum eruditi Arnaldum Ord. Præd. Scriptores ad an. 1207. n. 19. *ref.* certamen integrarunt defendentes, primum In-

quisitorem fuisse S. Dominicum, laudantque testimonium Petri Cal nobilis, ac vetusti scriptoris, graviterque, & copiose contraria argumenta refutanda susceperunt. Meum non est in hac tanta, quæ inter doctissimos viros agitur, controversia iudicium interponere. Hoc tantum dicam, non satis exploratum videri, quod propter hæresim Albigensium Inquisitionis Tribunal primum constitutum, quale nunc est, ac plane firmatum fuerit. Res fere, ut in cæteris evenire solet, à quibusdam vel tirridimentis profecta denique omnino stabilita, absolutaque est. Itaque jam ab anno 1227. Conrado Marpurgensi ex Ord. Præd. à Gregorio IX. munus Inquisitoris ad capiendos, condemnandos, ac postremo iudicii seculari traheandos hæreticos commissum fuit, uti patet ex Bullario Ord. Præd. t. 1. p. 20. *Const. 7.* Eodem anno Joanni Salernitano ex Ord. Præd. officium inquirendi in hæreticos datum est, uti patet ex Bulla Gregorii IX. *apud Annal. Ord. Præd. p. 203. in Not.*, deincepsque annis consequentibus in pluribus regionibus Inquisitio constituta est, quæ de re videndi sunt laudati Annales Ord. Prædic. p. 20. 37. 38. 45. 47. Spaldanus *ad anno 1228. n. 11. t. 1. p. 101. & ann. 1234 n. 3. p. 116. & ann. 1256. n. 17. p. 200. ed. Lugdun. 1678.*, Paramus *de Orig. Inquisit. l. 2. t. 2. c. 2. n. 7. & seq. & c. 51. n. 10.*, Albitius *Risposta all'istoria dell'Inquisitione*, pluribus locis Qui his Tribunalibus per totum orbem diffusis præpositi erant in gravi-ribus quibusque negotiis aut litteras dabant ad Summum Pontificem, aut ad eum veniebant, ut ejus consilio, & auctoritate rem omnem expedirent. Licet enim initio nondum ea, quæ nunc est, Supremæ Inquisitionis Congregatio instituta esset, tamen aut ipse Pontifex rebus præerata auctoritate, & iudicio suo, aut Cardinalem aliquem eligebat, qui rerum omnium curam gereret. Ita Urbanus IV. an. 2263. Cardinalem S. Nicolai in carcere Tulliano generalem Inquisitorem constituit, ut ex vetusto Bononiensi authographo deprehendit Pegna *in Direct. inquis. par. 3. comm. 11.*; similiter Nicolaus III. Cardinalem Latinum Ursinum consanguineum suum, Clemens IV. Cardinalem Guillelmum Tholosanum Inquisitorem creavit, ut testatur Paramus *Decret. inquisit. t. 2. c. 2. n. 11.*, atque id quidem à ceteris quoque Summis Pontificibus factum fuisse, credibile est. Decessorum suorum consuetudinem sequutus Paulus III., & Inquisitionis utilitati consulens an. 1542. edita Constitutione *Licet ab initio 41. in Bullar. Rom. t. 2. part. 1. p. 211.*, sex Cardinales elegit, qui in universa christiana Republica super negotiis fidei Comisarii essent, ac generales Inquisitores, atque hinc Cardinalium eorum, seu Congregationem præesse voluit ceteris Tribunalibus ea de re institutis, ad eamque ardua quæque referri, ut ita singula membra cum suo unitatis centro copulenterent. Quam Pauli constitutionem PIUS IV. & V. confirmarunt, quorum alter deus addidit Cardinales, idque deinceps SIXTO V. præbatur est in *Constit. Immo 113. Bullar. Roman. t. 4. par. 4. p. 392*. Atque hi sunt ceteri Cardinales, qui Preside ipso Romano Pontifice, ac pluribus sanctæ fidei, & doctrinæ ministris stipati Congregationem faciunt, quam S. Officii,

§. IV. Sed ut his Inquisitoribus in re tam gravi, qualis est integritas fidei, ea sit copulatio, conjunctioque animorum, ac sententiarum, quæ cum Sede Apostolica, centroque unitatis esse debet, Romæ à Summis Pontificibus institutus est cœtus, seu Congregatio Cardinalium, cui ipse Pontifex præest, & quæ præter ministros, plures habet consultores, spectante integritatis, atque doctrinæ, quorum opera, atque consilio utuntur Cardinales, ut enucleatus, & diligentius difficiliora quæque expediantur. Hæc Congregatio præest omnibus Inquisitoribus, qui per totum orbem diffusi sunt, atque ad eam cuncti deferunt difficiliora quæque negotia, ut ejus auctoritate, & judicio finiantur. Quod recte, atque sapienter constitutum est, cohæretque muneri, & Potestati Summi Pontificis.

§. V. Nam eum esse unitatis centrum, & caput Ecclesiæ, eique à Christo Domino datam fuisse Christianos omnes pascendi, docendi, regendi, gubernandi, plenam (1) potestatem; & ad Romanam Ecclesiam *propter potiore principalem* Ecclesias omnes convenire oportere (2), inter catholicos constat. Quare in unum commune centrum convenire debent ii, ad quos in singulis regionibus fidei custodia pertinet, & quorum est errores in fidem avertere.

(1) Joannes XXV. 15. Synodus Florentina in *Definit. t. 13. Concil. col. 126. collect. Labbæi.*

(2) S. Irenæus l. 3. *contra Hæres. c. 3. t. 1. ed. Ven. p. 175.*

§. VI. Haud tamen Inquisitoris mucus quidquam detrahit Episcopi officio, & potestati. Nam ejus in primis est curam gerere particularis Ecclesiæ, quam regendam accepit. Ergo & ipse fidei integritati consulere debet, atque interiores inquirere, & dare operam diligenter, ne quis à populo sibi commisso à verâ, & catholice Ecclesiæ probâ doctrina abducatur. Obicium hoc, hæc potestas Episcopo non adimittitur per Inquisitores (1), sed hi instituti sunt, ut ei opem ferant, ut eas ipse replevit partes expleant, ut pluribus subjecta oculis tutior sit in

tegritas fidei, ut qui unam particularem, & qui totam universalem Ecclesiam regit simul collatis consiliis, & opibus custodiant Religionem, qua nihil Christiano homini antiquius esse debet.

(1) Illud in primis Episcopi est curare diligenter, ne qui contra orthodoxam doctrinam in diocesim irrepat error, quod disserte scripsit Apostolus *I. ad Timoth. c. 3. & ad Titum c. 1.* Itaque nemo dubitat, quin præsertim ad Episcopum pertineat in hæreticos inquirere, atque in eos, qui obfirmato animo in errore perseverant, meritis pœnis animadverteret. Hoc Episcopi officium expressit Auctor epistolæ ad *Episc. Gall. atque Hispan.* Apud Labbæum *Concil. t. 1. col. 745. ed. Ven.* quæ Lucii P. nomen præsefert, revera tamen alium habet auctorem, uti ostendit Berardus Gratiani *canones genuini Sc. par. 2. c. 20.* Idem statuit Concilium Remense an. 625., vel 630. *Can. 4.* apud Labbæum *tom. 6. Concil. col. 1453.* ac ne multis utar in re satis nota, Concilium Lateranense IV. *c. 3.* apud eundem Labbæum *t. 13. col. 938.* decrevit, ut Episcopi singulis annis vel per se, vel per Archidiaconos diocesim lustrent, quærantque diligenter, num in ea latitet aliquis hæretica contagione infectus; qui vero hoc officium neglexerint tamquam gravioris flagitii rei ac minus digni Episcopatu è gradu deiciuntur. Lapsu temporum à Sede Apostolica institutum est Tribunal Inquisitionis, sed non ideo Episcopi soluti sunt onere, aut iis adempta facultas est in hæreticos inquirendi, sicuti declaravit Bonifacius VIII. in *c. 17. de hæret. in 6.* Nam quilibet Episcopus omni ope, & opera initi debet, ut pestis hæreseos à sua diocesi arceatur, idque unum cavere, ut ubi sunt fidei Quæritores ab Apostolica Sede constituti, nullum ipsis impedimentum inferat, quominus suum munus exercere possint, sed pari studio, & animorum consensione uterque debet in tam salutare opus incumbere, servata lege, quæ datur in *cit. c. 17. & in Clement. 1. eod. tit. & in Extrav. 1. de Hæret. int. commun.* Porro tam Inquisitor, quam Episcopus potest respiciente hæretico aut ad se sponte venienti, aut ad suum forum adducto veniam attribuere, & pro atrociori foro laxare censuram in quam propter hæresim incidit: et potest etiam eundem hæreticum, postquam suos ejuravit errores, mittere ad simplicem Confessarium, à quo in foro poenitentiae absolvat, quæ absolutio etiam in foro externo prodest. Id ostendit Benedictus XIV. *de Synod. dioces. l. 9. c. 4. n. 3.*, qui deinceps *num. 5. seq.* illam expendit controversiam, num Episcopus in foro poenitentiae absolvere possit reum hæreseos externæ occultæ, quæ nondum à l'èjas forum delata est.

§ VII. Fuere semper, & nunc sunt, qui Tribunal Inquisitionis egre ferant. Nam iis, quibus nulla, aut erroribus infascata religio est, quæ libere genio indulgere cu-

piunt, vitæque licentiâ delectantur, nōnnisi grave, & molestum esse potest tribunal, quod religionem, ejusque sanctitatem, integritatemque custodit, quod errores avertit, quod improban licentiam coercet (1). Atque hi crudelitatis accusant Inquisitionem, quasi plures ejus jussu dirum in modum necati fuerint. Verum ab judicibus sæculi ex legibus Principium, non à ministris sacrorum reis hæreseos supplicium fuit constitutum (2). Quod quidem merito factum est, tum ut Principes tueantur religionem, quam imperio potiore habere debent, tum ut comprimam audaciam eorum, qui in civili republica turbas excitant, ejusque statum pervertunt.

(1) M'ito generatim hæreticos omnes, quorum in tribunal Inquisitionis magnæ sunt, semperque erunt querelæ, atque calamitæ, & his quidem non parcunt etiam aliqui, qui se catholicos profiteantur. Præsertim vero ægreze ferant, atque reprehendunt Tribunal Inquisitionis Voltairius, Rousseus, Bailangerus, Sarpius, Giannoni, Montesquieu. *Esp'it des loix liv. 25. chap. 13. & liv. 26. chap. 11.* Auctor libelli, cui titulus *Le manuel des Inquisiteurs*, Scriptores *Enciclopædix verb. Inquisition*, Cavallarius *Inst. Can. par. 3. c. 13.*, Rybeius *libello Quid sit Papa?* quem postremum contra tribunal Inquisitionis impudenter garrientem gravissime exagitat Cl. Mamachius *ep. 3. §. 22. t. 1. p. 304. & seq.*

(2) Concilium Lateranense *cân. 3. t. 13 Concil. col. 996. Collect. Labbei*: "Damnati, inquit, hæretici sæcularibus potestatibus, aut eorum abalivis relinquuntur animadversione debita puniendi." Eodemque recidit, quod à Gregorio IX. contra Patarenos constitutum est, *t. 7. Concil. p. 163. Collect. Harduini.* Leges autem Imperatorum, quibus contra hæreticos capitales pœnæ inducuntur; multæ sunt, & hæc porro spectant leges Constantini M. apud Socratem *Hist. l. 1. c. 9. p. 31. & Sozomenum l. 1. c. 21. p. 40. cit. ed. Cantabrig.*, Theodosii M. quæ est *l. 9. cod. Theod. de hæret.*, Arcadii quæ est *l. 34. cod. col. Theodosii Jun. p. 3. Actor. Synod. Ephesine, t. 3. Concil. col. 1603. Collect. Labbei Marciani par. 3. Actor. Synod. Chalced. c. 6. t. 4. col. 1786.* Istis quidem legibus contra hæreticos, eorumque fautores capitales pœnæ constituuntur. Erant igitur crudelitatis accusandi Imperatores, quæ leges illas tulerunt, & quorum omnium historiæ monumentis celebræ pietas, mansuetudoque est: sed nulla hujusmodi accusatio eadere potest in Inquisitores, qui numquam tale aliquid commiserunt. Quod de cæteris pœnis, nimirum de gravissimis jejuniis, de flagellationibus, de aliquot præcænis formulis ad recitandum propositis jactant Limborchius homo de Remonstrantium secta *Hist. Inq. l. 1. c. 10. p. 40. ed. Amstehed. 1602.*, alique similes, id certe nihil immanitatis habet. Sunt

enim omnia multo leviora iis, quæ prioribus, Ecclesiæ sæculis ob multo minora crimina pœnitentibus imponi consueverunt: neque alicui recte sentiat, immanes, dirosque prædicet antiquos Patres, qui eas pœnas constituerunt. Quod si etiam interdum alicui videatur paulo severius actum ab Inquisitoribus, id quidem pietati, curandæque communis salutis sollicitudini, non crudelitati tribuendum est. S. Augustinus *ep. 91. ad Sixtum E. R. Præsbyterum in fine opp. t. 2. col. 709. ed. Ven. 1745.* "Profiuit diu ista districtio, inquit S. Leo M. *ep. 15. ad Turicum Asturicæ. pref. col. 696. t. 1. opp. ed. Vallæin, Ven. 1753.* Ecclesiasticæ lenitati, quæ etsi sacerdotali contenta iudicio, clementias reffugit utiones, severis tamen Christianorum Principum constitutionibus adjuvatur, dum ad spirituale nonnumquam recurrunt remedium, qui tinent corporale supplicium. . . Ex quo autem inter Sacerdotes Dei difficiles commeatus, & rari cœperunt esse conventus, invenit ob publicam perturbationem secreta perfidia libertatem, & ad multarum mentium subversionem his malis est incitato, quibus debuit esse correcta." Ac Synodus incerti loci in Gallia habita anno circiter 860. *Concil. pag. 672. Collect. Harduini. & Lege, inquit, l. 16. Legis Romæ æ,* lege Decreta Damasi, percurre Leonis epistolas, & cœterorum Pontificum cum de diversis Conciliis ad Imperatores transmissas: revolve Augustorum edicta de hæreticis ad petitionem Pontificum promulgata: scrutare Cæsarium nostrorum capitula, & invenies, quantum profuerit atque prosit legum severitas non solum ecclesiasticæ lenitati, verum totius christianitatis optandæ paci, & colendæ tranquillitati." Quod si in eos, qui monetam adulterant, aut aliorum graviorum criminum rei sunt, licet Principi capitis pœnam constituere, cur non eadem pœna constitui poterit adversus eos, qui adulterant, atque corrumpunt sanctissimam religionem, extra quam nemo æternam salutem consequi potest?

§. VIII. Ministri sacrorum tantum querunt integritatem fidei, & salutem animarum; & ideo suis pœnis hoc tantum propositum habent, ut pravæ unius alteriusve hominis opiniones aliis minime noceant, atque ut ii, qui in errorem delapsi sunt, eum agnoscant, ac detestentur. Quia in re quis reprehendat Inquisitores, quod omni ope, & opera enitentur, ut arceatur error ab iis, qui integra fide sunt? Qui vero in errore sunt, non vi coguntur amplecti religionem, sed potius metu pœnæ ab errore deterrentur, ut divino præsidio adducantur ad colendam amore veritatem, quam in discrimen revocaverant. (1).

(1) Vetus hæc est conquesio Donatianorum agentium, penas in hæreticos non esse constituendas, quoniam amore, non vi colenda religio

est. Sed horum ineptiis satisfecit Augustinus *Ep. 89. ad Festum & Ep. 185. ad Bonifac. opp. t. 2. col. 219. & seq. & col. 643. & seq. ed. Ven. 1729.* Vallensium quoque, præterea Catharorum, Begnardorum, Wicleffitarum, Hissitarum opinio erat, quod "Deus non vult pseudo-apostolos, & hæresiarchas extinguere, sed tolerari, si forte resipiscant, & è zizaniis veriantur in triticum. Quod si non resipiscant, servantur suo jâdici, cui pœnas dabunt aliquando." Quem errorem damnavit Synodus Senonensis an. 1528. t. 19. *Conc. col. 1178. cit. coll.* extatque hic error n. 35. in eo, quem Synodus ipsa exhibet *ibidem*, indiculo. Confer etiam ejusdem Synodi *exhortationem ad Principes Christianos de elaborando pro hæreticis exterminandis col. 1180. ibid.*

§. IX. Quod si aliqui Inquisitores fuerunt aliquando, qui aut decepti, aut auctoritate sua abusi sunt, id quidem unius alteriusve hominis, non Tribunalis vitium est. Fuisse pluries ex Magistratibus, qui in civium perniciem converterunt potestatem, quam in eorum utilitatem acceperant. An ideo Magistratus omnes abrogandos putabis? Munus Inquisitoris semper committitur viris, quorum spectata habetur integritas, atque doctrina; si quis forte eorum, qui tam gravi funguntur munere, huic deest, superior extat, cujus imperio, & auctoritate omnis mali causa removeretur, & qui pares nocte pœnas repetit ab Inquisitoribus, qui suo muneri defuerunt (1). Alicubi cum auctoritate Sedis Apostolicæ Assessores etiam adstant è numero laicorum, per quos eorum quoque, quæ ad civilem rempublicam pertinent ratio habetur.

(1) Vide *Hymericum Direct. par. 2. c. 1. p. 112. ed. Rom. 1587.* & pluribus aliis locis, ibique Pegnam, & Albitium in *cit. Risposta all' Istoria dell' Inquis. di F. Paolo p. 77. seq.*

§. X. Est etiam reprehensionis causa injusta, & inanis, quod Inquisitores sunt Regulares, qui forte partium studiis abripi posse videntur. Principio quid vetat Summum Pontificem, qui omnium Ecclesiarum curam, & sollicitudinem gerit, ex Regularibus familiis, quæ optime de re Christiana meritæ sunt, ac sæpè functæ cum magna laude sua, & aliorum utilitate, amplissimis, difficilissimisque legationibus, eligere viros doctos, & probos, quorum consilio, auctoritate, sapientia ubique integra Religio conservetur? Deinde ab Hispanica Inquisitione Regulares absunt; ubi autem

hi sunt, haud ipsis quidlibet audere licet, cum subsint Supremae Inquisitioni, cui Pontifex ipse praest, poenisque gravissimis provisum sit, ne quis eorum à recta judiciorum methodo, à legibus, à veritate, & aequitate discedat.

§. XI. Jam ad tribunal Inquisitionis, omnes, quibus nota res est, haereses, atque haereticos aut suspectos haereseos deferre atque accusare debent. Quod quidem consentaneum est Apostoli praecepto, & legibus, cum quibus omnis bene constituta respublica administratur. Nam Apostoli praeceptum est (1), ut omnes attendant iis, qui dissensiones faciunt, & depositum fidei pervertunt, & hinc merito in causa Religionis unumquemque Christianum militem esse oportet, ut in reos majestatis, & publicos hostes omnis homo miles est (2). Leges autem cujusque reipublicae bene constitutae sunt, ut omnis civis Magistratui significare debeat, si quis studeat rebus novis, si in republica turbas excitet; si quid in publicam salutem, tranquillitatemque molliatur, si qui patriae proditor sit. An quod in civili republica sapientissimis legibus sancitum est, non etiam faciendum erit in republica ecclesiastica, quam suis erroribus haeretici perturbant, & in extremum pene discrimen adducunt?

(1) *Epist. ad Rom. XVI. 17. seq.*

(2) *Tertulianus Apologetici c. 2. p. 3. ed. Ven. 1744.*

§. XII. Admittuntur ad accusandum, atque ad ferendum testimonium etiam infames quoniam omni ope evitandum est, ut tam grave crimen, quod Deum ipsum, ejusque religionem oppugnat, coerceatur. Ob lesam majestatem humanam infames quoque accusant, dicuntque testimonium; an non idem adversus reos lesae majestatis divinae jus recte constituetur? Nihil vero metuendum est ex vitio accusatoris, aut testium; primum quia poenarum severitate provisum est, ne quis falso accuset, aut testimonium ferat (1), deinde quia nemo accusatoris, ac testium minus idoneorum fide condemnatur. Haec testimonia, & accusatio faciunt, ut Inquisitores in denuntiatio intentos habeant oculos, atque ut querant diligenter, qui ejus mores, quae vita, doctrinaque sit, & cum re diu multumque quiesita, ex certis monumentis evidenter constat, aliquem

talem revera esse; qualis accusatus est, tum demum contra eum, non propter vitiosos testes, aut accusatorem, sed propter certissimas probationes iudicium emittitur.

(1) Adversus filios accusatores, aut testes, præter spirituales temporales etiam, exque gravissime poenæ sunt constitutæ. Celebris in primis ea de re est Constitutio *Intelligitur* 32. Leonis X. data a Hispaniæ Residenti anno 1518. in *Bular. Roman.* t. 2. par. 3. p. 465. Neque vero has poenas decernere potest quisquis falsam detulit accusationem aut falsum testimonium dixit. Nam quævis accusatio, & quodvis testimonium Inquisitoris excitat diligentiam, ut magno studio, et quæ cura veritatem quærat. Nece serio autem invenienda veritas quærendo est. Unum autem de duobus effici debet, aut verum constet esse crimen & tunc vera accusatio, itemque vera testimonia sunt, aut contra crimen est falsum, & tunc de falso accusatore, falsisque testibus poena sumitur. Si ad hæc advertisset *Cavallarius Inq. Canonic.* par. 3. c. 13. §. 8., haud certe exigit esset Tribunal Inquisitionis, quod omnes ad accusandam, atque ad dicendum testimoniam admittat. Nemo enim propter hanc accusationem, aut testimonium non condemnatur, & sunt inanitatis plenissima illa ejus verba: "Quæ enim æquitas, quæ justitia esse potest, ubi indiscriminatum omnes ad accusandam, ubi omnes ad dicendum testimonium admittuntur?"

§. XIII. Accusatoris autem, ac testium nomina non divulgantur, atque omnibus arcani sacramentum impositum est. Id vero sapienter est constitutum, ut omnis accusatorum, ac testium invidia, metusque arceatur, ut procul absit gratia, favor, seductio; ut liberius iudices sententiam ferant, & magis tutum iudicium sit. Accedit, quod rerum bene gerendarum anima arcanum est; & ideo in civilibus quoque negotiis, quæ graviora, & difficiliora sunt, arcani lex observatur.

§. XIV. In expendendis causis, judicandisque personis nihil est, quod non plane consonum æquitati sit. Nam mentiuntur, qui etiam hominum cogitationes ab Inquisitione judicari iniquiunt (1), qui reos per fraudem, & dolum adduci existimat, ad confitendum crimen, quod nunquam admisierunt, qui eos habere negant defensiones, & beneficium appellationis, per quam editæ sententiæ error emendetur. Tantum qui exteriori actu religionem violarunt, poenas luunt, nulla contra ipsos vis, fraus, dolus adhibetur, suas iidem habent defensiones, & eas sane accuratas, ha-

bentque beneficium appellationis ad Supremam Inquisitionem, per quam omne, si quod immerito illatum est, damnum removetur. Imo ea inquisitionis mansuetudo, & lenitas est, ut qui sponte denunciatur crimen suum & qui illud ab alio accusatus confitetur, ac detestatur, non alias sufferat pœnas, quam quæ sunt ad salutem animæ comparatæ (2).

(1) Atque adeo falsum est, ab Inquisitoribus etiam hominum cogitationes judicari, ut quivis Confessarius facultatem habeat absolviendi ab hæresi tantum interna, ac sola mente concepta, quæ nullo exteriori signo patefacta est. Nam in hæresi Summo Pontifici reservatum est jus dandæ veniæ propter censuram, quæ hæresi adjuncta est. Verum Ecclesia sicuti non potest per se directe, & immediate præcipere, aut prohibere actum mere internum, quæ communis est Theologorum sententia, uti docet S. Thomas 1. 2. q. 91. art. 4. q. 100. art. 9. ita non potest censuram constituere in hæresim, quæ exteriori actu manifeste deprehensa non sit. Consule Benedictum XIV. de Synod. diocæs. l. 9. c. 4. n. 4.

(2) Confer Pasqualonium *Pract. del S. Offic.*

§ XV. Inquiritur in omnes Catholicos, qui in religionem criminis rei facti sunt; exceptis Principibus, Cardinalibus, Episcopis quorum ea de re crimina ad Summum Pontificem ab Inquisitoribus referuntur. Judæi, & omnes, qui in hæresi, aut in schismate nati, educatique sunt, & in ea regione tolerantur, dummodo contra catholicam religionem nihil agant, Inquisitorum judicio non subjiciuntur. Qui aliquid contra catholicam religionem moliantur, ii tantum propter hoc crimen non propter nativam hæresim, aut schisma meritis plectuntur pœnis. Non enim ferendi sunt, qui principis beneficium, propter quod in ea regione vitam traducere possunt, convertunt in perniciem populi, & religionis, quæ in civitate dominatur (1).

(1) Confer S. Thomam 2. 2. q. 10. art. 9. ad 2. ac vide etiam Cardinalem Albitium *cit. Rispost. p. 143. & seq.*, qui solide contra Sarpium tuetur, quæ à Gregorio XIII. ea de re constituta.

§. XVI. Sed non contra hæreticos, & omnes, qui à fide defecerunt, judicium exercet Tribunal Inquisitionis, verum etiam contra illos, qui facinus aliquod, quod manifestam hæresim sapiat, admiserunt. Huc sane spectant divinationes, sortilegium, blasphemia hæreticalis, poligamia simultanea, abusus sacramentorum, sacrarum imaginum in-

juria; quæ crimina Deum oppugnant, & catholicam veritatem, gravemque afferunt hæreseos suspicionem. Similiter qui libros damnatos legunt, aut vendunt, qui contra Ecclesiæ præcepta vetitis vescuntur cibis erroris, aut prave voluntatis suspicionem ingerunt; & ideo iudicium Inquisitionis subeunt (1). Quo iudicio tenentur etiam Sacerdotes, qui aliquem in Sacramentali confessione ad turpia sollicitant (2), quique à pœnitentibus exquirunt nomina eorum, quos criminis socios habuerunt (3); quoniam hi sacramenti dignitate, ac sanctitate abutuntur.

(1) Consule Cardinalem Albitium *l. c. p. 125. & seq. p. 131. & seq. p. 218. & seq. & p. 246*, ubi de his omnibus præsertim contra Paulum Sarpium solide disputatur.

(2) Benedictus XIV. *Const. Sacr. Pœn. 20. t. 1. ejus Bullar. p. 30. ed. Ven. 1754.*

(3) Benedictus XIV. *Const. Ubi primum 8. p. 33. & const. Ad eradicandum. 29. p. 87. t. 2.*

TITULUS IX.

De Simonia.

I. Simonia quid?

II. Ejus divisio.

III. Quomodo committitur?

IV. An ei sit locus semper, cum data pecunia est?

V. Res spirituales, quæ pretio dari nequeunt.

VI. Sponte oblata simoniam non inducunt.

VII. Cautio in his oblationibus ad-

hibenda.

VIII. Simonia palliata.

IX. Redemptio vexationis.

X. ad XII. Pœnæ in simoniacos.

XIII. & XIV. An propter ingressum in religionem, & professionem religiosam quidquam dari possit?

XV. Pœnæ propter simoniam confidentialem.

§. I.

Proximum hæresi crimen ecclesiasticum est simonia, quam passim canones *simoniacam hæresim* appellant (1). Nomen accepit à Simone Mago, qui primus in lege Evangelica hujus sceleris auctor fuit; eaque committitur, cum quis pecunia, vel re alia, quæ pretio æstimatur, dat, vel accipit rem spiritualem, aut spirituali annexam. Quia etiam animo contrahitur simonia, quæ *mentalis* dicitur, cum quis

per simulationem officii aliquid offert collatori, spe beneficii ab eo impetrandi; sed hæc simonia cum intus lateat, non mortalem judicem, sed solum Deum habet ultorem (2).

(1) *Can.* 3, 11, 13, 20, 21, 28, 105, 117, c. 1. *qu. 1. c. 32. de Simon.* Tertullianus *Apolog. c. 13. p. 13. ed Ven 1714.* ethnicos Deorum quos se colere profitebantur, revera contemptores, & irrisores fuisse demonstrat, quia nimirum illos vendebant.

(2) *Cap. 33. & 34. de Simonia.*

§. II. Est igitur, quæ humanis punitur legibus, simonia vel conventionalis, vel realis, vel confidentialis. Conventionalis est, quæ tantum pacto constat, sed tamen nulla, vel ex una solum parte rei traditio accessit. Realis est, quando ad pacta factum ipsum accessit, hoc est numerata pecunia, ac per eam spiritualia sunt data, atque hujus criminis rei sunt non modo contrahentes, sed etiam interpretes, quos *mediatores* vocamus, sponsores, depositarii. Denique confidentialis simonia contrahitur, cum quis beneficium recipit, ut ejus fructus alteri redeat, aut certo post tempore titulum restituat; aut cumque ad certam infantis ætatem alicui beneficium tribuitur, ut illi d. ipse deinceps in adultum transferat. Item reservatio pensionis siue superioris auctoritate, & beneficii renunciatio, servato ad idem regressu, cæteraque hujusmodi pacta, quæ *fideciaria*, vocamus, ad simoniam confidentialem pertinent (1).

(1) Concilium Tridentinum *Sess. 5. c. 7. de Reform.* Pius IV. *Const. Romanum Pontificem tom. 4. par. 2. p. 191. Bullar. Roman., S. Pius V. Const. Intolerabilis 117. t. 4. par. 3. p. 67.*

§. III. Tribus modis committitur simonia munere à manu ab obsequio, à lingua (1); nam his omnibus modis datur pecunia, vel res, quæ prætio æstimatur. Munere à manu simoniacus est, qui res sacras emit, aut vendit pecunia, cujus nemine continetur quidquid homines in terra possident (2). Munere ab obsequio simoniacus habetur, qui subjectione, vel servitute indebite impensa res sacras obtinet (3); nam hujusmodi obsequium prætio æstimatur. Denique munere à lingua admittitur simonia, cum quid spirituali, aut quasi, iis detur, pro quibus *majorum quispiam rogoverit* (4). Quod adeo verum est, ut simoniacus apud Deum sit, qui digno quidem viro rem spirituales attribuit, sed tamen gratia, aut metu rogan-

tis non pro illius merito; contra simoniæ vitium abest, cum preces potentiorum tantum movent antistitem ad inquirendum in viri merita, & inde non ob preces, sed ob vera merita accipientis beneficium confert (5).

(1) *Can. 114. c. 1. qu. 1.*, & *can. 8. c. 1. qu. 3.* Eandem hanc sententiam expressit Concilium Aquisgranense an. 816. *can. 38.* apud Labbæum t. 9. *concil. col. 446.*; & multo ante divisionem ipsam non obscure innuit S. Hieronymus in *Ep. ad Tit. c. 1. vers. 5. opp. t. 7. par. 1. col. 694. ed. Valarsii Ven. 1769.*, cujus locum describit Gratianus *can. 6. cap. 8. qu. 1.* Confer etiam S. Thomam in 4. *Sent. dist. 25. qu. 3. art. 3.*, & 2. 2. *qu. 100. art. 5.*

(2) Ita loquitur Augustinus *can. 6. caus. 1. qu. 3.* Ad hoc quidem simoniæ genus pertinent *c. 11. et 20. de Simon. et c. 6. de Pactis.*

(3) Sic Gregorius M. *cit. can. 114.* Aulici quidam clerici Petro Damiano suppares, licet indebitis obsequiis beneficia inhiarent, se tamen simoniacos non existimabant, quod pecuniam non darent. Eos ita reprehendit Petrus Damianus *Ep. ad Episcop. Card. Ep. 1. p. 26. opp. ed. Paris 1664.* "Dic mihi, o clerice, quisquis es, si redempto quolibet aureo vase, vel prædio, distractor exigeret, ut retenti apud te vice pretii, huiusmodi sibi sedulitatis impendium exhiberes, numquid non postmodum constanter assereres, te, quod acceptum est, justo pretio commodasse?" Vide etiam S. Arselinum *Ep. 41. p. 383. ed. Paris 1673.* Recte igitur, atque sapienter S. Carolus Borromeus in *Conci. Mediatanen. II. Const. advers. simoniacos n. 13.* monet, rogatque Episcopos, ut certam familiaribus suis mercedem constituent, ne quis eorum tamquam suæ pretium operæ ecclesiastica beneficia quærat.

(4) *Can. 6. caus. 8. qu. 1.* S. Thomas 2. 2. *qu. 100. art. 5.* "Si aliquis principaliter, inquit, ad hoc late idit, simoniam committit. Videtur autem ad hoc principaliter intendere, qui preces pro indigno porrectas exau lit: Un te ipsum factum est simoniacum. Si autem preces pro digno porriguntur, ipsum factum non est simoniacum; quia subest debita causa ex qua illi, pro quo preces porriguntur, spirituale aliquid confertur; tamen potest esse simonia in intentione: si non attendatur ad dignitatem personæ, sed ad favorem humanum."

(5) S. Thomas *cit. qu. 100. art. 5.*

§. IV. Cum autem simoniace acta res est, nihil refert, num ille, qui rem spiritualement, aut quasi spiritualement accepit, improbum contractum noverit, an potius ignoraverit. Quare si beneficii collator revera pecuniam acceperit, admittitur simoniæ, quamquam beneficiario compertum non sit vitium, cum quo beneficium accepit (1). Semper enim verum est, prætio data fuisse Ecclesiæ ministeria, quicumque tandem sit, qui pretium dederit (2). Verum si quis pre-

tium fraudulenter solvit eo consilio, ut alteri detrimentum inferret, ejusque electionem irritam faceret, valet electio, quoniam hominum malitiæ indulgere non decet (3); sed tamen qui dedit, accepitque pecuniā simoniæ reus est.

(1) *Cap. 27. de Simon.*

(2) *Can. 3. caus. 2. q. 5.*

(3) *Cap. 3. de Simon.*

§. V. Jam vero res spirituales, aut quasi spirituales, quæ pretio comparari nequeunt, sunt potestates spirituales, puta potestas imponendi manus, quam à Petro emere volebat Simon, gratia Spiritus Sancti, Sacramenta; absolutio à censuris, vati relaxatio, ordinationes, consecratio Ecclesiarum, benedictiones Abbatum, sacrarum virginum, similia, ecclesiastica beneficia, officia, dignitates, cetera generis ejusdem. Horum quedam Divino jure spiritualia sunt, & quedam ob Ecclesiæ bonum in spiritualium, censum jure ecclesiastico relata sunt; ideoque alia juris Divini simonia, & alia ecclesiastici juris est. In his tamen omnibus distinguenda sunt diligenter sponte oblata ab iis, quæ ideo dantur, ut spiritualia accipiantur. Sponte oblata sine vitio simoniæ in rerum spiritualium administratione recipi possunt (1). Non enim dantur tanquam pretium rerum spiritualium, sed potius dantur, ut eorum ope Ecclesiæ ministri vitam traducant.

(1) Consule Thomassinum *Vet. et nov. Eccles. disciplin. par. 3. l. 1. c. 69. et seq.* item in e consue, quæ ego scripsi *l. 2. tit. 2. sect. 3. §. 64. p. 117. et tit. 17. §. 6. p. 438.*

§. VI. Sine Christus Dominus Apostolos mittens in orbem terrarum eos vivere voluit de Evangelio, quod nuntiabant. Ex qua doctrina sive in administrandis sacramentis, sive in aliis ecclesiasticis officiis exercendis semper Ecclesia recte, ac merito sponte oblata recipit. Eodemque jure censentur redditus ecclesiastici, quos clérici accipiunt, non tanquam pretium rerum spiritualium, quas administrant, sed ut ex iis habeant, quæ sunt ad vitam necessaria (1).

(1) Consule S. Thomam 2. 2. q. 100. art. 2. et 3.

§. VII. At quamquam sponte oblata recte accipiantur,

tamen cavendum est diligenter, ut in his quoque rebus ab Ecclesiæ ministris-omnis procul absit turpis quæstus, & avaritiæ suspicio. Quare Synodus Eliberitana sancivit, ut catechumeni baptismum suscepturi de more nummos in concham non mitterent, *ne sacerdos quod gratis accepit, pretio distrahere videatur* (1). Hinc etiam à Tridentinis Patribus (2) Episcopi, eorumque ministri quidquam in sacris ordinationibus, quamquam sponte sit oblatum, accipere vetiti sunt; & S. Carolus Borromeus Sacerdotem sacramenta administrantem nihil etiam elemosinæ loco datum accipere voluit (2).

(1) Concilium Eliberitanum *can. 48. apud Labbæum Concil. t. 1. col. 593.* Quo loco observandum est verbum illud *videatur*, quo Eliberitani Patres utuntur, quodque ostendit, non malum, sed mali speciem canonici causam dedisse. Verum non eadem ubique obtinuit disciplina. Nam eam consuetudinem sua ætate apud Græcos fuisse tradit Gregorius Nazianzenus *Orat. 40. opp. t. 1. p. 55. ed. Colonia 1690.*, qui eam non reprehendit, & idem etiam scriptum reliquit Paulinus *ep. 32. n. 3. col. 195. ed. Veron. 1736.* Quin etiam in Hispaniis Eliberitanus Canon non diu observatus est. Nam Concilium Bracarense II. aliis III. ann. 572. *can. 7.* apud Labbæum *t. 6. Conc. col. 580.* sponte oblata accipi permisit; quæ generatim totius Ecclesiæ disciplina fuit.

(2) Concilium Tridentinum *sess. 21. c. 1. de Reform.*

(3) Confer Jussanum in *Vit. S. Caroli t. 8. c. 4.*

§. VIII. Sed quoniam nihil est tam sanctum, quod non hominum malitia violetur, inventa sunt à quibusdam involucra, & effugia quædam, quibus se ipsos excusare, & simoniam, ut vulgo loquimur *palliare* conantur. Nam alii sese temporalia dare iniquunt, non propter ipsa sacra ministeria, sed propter opes, & redditus qui ex iis percipiuntur; & alii solvere se pecuniam dicunt non tamquam pretium rei spiritualis, sed tamquam honorarium, & tamquam causam impellentem, per quam aliquis ad rem spiritualem concedendam impellitur. Sed larvæ hæ sunt, quibus frustra simoniaci tegunt scelus suum. Nam redditus ecclesiastici sacro ministerio adhærent, & de eo qui pecuniam dedit, pro utroque dedisse censetur (1); illa autem species, & simulatio honorarii nullam in Ecclesia simoniam relinqueret; præterea non lucrum temporale, sed personarum merita, & Ecclesiæ utilitas impellentes tantum causæ esse debent, propter quas beneficia concedantur (2).

(1) Recte Paschalis P. *Can. 7. c. 1. q. 3.* "Quisquis horum, *inquit*, alterum vendit, sine quo nec alterum provenit, neutrum invenditum derelinquit."

(2) Confer Decretum Innocentii XI. apud Schmalzgrueber *Jus eccl. c. 5. par. 1. tit. 3. num. 72.* Hinc merito damnatae sunt tum ab Alexandro VII., tum ab Innocentio XI. propositiones quaedam, quæ ad excusandam quodammodo, aut obtegendam simoniam pertinebant, quasque describit Natalis Alexander *Theolog. dogm. et moral. l. 2. c. 7. art. 2.*

§. IX. Est etiam simoniæ tegumentum redemptio vexationis, quæ fit, cum temporalia dantur, ne quis impedimento sit, quominus alter rem spiritualem, aut quasi, consequatur. Qua in re videndum est, num ille, qui impedimentum infert, jus in re habeat, & num alter, qui illud remove conatur, rei possessionem obtinuerit, an secus. Cum illi jus est, atque alter nondum rei possessionem acquisivit, simonia contrahitur (1); contra nulla simonia est, si nullum ipse jus habeat, atque alter jus perfectum acquisiverit, quia revera nihil spirituale pretio comparatur, licet injuste agat, qui pecuniam accipit, ne alteri impedimento sit (2). Sed quoniam hic etiam latere simonia potest, neque nos in rebus nostris judices esse decet, recte à S. Carolo Borromeo sancitum est, ut nemini liceat, ad redimendam vexationem, *ne in casibus quidem jure permissis pecuniam dare, quidquamve pacisci, aut transigere, nisi Episcopi consensus accesserit* (3).

(1) *Cap. 23. de Simonia.*

(2) *Cap. 28. cod. ibique Glossa.* Vide S. Thomam 2. 2. *qu. 100. art. 2. ad 3.* Verum si agatur de obtinenda gratia, vel justitia apud Sedem Apostolicam, etiam super jure quesito, sive petitorio sit de re spirituali, sive de temporali, & mixta ex *const. Ab ipso 39. Gregorii XIII. in Bullar. Rom. t. 4. p. 3. p. 293.* & *const. Inter gravissimas 103. Alexandri VII. t. 6. p. 4. Bullar. p. 154.* vetitum plane est aliquid dando vexationem redimere.

(3) S. Carolus Borromeus *conc. 1. Mediolanen. tit. Quæ pertm. ad col. lat. benef. par. 1. t. 1. p. 13. ed. Patav. 1734.*

§. X. Improbum simoniæ crimen semper Ecclesia detestata est; & ideo semper contra hujus criminis reos gravissimis poenis animadvertit. Ex veteri disciplina poena clericorum erat depositio, laicorum excommunicatio (1). Illa autem clericum depositio perpetua erat, adeo ut ipse, nunquam gradum suum recuperaret, & poenitentiam, quamdiu vive-

ret, in monasterio agere cogeretur (2). Perpetua depositio ab antiquis canonibus constituta proprie ad simoniacas ordinationes pertinebat. Non enim beneficia sejuncta erant ab ordinatione; sed clericus, cum ordinabatur, certæ adscribebatur Ecclesie, cui servire debebat, & cujus redditibus alebatur.

(1) Concilium Toletanum VIII. an. 653. *can. 3.* apud Labbæum *t. 7. Concil. col. 419.* "Si clerici fuerint, *inquit*, honoris amissione mulciantur; si vero laici, anathemate perpetuo conlemnentur." Item antea decreverat Concilium Chalcedonense *can. 2.* apud Labbæum *t. 4. col. 1682.* Bracaense an. 571. *can. 3. t. 6 col. 579.*, & Aurelianense II. *can. 4. t. 5. col. 927.* Confer etiam Gelasium *Ep. 9. ad Episc. Lucan. c. 24.* apud eundem Labbæum *t. 5. col. 319.* Hormistam *Ep. 25. ad Episc. Hisp. c. 2. t. eod. col. 604.* Symmachum *Ep. 5. ad Cæsar. Arcl. c. 2. t. eod. col. 425.* Gregorium M. *Ep. 13. l. 4. pp. t. 2. col. 694 et Paris 1705.* Verum Canon Apostolicum 3. *al. 22.* apud Cotelierum *PP. Apostol. t. 1. p. 446. ed. Arist. Tolani 1724.* adversus clericum simoniace ordinatum utramque pœnitentiam depositionis, tum excommunicationis constituit.

(7) *Can. 7. caus. 1. qu. 1.*, & *can. 4. caus. 1. qu. 7.*

§. XI. Cum beneficia ab ordinatione sejungi cœperunt, vetusti canones de simoniacis ordinationibus ad simoniacas beneficiorum collationes traducti sunt (1). Quia hujusmodi collationes plane irritæ, inanesque sunt (2); idque obtinet sive ab utraque parte simonia perfecta sit, sive conventionitatur (3), tam si ipse electus, quam si eo ignaro ejus amici, & consanguinei pecuniam dederint, aut promisserint (4). Itaque simoniaci abdicare se beneficio debent, neque suos faciunt fructus, si quos interim percipiant, perceptosque omnes restituere coguntur (5). Simonia tamen mente concepta beneficiarium non cogit ad beneficium dimittendum, sed ea tantum per pœnitentiam apud Deum eluitur (6).

(1) *Can. 9. caus. 1. qu. 3.*

(2) *Extrav. 2. de Simon. inter. commun.*

(3) *Can. 5. caus. 1. qu. 4.*

(4) *Cap. 27. de Simonia.*

(5) *Extrav. 2. cit. S. Pius V. constit. Cum primum 9. §. 8. Bullar. Roman. t. 4. p. 2. p. 205.* Vide etiam S. Thomam 2. 2. qu. 100. art. 6. & in Respons. ad 3.

(6) *Cap. ult. eod.* Confer Fagnanum in c. ex parte 12 de Offic. delegat. n. 19.

§. XII. Jure novo depositionis poenæ, qua simoniace ordinantes, & ordinati plectebantur, suspensio suffecta est. Et ordinantes quidem ab omnium ordinum, etiam primæ tonsuræ, collatione suspenduntur, eamque suspensionem, quæ antea triennalis erat (1), Sixtus V. perpetuam fecit (2), illosque etiam Ecclesiæ ingressu, & Pontificalium usu prohibuit. Ordinati autem per simoniam à susceptorum ordinum usu suspenduntur, donec à Summo Pontifice veniam impetraverint. Præterea tam ordinantes, quam ordinati afficiuntur excommunicatione latæ sententiæ Romano Pontifici reservatæ, eidemque poenæ subsunt, qui tanti criminis sequestres fuerunt (3). Quod etiam dictum volo de iis, qui simoniace contulerunt, aut acceperunt beneficium; nam & hi simili excommunicationi subjecti sunt (4).

(1) *Cap. 45. de Simoniâ.*

(2) Sixtus V. *Const. Sanctum & salutare* 140. p. 40. t. 5. par. 1. *Bullar. Roman.* quam quidem constitutionem in iis, quæ pertinent ad pœ as contra simoniacos stabilitas, integram esse voluit Clemens VIII. *con t. Romanum Pontificem* 121. §. 2. p. 97. t. 5. par. 2. *Bullar. Rom.* Vide etiam Concilium Tridentinum *Sess. 21. de Reform. c. 1.*

(3) *Extravag. 2. de Simon. inter commun.*

(4) *Cit. Extrav. 2.*

§. XIII. Similes fere poenæ indictæ sunt adversus eos, qui propter ingressum in Religionem, aut propter regularem professionem simoniæ crimen admittunt. Scilicet qui ob eam rem dederunt, acceperuntve pecuniam, afficiuntur excommunicatione latæ sententiæ Summo Pontifici reservatæ; præterea collegium, aut monasterium monachorum, à quo aliquis simoniace receptus est, ab officiis capitularibus, atque ab omni jurisdictionis actu suspenditur (1). Sunt autem hujus criminis rei, qui dant; aut accipiunt pecuniam tamquam pretium ingressus in religionem, aut professionis religiosæ; eidemque sceleri locus est etiam, cum monasterium abundat opibus, quibus plures alat, & tamen propter alimenta pecuniam exigit ab eo, qui sese in Religionem recipit.

(1) *Extravag. 1. de Simon. intr. commun.*

§. XIV. Verum cum tennes sunt opes monasterii, quibus plures alii nequeunt, licet aliquid pro victu accipere ab eo, qui regulare institutum amplectitur, atque inde omne simoniae vitium prorsus habest (1). Ea de causa lege, & usu receptum est, ut mulieres, quæ moniales fiant, dotale subsidium attribuant, cujus ope monasterium sumptus sustineat, quos pro victu, & cultu monialium facere oportet (2). Nam experientiâ compertum est, nullum esse monialium cœnobium, ut ut opulentum habeatur, quod novis non egeat dotium accessionibus; ac sæpe inopinati casus eveniunt, quorum præcavenda sunt damna, & incommoda, ne serum, remedium frustra quærat, si quando subito existant (3).

(1) Vide S. Thomam 2. 2. qu. 100. art. 3. ad 4., S. Bonaventuram *Apologet. contr. advers. Fr. Minor. qu. 18.*, S. Rymundum l. 1. tit. 1. §. 22 S. Antonium par. 2. c. 5. §. 18, Dionysium Carthusianum de *Simonia*. 4. 2.

(2) Sac. Congregatio Concilii in *Bmonien*. 14. Apr. 1725. t. 3. *Thesaur. resol.* t. p. 153. et seq., Consule Fragnanum in *cap. Non amplius de Instit.* n. 24.

(3) Hanc quidem consuetudinem, quæ fere ubique viget, quamque præfariunt Romæ Congregationes, & S. Carolus Borromeus in *Concil. Mediolan.* 1. tit. de *Novit. ad profess. recipien.* & *Conc. II. inter capita quedam ad Monial. pertinen.* c. 2. *Act. Eccles. Mediolan.* part. 1. p. 41. et 65. ed. Pa. vii 1754, improbat Van-Espenius de *Vitio simon. circ. ingress. Religion.* c. 2., et c. 3. §. 3., atque ait contra jus Divinum, & naturale peccare monasteria, quæ cum idoneos habeant redditus, neminem gratis accipiant. Sed nullum est, ut observat Benedictus XIV. de *Synod. diacer.* l. 11. c. 6. n. 5., ita opibus abundans monialium cœnobium, quod nobis non egeat dotium accessionibus, ut remedium adhibere jactetur rei familiaris, quam quotidie facit Confer Christianum Lupum in *Not. ad Can.* 19. *Concilii Niceni II.* opp. t. 3. p. 300. ed. Ven. an. 1724, & Cabbasetium in *Theor. & Praxis. jur. canon.* l. 5. c. 5. n. 13.

§. XV. Contra simoniam confidentialem alia quoque sunt à Summis Pontificibus Pio IV. (1). & S. Pio V. (2) constituta. Nimirum, qui eam admisit, privatur etiam beneficiis, quæ antea legitime obtinuerat, & collatio beneficiorum, quæ contracta fiducia impetrata sunt, Sedi Apostolicæ reservantur. Præterea simoniaci collatores ab Ecclesia interdicuntur; atque ut his pœnis locus sit, satis est, quod simoniacus contractus ex una tantum parte absolutus sit.

(1) Pius IV. *Const. Romanum Pontificem* 99. p. 190. t. 4. part. 2. *Bul-
lar. Roman.*

(2) S. Pius V. *Const. Intolerabilis* 117. p. 67. t. 4. part. 3. *Bul-
lar. Roman.*

TITULUS X.

De maledicto sive blasphemia.

I. Blasphemia quid? Ejus species. III. Poenæ in blasphemos.
II. Blasphemia imprecativa.

§. I.

Maledictum, sive blasphemia, qua Deo ore injuria irro-
gatur, duplex distingui solet alia nimirum *enunciativa*, alia
imprecativa est. Enunciativa blasphemia committitur, cum
Deo negatur, quod ipsi convenit, ut si quis neget, eum
esse omnipotentem, justum, immensum &c. vel cum ei
tribuitur, quod ab ipso alienum est, ut si quis eum non
providum, injustum, insipientem &c. dicat, vel denique
cum creaturæ, quod unius Dei proprium est, adscribitur.
Hujusmodi blasphemix, cum manifestum errorem conti-
neant, hæreticales appellantur, ideoque blasphemii habentur
instar hereticorum, licet revera hæretici non sint, si illis,
quos ore evomunt erroribus non assentiantur.

§. II. Imprecativa blasphemia est, cum quis in Deum
malum aliquod imprecatur, vel cum eum conviciis, &
maledictis insectatur. Olim ethnicis nihil erat antiquius,
quam Christianos ad blasphemias in Deum ore provocatos
adigere (1); atque hæc communis erat Christianæ religionis
abjiciendæ ratio (2). Est etiam blasphemia in Deiparam Vir-
ginem, vel in Sanctos, quæ in ipsius Dei conviciam & in-
juriam redundat, ideoque blasphemia dicitur (3).

(1) De Christianis, qui à religione defecerant, scribit Papias ad Tra-
janum l. 12. Ep. 17. n. 6. p. 619. ed. Colla in *Lipsia* 1711. "Gannes &
Mingentium, deorumque simulacra venerati sunt, sique & Christo
maledixerunt."

(2) Illece is constat, quæ de Polycarpo narrat Eusebius l. 4. *Histor.*
c. 15. p. 167. ed. cit. Cum enim Asia Proconsul jaberet, eum in Chris-

tum convicia proferre, ut ita ab se abjectam Christianam religionem ostenderet, ipse respondit: "tres ex octuaginta continuos annos ei ministravi, nec ulla me unquam affecit injuria; & quomodo possum impie loqui adversus Dominum meum, auctoremque salutis mea?" Idem quoque constat ex Dionysii Alexandrini epistola apud eundem Eusebium *l. 6. c. 41. p. 304. ed. Cantabrig. cit.*, & ex Justino Mart. *Apol. 2. n. 31. p. 62. ed. Paris. 1742.*

(3) S. Thomas 2. 2. qu. 23. art. 1.: *Sicut Deus, inquit, "in sanctis suis laudatur, in quantum laudantur opera, quæ in sanctis suis efficit; ita & blasphemia, quæ fit in Sanctos, ex consequenti in Deum redundat."*

§. III. Utrumque genus blasphemiae, sive enunciativæ, sive imprecativæ, semper atrocissimum habitum est crimen, planeque dignum, quod gravioribus poenis coerceatur (1). Antiquo jure canonico blasphemi, maxime si hæreticalem blasphemiam effudissent, iisdem, quibus hæretici, poenis plectebantur. Quare clerici depositioni, laici excommunicationi suberant; civilibus legibus erat etiam poena mortis constituta (2). In veteri lege blasphemi lapidibus obruebantur (3). Nunc variae contra blasphemos poenæ sunt, sed tamen omnes judicis arbitrio, habita ratione criminis, & personarum infliguntur (4). In hæreticalem blasphemiam tantum Judex ecclesiasticus (5, in blasphemiam non hæreticalem, quod crimen est mixti fori, etiam laicus inquiri (6).

(1) Hinc Synesius Episcopus, cum ei multa, & gravia nunciata fuissent crimina ab Aidronico Prolemaidis Præsidente admissa, eum monendum, & mitius corripiendum censuit; verum cum rescivit, eo Præsidentem impudentia processisse, ut diceret, neminem sibi à manibus elabi permisorum, ne si ipsius quidem Christi pedes amplecteretur, ipsum non amplius admonendum, sed de Ecclesia solemni ritu ejiciendum duxit Synesius *ep. 58. p. 201. ed. Paris. 1633.* Omnium autem deterrima est blasphemia in Spiritum S., de qua ipse Christus apud Matthæum XII. 32. dicit hæc: "Quicumque dixerit verbum contra filium hominis, remittetur ei; qui autem dixerit contra Spiritum S., non remittetur ei, neque in hoc seculo, neque in futuro. Verum de blasphemia in Spiritum S. non eadem Patrum sententia est. Cyprianus *ep. 16. p. 195. et l. Ante c. lmi 1700.* grande hoc peccatum ad eos refert, qui in apostasiam, & idolatriam lapsi essent, Christumque abnegassent; Hilarius in *Muth. c. 15. opp. t. 1. col. 730. ed. Veron. 1730.*, & Athanasius in *illud quicumque dixerit verbum* *opp. t. 1. p. 358. & 519. & 570. & 783. ed. Patav. 1777.* ad eos, qui Christum Deum esse negant; Ambrosius *l. Spiritus S. l. 1. c. 3. opp. t. 6. p. 405. ed. Ven. 1781.* scelus hoc Pneumatomachorum proprium fuisse cre-

dit, atque eadem sententia est Epiphanii *Hæres.* 74. *Pneumat.* n. 14. t. 1. p. 903. ed. Colonia 1682. & Philastri *de Hæres.* c. 67. p. 49. in collect. PP. *Brisianæ Ecclesiæ* ed. *Brixiæ* an. 1738. & idem etiam sentire videtur Chrysostomus *Homil.* 41. in *Matth.* n. 3. t. 7. p. 448. ed. Paris. *Montfauconii*, B. si ius ep. 188. can. 1. opp. t. 3. p. 269. ed. Paris. 1730. illud attribuit Pepuzenis, qui "in Spiritum S., inquit, blasphemaverunt, Montano, & Priscillæ Paracleti appellationem nefarie, impudenterque attribuentes." Sed Augustinus, quem Fulgentius, atque alii sequuntur, eum in Spiritum S. peccare existimat, qui perditam voluntate scelus sceleris addit, divineque misericordiæ incitamenta aut desperans, aut etiam negligens usque ad vitæ exitum flagitiosum animum obfirmate retinet, atque in scelere perseverat. Ille peccat, inquit Augustinus in ep. 1. ad Roman. n. 14. opp. t. 3. part. 2. col. 933. ed. Ven. 1730. "in Spiritum S. qui desperans, vel irridens, vel contemnens prædicationem gratiæ, per quam peccata diluuntur, & pacis, per quam reconciliamur Deo, detrectat agere poenitentiam in peccatis suis, & in eorum impiâ, atque mortifera quadam suavitate perdurandum sibi esse decernit, & in finem usque perditat." Tum paulo post ostendit, Hebræos, quos Christus huius sceleris arguit, in id incidisse, propterea quod Belzebubus Spiritus S. miracula tribuentes, ejusdem Spiritus gratiam, qua ad vitam redirent, recusabant, & ideo, si in ea voluntate permansissent, merito nulam iis spem veniæ futuram affirmat. Eodem fere reedit sententia Hieronymi in *Matth.* l. 2. c. 12. opp. t. 7. col. 81. ed. Vallarsii Ven. 1769. Confer Calmetum *Diss. de Peccat. in Spirit. S.*

(2) *Nivel.* 77. ; idemque jus etiam in Capitularibus Regum Francorum constitutum est c. 101. l. 6. *Addit.* 3. c. 84. t. 1. col. 585. ed. Baluzii Ven. 1772.

-(3) *Levit.* XXIV. 16.

(4) Adversus blasphemos alias indixit pœnas Leo X. *Constit. Supernæ dispositionis* apud Geraldum *Expos. jur. Pontif.* l. 5. tit. 26. sect. 860. p. 697., & alias Julius III. *Constit. In multis* 31. p. 308. t. 4. part. 1. *Bullar. Roman.* His recentior S. Pius V. *const. cum primum* 9. §. 10. p. 284. t. 4. par. 2. *Bullar. Roman.* sancivit, ut laicus, "qui Deum, & Dominum nostrum Jesum Christum, vel Gloriosam Virginem Mariam ejus Genitricem expresse blasphemaverit, pro prima vice penam viginti quinque ducatorum incurrat, pro secunda pœna dupl. eabitur, pro tertia autem centum ducatus solvet, & ignominia notatus exilio multabitur." Plebeyus, qui solvendo non sit, "pro prima vice manibus post tergum ligatis ante fores Ecclesiæ constituetur per diem integrum, pro secunda fustigabitur per urbem, pro tertia ei perfurabitur lingua, & mittetur ad triremes." Clericus vero blasphemus ex eadem Pri. constituti. ne pro prima vice privandus est fructibus unius anni omnium beneficiorum, pro secunda ipsis beneficiis, pro tertia demum omnibus etiam Dignitatibus privatus deponendus, atque in exilium mittendus est. Clericus vero, qui beneficium non habet, pro prima vice pecuniaria, vel corporali pœna plectendus est, pro altera in carceres detrudendus, pro tertia

demum verbaliter degradandus, atque ad triremes mittendus. Qui in Sanctos blasphemias effuderit eum S. Pius V. Judicis arbitrio, ratione criminis ac personarum habita, puniri voluit. Verum, uti monet Cardinalis Albutius de *Inconstant. in Fid. c. 31. n. 139. & seq.*, nunc à Tribunali S. Inquisitionis contra blasphemos, respectu habito ad crimen, atque ad personas arbitrariæ pœnæ constituuntur.

(5) *Cap. 18. de Hæret. in 6.*

(6) *Cap. 2. de Mædic. ibique Gonzalez n. 7.*

TITULUS XI.

De Sacrilegio.

- | | |
|------------------------------------|---------------------------------|
| I. Sacrilegium quid, & quotuplex? | III. Quomodo sacrilegium reale? |
| II. Quomodo personale, aut locale? | IV. Pœnæ in sacrilegos. |
| le sacrilegium admittitur? | |

§. I.

Ut blasphemia verbis, ita sacrilegium facto injuriam Deo irrogat. Est autem sacrilegium violatio rei sacræ, quæ scilicet cultui divino addita est, ac triplex ejus genus distinguitur (1). Aliud nimirum est sacrilegium personale, per quod injuria personæ sacræ, clerico, regulari, moniali infertur; aliud locale, per quod debitus sacro loco honor, & reverentia denegatur; denique aliud reale, quod admittitur contra res sacras, quæ speciatim ad cultum divinum pertinent, uti sunt sacramenta, calices, Sanctorum imagines, reliquiæ.

(1) Confer S. Thomam 2. 2. qu. 99. art. 1.

§. II. Personale sacrilegium committunt, qui ecclesiasticam clericorum immunitatem violant, aut in eos violentas manus injiciunt, quique cum personis coeunt Deo dicatis. Localis sacrilegii reus est; qui localem violat ecclesiasticam immunitatem, aut in loco sacro vetitos exercet actus, qui speciatim Ecclesiæ lege loci sanctitati adversantur. Hujusmodi sunt homicidium, humani sanguinis, aut seminis effu-

sio, sepultura infidelis, aut excommunicati vitandi per quæ omnia locum sacrum pollui, superiore loco demonstratum est.

§. III. Sacrilegium reale pluribus modis admittitur. Graviora hujusmodi sacrilegia sunt, cum in profanos & multo magis cum in pravos, turpesque usus convertuntur Ecclesiæ, altaria, sacra vasa, vestes altaris ministerio addictæ, sacri codices, cetera generis ejusdem (1). Furtum quoque sacrilegium est, si res sacra, aut non sacra, sed tamen Ecclesiæ tutelæ, & custodire commendata, auferatur (2). Eodem recidunt, qui fidelium oblationes aut negant Ecclesiis, aut cum difficultate reddunt, quos *tamquam egentium necatores* antiqua concilia execrantur (3).

(1) Adversus eos, qui audent: "convertere, & torquere sententias" Sac. Scripturæ ad scurrilia, scilicet fabulosa, vana, adulationes, detractiones, superstitiones impias, & diabolicas incantationes, divinationes, sortes, libellos etiam famosos," gravissimum decretum est Concilii Tridentini *Sess. 4. in Decret. de Edit. & usus sacr. libror.*

(2) Non desunt, qui semper sacrilegium admitti putant, cum res aliqua ex loco sacro auferatur, licet ea sacra non sit. Sed plerique distinguunt res non sacras, quæ Ecclesiæ tutelæ, & custodiæ sunt creditæ, à rebus non sacris, quæ nullam habent hujusmodi tutelam, quæque casu in Ecclesia reperiuntur. Tantum cum illæ, non item cum hæ auferuntur, sacrilegium committitur. Confer Gonzalezium in c. 8. de For. compet. n. 4. Canon Apostolorum 72 al 64. apud Coelerium *1^o P. Apostolic. t. 1. p. 451. ed. Amstelæd. 1724.* segregari jubet clericum. aut laicum qui abstruxerit ex *Sancta Ecclesia ceram, vel oleum.* Huc etiam referendi sunt *Traditores*, vel *Proditores*, qui scilicet persecutionis tempore sacros codices, vel sacra vasa ethnicis tradidissent, & de quibus agit Concilium Arelatense I. *can. 13. t. 1. col. 1452. Collect. Labbæi.* His jus criminis rerum Cæcilianum accusabant Donatistæ; quibus respondet Augustinus *Ep. 185. n. 4. ad Bonifac. opp. t. 2. col. 644. ed. Venet. 1729.* Si vera essent, quæ ab eis Cæciliano objecta sunt... ipsum jam mortuum anathematizaremus. Revera qui hæ Cæciliano objiciebant, ipsi Traditores erant, uti ex actis Concilii Cirtensis ostendunt Optatus Milevitanus *l. 1. de Schism. Don. c. 13., & 14. p. 14., & 15. ed. cit., & Augustinus Ep. 75. al 171. ad Donatistas n. 2. opp. t. 2. col. 180. ed. cit.*

(3) Ita loquitur Concilium Carthaginense IV. *can. 95. t. 2. concil. col. 1444. collect. Labbæi,* cum quo consentiunt Vasense II. *can. 4. t. 4. col. 716., & Taronense II. can. 25. t. 6. col. 546.* Vitendus quoque Ambrosius de Pœnitent. *l. 2. c. 9. opp. t. 15. p. 261. ed. Maurin. Ven. 1781.*

§. IV. Pœnæ in sacrilegos partim legibus constitutæ sunt
Tom. IV. Nn

& partim iudicis arbitrio infliguntur. Poena legibus constituta est excommunicatio, in quam incidunt ipso facto, ut ajunt, qui in clericum, aut monachum violentas manus injecerunt, qui Ecclesiasticam immunitatem violarunt, qui ecclesiam violenter confringere, ac spoliare ausi sunt (1), qui eam incenderunt (2). Reliquæ poenæ sunt carceres, triremes, & qui gravius deliquerunt, etiam capitis poena plectuntur.

(1) *Cap. 22. de Sentent. excom.*

(2) *Cap. 19. eod.*

TITULUS XII.

De Perjurio.

I. Jusjurandum ab Ecclesia approbatum. II. Poenæ in perjuros.

§. I.

Nullum vinculum ad stringendam fidem jurejurando artius esse, omnes semper intellexerunt. Vix enim credibile est, esse hominem tam impudentem, ac perditum, qui non totis artibus contremiscat, cum audet fidem fallere ab se datam, Deo interposito tum iudice, tum teste. Quare Ecclesia probat, semperque probavit jusjurandum, ut homines firmitus teneant, quod Deo teste affirmate dixerunt; & plane desipiunt, qui commune jusjurandum improbant, quod justis de causis emittitur (a). Vetat quidem Ecclesia aliquem temere, & inconsiderate, atque ex levi, & inani causa jurare (2); sed fides, & religio jurisjurandi, quæ justas habet causas, merito recepta, & probata est (3).

(1) Paschasius Quesnellus *Obrer. moral. Matth. c. 5. vers. 37.* "nil Spiritui Dei, & doctrinæ Jesu Christi magis opponi arbitrat, quàm non connunia facere juramenta in Ecclesia, quia hoc est multiplicare occasiones pejerandi, laqueos tendere infirmis, & idiotis, & effundere, ut nomen, & veritas Dei aliquando deserviat consilio impiorum." Quæ est propositio tot. damnata in *Const. Unigenitus*. Sed, quod bene animaverterunt 40. Galliarum Præules in *Instruct. Pastoral. accept. Const. Unigenitus*, sua hac sententia Quesnellus hoc sibi unum

propositum habuit, ut vituperaret commune juramentum, quod ex formula Alexandri VII. exigitur, licet deinceps ejus asseclæ hanc sententiam traduxerint ad omnia juramenta quæ à legitimis Potestatibus requiruntur. Ante Quesnellum Pelagiani, ut testatur Augustinus *Ep. 157. n. 40. & 41. opp. t. 2. col. 559. ed. Ven. cit.*, commune jusjurandum improbarunt. Errorem hunc, cui nunc adhærent, qui sunt de secta Quackeriorum, & Anabaptistarum, integrarunt Cathari, & Valdenses, quos refutavit Ven. Moneta peculiari opere *adversus Catharos, & Valdenses l. 5. c. 9. p. 462. & seq. ed. Rom. 1743.* In Synodo Constatiensi damnatus hic error Wiclefi est *Sess. 8. art. 43. t. 16. concil. col. 936. Collect. Labbæi. Juramenta illicita sunt, quæ fiunt ad roborandos humanos contractus, & commercia civilia.* Est autem distinguenda, quod perperam aliqui non faciunt, invocatio Dei in testem, ab imprecatione, seu execratione, qua sibi jurans, si fallat, imprecatur, ut sibi ex. gr. Deus iratus sit. Sane utrumque esse distinguendum, constat ex juramenti formula, quæ extat apud Plautum in *Ruden. act. 5. vers. 51. & seq. p. 1033. ed. Lugduni Batav. 1659.*, atque ex aliis formulis quas collegit Barnabas Brissonius de *Formulis.* Consule Sigonium *l. 3. de Republ. Atheniens.*, ubi refertur jusjurandum, quo se Heliastæ Atheniensium judices obsurgabant. Pulcre S. Thomas duplex jusjurandum distinguit *2. 2. qu. 89. art. 1. ad 3. arg.* "Alterum quidem est, inquit, per simplicem contestationem, sicut cum aliquis dicit: Est mihi Deus testis, vel coram Deo loquor, vel per Deum, quod idem est; aliud est per execrationem &c."

(2) Deum vocare testem in re ludicra, & inani est in *vānū Dei nomen assumere.* Confer S. Joannem Chrysostomum *Hom. 9. n. 5. in Act. Apostolor. t. 9. p. 76. ed. Montsauronii Paris.* S. Augustinum *Serm. 180. ad 28. de Verb. Apostol. c. 9. opp. t. 7. col. 864. ed. Maurin. Ven. 1762.* Catechismus Romanum de *Secund. præcept. par. 3. c. 3. n. 7. et 13.* Quod si peccat, qui Deum testem appellat in re, quæ parvi interest, multo magis peccat, qui se peccatum aliquod sive lethale, sive veniale facturum jurat. Peccat autem lethaliter. Adversus S. Ambrosium de *Offic. ministror. l. 3. c. 12. t. 4. p. 471. ed. Ven. 1781.*, Salvianum *l. 4. de Gubernat. Dei n. 15. 16. p. 83. ed. Pedepont. 1743.*, Concilium Toletanum VIII. *c. 2. t. 7. Concil. col. 414. Collect. Labbæi, Ilerdense can. 7. t. 5. col. 752.*, & S. Thomam *2. 2. qu. 98. art. 2. ad 1. argum.* Hinc merito ab Innocentio XI. an. 1679. damnata est hæc propositio: "Vocare Deum in testem mendacii levis, non est tanta irreverentia, propter quam velit, aut possit dammare hominem."

(3) Juramenti auctoritatem, religionem, fidem probant Sacræ Litteræ, in quibus ea occurrunt: "Vivit Dominus: per memetipsum juravi: sicut juravit Dominus, & non pœnitebit eum," & alia similia. Imo passim Theologi observant, omnem Dei promissionem, atque assertionem juramentum esse Jeremias IV. *2. jurabitis*, inquit *in veritate, & iudicio, & iustitia*, quæ sunt tres conditiones, quas & Ecclesia in juramento requirit, quibusque servatis recte commune jusjurandum mitti-

tur. Paulus etiam non semel in epistolis jurat, ut *I. ad Corinth. XV. 31. Roman. I. 9. Philipp. I. 8.*, & *ad Hebræos VI. 12.* & seq. ubi Apostolus à Deo emissum iuramentum memorat. Itemque quoque confirmant Patres, in primis vero Athanasius *Apolog. ad Constant. n. 8. opp. t. 1. p. 238.*, et *Exposit. in psalm. 62. p. 81.* id. Potavi 1777., Hilarius in *Psalm. 62. opp. t. 1. col. 176.*, & de *Trinit. I. 5. n. 30. t. 2. col. 12.* ed. Veronæ 1730., Liberius *ep. 4. ad Constant. n. 3.* apud Constantium *ep. Rom. Pontific. col. 425.* Augustinus *Serm. 180. ab 18 de Verb. Apostolic. c. 4. t. 5. col. 861. ed. cit. Si peccatum, inquit, esset juratio, nec in veteri Lege diceretur, non pejurabis, redes autem Domino iurandum tantum. "Non enim peccatum præciperet et nobis... & c. 5. ut noveritis in verum jurare non esse peccatum, invenimus & Apostolum Paulum iurasse, & c. & c. 2. col. 859. Invenimus iurasse primum ipsum Dominum, in quo non est omnino peccatum. Juravit Dominus, & non peccabit neque & c. Eternitatem Sacerdotii filii cum juramento promisit. Habet etiam, per memetipsum iuro dicit Dominus: & illud juratio est: ego dicit Dominus: Quomodo homo per Deum, ita Deus per seipsum. Non est ergo peccatum jurare... jurat Deus, qui peccatum non habet. Non ergo est peccatum jurare; sed magis peccatum est pejurare." Vide etiam S. Thomam 2. 2. q. 89. art. 2., & Innocentium III in c. 26 de *Jurejur.* Eadem est perpetua Ecclesiæ disciplina. Evagrius Constantinopolitanum Diaconum lectis Evangelii iurasse, scribit Sozomenus *Histor. I. 6. cap. 30. p. 263. ed. Cantabrig. 1720.* Concilium Toletanum VIII. can. 2. t. 7. col. 414. *Collect. ejusd.* iustas jurandi causas describit. Patres Concilii Constantinopolitani Œcumenici VI. *Act. 14. t. 7. col. 1011.* Georgium Diaconum in singulis propositis questionibus jurare coegerunt; de jurejurando à Marcellino Comite interposito in colatione in ex Catholicos, ac Donatistas testimonium perhibet Augustinus *Collat. Carthag. die 1. c. 5. opp. t. 9. col. 546. ed. cit. Constantius M. Ariti iuramentum accepit, ipseque L. 4. cod. Theod. de Accusat. jurejurando concludit. Similiter iurjurandi mentionem facit Arcadius L. 8. Theod. de Pactis, atque illud ad diuimendas lites precipiendas quæ calumnias interponi vult Justinianus L. 2. Cod. de Juram. propt. calumn. Ne omnia persequar, quæ prope innumera sunt, Concilium Constantiense reconciliandos singulis propositis articulis jurejurando respondere jussit: ac Synodus Tridentina à Magistris, à nevīs Canonicis, atque ab aliis sacramentum emitit voluit. Quæ ex sacris Litteris contra iurjurandum educi solent, præclare diluuntur à S. Augustino *Serm. 180. cit. col. 859. seq.*, S. Hieronymo *Comment. in Matth. c. 5. vers. 34. t. 7. col. 30. ed. Vallarsii Veronæ.* S. Thomas *cit. qu. 89. art. 2. ad arg. 1. & 2. Pilichdorffio contr. Valdens. c. 36. t. 25. Biblioth. PP. p. 258. ed. Lugdun.*, Ecardo in *Antihæresi advers. Valdens. c. 14. t. 24. ejusd. Biblioth. p. 1555.*, Ven. Moneta *I. cit. par. 1. §. 1. et seq. p. 463. et seq.*, Innocentio III. *cit. cap. 26. de Jurejur.* S. Joannem Chrysostomum ab ea, quam illi Anabaptistæ impingunt, calumnia egregie liberat doctus Auctor notationum in Ven. Monetam *I. c. not. 36. p. 475. Consule Catechismum Romanum de 2. Præ.***

cept. p. 3. c. 3. n. 15. et 16. Interpretes Sac. Scripturæ in Eccles. c. 23., et in Matth. c. 5. præterea PP. Maurinos in Hilarium in Matth. c. 4. n. 23. lit. g. col. 687. t. 1. ed. Veronæ 1730., Paulum la Fontaine t. 3. const. Unig. prop. ult., Paulum à Lugdano t. 2. Antisapl. prop. ult., Vivam prop. dominat. Quesnellii 101.

§. II. Cum autem jurisjurandi fides sancta esse debeat, facile intelligitur, quam grave sit scelus eorum, qui hanc fidem fallunt, hoc est perjurium admittunt. Nam hi non tantum fidem, sed etiam graviter negligunt reverentiam debitam Deo, quem fidei testem advocarunt (1). Hinc plures adversus perjuros pœnæ sunt constitutæ. Eos non secus ac fures, & adulteros sese ab altari rejecturum minatur Chrysostomus (2); p̄r undecim vero annos communio- nis expertes esse Basilius jubet (3). Jure civili, & canonico perjuri infames sunt (4), arcentur à ferendo testimonio (5), atque ecclesiasticis beneficiis (6); & aliis etiam pro rerum, criminisque ratione pœnis subjiciuntur.

(1) Confer S. Augustinum *Serm.* 180. al. 28. c. 6. et 7. *opp.* t. 7. col. 862. ed. Ven. 1761., S. Joannem Damascenum *Sacr. parallel. lit. o. tit.* 12. *opp.* t. 2. p. 631. ed. Lequienii Ven. 1748., S. Thomam 2. 2. qu. 98. art. 2., *Catechismum Romanum* p. 3. c. 3. n. 20.

(2) S. Joannes Chrysostomus *Homil.* 17. in *Matth.* n. 5. *opp.* t. 7. col. 228. ed. Paris. 1727.

(3) S. Basilius *Epist. can.* 64. apud Labbæum *conc.* t. 2. col. 1536. ed. Ven.

(4) L. 8. *cod. Theod. de Pactis*, can. 9. *caus.* 3. qu. 5. can. 17. *caus.* 6. qu. 1., can. 7. *caus.* 22. qu. 5.

(5) Cap. 7. et 54. de *Testibus*.

(6) Confer Gonzalegium in c. 11. de *Jurejur.* n. 8.

TITULUS XIII.

De Divinatione.

- | | |
|---------------------------------|----------------------------------|
| I. Divinatio quid, & quotuplex? | IV. Pactum cum Satana. |
| II. Augurium. | V. Pœnæ in eos, qui divinationi, |
| III. Sortilegium. | & sortilegio student. |

§. I.

Divinatio significat præsentionem, & scientiam rerum futurarum. Hæc autem ars non solum vana, & inutilis, sed etiam impia, comprehendit astrologiam, augurium, sortilegium, divinationem per pactum, quod cum Satana conventum dicitur. Astrologia pertinet ad trajectiones, motusque stellarum, & qui ex earum rerum observatione significari, prædicique putant, quid cuique eventurum, & quo quisque fato natus sit, Astrologi dicuntur; olim & Mathematici vulgo dicebantur. Genus hominum ineptissimorum vehementer improbant non ecclesiasticæ solum (1), sed etiam civiles leges (2).

(1) Vide Tertulianum *de Idololatr.* c. 9. p. 89. *ed. Paris. Rigaltii* 1675., Auctorem *Constit. Apostol.* l. 8. c. 32. apud Cotelerium *PP. Apostol.* t. 1. p. 417. *ed. cit.*, S. Leonem M. *Serm.* 27. c. 3. et 4. *opp. t. 1. col. 94. et Serm.* 57. c. 5. col. 217. *ed. Ballerin. Ven.* 1753., S. Augustinum *de Doctrina Christ.* l. 2. c. 23. *opp. t. 3. col. 43. & Serm.* 9. c. 3. t. 7. col. 50. *ed. Ven.* 1762., S. Hieronymum *in Isaiam* l. 13. c. 48. *opp. t. 4. col. 453. et 454. ed. Vallarsii Ven.* 1767., præterea Concilium Tolætanum l. in *Regul. filii contr. Priscillianist.* t. 2. *Concil.* col. 1477. *Collect.* Labbæi, quod ob hoc potissimum crimen anathematis pœnam in Priscillianistas constituit. Hi enim, ut testantur Leo M. *ep.* 25. *ad Turibium* c. 11. *opp. t. 1. col. 703. ed. Vallerin. Ven.* 1753., S. Augustinus *de Hæres.* c. 70. *opp. t. 10. col. 25. ed. cit.* omnia fato, ac syderum conversioni adscribebant. Ea tem ars dicta etiam fuit Astrologia *Apotelesmatica*; quoniam occulti effectus, & potestates astrorum in conjunctione, & oppositione *Apotelesmata* vocabantur. Hinc qui eam artem exercebant *Apotelesmatici* appellati sunt, atque etiam *Mathematici*, & *Chaldei*, eaque ars eadem fuit, ac *Astrologia judiciaria*, quam vocamus. Eusebium Emissenum accusatum fuisse, quod hanc artem tractaret, eaque de causa relicto Episcopatu fugam arripuisse, scribit Sozomenus *Histor.* l. 3. c. 6. p. 99.

ed. *Contabrig.*; & Aquilam Ponticum, quod nimium Mathematicorum artibus tribueret ab Ecclesia ejectum fuisse, narrat Epiphanius de *Mensur. et pond.* § 15. opp. t. 2. p. 171. ed. Coloniae 1683. Aliud simile de Astrologo exemplum habet Augustinus de *Mathemat.* ad calc. *Tract. in ps. 61. opp. t. 5. col. 803. ed. cit.*

(2) Cons. le virumque Codicem Theodosianum, & Justinianicum tit. de *Mathem. et Malefic.*

§. II. Augurium comprehendit *Haruspicium* & *Aruspiciam*, quibus signa, & indicia quaeruntur in extis victimarum; & *augurium* angustiori significatione acceptum, quod volatibus avium, cantibusque, ut certissimis signis, declarari res futuras docet, & *omen*, per quod ex hominis voce, atque etiam ex sternutamento indicia capiuntur; & *chiromantiam*, *metoposcopiam*, & *notomantiam*, quibus aliquis ex manibus, ex vultu, ac fronte, vel ex dorso res occultas, & latentes indagare conatur. Quantam Romani inanissimis hisce artibus operam dederint, res est nota cunctis, & mandata monumentis; sed eas semper Ecclesia gravissime improbavit (1).

(1) Consule Auctorem *Const. Apostol.* l. 8. c. 32. apud Cotelerium *PP. Aport. t. 1. p. 417. ed. cit.*, S. Cyrillum Hierosol. *Cath. 19. misc. sig. 1. n. 8. p. 302. ed. Ven. 1763.*, S. Augustinum de *Doctr. Christ.* l. 2. c. 20. *seq. opp. t. 3. col. 40. ed. Ven. 1759.*, S. Thomam 2. 2. q. 95. art. 2. Concilium Eliberitanum *can. 62. t. 1. Conc. col. 999. Collect. Labbæi, Agathense can. 42. t. 5. col. 528. Veneticum can. 16. t. 5. col. 82. Aurelianense l. can. 30. t. eod. col. 547.*

§. III. Sortilegium, sive divinatio per sortes fit, cum per sortes quaeritur, quid agendum quidve vitandum sit, Ethnici divinabant per sortes, quas *Virgilianas* vocabant; cum scilicet temere arrepto Virgilio Poetae libro, quicumque versus primum occurreret pro sorte, & oraculi loco habebatur. Ita Hadrianum, & Alexandrum Severum Virgilianas sortes de Imperio consuluisse Spartianus (1), & Lampridius (2) memoriae prodiderunt. Eodem prorsus modo superstitiosi quidam Christiani sacris Biblis abutebantur, quod *sacras sortes* appellabant, quodque complurium Synodorum canonibus damnatum est (3) Haud tamen ve-

titum est adhibere sortes, quas *politicas* vocamus (4), ut si agri sortibus dividantur, aut in exercitu definiatur, quis primus impetum in hostem facere debeat. Verum Ecclesiastica officia, & canonicæ erectiones sortibus committi non debent (5); nisi ea de re peculiare Christi mandatum sit, uti in electione Matthiæ Apostoli factum est (6).

(1) Spartianus in *Vit. Hadrian.* p. 19. & 20. inter *Hist. August. Script.* tit. 1. ed. Lugdun. Batav. 1671.

(2) Lampridius in *Vit. Alex. Sever.* p. 899. eod. loc. t. 1.

(3) Confer Concilium Agathense, Veneticum, Aurelianense I. loc. mox cit., & vide etiam S. Augustinum *ep.* 55. c. 20. *opp.* t. 2. col. 189. ed. Ven. 1759.

(4) Consule Augustinum *ep.* 228. ad Honorat. num. 12. *opp.* t. 2. col. 1086. ed. cit., & de *Doctrin. Christian.* l. 1. c. 28 t. 3. col. 17.

(5) *Cap. ult. de Sortileg.*

(6) De hac Matthiæ per sortes facta electione Hieronymus in *Jonam* c. 1. ver. 7. *opp.* t. 6. col. 398. ed. Vallar. Veron. habet hæc: "Nec statim debemus sub hoc exemplo sortibus credere, vel illud de actibus Apostolorum huic testimonio copulare, ubi sorte in Apostolat. m. Matthias eligitur; cum privilegia singulorum non possint facere legem communem." Confer N. Alexandrum *Hist. eccles. l. sec. c. 1. t. 3. p. 7. ed. Ven. 1776.*

§. IV. Deterior est divinatio per explicitum pactum cum Satana; nimirum cum ipse Satanas dat responsa consulenti aut per imagines, & idola, quæ *oracula* dicebantur; aut per suos vates, quos *Pythones*, aut *Pythoniæ* vocabant, hoc est genio familiari, sive spiritu fatidico agitato; aut per somnia, quod appellabant, *νευρομαντείας*, hoc est *vaticinationem per somnia*; aut per spectra, & visiones mortuorum, quod proprie dicebant *νεκρομαντείας*, hoc est *vaticinationem*, quæ fiebat evocatis mortuis, aut per cranium hominis mortui, quod *κρανιομαντείας* dicebatur; aut per certa signa, & figuras factas in terra, vel aqua, aere, igne, vitro, cibro, & sexcentis aliis fallaciarum modis (1). Gravisimum hoc crimen quod aliquid in se admixtum habet ex idololatria, hæresi, incredulitate, apostasia, sacrilegio, hypocrisi, curiositate, & ambitione, semper asperioribus poenis non ecclesiasticæ solum (2), sed etiam civiles leges (3) coercuerunt.

(1) Late de his omnibus agunt, præter ceteros, Martinus Delrio *Disquit. magic. l. 4. c. 2.*, & Leonardus Lessius *de Justit. & jur. l. 2. c. 43. dub. 5.*

(2) Contra Auctorem *Const. Apostol. l. 8. c. 32. cit.*, & Concilium Ancyranum *can. 23. t. 1. Concil. col. 1500. Collect. Labbæi.*

(3) *L. 4. col. Theodor. de Malesic. & mathem.*, quam in legem vide Gothofredum.

§. V. Romani Pontifices pro cura, & solitudine, quam habent, totius Ecclesiæ, saluberrimas edidere leges, quibus antiquiora ecclesiastica decreta confirmata sunt, & provisum est diligentius, ut Christiani homines ab inani, & improbo divinationis studio deterreantur. Huc sane spectant Decretales à Gregorio IX. descriptæ (1), & his recentiores Constitutiones Leonis X. (2), Sixti V. (3), Gregorii XV. (4), Urbani VIII. (5), quibus sortilegiorum rei pœnitentiæ subji-ciuntur, & infamia notantur, perseverantes autem in sce-
le, laici excommunicationis, clerici depositionis pœna plec-
tuntur, atque ecclesiasticis beneficiis privantur, aliisque
etiam tam clerici, quam laici pro criminis immanitate pœ-
nis afficiuntur. Non tantum autem his pœnis subsunt, sed
etiam à sacrificio Missæ celebrando perpetuo repelluntur
Sacerdotes, qui ipso sacrificio abuti ad sortilegia ausi
sunt (6).

(1) *Cap. 1. & 2. de Sortileg.*

(2) *Leo X. const. supernæ 8. §. 41. in Bullar. Roman. ult. ed. t. 3. part. 3. p. 400.*

(3) *Sistus V. const. cæli & terræ 26. t. 4. par. 4. p. 176. Bullar. Roman.*

(4) *Gregorio XV. const. omnipotentis Dei 101. t. 5. part. 5. Bullar. Roman. p. 97.*

(5) *Urbanus VIII. const. Inscrutabiles 362. t. 6. par. 1. Bullar. p. 68.* qua quidem constitutione præsertim gravissimis afficiuntur pœnis Astro-
logi, qui de statu Christianæ Reipublice, vel Sedis Apostolicæ, aut de
vita Summi Pontificis, ejusque consanguineorum judicium ferunt.

(6) *Decretum sac. Romanæ Inquisitionis die 5. Augusti 1745.*, quod
à Benedicto XIV. comprobatum est.

TITULUS XIV.

De Magia.

I. Magia quid?

II. Poenæ in magos.

§. I.

Divinationi affinis est magia superstitiosa, quæ proprie à rei Canonicæ Scriptoribus magia nuncupatur, per quam scilicet ope dæmonis magna, & mirabilia fieri videntur (1); eaque sic distinguitur à magia naturali, per quam à philosophis per causas naturales sæpe mira patrantur. Sed magia à divinatione differt, quod per illam fiunt, quæ mirabilia apparent, per hanc autem occulta quærentur. Magi sæpe *benefici*, & *malefici* appellantur, quoniam aliis veneno, atque præstigiis mala afferre conantur. Hos morte mulctari jubet Constantinus (2), atque ipsis etiam spem prorsus adimit veniæ, quæ in Paschate criminum reis concedebatur (3).

(1) Confer Mamachium, qui *Origin. & antiquit. Cristian. l. 3. c. 1. §. 8. t. 3. p. 128. & seq.* copiose refellit opinionem eorum, qui magos unquam vixisse inficiantur.

(2) *L. 3 & 5. cod. Theod. de Malefic.*

(3) *L. 1. 3. 4. 6. 7. 8. cod. Theod. de Indulgent. crimin.*

§. II. Ecclesiæ legibus magi iisdem, quibus sortilegi, poenis afficiuntur, nimirum excommunicatione, & si clerici fuerint, depositione (1). Qui sortilegio, aut maleficio suo alienæ mortis causa fuit, seculari curiæ tradendus est, ut meritis plectatur poenis; qui maleficio, & sortilegio mortis causam non dedit, in perpetuum carcerem detruditur (2). Etiam consulentes magos, atque sortilegos in excommunicationem incidunt, & si clerici fuerint, gradu, ac dignitate moti perpetuæ poenitentiae subjiciuntur (3). Sed his in rebus, ut plurimum, locus est arbitrio judicis, qui pro criminis, & reum ratione modo leviores; & modo asperiores poenas indigit.

(1) Consule *Decretum caus. 26. qu. 5.*, & *Decretales in tit. de Sor-
titeg.* item *Concilium Laodicensem can. 36. t. 1. Concil. col. 1538. Col.
lect. Labbæi, Ancyranum can. 13. t. 1. col. 1500.*, Carthaginense IV.
can. 89. t. 2. col. 1414., ut mittam quæ Auctor *Recognitionum t. 4. n. 26.
et seq.* apud Cotelærium PP. *Apostol. t. 1. p. 543. ed. Amstelæd. cit.*,
Tertullianus de *Idololat. c. 9. p. 89. ed. Paris. 1675.* Origenes *contr. Cels.
l. 1. n. 24. p. 342. et l. 4. n. 34. opp. t. 1. p. 527. seq. ed. Paris. 1733.*
adversus hoc crimen scriptum reliquerunt.

(2) Gregorius XV. *cit. const. Omnipotentis Dei.*

(3) Concilium Toletanum IV. *can. 29. Concil. t. 6. col. 1460. Collect.
Labbæi.* Confer etiam paulo ante laudatam Urbani VIII. *Constitut.*

TITULUS XV.

De delictis venereis.

- | | |
|---|--|
| I. Venereorum criminum species. | VI. Incestus. |
| II. & III. Pœnæ fornicationis, &
concupinatus. | VII. Sacrilegii. |
| IV. Stupri. | VIII. Raptus. |
| V. Adulterii. | IX. Sodomiz & concubitus cum
bestiis. |

§. I.

Venereorum criminum species sunt fornicatio simplex, concupinatus, stuprum, adulterium, incestus, sacrilegium, raptus, sodomia, conjunctio cum bestiis, quæ vulgo *bestialitas* appellatur. Fornicatio est voluntarius concubitus viri cum muliere, qui duo inter se inire matrimonium possent, quoniam neuter alio vinculo obstrictus est. Concupinatus est conjunctio, seu consuetudo viri soluti, hoc est matrimonio non obligati, cum soluta item fœmina, quæ uxoris loco non est: stuprum vetita compressio virginis; adulterium alieni thori violatio (1); incestus conjunctio affinium, aut consanguineorum; sacrilegium concubitus cum persona, quæ se Deo vovit; raptus violenta abductio honestæ personæ libidinis explendæ causa (2). Sodomia est conjunctio duarum personarum ejusdem sexus, quæ sodomia *perfecta* dicitur eam vero proxime sequitur sodomia *imperfecta*, quam admittunt duæ personæ dissimilis sexus, quæ cor-

porum copulatione violarunt ordinem, quem liberorum procreandorum causa natura constituit. Denique est *bestialitas* cum quis libidine sua bestias appetivit.

(1) Adulterium jure civili tantum in alienam conjugem *l. 34 ff. ad l. Jul. de Adulter.*; jure vero canonico à marito alieno in quantibet etiam in uxorem nam committitur *can. 13. 15. caus. 32. q. 5.* Falso autem Cujacius in *Decretal. c. 4. tit. 1. l. 1. opp. t. 6. col. 762. ed. V. n.* reprehendit Alexandrum III., quod, ut ipse inquit, in *c. 4. de jud. adulterium* inter leviora crimina recensuit. Cujacium sequuntur hæretici complures, quorum in Romanos Pontifices insigne odium est, atque inter eos Antonius Matthæus de *crim. proleg. c. 6.* eo usque impudentia progreditur, ut ad hoc vitium proclivem audacissime dicat sanctissimum Pontificem, c. jus continentia omnibus monumentis testata est, ac ne in suspicionem quidem adducta in eo firo, ac diuturno schismate, quo ipse vexatus fuit, opera præsertim Friderici I. Imperatoris, qui contra eum tres, aut quatuor, ut alii putant, Anti-Papas impense fovit. Sed impudentissimam calumniam iavice refutavit Carolus Blaschus *Distrib. 2. ad c. 4. de jud. in ejus opuscul. canonic. Neapoli edito an. 1758. t. 1. p. 163. seq.*

(2) De his, cæterisque criminibus, quorum hoc loco mentio est, copiose agit Renazzius *Instit. crimin. l. 4. per tot.*

§. II. Simplex fornicatio præsertim clericorum, antiquis canonibus variis puniebatur pœnis (1); nunc fere omnes iudicis arbitrio relictæ sunt. De concubinato multa jure novo Concilii Tridentini (2) sapienter sunt constituta. Nimirum qui in ejus sceleris contagione versantur; ter ab Episcopo monendi, & si monitis non obediant, excommunicandi, aliisque etiam plectendi sunt pœnis, cum per annum censuras neglexerunt. Concubinæ vero ab episcopis ex officio graviter puniende sunt, atque extra oppidum, vel diocesium relegandæ.

(1) Canon Apostolicus 53. apud cotelerium *l. c. p. 450.*, & Concilium Nicænsiense *can. 9. t. 1. Concil. col. 1511. collect.* Labbæi h. jus criminis reos nunquam inter clericos cooptari, & cooptatos per ignorantiam offendendi munere privari voluerunt. Virginitas, quæ virginem tantum stant non custodierint, pœnitentiam imponit Concilium Eberitanum *can. 14. col. 994. t. 1. Concil. collect. Labbæi.*

(2) Concilium Tridentinum *sess. 24. cap. 8. de Reform. matrim.*

§. III. Clerici concubinarum, si nullum habeant beneficium, in carceres detruduntur, suspenduntur ab ordine, ab obtinendis in posterum beneficiis repelluntur, aliisque etiam pro Episcopi arbitrio, & prudentia, criminisque natura poenis subijciuntur. Clericus autem beneficiarius semel monitus, & in scelere perseverans privatur tertia parte fructuum beneficiorum, qui ab Episcopo Ecclesiae, vel alteri pio loco adscribuntur. Si iterum monitus non respiciat, cunctis privatur fructibus, atque etiam Episcopi arbitrio a beneficii administratione suspenditur; si neque his monitis pateat, cuncta ei beneficia, & officia adimuntur, spesque omnis praeciditur aliorum in posterum obtinendorum; denique si nondum deserat pravam vitae institutum, poena excommunicationis plectitur. Episcopus hujus criminis reus a provinciali Synodo monendus est, monita despiciens suspenditur, & adhuc flagitiose vivens a Summo Pontifice Episcopatu privatur (1).

(1) Concilium Tridentinum Sess. 25. c. 14. de Reform.

§. IV. Stuprum a Clerico illatum Ecclesiae leges multant poena depositionis ab officio, & onere dotandi puellam, quae vim passa est (1). Hodie praeter dotationem, suspensio, multa pecuniaria, carcer etiam perpetuus, aliaeque poenae Episcopi arbitrio infliguntur. Laicus, qui hujusmodi crimen patravit, aut dotare, aut uxorem ducere debet mulierem, cum qua concubuit (2); nisi alius status personarum, aut rerum conditio postulet, quia tunc pecunia dotis loco danda est. Verum qui mulierem compressit, data matrimonii fide, is eandem fidem liberare omnino debet (3). Civiles leges capitis etiam condemnant hominem, qui mulierem per vim stupravit, praesertim valde honestam, aut puellam nondum nuptam viro (4). Qui vim intulit, sed stuprum perficere non potuit, subest poenis, quae iudicis arbitrio infliguntur.

(1) C. 1. de Adulter. et-stupr.

(2) L. c. 1. cit. et tollitur, ut qui stuprum intulit, utrumque praestet, scilicet & dotet, & uxorem ducat mulierem, cum qua concubuit. Ve-

rum Juris Canonici Interpretes conjunctivam particulam & disjunctive accipiant, ut scilicet criminis reus alterutrum tantum præstare cogatur. Confer Fagnanum in *c. 2. de Adulter. et stupr. n. 2. et 3.*, & Maschat. *Instit. Canon. l. 5. tit. 16. n. 12.*

(3) Consule Giraldum *Exposit. jur. pontific. l. 5. tit. 16. sect. 834.*

(4) *L. 1. §. ult. ff. de Extraord. crim.*

§. V. Adulterium à Jure Civili gladio (1), à Jure Canonico in laico excommunicatione, in clerico depositione punitur (2), aut uterque certæ poenitentiae subjicitur (3). Mulieres autem in monasterium, ad perpetuam poenitentiam, si eas viri recipere noluerint, detruduntur (4). Hodie adulteri in carceres conjiciuntur, atque aliis subsunt poenis, quæ legibus, moribusque populorum receptæ sunt; & alicubi adulterium etiam morte multatur (5). Ubique tamen receptum est, ut propter adulterium perpetuum inter conjuges divortium fiat, ut demonstratum supra est.

(1) *L. 30. Cod. ad L. Jul. de Adulter. §. 4. Instit. de Publ. judic.*

(2) *C. 6. de Adulter. et stupr.*

(3) Confer Basilium *ep. canon. 1. ad Amphilocho. canon 3.* apud Labbæum t. 2. *Concil. col. 1509. ed. Ven. Concilium Ancyranum can. 20. t. 1. col. 1494.* Eliberitanum *can. 64. & 69. t. eod. col. 998. et 1000. Collect. Labbæi.*

(4) *Cap. 19. de Convers. conjug. Auth. Sed hodie, Cod. ad L. Jul. de Adulter.*

(5) Confer Maschatum *Instit. Jur. Canon. l. 5. tit. 16. n. 15.* Huc etiam spectat Constitutio *Ad compescendam* 70. in *Bullar. t. 4. par. 4. p. 267.* quam contra adulteros, & adulteras. Itemque contra lenones & lenas Sixtus V. evulgavit.

§. VI. Adulterorum quoque poenis, aliisque gravioribus, aut levioribus, uti fert ratio criminis, & prudentia judicis, plectuntur incesti, qui scilicet cum consanguineis, aut affinibus usque ad gradus prohibitos concubuerunt. Eodemque jure censentur, qui liberis dedere operam cum ea, quam de sacro fonte susceperunt, vel in chrismate tenuerunt. Illud præsertim est proprium incestus, quod qui eum sciens commisit cum conjugis consanguineis, conjugale debitum petere non potest (1).

(1) *Cap. 1. & 4. De eo qui cognov. consanguin. uxor.* In Urbe, atque in ecclesiastica ditione etiam ultimi supplicii pœna in casibus quibusdam constituta est à Sixto V. *Const. Volentes* 80. t. 4. p. 4. *Bullar. Roman. p. 294.*

§. VI. Fornicatio clerici, qui in sacris ordinibus versatur, quamquam verum sit sacrilegium, tamen ut simplex fornicatio punitur. At sacrilegium cum moniali commissum graviore pœnæ subijcitur. Num Jus civile hujus criminis reum morte multat, ejusque bona monasterio adscribit (1). Jure canonico laicus, qui monialem compressit, excommunicatur, clericus privatur beneficio, & depositus ab ordine in monasterium, seu potius in carcerem detruditur; ipsa vero monialis, quæ se violari passa est, aut in arctius monasterium, aut in carcerem conjicitur (2). Concubitus Christiani hominis cum Judæa, vel ethnica muliere, licet à simplici fornicatione non differat, plerumque tamen gravius punitur ob injuriam Christiano nomini illatam; ac si promissio accenderit matrimonii, etiam adulterii, non tamen capitis pœna à Jure civile coercetur (3).

(1) *L. 5. cod. de Episc. et cleric., Nov. 123. c. 43.* Sed hodie criminosi bona heredibus relinqui solent *Author. Bona cod. de Bon. proscript.*

(2) *Can. 6. 11. 25. 28. caus. 27. q. 1.*

(3) *L. 6. cod. de Judæis.*

§. VIII. Raptores virginum, nisi assentiente puella crimen matrimonio purgetur, excommunicatione puniuntur; aut depositione, si clericus raptor fuerit (1). Raptores mulieris, quæ virum habet, subsunt pœnis adulterorum, ac cæteris, quæ singularum gentium moribus receptæ sunt (2), sacrarum autem virginum, sive monialium raptores pœnas perferunt, quæ à sacris Canonibus contra raptores simul, & sacrilegos sunt constitutæ (3). Jus Civile pœna capitis animadvertit in raptorem mulieris, præsertim nuptæ, & illius bona addicit ipsi mulieri, quæ rapta est, modo ingenua, non ancilla, aut libertina sit (4).

(1) *Can. 1. caus. 36. q. 2.*

(2) Concilium Tridentinum *sess. 24. c. 6. de Reform. matrim.* plures constituit poenas contra eos, qui matrimonii ineundi causa mulierem rapiunt. Verum hoc decretum non pertinere ad eos, qui ut suam expleant libidinem, raptum committunt, fere omnes sentiunt. Quare adversus eos obtinere debent poenae, quae gentium moribus, & legibus sunt constitutae, quod recte observat Maschatus *Instit. Jur. Canon. n. 5. tit. 17. n. 4.*

(3) *Can. 2. et seq. caus. 36. q. 2.*

(4) *L. un. cod. de Raptor. virg.*

§. IX. Sodomia, & conjunctio cum bestiis non delicta sed monstra, & prodigia sunt. Olim quisquis tam foeda, & immanis patrasset crimina, quae contra naturam dicuntur, non solum à limine, verum etiam ab omni Ecclesiae tecto removebatur (1). Hodie sodomia perfecta à Jure civili morte punitur, quae poena ipsa exasperatur, ut infandi criminis rei vivi, vel saltem eorum cadavera igne comburantur (2). Jure canonico excommunicatio in laicum, in clericum vero depositio ab officio, beneficio, ordine clericali, & in monasterio detrusio constituta est (3). Eodem quoque modo puniuntur, qui sua cum bestiis corpora commiscuerunt.

(1) Tertulianus de *Pudicit. c. 4. p. 517. ed. Rigaltii Paris. 1675.* "Reliquas autem, inquit, libidinum furias & in corpora, & in sexus ultra jure naturae, non modo limine, verum omni Ecclesiae tecto submoveamus, quia non sunt delicta, sed monstra." Atque hi sunt, quos *hymantes* appellat Synodus Ancyana, qui quae ob criminis immanitatem ne digoi quidam habebantur, qui locum obtinerent inter flentes, qui primus erat poenitentiae gradus. Vide quae scripsi l. 2. tit. 2. §. 74. not. 1. p. 130.

(2) *L. 31. Col. ad L. Jul. de Adult., §. 4. Instit. de Public. judic. Novell. 77. c. 1. l. 6. col. Theol. ad L. Jul. de Adult.* quam legem integram describit Auctor *Collat. Mosaic. et Roman. leg. tit. 5. de Strupratoriis* apud Schultingium *Jurispr. vet. ante Justinian. p. 753. ed. Lipsciae 1737.*

(3) *Cap. 4. de Exces. Prael.* Clerici, qui se spurcissimo crimine pluries inquinaverunt, degradari, & curiae saeculari tradi debent, sicut demonstravi l. 1. tit. 8. §. 23. p. 392.

TITULUS XVI.

De usuris.

I. Usura quid?

II. Usuræ veritæ.

III. ad V. Non solum humano, sed etiam divino, ac naturali jure.

VI. Num usuræ aliquando percipi possint?

VII. Lucrum cessans.

VIII. Damnum emergens.

IX. Pactum de solvendis usuris.

X. Mora, & interpellatio.

XI. Periculum amittendæ sortis, & fœnus nauticum.

XII. Contractus *Mohatra*.XIII. Pactum *Antichresis*.

XIV. Quando hoc pactum non im-

probet Jus Canonicum?

XV. *Commissoria lex* in pignoribus.

XVI. ad XVIII. Montes Pietatis.

XIX. ad XX. Censûs realis.

XXI. & XXII. Censûs personalis.

XXIII. Censûs *vitalicus*.

XXIV. Cambium.

XXV. Cambium siccum.

XXVI. ad XXIX. Cambium obliquum.

XXX. Societas *ad caput salvum*.

XXXI. ad XXXV. Contractus tri-nus.

XXXVI. Pœnæ in usurarios.

XXXVII. Quomodo aliquem usurarium esse constet?

§. I.

Criminis loco est etiam usura, cujus nomine intelligimus lucrum, quod ex mero mutuo percipitur, cum scilicet post statutum tempus plus exigitur, quam mutuo datum est (1). Ethnicis permittebat usuras jus devium à veritate, quo ipsi utebantur (2), & antiquo errore, falsaque opinione decepti ipsi etiam Christiani Imperatores suis legibus usuras ferendas putarunt (3). Verum hi omnes in illis quoque tenebris erroris malum in usuris inesse intellexerunt; easque propterea certis coercuere legibus, modumque constituerunt, quem in exercendis usuris tenere oportebat (4).

(1) Usuræ nomen etiam rei usum, partamque ex re utilitatem significat; sed proprie Theologi, & Canonistæ comprehendunt lucrum, quod ex mutuo percipitur. Videlicet usuram, aut fœnus committit, qui *ex ipso mutuo*, ut inquit Benedictus XIV. in *Encyclic. Vix per venit* §43. ad *Episcop. Ital.* t. 1. ejus *Bullarii* p. 353. ed. V.n., "quod suapte natura

standumdem reddi postulat, quantum receptum est: plus sibi reddi velit, quam est receptum; ideoque ultra sortem lucrum aliquod ratione mutui sibi deberi contendat."

(2) *L. 1. ff. de Pignor.*, l. 29. *ff. de Usur.* Apud Athenienses frequentes erant usurae, ut ostendit Samuel Petitus *l. Attic. l. 5. c. 4.*; eas tamen vehementer improbant Plato, Aristoteles, Plutarchus, alique antiqui scriptores. Usitatissimæ apud Romanos erant usurae *centesimæ*, quæ scilicet centesimam sortis partem quoque mense redebant, ac duodecim ex cententis per annum conficiebant. Nam Romani usuras per menses, nimirum ipsis Kalendis, seu primo cujusque mensis die accipiebant, ut late demonstrat Heineccius *Antiquit. Roman. ad Instit. l. 3. tit. 15. §. 4. opp. t. 3. p. 343. ed. Neap. 1769.*, unde orta est actio Kalendarii *l. pen. ff. Si cert. pet.*, & *l. ult. ff. de Pecul.*, quam etiam memorat Seneca de *Benefic. l. 7. c. 10. opp. t. 1. p. 846. ed. Amstelædami 1672.* "quid scævus, inquit, & Kalendarium, & usurae, nisi humanæ cupiditatis extra naturam quæsitæ nomina?" Hinc Basiliius in *Psal. 14. n. 2. opp. t. 1. p. 108. ed. Paris 1721.* menses *usurarum* parentes vocat; & Ambrosius de *Sob. c. 12. opp. t. 1. p. 14. ed. Ven. cit.* habet hæc: "τοὺς ἑστέρας ἑστέρας ἀπὸ τοῦ ἑστέρας ἑστέρας, eo quod doloris partus animi debitoris excitare videantur. Veniunt Kalendæ, parit sors centesimam. Veniunt menses singuli, generantur usurae." Hæ usurae legitime appellatur in *l. 8. col. Theod. de Usur.*, ut observant Cironius *Observ. lib. 4. c. 5. n. 3. p. 81. ed. Vinlobom. 1761.*, & Brissonius *Select. antiquit. l. 3. c. 1. p. 64. & seq. ed. Lugduni Batav. 1749.*, ac dicuntur etiam *unciariæ*, quod singulis mensibus *unciam* darent, quæ postea, uti testatur Tacitus *Annal. l. 6. n. 16. opp. t. 2. p. 30. ed. Ven. 1708.*, rogatione tribunicia ad *sestuncias* redactæ sunt. Scilicet cautum est, ut ex centenis non amplius duodecim, sed tantum sex quoquo anno solverentur. Non enim eadem semper usurarum ratio fuit, Theodosio M. Imperatore centesima aucta erat uno semisse, & aliæ etiam aliis temporibus fuerunt centesimæ usurae vices, quas narrat Gothofredus in *l. 1. cod. Theod. de Usur. t. 1. p. 270. & seq. ed. Lipsiæ 1736.* A Græcis centesima usura dicitur *τὸς δραχμῶν*, cum pro mina singulis mensibus drachma solvebatur, quod drachma esset, centesima pars minæ. Genus omne usurarum, quibus Romani utebantur, præter cæteros, explicat Binghamus *Origin. eccles. l. 6. c. 2. §. 6. t. 2. p. 318. seq. ed. Halle Magdeburg. 1751.*

(3) *L. 1. cod. Theod. de Usur.*, l. 16. *cod. de Usur.* Usurae vetuit Basiliius Macedo Imperator, uti constat ex ejus constitutione apud Harmenopolum in *Prompt. l. 3. tit. 7. in fin.*, sed Patris constitutione abrogata, eas restituit Leo filius Novell. 34. Anatocismus vero, sive usurae usurarum civilibus quoque legibus vetitæ sunt, & solutæ conditione indebiti repetuntur *l. 26. §. 1. ff. de Conduct. indebit. l. ult. cod. de Usur. rei judic.*

(4) Constantinus M. in *cit. l. 1. cod. Theod. de Usur.* usurarum modum definiivit, statuitque, ut ex pecunia tantum una centissima, ex frugibus vero usura exigeretur, quæ dimidiam partem sortis æquaret, quod

postremum usuræ genus describit, & nominatim damnat Hieronymus in *Ezechiel. l. 6. c. 18. opp. t. 5. col. 210. ed. Vallarsii Veronæ*. Atque hæc quidem sunt, uti animadvertit Contius *Lectio. subseciv. l. 2. c. 2. p. 26. ed. Neapol. 1724.*, usuræ *sercuplæ*, quas una cum centessimis à clericis exerceri vetat Synodus Nicæna *can. 17. t. 2. conc. col. 47. Collect. Labbæi*. Hemioliarum scilicet usuræ sunt, cum tertia pars sorti usurarum nomine accedit, sive, ut inquit Dionysius Exiguus, *cum ad summam capituli dimidium summæ accedit. A Gellius Noct. Attic. l. 18. c. 14. p. 1049. ed. Lugduni Batav. 1666.* inter Græca numerorum vocabula, quibus Latina lingua carebat, hemiolion ponit, atque ita definit: "est autem hemiolios, qui numerum aliquem totum in se habet, dimidiumque ejus, ut tres ad duo, quindecim ad decem, triginta ad viginti." De hemioliiis. deque centessimis usuris copiose disputat Jacobus Gothofredus in *l. 1. cod. Theod. de Usur. t. 1. p. 268. & seq. ed. Lipsiæ 1736.*

§. II. Hebræis cum exteris gentibus usuras exercere licebat, vel quod ipsis Deus jure belli earum bona addiderat, vel ut à fœnore cum suis fratribus arcerentur (1); verum usuras accipere non poterant à *proximo* suo, quo nomine tantum Hebraicus populus comprehendebatur. Sed postquam à Christiana charitate vocabulum hoc ad omnes homines traductum fuit, eadem quoque usurarum prohibitio latius processit; ita ut nobis neque cum exteris gentibus usuras exercere liceat. Atque hæc quidem constans, & perpetua semper fuit Catholicæ Ecclesiæ sententia, neque ex pecunia, neque ex cæteris rebus fungibilibus, quæ secundum quantitatem estimantur, uti sunt frumentum, vinum, similia mutuo data, quæstum esse faciendum.

(1) Confer S. Ambrosium in *can. 12. caus. 14. qu. 4.*, & S. Thomam *l. 3. Sent. dist. 37. qu. 1. art. 6.*, & *Disp. de Malo qu. 13. art. 5.*

§. III. Genus hoc usurarum non tantum Ecclesiasticis (1) divinisque legibus (2) est interdictum, sed etiam sua natura turpe, ac nefarium est, & naturali æquitati adversatur. Nam qui ex mutuo plus accipit, quam quod ipse dedit, æqualitatem tollit, quæ in omni contractu servanda, & custodienda diligenter est. In venditione, permutatione, atque aliis hujusmodi contractibus pecunia exæquatur, tolliturque discrimen, quod forte inter datum, & acceptum intercedit.

(1) Concilium Nicænum *can.* 17. t. 2. *Concil.* col. 47. *collect.* Labbæi, Carthagine I. *can.* 13. t. 2. col. 751., Eliberitanum *can.* 29. t. 1. col. 994., Tironense I. *can.* 13. t. 5. col. 77., Lateranense II. *can.* 13. t. 12. col. 1503., Lateranense III. c. 25 t. 13. col. 430., *can.* 5. *dist.* 45. *can.* 9. *dist.* 46., *can.* 1. & 2. *dist.* 47., *can.* 2, 5, 6, 8, *caus.* 14 qu. 4., c. 4, 5, 7, *de Usuris*, c. 1. & 2. col. in 6., *Clem. unic. col. tit.*, Benedictus XIV. *in cit. Encyclic. Vix pervenit* p. 353. t. 1. *ejus Bullar. ed. cit.* Vide etiam librum meum *de Notitiis in jure legibus* p. 197. *ed. Romæ.* Eademque est Patrum omnium sententia, atque ita præter cæteros docent Tertulianus *contr. Marcion.* l. 4. c. 17. p. 430. *ed. Paris.* 1675., S. Cyprianus *de Lapsis paul. post initium* p. 89. *ed. Oxon. Felli* 1682., Origenes *Hom.* 3. in *Psalm.* 36. n. 6. *opp.* t. 2. p. 665. *ed. Paris.* 1742., S. Clemens Alexandrinus *Pædagog.* l. 1. c. 10. t. 1. p. 154. *ed. Ven.* 1757., S. Justinus *Apolog. n. ad Antonin.* p. 52. *ed. Paris.* 1721., S. Gregorius Nyssenus *Orat. cour. junerat.* in fin. p. 978. t. 1. *ed. Paris.* 1615., S. Basilus in *Psalm.* 14. *opp.* t. 1. p. 107. *seq. ed. Paris.* 1721., S. Leo M. *Ep.* 4. ad *Episc. Campan. Picen. et Thusc.* c. 8. *opp.* t. 1. col. 615. *ed. Bullerin. Ven.* 1753., S. Ambrosius *de Tobia* c. 14. n. 49. *opp.* t. 2. p. 57. *ed. Ven.* 1781., S. Augustinus *Ep.* 153. ad *Macedon.* n. 25. *opp.* t. 2. col. 534. *et in Psalm.* 36. *Ser.* 3. n. 6. t. 4. col. 285. *ed. Ven.* 1730., S. Hieronymus in *Ezech.* l. 6. c. 18. t. 5. col. 210. *ed. Vallarsii Veron.*, S. Hilarius in *Psalm.* 14. n. 15. *opp.* t. 1. col. 76. *ed. Veron.* 1730., Lactantius *Divin. instr.* l. 6. c. 18. p. 483. *opp.* t. 1. *ed. Paris.* 1648.

(2) *Exod.* XXII. 25., *Deuteronom.* XXIII. 19., *Levitic.* XXV. 35., *Eccles.* XXIX. 2., *Ezechiel.* XVIII. 22., *Psalm.* XIV. 6., LIV. 12., LXXI. 14., *Lucas* VI. 34. & 35.

§. IV. In mutuo cum minus est datum, & plus exigitur, quæ dati, & accepti æqualitas est; aut quo jure illud, quod datum superat, percipi potest? Res ipsa data incrementum respuit, ne dati, & accepti tollatur æqualitas; an forte usus, quem alter alteri concedit, lucrum, & accessionem afferet? Sed qui rem mutuo accipit, is ejusdem rei dominium adipiscitur (1). Ergo habet usum, quia Dominus est rei, quæ usum præstat. Cur igitur dominus, qui usum habet jure dominii sui, non alieno beneficio, usu-ras alteri solvet pro usu rei non alienæ, sed suæ? Lucrum igitur ex re data est contra æqualitatem contractus; lucrum ex usu rei omni juri adversatur, quoniam facit, ut dominus ex re sua fructus non domino persolvat.

(1) L. 1. §. 2. ff. de *Obligat. et act.* Simile argumentum urget S. Thomam 2. 2. qu. 78. art. 1. Atque hanc quidem dominii translationem ex

mutuante in mutuatarium fieri, ipsi etiam fatentur Carolus Molinaeus *de Usur. n. 449.*, Salmasius *de Mod. usur. c. 1. et 14* Noodtius *de Fœnor. et usur. l. 1. c. 8.*, atque alii, qui usuras cum jure divino, & naturali æquitate pugnare iussiciantur. Est hic sane error, in quo primum hasitant Pataveni, vel Cathari, ut testatur Ven. Moneta in opere adversus Catharos, et Valdenses l. 5 c. 14. §. 2. edito a Ricchiniio. Per duodecim sæcula nullum dogmaticum de usuris errorem, sed tantum falsam ex imperitiâ natam opinionem fuisse observat Ballerinius *de Usur. in præfat. §. 3.* Catharos aliquanto post sequuti sunt Christiani quidam, qui non verebatur asserere, usuram non esse peccatum, uti constat ex litteris Alexandri V. apud Waddingum *Annal. t. 5. p. 61.* & Martini V. apud Bremondum *Bullar. Domin. t. 2. n. 41. p. 567.* Errorem hunc integravit Calvinus, qui non omnem quidem usuram permisit, sed tamen à divite; non item à paupere, modicum aliquod lucrum propter mutui rationem exigi posse censuit. Calvinum complures hæretici sequuti sunt, inter cæteros autem Claudius Salmasius in duplici tractatu, altero *de Usuris* altero *de Trapezitico sanore*, Carolus Molinaeus in *Tract. de Usur.*, quem iterum deinceps edidit nomine Gasparis Caballini, Petrus Hingius l. 2. qu. 1., Gerardus Noodtius *de Fœnor. & usur. l. 1.*, Puffendorffius *de Jur. nat. & gent. l. 5. c. 7. §. 9. & seq.*, Gronovius, & Barbeyracus in *Notis ad Gronium l. 2. c. 12.*, & ad Puffendorffium *de Jur. natur. et gent. l. 5. c. 7. §. 9. & seq. not. 7.*, Bohemerus *Jur. eccles. Protestant. t. 5. tit. 19.* Mitto cæteros, qui hunc eundem de usuris errorem litteris mandare ausi sunt. Quod ad Græcos attinet, Ballerinius *loc. cit.*, ostendit, eos diu cum Romana Ecclesia consensisse, eorum autem, in quo nunc versantur, de usuris errorem induci cœptum à Maximo Margunio sæculo XVI., ut testatur Papadopolus *Præf. mystag. resp. 1. sect. 7. n. 3.*, atque etiam ipsos Moschos rectam de usuris fovere sententiam, quamquam ipsi sese ab his non abstineant, tradit Sigismundus L. Baro in *rer. Mosc. comm. quæ stant in Script. rer. Mosc. p. 44.* Sed celebris est de usuris controversia à Jansenianis Schismaticis in Belgio excitata, cujus controversiæ occasio explicatur in opusculo *Mémoires sur l'état présent de réfugiés François en Hollande au sujet de la Religion. Paris. 1728.* Cum enim contractus usurarii in Belgio fœderato, quo plures confugerant, passim inirentur, alii his magno animo resisterent, alii Calvinianorum sententiam Rei publicæ metu perterriti tueri cœperunt, quorum opera recenset Ballerinius *cit. præfat. n. 31.* Inter eos principem locum obtinet Nicolaus Brœdersen Pastor Delphensis; cui tractatum edidit *de Usuris licitis et illicitis*, quo quidem tractatu Calvinianorum de usuris sententia defenditur, sed tamen non despiciuntur traditiones, quod faciunt Calviniani, potius hæc secundum eorum sententiam explicanti. Hic præsertim Scriptori favere visus est S. I. Maffæus in opere *dell' Impiego del denaro*, quod quidem optimis doctissimi Viri schide, invicteque refutarunt. Catholicam vero sententiam de usuris late demonstrant, atque aduentur Pougetus *Instr. catholicæ. t. 1. par. 2. sect. 3. c. 8. §. 2. p. 634. seq. ed. Augustæ Vindoborum 1764.* Natalis Alexander

Theolog. dogmatic. et moral. t. 2. l. 3. c. 7., Gennett. *Theolog. moral. t. 1. tract. 4. de Mutuo & usur. qu. 6 seq.* Saintebeavivus *Resol. cas. conscien. t. 2. cas. 210. p. 422. & seq. e l. Paris 1710*, Aloysius Bulteau seu Bultellus *apolog. pro Lactant. in mater. usur.* Benedictus XIV. *de Synod. Dioces. l. 10. c. 4.*, Zecchius *in lib. Rigor moderatus circa usurat.* Daniel Concina *de Usuris*, Auctor operis Insulis editi anno 1730., cui titulus *Dogma Ecclesiae circa usuras*, Bullerinius *de Usuris*, qui alios præterea describunt à quibus eadem materia illustratur.

§. V. Accedit, quod inter officia humanitatis, & beneficentiæ, quibus homines mutuæ charitatis lege obstringuntur, illud præcipuum est, ut alteri concedamus, quæ ei necessaria, nobis vero inutilia sunt (1). Quod est fundamentum contractum, quos gratuitos appellamus, ut mutui, depositi. Sane amico denegari non potest officium ejus custodiendi pecuniam ea diligentia, qua suam ipsam quisque custodiret, & injustus esset, qui ob hoc officium præmium postularet. Pari ratione amico, cujus est explorata & comperta fides, deneganda non est pecunia, quæ est ei, qui accipit, necessaria, danti autem inutilis, quæ si stato tempore restituatur, nihil aliud salva æquitate peti potest (2).

(1) Confer Tullium *de Offic. l. 1. §. 16. opp. t. 3. p. 277. ed. Oliveti Genev. 1743*

(2) Sed qui usuras tuentur, urgere solent utilitatem, quam qui mutuum accepit, ex ejus usu, atque ex dilata restitutione consequitur; atque hanc pretio æstimari posse defendunt. Verum his egregie satisfacit S. Thomas *in 3. disp. 37. qu. 1. art. 6.* inquiens: "Quidquid vero de utilitate contingit ei, cui mutuum dedi, ultra mensuram mutui ex pecunia mutuata; hoc est ex industria ejus, qui sagaciter pecunia usus est. Industriam autem ipsius ei vendere non debeo. Secus nec pro stultitia ejus habere minus debeo."

§. VI. Atque hæc quidem apud omnes Catholicos certissima sententia est, cum quis alteri sine sui detrimento mutuum attribuit, hoc est officium præstat accipienti utile, danti non molestum. Verum sæpe evenit, ut quis ex officio suo damnum accipiat, aut amittat lucrum, quod con-

sequi debuisset. Quare hujus detrimenti habenda ratio est, & ideo recte exiguntur usurae non propter mutuum, sed propter damnum, quod in mutuantem redundat (1). Ita si quis alteri concedat domum, aut vestes, quibus ipse utatur, earum dominus recte aliquid percipit pro usu, ex quo damnum capit, quoniam res datae usu teruntur. Similiter dato praedio, quo alter utatur fruatur, dominus amittit fructus, quos ex eo percepisset, & hoc quidem resarciri damnum, aequitati congruens, & conveniens est.

(1) Benedictus XIV. *cit. Encycl. art. 3.* "néquaquam negatur, inquit, posse quandoque una cum mutuo contractu quosdam alios, ut majunt, titulos, eisdemque ipsimet universim naturae mutui innatos, & intrinsecos forte concurrere, ex quibus justa omnino, legitimaque causa consurgat quidam amplius supra sortem ex mutuo debitam rite exigendi Neque item negatur, posse multoties pecuniam ab unoquoque suam per alios diverse prorsus à mutui natura contractus recte collocari, & impendi sive ad proventus sibi a iudis conquirendos, sive etiam ad licitam mercaturam, & negotiationem exercendam, honestaque itidem lucra percipienda.

§. VII. Sed & ex pecunia mutuo data licet fructus percipere, quando mora debitoris, qui alienam pecuniam retinet, danti affert damni causam, aut lucrum intercipit, quod ipse ex re sua consequi potuisset (1). Scilicet qui pecuniam in honesta negotiatione collocare solet, & vero ostendit, se habuisse in promptu merces, quas comparare potuisset, is recte usuras postulat ob interceptum lucrum culpa, & mora debitoris, qui alienam pecuniam retinuit (2). Erunt autem in fructus adempto lucro pares, & congruentes Quare creditor demonstrabit, quanti ejus interesset habere pecuniam, cum qua negotiationem exerceret, & iudex in ejus rei aestimatione rationem habebit periculi, dubii eventus, laboris, sumptuum, remque omnem ex adjunctis personarum, loci ac temporis regionisque more estimabit (3).

(1) Vide S. Thomam 2. 2. *qu. 78. art. 2. ad 1. & qu. 62. art. 4.*

(2) Ut creditor propter amissum lucrum, quod è sua pecunia consequi

potuisset, recte usuras petat, tria demonstrare debet. Primum est, quod ipse pecuniam suam non ociosam, & inutilem retinere, sed cum ea negotiationem exercere soleat. Alterum est, quod habuerit in promptu venales merces, quas sine dubio comparasset, nisi pecunia sua caruisset. Postremum, quod debitor in mora fuerit, hoc est idoneo tempore alienam pecuniam non restituerit, atque ita lucrum interceperit. Quæ tria vulgo dicuntur *tria requisita Pauli de Castro*, quoniam ea primus numeravit, & explicatius, quam cæteri, tradidit Paulus de Castro in l. 2. §. ult. ff. de *Eo quod cert. loc.*

(3) *L. 3. ff. de Eo quod certo loc.*, §. 7. & ult. de *Instit. de Verb. oblig.*

§. VIII. Eadem accepti damni causa est. Nimirum si quis, ob datam alteri pecuniam, damnum pertulit, hoc quidem resarcire oportet; atque ejus causa recte à debitore fructus percipiuntur. Ita qui domus ruinam avertere, qui agrum colere, & cultura fructuosum facere non potuit, quia caruit pecunia sua, qui æs alienum cum fœnore contrahere debuit, ut suis creditoribus satisfaceret, jure agit, ut debitor, qui causam damni teneatur (1).

(1) *L'un. cod. de Sentent. quas pro eo quod interest.* Recte tamen, præter cæteros, animadvertit Carolus Gagliardus *Instit. Jur. canon. l. 4. tit. 17. §. 51.*, quod creditor non tantum acceptum ab se damnum percipuum facere, sed etiam demonstrare debet, sese alio modo damnum avertere non potuisse. Quare si ipse in promptu habuisset aliam pecuniam cum qua damnum vitare potuisset, nullæ à debitore usuræ ex mutuo accepta pecunia solvendæ sunt.

§. IX. Atque hæc quidem debitorum usurarum tum initio in pactum deduci potest, tum postea lapsu temporis exoriri. Videlicet si initio cum contractus perficitur, qui mutuo dat pecuniam statim damnum capit, idque verum, atque exploratum, non dubium, & simulatum est, recte propter hoc damnum usuræ initio constituuntur (1). Quod si lapsu temporis oriatur damnum, quod initio procul aberat, eo demum orto solvendæ erunt usuræ; sed primum monendus est debitor, ut rem omnem intelligat, ac cærtior fiat de usurarum onere; quo premetur in posterum, nisi statim die pecuniam restituat (2).

(1) S. Thomas 2. 2. q. 78. art. 2. ad 1. ibique Nicolaus in *Notis*. Confer etiam Card. de Lugo de *Just. & Jur. l. 2. d. 25. sect. 6. n. 72.*, Molinam *Just. de Jur. d. 314. n. 7.*, Canisium de *Usur. c. 1. n. 7.*

(2) Atque hoc est, quod Pragmatici dicunt, necessariam esse *interpellationem*, ut usuræ debeantur.

§. X. Monitio hæc, & lapsus temporis, quo expedienda solutio est, facit, ut debitor *in mora* constitutus dicatur; quæ mora nullam quidem per se tantum inducere usurarum debitionem potest (1), inducit autem, cum ea damnum avertit, aut lucrum intercipit. Atque hæc mora est: quam *veram*, aut *propriam*, aut *regularem* dicimus, quæque fieri intelligitur *non ex re, sed ex persona, idest si interpellatus opportuno loco, & tempore non solverit* (2). Cui moræ alia opponitur quæ *irregularis* appellatur, & cui locus est cum sine ulla creditoris petitione debitor, qui constituto die res alienum non dissolvit, ipso jure cogitur præstare id quod creditoris interest, ratione habita solius rei debitæ, quam opportuno tempore, condictoque loco non solvit (3).

(1) Solam certe moram satis non esse, ut ex pecuniâ mutuo date usure percipiantur, ex Catholice Ecclesiæ sententia docent periti Juris Canonici, & Scriptores rerum Theologicarum; quænamque alii descripsint antiqui Romani Juris docti, quos hæretici comolures sequuti sunt. Sane re cognita, & expensa diligenter Alexander VII in Congregatione generali Sanctæ Romanæ Ecclesiæ decreto edito de 18. Martii 1666. hanc damnavit propositionem: "licitum esse mutuanti aliquid ultra sortem exigere, si se obliget ad non repetendam sortem usque ad certum tempus." Nam ratio est, & æquitas naturalis ostendit, nullam habendam esse rationem moræ, quæ neque lucrum ademit, neque aliquid attulit detrimenti. *Si nihil intersit actoris*, inquit Paulus in *L. 2. ff. "Si quis in jus vocat, non erit, adversarium in jus vocatum venisse condicto die, præter moræ poenam remittit."* Cum quo consentit Cujus in *L. 8. ff. Si quis caution. in judic. sisten. caus. fact. non obtemper. re.* Quod in omnibus generatim causis constitui desiderat H. a. Mannus in *disp. de Mora c. 3. n. 13.* Vehementer autem errant, qui presentem pecuniam ex se ipsa pretiosiore, quam futuram putant, eosque merito refellit Innocentius XI., dum inter damnatas proscripsit propositionem 41. conceptam his verbis: "cum numerata pecunia pretiosior sit, quam numeranda, & nullus sit, qui non majoris faciat pecuniam presentem, quam futuram, potest creditor aliquid ultra sortem à mutuatario exigere, & non titulo ab usura excusari."

(2) Sic Martianus in *L. 33. ff. de Usu. & fructib.*

(3) Moræ *irregularis* multa in Jure præsertim Civili exempla sunt. Celebre in primis est illud, quod suppeditat *L. Curabit § (od. de Act. empt.,* qua sancitum est, ut emptor, qui re accepta pretium non numeravit, debeat statim post rem traditam pretii usuras persolvere, quamquam nulla earum petitio à creditore facta sit. Non enim debet emptor cum venditoris jactura rem, & pretium simul retinere. Alia similis moræ *irregularis* exempla occurrunt *L. 14. ff. Locat., L. 25. §. 4., & L. 39. ff. de Negot. gesti., L. 12. §. 9. ff. Mandat., L. 60. ff. Pro socio, L. 1. §. 2. ff. de Usur., l. 46. §. 3. ff. de Adminis. & pericul. tutor., L. 1. ff. Commodat., L. 7. ff. de Eo quod cert. loc., L. 23. ff. de Pignorat. act., L. 2. & 3. Cod. deposit.*

§. XI. Sed & periculum amittendæ pecuniæ, quam aliquis alteri dedit, usuras accipi permittit. Ita qui alteri dat multam pecuniam ut eam trans mare trajiciat, & cum ea in nundinis negotiationem exerceat; potest inire pactum de solvendis usuris propter periculum, cui ipse subest in ea trajectione plena discriminis, per quam facile rei jacturam facere potest. Ea de causa nauticum fœnus, quod Juri Civili probatum est (1), non improbat Jus Canonicum (2); modo lucrum procul habeat omnes mutui causas, atque ad unum periculum referatur.

(1) Confer titulos Pandectarum, & Codicis de Nautico fœnore. Fœnus nauticum, inquit Henricus Coccejus ad Grotium de Jur. bell. & pac. l. 2. l. 2. c. 12. §. 5. de Contractib., est quando quis alius credit pecuniam mari transvehendam ea lege, ut periculum sit penes creditorem; unde differt à mutuo, quia natura mutui in eo consistit, ut periculum sit debitoris, qui dominus est pecuniæ, nec est contractus inmanusatus, do ut des, quia proprium nomen huic negotio datum est, scilicet fœnus nauticum. Atque hoc quidem susceptum à creditore periculum trajectitiæ pecuniæ, quam ipse mutuo dedit, facit ut ex Jure Romano usuræ debeantur. Quin ex hoc inductus censetur contractus avertendi periculi, quem nos *assurance* vocamus, & quem late Cornelius Bynkershoekius l. 4. qu. jur. privat. opp. t. ult. p. 517. seq. ed. Lugdun. Batav. 1744 illustravit. Contractum hunc antiquos Jurisconsultes ignorasse tradit Henricus Coccejus ad Grotium l. 2. c. 15. n. 23., sed ipsi certe compertum habuerunt pactum suscipiendi periculi in nautico fœnore, & hoc proinde alii ad certam, suoque nomine designatam stipulationem redegerunt, ut nosci potest apud Loccenium de Jur. mar. l. 2. c. 5. n. 4., alii ad locationem conductionem, alii ad emptionem venditionem, alii ad cautionem, alij demum ad innominatum negotium, uti ostendunt Marquat. de Jur. merc. l. 2. c. 13.,

Scaccia de *Commerc. qu. 7. part. 3. limit. 6.*, Stracca de *Asscurat. in præfat.*, Lopez de *Contract. l. 2. Cap. 12.* Cuncti tamen omne lucrum constituant in ratione periculi, quasi lucrum *trajectitiæ pecuniæ, quam creditor, recepto in se dubii eventus periculo, alicui sub certis usuris tamquam periculi compensatione tradit*, ut habet Loccenius de *Jure marit. l. 2. c. 6. de Fænor. naut. §. 2.* Imo non solum in maritima, sed etiam in terrestri negotiatione, quæ simile afferat creditori periculum, usuras exigi posse, tradit Huberus *Prælect. Jur. Rom. t. 3. l. 22. tit. 2. de Nautic. fænor.*; & huc spectat responsum Scævola à Tribonianis propositum in *L. 5. ff. de Nautic. fænor.*, in quaui legem videndus est Cujacius *opp. t. 7. col. 847. ed. Ven. 1779.*

(2) *Cap. ult. de Usur.* habentur hæc: *Naviganti, vel eunti ad nundinas certam mutuans pecunie quantitatem, eo quod suscipit in se periculum, recepturus aliqui. ultra sortem usurarius est censendus.* Magnæ ex hac decretali, quam edidit Gregorius IX., controversiæ ortæ sunt. Quidam enim per eam nauticum fœcus plane sublatum, & nullas omnino à creditore propter periculum, cui subest, usuras accipi posse arbitrantur. Alii usuras pecuniæ trajectitiæ à Gregorio IX. tunc solum in mutuo veritas putant, cum vel nullum, & inane, vel simulatum est periculum, cujus specie fœneratores improbitatem suam tegere conarentur; secus ubi probabile, aut verum periculum sit. Alii tantum immodicum, & injustum, non item justum, & legitimum periculi pretium improbari statuunt. Alii Gregorianam textum corruptum esse putant, in eoque desiderari negationem, quam ipsi addunt, atque ita legunt: *usurarius non est censendus.* Veram hæc lectio est contra codicum omnium fidem, à quibus certe negatio abest. Alii denique lucrum suscepti periculi tunc usuræ labe infectum censent, cum illud mutuans consequi vult à navigante, vel eunte ad nundinas invito, & coacto ad contractum perficiendum, non item cum periculi, pretium sua sponte, & voluntate à debitore oblatum est. Ego harum interpretationem nullam probo, neque à Gregorio nauticum fœcus improbari, sed tantum induci arbitror *præsumptionem*, quæ contraria probatione tolli potest. Non enim ipse inquit creditorem, qui naviganti, vel eunti ad nundinas pecuniam dedit, *esse revera usurarium*, sed tantum *esse censendum*, hoc est *præsumendum*, nisi aliud ostendatur. Nam qui pecuniam hoc modo tradit, facile potest periculi speciem obicere, ut usuras ex mutuo percipiat. Itaque ut omnem fraudem, & periculi simulationem avertat Pontifex, statuit, ut etiam ille, qui *aliquem ultra sortem recipit, eo quod suscipit in se periculum, usurarius censendus est.* Quibus quidem verbis non usurarium esse decernit eum, qui lucrum accipit, *eo quod suscipit in se periculum*, quod sane communi Theologorum sententiæ adversaretur. Nam iis certum, fixumque est, hujusmodi creditorem accipere fructus posse non causa mutui, quod nullos parit fructus, sed propter periculum, quod suscipit ipse creditor contra naturam mutui, atque ita docent S. Thomas in *tract. de Usur. opusc. 73. qu. 9.* S. Antonius in *2. art. l. 1. c. 6. §. 21.*, Cajetanus, in *Summa verb. usur exterior vers. duodecimus casus*, & late Covarrubias *Var. resol. l. 3. c. 2. n. 5. Grego-*

rii constitutio tota est inducenda *juris præsumptione*, per quam hujusmodi creditor *censendus* est usurarius, nisi aliud ostendat. Quoties igitur aliqua de nautico scœnore controversia est, semper creditori obstat juris præsumptio, quæ fert, ut contractus usurarius *censeatur*, scilicet ut periculi simulatione fructus ex mutuo soluti videantur. Verum hæc mera præsumptio est, quæ contraria probatione tolli potest, ut cætera hujusmodi præsumptiones tolluntur. Itaque creditor non prohibetur ex *trajectilia* pecunia usuras exigere, sed primum debet removere juris præsumptionem, atque ostendere, e non simulato periculo, uti illa fert præsumptio, ex mutuo usuras percepisse, sed revera omnes mutui causas procul habuisse, atque ob unum à se susceptum periculum lucrum obtinuisse. Hæc quidem meo judicio vera, ac germana est interpretatio Gregoriar. & Decretalis *in c. ult. de Usur.*, de qua tum varîæ, interque se dissentientes Canonistarum sententiæ circumferuntur. Atque ita sane Jus Canonicum minime sustulit nauticum scœnus, quod Jure civili probatum est. Ille unum inter utrumque Jus discrimen intercedit, quod canonica inducit præsumptionem, quam non inducit Jus civile, simulati periculi, ut usuræ ex mutuo solvantur.

§. XII. At quoniam legum ratio sanctissime & providentissime constituta sæpe hominum malitia pervertitur, inventa sunt diverticula, & simulatæ rerum species, de quibus sane præcidendis, avertendisquæ oportuit cogitare. Quidam porro usurarum tegumenta quarunt contractu emptionis venditionis; cum quis videlicet rem alteri vendit summo pretio justo non accepta pecunia, cum pacto, ut adumbratus hic venditor statim ab ipso emptore rem minoris emat, ac pretium enumeret. Contractum hunc plenum fraudis, & deceptionis, quem Hispani *mohatram* appellant, recte improbant Ecclesiæ leges, atque inter usurarios contractus recensent (1).

(1) Innocentius XI. hujusmodi contractum damnavit propositione 40. inter propositiones ab eo damnatas his concepta verbis: *Contractus mohatras licitus est etiam respectu ejusdem persone, & cum contractu retrovendi- tionis præviæ invito cum intentione laceri.* Confer etiam S. Carolus Borromeus in Synodo Provinc. . . act. Eccles. Mediol. par. 1. pag. 36. ed. Patav. 1754, & Covarrubiam *Var. resol.* 4. 2. c. 3. de *Usur.* n. 6. in fin.

§. XIII. Eodem loco Jus canonicum habet *antichresin*, scilicet pactum, quo res pignori datur, ut creditor eo dem

pignore utatur fruatur cræditæ pecuniæ loco, aut ejus fructus pro usuris accipiat (1). Nam pignus creditori traditur, ut in eo cautionem habeat, non ut capiat fructus, qui ad dominum pertinet; & ideo merito à Jure canonico pactum antichresis improbatur (2).

(1) C. 1. & 2. 8. *de Usur.*, c. 4. & 6. *de Pignor.* Atque his quidem Pontificis Constitutionibus derogatum est Juri civili, quod non solum expressam antichresim probat in L. 11. §. 1. *ff. de Pignor.*, sed etiam tacitam, uti multi putant, in L. 8. *ff. In quib. caus. pign. vel hypoth. tacit. contrahit.*, quamquam non ignorem, quæ de recta hujus legis interpretatione controversiæ sint inter Accursium, Irnerium, Bacovium, Hottomanum, Cujacium *Observ. l. 8. c. 17. opp. t. 3. col. 189. ed. Ven. 1758.* & Vinnium *Select. qu. l. 2. c. 7.* Confer etiam Jo. Franciscum Arcasium *Comment. jur. civil. l. 5. c. 2. §. 13. & 14.* Quoniam vero à Jure canonico antichresis improbatur, facile intelligitur, quam falsa sit opinio illorum, qui probant contractum antichresis, ex quo alteruter contrahentium facultatem habet suo libitu repetendi, quod dedit, atque alter interim credita pecunia fruitur, alter re pignorata, ex qua fructus percipit. Quem contractum Itali appellant *il contratto à godere.*

(2) Hinc merito statutum est ab Innocentio III. in c. 6. *de Pignor.*, quod si creditor, vel ille, qui ab eo causam habet, tot ex pignore accipit fructus, quod est opus, ut totum debitum dissolvatur, pignus debitori restitui debeat.

§. XIV. Casus tamen interdum eveniunt, quibus à Jure Canonico *antichresis* non improbatur. Nimirum qui dat domino feudum loco pignoris, ut fructus capiat, atque ipse interim solutus sit omni onere servitii, quod ei propter feudum præstare deberet; nihil agit, quod canonici Juris disciplinæ adversetur. Nam hi fructus quasi pretium sunt, & compensatio servitii, non locum obtinent usurarum (1). Pari modo si pro dote numeranda socer genero prædia quædam obligaverit, ut gener sibi integros habet eorum fructus, & nullam interim dotis jacturam faciat, procul abest omne usurarum vitium, quoniam jure percepti sunt fructus, ut matrimonii onera sustinerentur (2).

(1) C. 1. *de Feudis*, C. 8. *de Usur.*

(2) C. 16 *de Usur.* Confer Cujacium in *Decretal. C. 1. tit. 20. l. 3. opp. t. 6. col. 1002. & seq. ed. cit.*

§. XV. Sed & pactum *legis commissoriæ* in pignoribus plenum usuræ, & iniquitatis habetur. *Commissoria lex* appellatur pactum, quo venditio committitur, aut dissolvitur, quoties videlicet placuit, ut si intra diem pretium solutum non fuerit, res in emptam fiat (1); quæ etiam *commissoria* simpliciter appellatur (2). *Commissoria lex* in pignoribus reprobat; hoc est improbatum pactum, quo, nisi debitor certa die solverit, pignus in dominium, & potestatem creditoris transeat (3).

(1) *L. 1. §. tot. tit. ff. de Leg. commissor.*

(2) *L. 4. §. 2. & 3. ff. eo. l.*

(3) *L. 3. Cod. de Pact. pignor. & L. commissor. c. 7. de Pignor. S. Carolus Borromeus in Concil. Mediol. 1. tit. de Usur. act. Eccles. Mediolan. par. 1. p. 36. ed. Patav. 1754.* Id autem plane diversum est à pacto de distrahendo pignore, de quo agitur in *L. 4. ff. de Pign. act.* Neque vero cum *lege commissoria* in pignoribus conventa confundi debet pactum redimendi, seu retrovendendi, cum quo inita emptio venditio est; quoniam valere hoc pactum, & nullam in eo usuram inesse constat *L. 2. C. de Pact. int. empr. & vendit. c. 10. de Fid. instrum. Extrav. 1. & 2. de Empr. vend. init. commun.* Ac si pactum huiusmodi emptoris gratia adjicitur, pretium augetur, minuitur autem, si ad commodum pertinet venditoris. Cavendum tamen est, ne pretium ita sit exiguum, ut ex eo colligi possit, emptoris potius mutuum dare, quam emere voluisse, & noluisse mutuum dare, nisi cum illa lege; potissimum si usuras exercere solitus esset, & venditor inopia laborans pecunia indigeret; quia tunc esset usura palliata & res emptam tamquam in pignus securitatis gratia retinetur *c. 5. de empt. & vendit.*

§. XVI. Verum fructus recte exiguntur ex *Locis Montium*, quorum nomine intelligimus cumullum pecuniæ, frumenti, similium, quæ hominibus ope indigentibus mutuo dantur accepto pignore, quod stato tempore recuperandum est. Nisi id debitor præest, pignus ipsum distrahitur, atque ita Mons Pietatis habet rem, quam credidit, debitor id, quod ex pignoris pretio reliquum est, interim ab eo, qui pignus obligavit, modici quidam fructus persolvuntur. Num hi fructus percipi recte possent; magna animorum contentione disputatum est; cum quidam essent, qui eos propter mutuum dari, & ideo labem usurarum in iis inesse existimarent (1).

(1) Contra hos Montes præ ceteris disputarunt Cajetanus in *Comment. de Mont. Piet. c. 1.*, & Sotus *l. 6. de Just. qu. 1.* Illud vero mirum est, quod hæretici, qui usuras probant, Montes Pietatis improbare potuerint, quorum è numero sunt Carpzovius *Pract. crim. qu. 92. n. 4. seq.* & Mathias Zimmermannus, qui simulato nomine Dorothei Asciani librum edidit cum titulo *Montes Pietatis Romanenses historice, canonice, Theologice detecti.* Sed varia hæc, & secum ipsa conficiens agendi ratio ex odio procedit, quo ipsi in Sedem Apostolicam feruntur. Scilicet quod ab ea probantur Montes Pietatis, improbantur ab hæreticis, licet ipsi suis principis adversentur. Bohemerus in *Jur. Canon. Protest l. 5. tit. 49. n. 2.* Montes Pietatis valde commendat, licet eos confundat cum usuris, quæ à Jure canonico improbantur; quod etiam falso prædicat in *Not. ad Instit. Canon. Fleury par. 3. c. 13. §. 6.* Instituti autem sunt Montes Pietatis, ut opem haberent egentes homines, qui à sceneratoribus, præsertim Hebræis, cum gravissimis usuris mutuam pecuniam accipere cogebantur. Sane quain late pateret ea tempestate vitium usurarum, & quanta exinde mala procederent, constat ex antiquis monumentis quorum multa collegit Muratorius *Antiq. Italic. dissert. 16.* Ut igitur hæc mala removerentur, & pauperes non cogerentur ferre onus gravissimum usurarum, pii homines erigendos curarunt Montes Pietatis, unde pauperes dato pignore, per quod res montis in tuto esset, obtinerent pecuniam, qua indigebant. Primum Urbs vetus hunc Montem instituit, cujus statuta de *Monte Christi*, ut vocabant, expensa, atque approbata fuerunt à Cardinali Ostiensi Camerario, deinceps etiam confirmata à Pio II. per Breve editum die 3. Jun. 1463. Eadem tempestate Civitas Perusina suum erexit Montem, quem Paulus II. an. 1467. approbavit. Lapsu temporum alii quoque in aliis civitatibus tum intra tum extra Italiam Montes Pietatis instituti fuerunt, ut nosci potest apud Wadingum *Annal. Minor. t. 14. & 15. passim.* Balerinium de *Usur. tom. 2. in Append. opusc. 1.*, Zecchium de *Usur. diss. 2. c. 1. sect. 6. art. 3. §. 362.* Zypæw *Jur. Pontif. nov. l. 5. tit. de Usur. n. 11.*, Claudium Jos. de Ferrière *Diction. de droit & de practique t. 2. verb. mont de pieté.*

§. XVII. Sustulit omnem dubitationem Leo X. in Concilio Lateranensi V., qui re diligenter cognita definivit, recte hos Montes fuisse institutos, planeque nullum in iis inesse usurarum vitium (1). Non enim modici hi fructus propter mutuam solvantur, sed ut Mons pietatis integram habeat rem suam, cum qua pluribus opitalari debet, ac nihil detrimenti capiat propter impensas, quas facere oportet pro domo, pro ministris, pro cæteris, quibus est opus, ut petentibus credatur pecunia, & accepta pignora custodiantur. Simili modo nullum quidem ex inatuo lucrum facere licet, sed

jure repetuntur impensæ, quas aliquis fecit, ut pignus conservaret, aut ut mutuum ad absentem debitorem mitteret (2).

(1) Concilium Lateranense V. Sess. 10. Concil. t. 19. col. 935. Collect. Labbei.

(2) Consule Sylvium in S. Thomam. 2. 2. q. 78. art. 4. q. 1., Gonzalezium in c. 4. de Usur. n. 3., Benedictum XIV. de Synod. dioces. l. 10. c. 5. n. 1. & seq. Ballerinum de Usur. in append. de Montio. Piet., Zecchiium de Usur. diss. 2. c. 1. sect. 6. n. 258. & 527. Sed pro Montium Pietatis utilitate, æquitate, sanctitate ostendenda præ cæteris, præsto est auctoritas Concilii Tridentini, quod eos inter loca pia recensuit, & Episcopi visitationi subjecit Sess. 22. cap. 8. de Reform. Confer etiam S. Carolus Borromeus Conc. Mediol. 1. tit. de Pior. loc. administr. Act. Eccles. Mediolan. par. 1. p. 37. ed. cit.

§. XVIII. Et quoniam fieri aliquando potest, ut quod à Præfectis Montis exigitur, impensas superet, quæ pro retinendo, custodiendo quæ pignore sunt necessaria, idcirco, ne qua usurarum suspicio exoriat, recte cautum est, ut ab iis, quibus accepto pignore pecunia creditur, nihil exigi possit, nisi primum à Sede Apostolica facultas impetrata sit (1). Multoque minus sine Apostolicæ Sedis venia plus exigi potest, quam antea consueverat, quamquam dissolvendum sit æs alienum, quod Mons Pietatis contrahere debuit, ut pauperibus subveniret (2).

(1) Confer Decreta Sacræ Congregationis Concilii l. 15. Decretor. p. 486. & 501.

(2) Vide Thesaurum resol. Concilii t. 1. p. 28.

§. XIX. Sunt etiam usurarum expertes census, per quos emitur jus percipiendi fructus ex certo fundo, qui semper nexu devinctus est, ut creditor in tuto sit. Non enim eo contractu venit questus ex pecunia, sed dominus rei frugiferæ vendit jus capiendi certos ex ea fructus quod recte, atque ordine fieri, quis inficiabitur (1)? Plura autem sunt observanda, ut hic contractus valeat, & omnis ab eo usura

suspicio removeatur. Præcipua sunt, ut accurate designetur certus fundus, & hic quidem frugifer, qui census hypothecæ subsit; atque ut coram testibus, ac notario revera numeretur pecunia, quæ continuo debitorio tradenda est (2).

(1) *L. 63. & L. 73 ff. de Usufruct., §. 1. Inst. de Usufruct.* Errant autem vehementer Salicetus in *Auth. Ex lege Cod. de Usur.*, & Hottomanus *Observ. l. 2. c. 15.*, qui censum quemlibet *larvatam usuram* appellant. Nam per censum j*us* venditur percipiendi fructus ex fundo frugifero; in qua quidem venditione nihil inest fœtoris, & nihil, quod à legibus improbetur. Præterea creditor ab se solutam pecuniam suo lubitu repetere non potest, ex quo intelligitur, quantum absit ab hoc contractu omne pactum mutui tum expressi, tum taciti.

(2) Martinus V. in *Extrav. 1. de Empt. & ven. lit. int. communit.* & Calixtus III. in *Extrav. 2. eod. tit. de censibus* contractum approbarunt. Denique S. Pius V. *Const. Cum onus 106. t. 4. part. 3. Bullar. Roman. p. 52.* certas constituit leges, quas omnes observare oportet, ut census recte constituatur. Merito tamen monet Benedictus XIV. *De Synod. Dioces. l. 10. c. 5. n. 5.*, leges illas; quæ de imponendis censibus à S. Pio V. sunt constitutæ, quæque tantum juris positivi sunt, in iis locis, in quibus Piana Constitutio usu recepta non est, non observari.

§. XX. Servatis omnibus, quæ servare oportebat, creditor j*us* acquirit certos ex designato fundo percipiendi fructus, aut horum loco vim certam pecuniæ, illud autem, quod ipse numeravit, pretium ita amittit, ut repetere suo lubitu nequeat. Licet tamen debitori pretium ipsum restituere; atque ita se ære alieno, & census onere liberare; verum duos ante menses res tota nuncianda, & aperienda creditori est (1).

(1) S. Pius V. *cit. Const. Cum onus §. 11.*

§. XXI. Atque hic quidem census *realis* dicitur, quoniam inheret rei, hoc est fundo, qui ejus hypothecæ subest, & ex quo fructus percipiuntur. Disimilis est ratio census, quem *personalem* vocamus, quoniam non super re aliqua frugifera constituitur, sed super ipsa persona vendi-

toris, qui sibi, vel suis etiam heredibus onus imponit certam quoque annu pecuniam solvendi emptori ex industria, & labore suo. Qui quidem census realis non efficitur, quamquam interdum detur hypotheca, ut res sua sit creditari cautior; quoniam pereunte re, quæ hypotheca tenetur, non perit census, uti evenit in censu reali, qui tollitur, & perimitur, perempto fundo, super quo constitutus est.

§. XXII. Contractus hic quibusdam est visus expers turpitudinis, quæ in usuris inest (1); & hoc exploratum est, per eum vendi non jus percipiendi fructus ex certo fundo, eoque frugifero, sed ipsam vendi annuam præstationem pecuniæ, quæ ex persona debitoris capienda est. Merito igitur hujusmodi contractus improbandus est, quoniam census nequit consistere, nisi in re immobili, eaque fructifera, ac certa, & nominatim designata sit constitutus (2). Ac turpior etiam inest usura in censu personali, qui ab utroque contrahente deleri, & extinguï potest, quoniam hic contractus merum est mutuum, præterea nihil (3).

(1) Scriptores, qui personalem censum defendunt, enumerat Benedictus XIV. *de Synod. Diocæs.* l. 10. *Can. 5* n. 4.

(2) Confer constitutionem S. Pii V., quam paulo ante laudavi. Itaque dubitari non potest, quin personalem censum facere non liceat in iis locis, in quibus Piana Constitutio recepta est, quoniam ea postulat rem immobilem eamque fructiferam, ac certam, & nominatim designatam, ut in ea census construat. Sed non ita certum est, num idem sit ferendum iudicium de iis locis, in quibus eadem constitutio non obinet. Non enim ea viget ubique, uti supra animadverti, & porro narrant Gutierrez *Pract.* l. 2. *qu. 177. in fin.* & Felicianus *de Solis de Censib.* l. 1. *can. 7.* n. 2., Pium V. rogatu Philippi II. hanc Hispanis dedisse veniam, ut ejus Constitutionis præscripta, quæ juris naturalis, aut Divini non sunt observare non cogerentur. Contrario quoque usu, seu legitime prescripta consuetudine effici potest, ut aliæ gentes iisdem legibus, quæ de imponendis censibus à S. Pio V. constitutæ sunt, non subjiciantur. Itaque his in locis videntum est, num in censu personali aliquid insit, quod juri naturali, & divino adversetur. Vehementer tamen suspicatur Benedictus XIV. *loc. cit.* n. 5, quod in hujusmodi censu, præsertim utrinque redimibili, desiderantur conditiones, quas non solum Pontificia constitutio, sed etiam jus naturæ, ac Divinum postulant, *ne sit larvatus contractus mutui, & propterea coram Deo usurarius.* Itaque recte monet, quod cum ea res nondum à Sede Apostolica definita sit, id unum ab Episcopo faciendum est.

Scilicet si diœcesi præest, in qua viget Piana constitutio, curare diligenter debet, ne personales census contra ejusdem Constitutionis præscriptum contrahantur; contra si præpositus sit diœcesi, in qua eadem Constitutio moribus recepta non est, monebit, atque hortabitur Christianos, ut se ab his censibus abstineant, quoniam, eorum inspecta indole, usuræ periculo, & suspitione non carent.

(3) Sane si omnes fere Juris Canonici Interpretes periculi plenam esse statuunt emptionem census realis ad certum tempus, uti testatur Fagnanus in *cap. In civitate n. 16. de Censuris*, multo magis cavendus est census personalis, qui ab utroque contrahente extinguí potest.

§. XXIII. Est & census, qui *vitalitius* dicitur, quia tantum vivo creditore persolvitur, eoque moriente extinguí-
tur. Census hic emitur & venditur super re quoque fructifera quolibet anno solvendus, donec vitæ usura fruatur sive is, qui pecuniam dedit, sive alius quilibet à contrahentibus designatus (1). Solus debitor census vendens eundem redimere suo lubitu potest integra restituta pecuniam, quam accepit, non item creditor, qui eam numeravit; sed hic contentus esse debet fructibus, quos vivo sibi, aut alteri ab se designato quotannis solvi pactus est (2). Hic quoque census vel *realis*, vel *personalis* esse potest; ad utrumque eadem pertinent, quæ de reliquis censibus paulo supra dicta sunt.

(1) Vitalitium hunc realem censum tum mores, tum leges, & canones probant. Clemens V. in Concilio Vienensi *Clem. 1. de Reb. Eccles. non alien. Ecclesiæ*, aut Monasterii bona, & redditus alicui *ad ejus vitam* concedi permittit, cum id ipsius Ecclesiæ, aut Monasterii utilitas, ac necessitas postularet. S. Pius V. Constitutione, qua definivit, censum annum recte constitui in re fructifera, immobili, certa, ac nominatim designata, vitalitios census super re item fructifera constitutos haud ~~ne~~ne improbavit; sed imo cum perpetuum censum certis illis legibus obstrictum approbaverit, multo magis censum temporarium cum iisdem legibus approbasse videtur.

(2) Ex consuetudine autem, atque ex peculiaribus singularum regionum legibus noscendum est, quanti esse debeant fructus, qui ex vitalitio censu quotannis solvendi sunt. Cum nulla peculiaris est lex, & consuetudo, res tota definitur arbitrio boni viri, seu pacto contrahentium, ratione habitæ ætatis, & valetudinis ejus, cujus obitu census extinguí-
tur. Consule Covarrubiam *var. resol. l. 3. c. 9. n. 7.*

§. XXIV. Non solum ex pecunia, quæ ad emendum
Rr 2

censum, sed etiam ex pecunia, quæ pro collybo (1), aut cambio numerata est, rite, ac recte fructus percipiuntur. Est autem cambium permutatio pecuniæ cum justo mensarii (2) lucro, quod tribus modis fieri potest. Scilicet vel præsens datur pecunia, ut cum alia specie dissimili permutetur, ex gr. aurea cum argentea; vel uno in loco pecunia mensario triditur, ex gr. Romæ, ut in alio loco restituantur, ex gr. Parisiis; vel contra ab ipso mensario pecunia Romæ accipitur, ut is Parisiis restituatur. Primum illud cambium *minutum*, & *manuale* dicitur, reliqua duo cambia *localia*, ac *per literas* appellantur, quoniam per literas pecunia restituitur alio in loco, quam quo soluta, aut accepta est.

(1) Collybii vocabulo pluries Cicero, alique Latini Scriptores utuntur. Proprie collybus est pecuniæ permutatio.

(2) Mensarii dicuntur etiam argentarii, & argenti distractores, ut in *L. unic. Co. l. Negotiat. ne milit.*, atque argentariæ mensæ exercitores, ut in *L. 4. ff. de Eden. Consule Brissonium de Verb. signific. verb. argentarii* t. 1. p. 102. ed. Hale Magdeburg. 1743., & Majansium *Disp.* 49. n. 22. t. 2. p. 221. & seq. ed. Lugdun. Batav.

§. XXV. Ex his porro cambiis mensarium jure, & merito lucrum consequi, inter omnes constat; quoniam illud non ex mutuo procedit, sed percipitur propter onera, quæ mensarius cogitur sustinere, ut eam negotiationem exerceat (1). Necesse tamen est, quod in cambio locali vera fiat pecuniæ translatio, aut saltem quod qui pecuniam accipit, certum, ac deliberatum habeat animum eam alibi restituendi; nam si eam ab se restituendam scilicet ubi accepta est, quamquam alium in locum missæ litteræ fingerentur, cambii specie vera lateret usura, quæ forte iudicium hominum posset efugere, Dei certe non posset. Atque hoc quidem cambium *fictum*, & *siccum* appellamus (2).

(1) Confer Solum de *Just.* l. 6. qu. 10., Navarrum *manual.* c. 27. n. 289. ad 295., Molinam de *Cambiis* qu. 4., & Molina de *Contract. tract.* 2. disp. 404.

(2) Cambia *sicca* improbantur à Pio V. in *Const. Cui sicut* 1. t. 4. par. 2. *Bullar. Roman.* p. 1., & à S. Pio V. in *Const. In eum* 162. t. 4. par. 3. p. 145.

§. XXVI. Sed hominum calliditate aliud est *inventum* cambii genus, quod *obliquum* appellatur. Hæc autem ejus contrahendi ratio est. Titius à Cajo mutuos petit aureos nummos mille, quibus indiget; sed hic negotiari, & quæstum ex negociatione facere solet, & ideo se aliquid daturum negat. Instat Titius, ac denique ita res componitur, ut ipse à Cajo mutuos accipiat aureos nummos mille, quos postulat, ac nihil propter mutuum solvat. Verum ne quid detrimenti Cajo propter mutuum capiat, datur ei facultas similis ab se ipso, aut ab alio accipiendæ pecuniæ, quam cambio occupet, & cum qua negotietur. Titius autem spondet, sese Cajo soluturum, donec mutuum restituat, quidquid ipse impendit, aut impendere deberet, si aureos nummos mille à mensario accepisset.

§. XXVII. Interdum Titius ipse onus suscipit cambio occupandi vim tantam pecuniæ, quantam à Cajo mutuam accepit, ita tamen ut partus ex ea negociatione quæstus pertineat ad Cajum, cui quotannis alter pendit, donec mutuum restituat quantum ex cambio lucri fecit, aut quantum facere posset. Cum illa à mutuante negociatio est exercenda, ejus est demonstrare, cambii literas ab se datas fuisse, aut sese ab alio per cambium mille aureos nummos obtinuisse. Cum vero cambio occupare pecuniam debuit, qui mutuum accepit, de nulla re sollicitus est creditor, cui solvendi sunt fructus, sive alter fregerit, sive servarit fidem. Nam contracto cambio ejus fructus creditori solvuntur, eoque neglecto fructus idem dandi sunt propter id, quod creditoris interest, sive propter damnum, quod in eum redundat, quia debitor stipulationis legi non satisfecit. Atque hic quidem negotii expediendi modus, per quem res est creditori cautior, frequentior esse solet.

§. XXVIII. Jamvero genus hoc cambii, quod *obliquum* appellari diximus, circuitione quadam & anfractu iniquum tegere, ac velare fœnus, facile intelligitur; & hoc quidem fœnus magis eminet, & apparet, cum ipse debitor se accipere pecuniam simulat, ut cum ea negotietur. Quis enim credat hominem inopem, qui mutuum accipit propter egestatem, & angustiam rei familiaris, statim in promptu habere pecuniam acceptæ parem, quam cum quæstu, com-

pendioque mutuantis ad nundinas mittat, atque in cambium conferat?

§. XXIX. Quare hic contractus utut probari possit in foro externo, in quo forte res gesta censetur, uti stipulatione conventum est, tamen in foro interno, in quo solum spectatur, quod revera gestum est, si pecunia, quæ mutuum exequat, ad nundinas missa non fuit, sive in cambio occupata, neque id unquam propositum fuit contrahentibus hujusmodi cambium turpe, & usuræ labe infectum, Christianoque homine indignum habendum est. Licet sane ex pecunia alteri data lucrum consequi propter ademptum lucrum, aut illatum damnum, sive ut vulgo loquimur, *titulo lucri cessantis, aut damni emergentis*; verum id unum, quod æquum, justumque est, præferre mutuantes debent, ut probatum legibus lucrum consequantur, non fucō, & fallaciis adumbrare speciem, & formam veritatis, ut ea sit improbi quæstus, & fœnerationis loco. Clerici tamen etiam in foro externo quodlibet genus cambii agere prohibentur; quoniam qui hos contractus exercent, negotiatores sunt, quales Jus Ecclesiasticum clericos esse non sinit (1).

(1) Confer quæ dixi *l. 1. tit. 1. §. 9. p. 110. & 111.* atque etiam Giraldum *Exposit. Jur. Pontific. par. 2. sec. 73. p. 913. & seq.*

§. XXX. Neque solum cambio pecuniam fœnerantur homines, sed etiam societate, cujus indoles, & natura est, ut æqua sit partitio periculi, damni, lucri inter duos, aut plures, qui sua in aliquâ negotiatione pecuniam, aut operam collocarunt (1). Quare iniqua est societas *leonina*, qua alter lucrum tantum, alter damnum sentit; itemque societas ea lege instituta, ut alter quotannis lucrum aliquod obtineat, ac semper sine ullo sui damno, ac periculo, integram habeat pecuniam, aut rem, quam in societatem, contulit, quæ societas *ad caput saluum* vulgo appellatur (2).

(1) *L. 29. §. seq. ff. Pro socio.*

(2) Vide *Const. Derestabilis avaritiæ* 68. Sixti V. t. 4. p. 4. *Bullar. Roman.* p. 263.

§. XXXI. Alio etiam modo contrahentes curant, ut non tantum integra sit semper pecunia, aut res quævis ab altero data sit, sed etiam ut certum, fixumque sit lucrum, quod ipse quotannis consequi debet. Id nimirum præstant per *trinum contractum*, quem eo nomine appellamus, quoniam ex tribus pactionibus efficitur. Titius societatem coit cum Sempronio, cui tradit aureos nummos mille, ut negocietur. Pecunia hæc quotannis paritura videtur lucrum aureorum 200; sed Titius metuit, ne in illa periculi plena negotiatione aliquam rei datæ jacturam faciat.

§. XXXII. Itaque alium absolvit contractum, quo Sempronio remittit, & condonat aureos nummos quinquaginta ea lege, ut sibi semper sarta tecta sua sit pecunia, aut res quælibet ab se data, qualis tandem cumque ejus negotiationis exitus sit futurus. Sed sibi nondum res satis considerata, atque provisa videtur. Quare tertius inquit contractus, quo Titius alios Sempronio concedit aureos nummos quinquaginta, atque hic vicissim spondet, sese alteri quotannis soluturum aureis centum, sive secunda, sive adversa negotiationi fortuna sit.

§. XXXIII. Æquus ne haberi debeat, an potius iniquus hic trinus contractus, memoria Patrum nostrorum magna animarum contentione inter Martinum Navarrum (1), & Dominicum Sotum (2) disputatum est, quorum alter ab eo usuræ labem abesse, alter autem in eo prorsus inesse contendebat. Delata est controversia ad Sixtum V (3), atque ipse, re diligenter cognita, fœnoris damnavit pactum societati adjunctum, per quod alter ex sociis duplici ex parte securus redditur. Cum enim eo pacto evertatur, tollaturque lex societatis, quæ in pari spe, similique periculo utrumque socium esse jubent, consequens est, ut pecunia eo genere contractus credita in mutuum fœneratitium convertatur.

(1) Navarrus in *Manual. c. 17. n. 254. & seq.*

(2) Sotus de *Juris. l. 6. qu. 6. art. 2.*

(3) Sixtus V. *Const. Detestabilis* 68. *l. 4. par. 4. Bullar. Roman.*
p. 263.

§. XXXIV. Sed plures tamen sunt ex Theologorum, &

Canonistarum familiis, qui trinum hunc contractum recte inire posse defendunt (1); & hi quidem negant, in eum quidquam statuisset Sixtum V., quem ajunt tantum improbasse contractus, qui jam improbatum erant, nullam autem dixisse legem in eos contractus, qui probi, & honesti habebantur (2) Contra Scriptores multi, & nobiles (3) Soto suffragantur, atque in trino contractu labem apponunt, & vitium usurarum, eumque à Sixto improbatum affirmant (4).

(1) Covarrubias *Var. resol.* l. 3. c. 2. n. 3., Lessius *de Just.* l. 2. c. 25. dub. 3. n. 24., Garcia *de Contract.* p. 2. c. 67., Card. de Lugo *de Just. & ju. disp.* 30. sect. 4., Gibalinus *de Usur.* l. 6. c. 3. art. 4., alique.

(2) Ajunt enim, Cardinales Toletum, & S. Severinæ, qui jussu Pontificis constitutionem exararunt, testatos fuisse, Sixtum V. tantum damnare voluisse pactiones, quæ iniquæ essent, quæque usuras continerent, non item eas, quæ omni usuræ vitio carerent, uti narrat Comitulus *Respons. moral.* l. 3. qu. 12. n. 4.

(3) Genett. *Theolog. Moral.* t. 1. tract. 4. c. 14., Natalis Alexander *Theolog. Dogmat. & Moral.* t. 2. l. 3. c. 7. art. 5. regul. 23., Auctor *Dissertationis Lugduni editæ an. 1673. de Usuraria trium contractuum prævitate*, Aurelius Piette t. 4. *de Contract.* qu. 4. §. 2., Sainteueubius *cas.* 185. t. 2. *resol.*, Auctor *Theologiæ Moralis ad usum Seminar. Petrocorem* t. 2. l. 4. c. 8., Ant. sinius t. 3. *tract. de Contract.* c. 8. *quest.* 3., Continuator prælection. Tournely *p.r.* 2. *de Contract.* c. 4. art. 1., Concina *Usura contractus trini dissertationibus historico-theolog. demonstrata.*

(4) Non enim his credibile videtur, Sixtum V., qui eam edidit constitutionem, ut controversiam dirimeret, quæ inter Sotum, & Navarrum fervebat, hanc quæstionem in medio relinquere, ac ne attingere quidem voluisse.

§. XXXV. Certe trinus hic contractus plenus est periculi, neque caret usuræ suspitione: ideoque optandum maxime est, ut ab eo sese homines abstineant (1). Verum cum eum nondum Sedes Apostolica expresse damnaverit, ille passim inquit, atque in foro externo vim, & exitum habet. Forte in judicio, qui pecuniam ab altero accepit, sua sponte, & voluntate adjecisse videtur pactiones trini contractus, ut gratificaretur alteri, qui etiam sine his pactionibus simplicis, meræque societatis gratia pecuniam tribuisset (2).

(1) Benedictus XIV. *de Synod. dioces.* l. 10. c. 7., à quo cuncta ar-

ripui, quæ ad hunc locum pertinent, copiose agit de trino contractu, atque omnia enumerat argumenta, quæ pro eodem contractu, quæque contra eum afferri solent. Postremo rem omnem concludit his verbis n. 6. *Hæc sunt præcipua rationum momenta, quæ in utranque partem adducuntur, neque Apostolica Sedes priori opinioni, etsi minus congruere videatur Sixtine constitutioni, illam hactenus censuram inussit, à qua præinde etiam infingenda debet Episcopus abstinere; ad usum vero quod attinet, tuto poterit contractum trinum, quem etiam ejusdem patroni periculosum fatetur, pro viribus impellere, atque ab eo incendo suos subditos delhortari.*

(2) Quid vero si evidenter constet, debitorem invitum, ac necessitate coactum cum iis pactionibus pecuniam accipere debuisse, quodiam sine iis alterum nullo modo pecuniam credidisset? Tunc contractum usu-
ræ labe infectum esse, tradit *Carolus Gagliardus Inst. Canonic. l. 4. tit. 17. §. 112.*

§. XXXVI. Reliquæ sunt pœnæ in eos, qui usuras exercent, Ecclesiæ legibus constitutæ. Ergo criminis usurarum rei, quos nimirum in cæno jacere manifesto constat, infames fiunt (1); quæ tamen infamia ex usu, & canonica æquitate tollitur, si resipiscant, & irregulares propter contractam infamiam (2), & intestabiles (3), ita ut eorum, si quæ scripta reliquerunt, testamenta non valeant. Moniti ut redeant ad bonam mentem, si pervicaces fuerint, clerici ab ecclesiastico officio, & beneficio deponuntur, laici excommunicantur (4), ac male parta restituere detrectantibus absolutio sacramentalis, Eucharistia, & ecclesiastica sepultura denegatur (5), & clericus, qui hos homines sepelivit, statim in excommunicationem incidit (6). Sunt & aliæ populorum moribus, ac legibus inductæ pœnæ, & judex suo arbitrio aut lenioribus utitur, aut asperioribus, uti rerum ratio postulare videtur.

(1) *Can. 2. §. Porro Caus. 3. qu. 7., C. 11. de Excess. Prælat., l. 20. Cod. Ex quibus caus. infam. irrog.*

(2) *Can. 2. dist. 33., Can. 8. dist. 46., Can. 4. dist. 47.*

(3) *Can. de Usur.*

(4) *C. 7. eod.*

(5) *C. 3. de Usur., c. 2. ed. in 6.*

(6) *Clement. 1. de Sepultur.*

§. XXXVII. Constat autem manifesto, aliquem esse hujus criminis reum vel ex facti evidentia, quia palam improbum fœnus exercet, vel ex propria confessione in jure

emissa, vel ex idoneis, ac fide dignis testibus, vel ex violentis indiciis, librisve rationum, quos reus edere cogitur, ut vel crimen appareat, vel ejus suspicio removeatur (1).

(1) C. 15. de Usur., Clem. unic. §. Ceterum eo l., l. 5. & 6. Cod. de Probat.

TITULUS XVII.

De pœnis, & censuris ecclesiasticis.

- | | |
|--|---|
| I. Ecclesia jus habet infligendi pœnas | III. Pœnæ corporales ab Ecclesia infliguntur. |
| II. Distinctio pœnarum, & censurarum. | IV. Pœnæ spirituales. |
| | V. Depositio, & degradatio. |

§. I.

Ecclēsiā habere jus infligendarum pœnarum, & eam semper, quoties opus fuit, jus ipsum exercuisse, superiori loco demonstratum est. Sane hominum societas est Ecclesia, & regimen habet à Christo institutum. Ergo jus cogendi homines, qui hac societate continentur, habeat necesse est, cum nullum sine eo jure sit verum, & perfectum regimen; & verò Christus jus ipsum in eam contulit nominatim, dum ei claves dedit, quibus solveret; & ligaret, atque in fontes animadverteret (1).

(1) Matthæus XVIII. 15 seq. Quare divinæ institutioni adversantur Paffius, B. hemerus, & cæteri Protestantes, qui nullam à Christo jurisdictionem, & nullum sacrum imperium Ecclesiam habuisse contendunt, & pœnas ecclesiasticas initio non veras pœnas fuisse existimant, sed potius ex pacto, & conventu pendentes, quoniam Christiani in societatem convenientes sese pœctis adstringebant ad illius leges observandas, atque ad eos, qui his legibus non parerent, jure fraternitatis, & officio privandos.

§. II. Ecclesiasticarum pœnarum omnium est finis unus, curare videlicet, ut reus criminis emendetur, & cæteri exemplo pœnæ in officio contineantur. Sed non una est ea-

rundem poenarum ratio; sicuti non unum forum, neque una Ecclesie potestas est. Ei nimirum duplex est forum internum, atque externum, & duplex item potestas, altera, quam ipsi habet communem cum omni vera, ac perfecta republica, & altera spiritualis, quæ ejus tantum est propria, quoniam ei uni à Christo data est. Itaque jure vere, perfectæque, reipublicæ penas, quæ corpus, & jure spiritualis potestatis penas irrogat, quæ animum affligunt. Quæ ad corpus pertinent, proprio nomine dicuntur poenæ, quæ animum attingunt, censuræ appellantur (1).

(1) Inter ecclesiasticas poenas, atque censuras nullum initio discrimen fuisse, cunctasque Ecclesie poenas fuisse tantum spirituales, quæ animum solum affligebant, non corpus castigabant, præter cæteros, putant Van-Espenius *Jus Eccles. univers. par. 3. c. 1. n. 2. & seq.*, Petrus de Marca *de Collect. can. c. 8. n. 6.* Cavellarius *Inst. Jur. Can. par. 3. c. 34. §. 2. seq.*, Seivagius *Antiquit. eccles. l. 4. c. 1. §. 2. seq.* Eadem est sententia Joannis Morini, & cæterorum, qui Ecclesiam tantum internum, non item externum forum habuisse contendunt. Nam si tantum interni fori potestatem Ecclesie concedimus, consequens est, ut ea jus tantum habeat infligendarum poenarum, quæ animum affligunt, nullam vero in repugnantes externam vim adhibere possit. Sed satis est demonstratum *l. 3. tit. 1. §. 7. & seq. p. 9. & seq.*, Ecclesiam semper habuisse non internum modo, sed etiam externum forum, itemque habuisse potestatem, qua invitos, & repugnantes a separendum cogeret; idque etiam præstiti *l. 4. tit. 1. §. 2. not. 3. p. 5. & seq.*, ubi præterea dedi Joannis XXII. constitutionem editam adversus Marsitium Patavinum. Ex quo efficitur, ut ei semper jus fuerit irrogandi poenas, quæ animum, & quæ corpus attingerent. Nam ista sic reciprocantur, ut si Ecclesia tantum internum forum habuit, solum animis imperaverit, si utrumque habuit internum, externumque forum, tum in animum, tum in corpus poenas constituere, & vim, quam *coactivam* dicimus, adhibere potuerit. Sane temporales, & corpus afficientes poenæ sunt multa pecuniaria, flagella. carcer, exilium, ceteræ generis ejusdem. Atqui has poenas semper ab Ecclesia inflictas fuisse, inter omnes constat, idque à me demonstratum est *l. 4. tit. 1. §. 10. p. 20. & seq.* Ac magnum semper Ecclesia discrimen constituit inter corporales, & spirituales poenas, quas illæ graves habuit. Synodus Agathensis *Can. 41. Concil. 1. §. col. 550. Collect. Labbæi* quem (clericum) inquit, ebrium fuisse constitit, ut ordo patitur, *aut triginta dierum spatio a communione statuimus submoventiam, aut corporali subdolum supplicio.* Ex hoc Agathensis concilii canone manifestum est, Ecclesiam in criminiosum clericum utramque constituisse poenam, & spirituales, quæ is est electio à communione per triginta dies, & temporalem, cujusmodi est *corporale supplicium*; & vero utramque hanc poenam non in interno, sed in externo foro irrogasse. Nam ea plectit clericum,

cujus crimen non in foro pœnitentiæ soli sacerdoti notum esset, sed imo quod omnibus esset exploratum, clericum nimirum, quem elrium fuisse constiterit. Eadem est sententia Concilii Venetici *Can. 6. t. 5. col. 8.*, & eadem similiter Concilii Matisconensis I. *Can. 5. t. 6. col. 659.*, à quo etiam numerantur lecti, quos clericus criminosus accipere debet. Synodus quoque Epironensis *Can. 15. t. 5. col. 713.*, utramque pœnam discriminat, & spiritualem, qua majorem clericum plecti jubet, & temporalem, quam in minorem clericum constituit. Si Superioris loci clericus, inquit, *heretici cujuscumque cleri concilio interfuerit, anni spatium pacem ecclesiæ non habebit. Quod minores clerici si præsumpserint, vapulabunt.* Par est ratio Concilii Turonensis II., à quo *Can. 19. t. 6. col. 540.* fustigationis pœna plectitur negligentia minoris clerici, Presbyteri autem negligentia privatione communionis per dies triginta. Quo in loco animadvertendum est, hanc pœnam imponi non propter peccatum, quod esset ad forum pœnitentiæ deferendum, sed propter patentem cunctis negligentiam clerici, qui secreta synodi lege septimanam facere distulerat cum alio clerico, quem eadem Synodus vitæ Archipresbyteri testem esse voluerat. Sic quoque Concilium Narbonense an. 589. *Can. 1. t. 6. col. 726.* clericum, qui purpureis utebatur vestibus, velut transgressorem legis coercendum statuit, unde intelligimus, quæ vis esset legis ecclesiasticæ, cujus transgressores pœnis coercendi erant. Idemque Concilium *Can. 13. col. 708.* statuit, Subdiaconos desides verbis corripiendos, aut stipendio privandos, reliquos vero clericos flagris coercendos. Quin etiam Abbates propter jus, & potestatem, quam habebant in subditos suos, hoc est monachos, in eis tum spiritualibus, tum temporalibus animadvertebant pœnis, neque illis utebantur, nisi flagitium asperiori pœna coercendum videretur. Hinc Socrates *Histor. l. 4. c. 23. p. 238. ed. Cantabrig. 1720.* de Arsenio Abbate Ægyptio narrat, eum grandiores ætate monachos, non item juniores propter crimen à communione separasse; quoniam timebat, hos propter excommunicationem contumaces fieri, illos autem ejus metu, & dolore facile resipiscere. Idem quoque sancitum est in regula Isidori Hispanensis c. 17. apud Holstenium *Col. Regul. t. 1. p. 195. ed. Augustæ Vindelic. 1750.* ubi habentur hæc: *in minori ætate constituti non sunt coercendi sententia excommunicationis, sed pro quantitate negligentie congruis emendandi sunt plagis.* Eadem occurrunt in regula Macarii c. 15. apud eundem Holstenium, in regula Benedicti c. 70. *ib. p. 135.*, in regula Aureliani C. 41. *ib. p. 151.*, eodemque referenda sunt ea, quæ de disciplina maxime Ecclesiæ in monte Nubæ traçit Palladius *Histor. Lausac. c. 6. p. 908. in Biblioth. PP. Græco-Lat. t. 2. c. j. Ducei Paris. 1624.* His quidem pœnis, quæ corpus cruciabant, hoc sibi Abbates propositum habebant, ut monachi criminosi emendarentur. Sed hic idem finis est omnium ecclesiasticarum pœnarum, quæ suntis emendationem, cæterorumque exemplum respiciunt. Interim ex eo constat, antiquis Ecclesiæ Patribus ita certum, & exploratum fuisse ecclesiasticis Prælatos jus habere infligendi pœnas spirituales, & corporales, ut etiam Abbates Regulares utrasque constituerint propter potestatem, quam habebant in monachos,

quibus præsdebant. Falsus igitur est Van-Espenius, qui Ecclesiam tantum spirituales poenas irrogasse, easque meras fuisse censuras, quæ animum affligebant, quique ante evulgatam, ut ipse inquit *par. 3. tit. 11. n. 2.*, & receptam Isidorianam collectionem Ecclesiam nec poenis pecuniariis, nec corporis afflictivis in vindictam criminum, aut adversus suorum decretorum violatores utam fuisse contendit. Quid? An pecuniaræ poenæ numero habenda non est ea, quam Marcioni Eleutherius Pontificem altero Ecclesiæ sæculo inflixisse scribit Tertullianus *l. de Prescrip. hereticor. c. 6. p. 212. ed. Ven. 1744*. An exilii loco habendum non est ejici ex Ecclesia, ac relegari? Tertullianus *ib. De Cerdone* confer Irenæum *l. 3. Cont. hæres. c. 4. n. 3. opp. t. 1. p. 178. & 179. ed. Ven. 1734.* de Pactione Schismaticorum vide S. Cyprianum *Ep. 59. ad Cornelium p. 259. ed. Amstelædami 1700. & p. 260. seq.* Age vero, dejici de gradu, temperariæ poenæ loco habendum non est? At eo sunt jure usi Episcopi III. sæculo, quæ de re consuli poterit Cyprianus *Ep. 67. ad Plebes Legionis, Asturic. &c. p. 289. & Ep. 68. ad Stephanum Papam p. 292. seq.* An non poenæ corporis afflictivæ erant fustigationes, carcer, exilium, similes, quibus omnibus Ecclesia usa est, multo ante quam Isidorianæ Decretales in manus hominum pervenirent? Eodem cum Van-Espenio ponendi sunt loco Cavallarius, & ceteri, qui cum eo sentiunt. Ex his autem, quæ supra dixi, manifestum est etiam, quam immerito à quibusdam reprehendatur Innocentius III., quasi ipse rem novam invenerit in *cap. 20. de Verb. signific.*, cum respondit, censuras esse tantum tres excommunicationem, suspensionem, & interdictum. Non enim ipse primus censuras à poenis distinxit, quæ quidem distinctio ab antiquissimis usque temporibus semper in Ecclesia agnita, atque probata fuerat; sed tres illas numeravit censurarum species, seu poenas, quæ proprio nomine censuræ appellantur.

§. III. Corporales poenæ, quas ab antiquissimis usque temporibus Ecclesiam adhibuisse constat, præcipue sunt ictus fustium, aut flagellorum, detrusio in monasterium, aut in carcerem (1), exilium (2), multa pecuniaria (3). Ac de isto quidem postremo genere poenæ cavendum est diligenter, ut omnis procul absit turpis questus, & avaritiæ suspicio, cum rei criminum pecuniariæ poenæ subjiçiantur (4). Itaque huic quidem poenæ locus esse non debet, cum ratio, ac natura criminis spirituales postulat (5); & cum ipsa infligitur poena pecuniaria, non in Episcopi, aut alius ecclesiastici judicis commodum, atque utilitatem convertenda, sed piis locis adscribenda est (6).

(1) Consule quæ dicta sunt *l. 3. tit. 1. §. 21. not. 1. & l. 4. tit. 1.*

§ 10. *not.* 4. Apud Sozomenum *Histor. eccles.* l. 2. c. 5. p. 72. ed. Taurini 1747. memorantur vincula, quibus S. Athanasius Ischyri onem Presbyterum detinuisse ferebatur, Siricius P. *Ep.* l. c. 6. apud Constantium col. 629. monachos, & moniales, à quibus crimen in castitatem admissum fuerit, in *ergastulis* includi jabet, & Concilium Tolletanum II. c. 6. apud Labbæum t. 7. col. 566. perpetuo etiam damnationis *ergastulo* retineri vult Presbyterum, qui causam sanguinis agitaverit.

(2) *Potestatem habetis*, inquit Carus Monachus *act.* 4. *Concil. Chalcedon.* apud Labbæum t. 4. col. 1422. *Episcopi estis: vultis in exilium mittere, vultis damnare? Quidquid vultis suscipio a vobis.* Vide l. 4. tit. 1. §. 10. *not.* 1.

(3) Li. Comitibus Tridentinis cum Regis Catholici Oratores quererentur, sicuti ex actis Concilii in arce S. Angeli servatis constare testatur Fagnanus in *C. Licet de pœnis n. ult.*, quod Episcopi nimia facilitate in laicos censuras ferrent, huic rei consultum est à Concilii Patribus, dicta lege, ut iudices ecclesiastici ad continendos in officio subditos primum alias pœnis experirentur, antequam censuras infligerent. Nam *Sess.* 25. c. 3. *de Reform.* sancitum est, ut iidem iudices, quandoque executio realis, vel personalis in qualibet parte iudicii propria auctoritate ab ipsis fieri poterit, abstineant se à censuris, seu interdicto; sed liceat eis contra quoscunque etiam laicos per multas pecuniarias. . . . seu per captionem pignorum, personarumque distractionem per suos proprios, aut alienos executores facientiam, sive etiam per privationem beneficiorum, aliaque juris remedia procedere, & causas desinire. Quod si executio realis, vel personalis adversus reos hac ratione fieri non poterit, sitque erga iudicium contumacia, tunc eos etiam anathematis mucrone arbitrio suo, præter alias pœnas, ferire poterit. Ex quo manifestum est, Tridentinum Synodum agnovisse, & confirmasse potestatem, quam habent Iudices ecclesiastici, corporales pœnas infligendi.

(4) *Cap.* 13. *de Offic. ordin.* cap. 3. *de Pœnis.*

(5) Confer Glossam in c. 3. *de Pœnis*, ibique etiam Fagnanum n. 3., & Covarubiã *Var. resol.* l. 2. c. 9. n. 9.

(6) Concilium Tridentinum *Sess.* 23. c. 1., & *Sess.* 25. c. 3. *de Reform.*

§. IV. Graviores sunt pœnæ spirituales, quæ proprie censuræ dicuntur, & quarum triplex est genus, excommunicatio, suspensio, interdictum. Omnibus his pœnis Ecclesia non criminosi interitum querit, neque illatas Reipublicæ injurias ulciscitur, quo pœnæ civilis Potestatis intendunt. Tantum illa curat, ut reus criminis emendetur, & cæteri exemplo pœnæ sese à criminibus abstineant; ideo procul habet pœnam sanguinis (1), & in pœnis, quas infligit, modum quemdam, & rationem adhibet, ut levio-

ribus criminibus leviores, gravioribus autem graviore poenas constituat. Ita excommunicatione, per quam aliquis à Christiana republica excluditur, non multat eum; qui propter levius crimen dignus quidem est, qui in exilium abeat, hoc est, qui ex una civitate, aut regione, non vero ex universa Christiana societate expellatur.

(1) Consule Joannis XXII. constitutionem adversus Marsilium Patavinum, & Joannem Jandunum, cujus supra facta mentio est.

§. V. Inter ecclesiasticas poenas recensentur etiam depositio, & degradatio; sed nos hanc tractationem primo libro occupavimus. Itaque omnis nostra nunc erit de ecclesiasticis censuris disputatio.

TITULUS XVIII.

De Excommunicatione.

I. Censura quid?

II. Divisio censurarum.

III. Potestas excommunicandi à Christo Ecclesiae data.

IV. Excommunicatio mortalis & medicinalis.

V. In quos medicinalis excommunicatio ferebatur?

VI. In quos excommunicatio mortalis?

VII. Major, minorque excommunicatio, & anathema.

VIII. Excommunicatio latae vel ferendae sententiae.

IX. Effectus excommunicationis ma-

joris.

X. Excommunicatus vitandus.

XI. An haeretici, schismatici, similes vitandi sint?

XII. Summus Pontifex, & Episcopi censuras ferunt.

XIII. In quos feratur excommunicatio, & quomodo ea ab omnibus metuenda sit?

XIV. Quibus de causis irrogetur?

XV. Praenittendae monitiones.

XVI. Excommunicatus à suo Episcopo ubique excommunicatus habendus est.

§. I.

Spirituales poenas proprio nomine censuras appellari diximus. Censura apud Romanos erat nota censoria, per quam aliquis gradu, vel dignitate movebatur. Nam quem

Censores in censu, sive descriptione Senatorum, Equitum, Civium præterissent, is infamia notatus habebatur, ac si Senator esset, à Senatu ejiciebatur, si Eques, publicum equum amittebat, denique si plebejus, in Cæritum tabulas referebatur. Idem hoc nomen suis quoque pœnis, quæ aliquem vel ex Christiana republica expellunt, vel communionem præcum, & Eucharistiæ, vel dignitate privant, Ecclesia accommodavit.

§. II. Dividuntur censuræ in excommunicationem, suspensionem, interdictum. Cunctis gravior est excommunicatio, quæ ipsa vi nominis eadem est, ac ejectio de corpore Ecclesiæ, vel participatione sacramentorum, atque in antiquis monumentis *segregatio, abstensio, abjectio*; similibusque nominibus appellatur. Quod cujusque societatis jus est, id Ecclesiæ quoque jus esse debet, ut noxios homines ejiciat. Sane non solum Hebræi gravissimi criminis reos infamia notatos è Synagoga, & communione sacrorum ejiciebat, sed etiam ethnici hoc genus hominum Diris devovebant, sive execrabant, quod nos dicimus excommunicare, eosque sacrificiis interdicebant, & civium commercio privabant (1).

(1) Insigne est, quod de Druidis Galliæ sacerdotibus narrat Cæsar de Bello Gallic. l. 6. c. 13. p. 299. & 300. ed. Lugdun. Batav. 1773. *Si quis, inquit, privatus, aut publicus eorum decreto non steterit, sacrificiis interdicitur. Hæc pœna apud eos est gravissima; quibus illa est interdictum, si numero impiorum, ac sceleratorum habentur; iis omnes decedunt, aditum eorum, sermonemque defugiant; neque iis petentibus jus redditur, neque honos ullus communicatur.*

§. III. Præceptum autem interdicensi criminosis omnem communionem, & societatem tam sacrarum, quam civilium rerum, nos ab ipso Christo accepimus (1), & à Paulo (2), qui nos cum scelestis communi mensa uti vetat, ac nullam vult esse societatem cum eo, qui Dei verbo non audit, ut pudore afficiatur, atque ita ad bonam frugem redeat. Quem deinde morem Ecclesia perpetuo retinuit; & certe ab Ecclesia execrati non modo sacris interdicti, sed etiam ab omnium aditu, & sermone semper exclusi fuerunt (3).

(1) Matthæus VIII. 17.

• (2) Paulus I. *ad Corinth. V. 11. & II. Thessalonic. III. 14.* Multi sunt ex hæreticis, & aliqui item, qui Catholicorum nomen præseferunt, sed tamen cum illis revera sentiunt, qui jus excommunicandi, quod habet Ecclesia, tantum juri humano, non item juri Divino tribuendum putant. Catuari, & Abbonenses, teste Præfatio de *Vitiis hæretic. l. 1. tit. 22.* negarunt a se esse instituta non potestate, non infligendi censuras, quos quidem refellit Moneta *l. 5. Alu. Cathar. c. 5. § 6. p. 459. ed. Romæ 1743.*, & his Wicleffus, Joannes Hassius adhæserunt ex testimonio Concilii Constantiensis *Sess. 8. err. 30.*, & *Sess. 15. err. 19. t. 16. Conc. col. 121. 249. Collect.* Laſſæi. Ex Wicleffo Lutherus sumpsisse videtur articulum suum 18., quo inquit, excommunicationes esse tantum pœnas externas, nec privare hominem bonis spiritualibus. Erasmus *Colloq. inquisit. de Fid. hæreticorum* more petulenter excommunicationem irridet. Seldenus de *Sinædr. Hebr. l. 1. c. 9.* juris Divini esse negat in aliquem excommunicatione animadvertere, quem graviter ad hunc locum exagitat Calmetus, & aliud quicquid sentiant Hammondus, & Clericus in *Comment. ad Matth. XVIII. 17. & 18.*, licet hæretici, qui jus ferendi censuras referunt ad civilium potestatem, quæ Apostolis, eorumque successoribus data est. Praffius etiam, similiter hæreticus, Seldenus adversatur *Orig. jur. eccles. art. 2. p. 66. ed. Fuxingæ 1756.*, ac jus ferendi excommunicationem contineri statuit eo Pauli præcepto *I. ad Corinth. V. 13. auferite malum de medio vestri*, licet deinde potestatem item ad jus extraordinarium, vel solum collegiale referendum putet. Bohemerus *J. s. eccles. instit. l. 5. tit. 39. §. 4. & seq.* jus excommunicandi non à Christo repetit, sed ortum putat ex mutuo facere, atque ex conjunctione Ecclesiarum, ut scilicet collegii status integer servaretur. Id vero consentaneum est; paratæ, quod ipse tuetur, de Ecclesiæ collegio; atque hinc §. 17. cum Bisnagio *Diss. de Excomm. Christian. §. 13. in t. 2. anauat.* putat, per excommunicationem tantum adimi externam communionem. Petrus Giannonius *Histor. l. 1. c. ult. n. 6.* existimat, ad similitudinem censuræ Romanorum apud Christianos excommunicationem humano jure inductam fuisse. Auctor libelli *La Chiesa e la Repubblica dentro i loro confini* satis indicat, sese ab humano jure optatam excommunicationem credere. Canonicus Litta in libro *De Diritto d'impone gl'impedimenti, e di dispensarne*, ad jus, & sistema societatis, humanamque institutionem Christianorum excommunicationem commode referri posse adbitratur. Huc etiam spectant cæteri, qui omnem Ecclesie addimunt potestatem, per quam ipsa repugnantes à se parendi cogat. Sed jus infligendi censuras à Christo Ecclesie datum, tam certum, tamque exploratum est, ut illud in discrimen revocare insignis impudentiæ sit. Nam ut mittat ligandi, & solvendi potestatem, qua certe etiam excommunicatione comprehenditur, ejusdem excommunicationis pœna diserte, & perspicue designatur his verbis, quibus Christus *eamquam ethnicum, & publicanum* haberi voluit eum, qui Ecclesiam non audiret. Quibus quidem verbis excommunicationem intelligi, non solum omnes Patres, atque Interpretes sentiunt, sed etiam patet ex more Hebræorum, qui ab externæ gentis, ac religionis hominum consortio esse penitus abs-

tinebant ex Divino præcepto in *Exod. XXXIV. 12. 15. 16.*, quod tam diligenter observabant, ut cæteras nationes exsecrarentur, sicuti præ cæteris observavit, Tacitus *Histor. l. 5. n. 5. opp. t. 3. p. 797. ed. Ven. 1708.* Nec minus Hebraei odio habebant eos, qui cum essent Judaicæ nationis, publica vectigalia redimebant, sive quod lucri facendi studio fratres usuris vexarent, sive quod externis gentibus tributa libero populo imponere vellet, ut obsequerentur; quod utrumque contra Divinæ legis præceptum erat. Atque hanc quidem à Christo acceptam potestatem non semel & verbis, & facto ostendit Paulus, cujus in primis cecebris est, & ab eo constituta in Corinthium civem, quem sacrorum communione prohibuit, & Satanæ etiam tradidit, ut poenæ mœrore confectus resisteret. Quam gravis autem hæc poenâ habita fuerit, ostendit mœror, quo non tantum ipse Corinthius, in quem illa fuerat constituta, sed etiam cæteri affecti sunt, uti patet ex *II. ad Corinth. II. 10. seq.* Atque omnes quidem Patres potestatem ferendi censuras, quæ habet Ecclesia, à Christo reperiunt. Ne longus sim, indicabo Cyprianum *Ep. 55. ad Antonian.*, & *Ep. 59. ad Cornelium p. 236. & 261. ed. Amstelæd. 1700.*, Tertulianum *Apolog. c. 39. p. 31. ed. Paris 1675.*, Jo. Chrysostomum *Hom. 4. in Ep. ad Hebr. opp. t. 12. p. 49. ed. Paris, an. 1735.*, cujus hæc verba sunt: *Nemo contemnat vincula ecclesiastica, non enim homo est, qui ligat, sed Christus, qui nobis hanc potestatem dedit*, Hieronymum in *Matth. c. 18. n. 18. opp. t. 7. col. 141. ed. Vallarsii Verona.*, Augustinum *Ep. 250. ad Auxiliu. opp. t. 2. col. 878. ed. Ven. 1729.*, Gregorium Nyssenum in *Orat. advers. eos qui agere ferunt reprehens. opp. t. 2. p. 749. ed. Paris. 1615.* Quam autem Christiani omnes semper excommunicationem fecerint, ostendunt Eusebius *Histor. l. 6. c. 34. p. 29. ed. C. Mûlleri.*, Basilii *Ep. 61. ad S. Athanasium p. 156. opp. t. 3. ed. Paris. 1730.*, Ambrosius *Ep. 13. ad Theodosium Imper. n. 7. seq. opp. t. 6. p. 11. ed. Ven. 1781.*, Jo. Chrysostomus *Orat. in S. Basilium contra Julianum & contra Gen. l. 1. n. 6. opp. t. 2. p. 545. ed. Paris. 1718.*, Paulinus in *Vit. S. Ambrosii, n. 24. opp. Ambrosii. t. 7. p. 7.*, Synesius *Ep. 58. p. 201. & Ep. 67. p. 28. seq. ed. Paris. 1640.*, Gelasius *P. Ep. 7. ad Episc. Dardan. t. 5. Concil. col. 293.*, Colæ Labbæi, Theodorus *Histor. ecclesiast. l. 5. c. 18. p. 236. ed. Cantabrig. 1720.*, Concilium Valentinum *an. 584. t. 6. Concil. col. 699.* Colæ *cit.*, Concilium Toletanum III. *an. 589. Can. 23. t. 5. col. 702.*, Concilium Toletanum XII. *an. 681. c. 4. t. 7. col. 146.*, Concilium Toletanum XIII. *an. 683. Can. 9. t. 7. col. 1474.*, Acta Cleri Gallicani *t. 12. p. 10. ed. Paris. an. 1740. & p. 569. seq.* Ceterum nomen ipsius censure, et ipsius species est excommunicatio, à Romanis acceptum haberi potest, non item res ipsa, ut recte observat Blanchius in *Gianonium t. 3. l. 1. c. 5. §. 2. p. 235.*, cum longe dissimilis sit v's, ac ratio Christianæ censure, & censure Romanorum. Omnis sane Respublica jus habet expellendi fontes è societate sua; sed Respublicæ eadem est potestas, non tantum quia jus habet veræ, & rectæ Respublicæ, sed etiam quia illam à Christo potestatem accepit. Si Ecclesia tantum esset Respublica, ejus censura vim eandem haberet, quam habent censure cæterarum Respublicarum.

blicarum. Sed quoniam ei sunt jura Reipublicæ, & est etiam spiritualis potestas à Christo data, consequens est, ut in ejus censura non tantum vis insit, quæ Reipublicæ propria est, sed etiam potestas spiritualis, quæ animi afficiat. Cons. de, præter Interpretes ad c. XI^{III}. *Maith. i. & I. ad Corinth. c. 5.*, Saarezium de Censur. Disp. 1. sect. 1., Theophilum Rainaudum de Mont. eccles. par. 2. c. 15. n. 6. seq. opp. t. 14. p. 490. ed. Lugd. 1655., Gregorium de Valentia Theol. t. 4. Disp. 7. qu. 17. punct. 1., Coletum Th. mor. tr. de Cens. qu. 1., Michaelem Amatium Pougatum Inst. Canon. de Sac. Pœnit. c. 9. de Cas. reser. & censur. Les conferences de Lugan. t. 7. conf. 20. qu. 1. p. 341. & seq. Bianchium l. c. Machium ad auctoritatem. Quid est Papa? Ep. 4. n. 2. t. 2. p. 7. & seq., & Zaccariam tum in libro *Lo stato idee raddrizzate* c. ult., tum Diss. 3. *Della forza obligatoria della disciplina* n. 23.

(3) Cum iis, qui ab Ecclesia execrati sunt, hoc est mortali, aut majori excommunicationi subjecti, civili quoque commercio semper interdictum fuisse constat; & id quidem sumpsum videtur ex iis Pauli verbis I. ad Corint. V. 4. *Nunc scripsi vobis, ne commisceamini. Si quis, cum frater nominatur, sit scortator, aut alieni avelus, aut idolatra, aut convitiator, aut ebrius, aut rapax, cum ejusmodi, inquam, ne edatis quidem* Et iterum ad Roman. XVI. 17. *Precor vos, fratres, ut observetis dissidiorum, & offenculorum auctores, contra doctrinam, quam vos didicistis, & declinetis ab eis.* Et II. ad Thessalonic. III. 14. *Si quis non auscultat nostro per epistolam sermone, hunc notate, & ne commercium habete cum eo, ut erubescat.* Itemque ex illis Joannis II. 10. 11 *Si quis venit ad nos, & hanc doctrinam non offert, nonne recipere eum in domum, nec ave ei dixeritis; qui enim dicit ei ave, communicat operibus ejus malignis.* Secundum hæc regulas multis Ecclesiæ legibus sancitum est, ut Christiani omnem aditum, sermonemque defugiant eorum, qui mortali excommunicatione tenentur, ne quid ex contagione incommodi accipiant. Canon 8. Apostolorum apud Cotelierium PP. *Apostolic. t. 1. p. 443. ed. Amstæd.* vetat, ne quis etiam in domo privata cum excommunicato preces fundat, Concilium Toletanum I. Can. 7. 15. 16. 18. t. 2. *Concil. col. 1472. & seq. Collect. Labbæi*, nec cibum, aut potum sumi, neque ullam prorsus societatem cum excommunicato haberi permittit. Eadem sententia est Concilii Carthaginensis IV. Can. 73. t. 2. col. 1443. *Collect. Labbæi*, Arelatensis II. Can. 8. t. 5. col. 3. *ib.*, Concilii Venetici Can. 3. *ib.* col. 8., Ilerdensis Can. 4. t. 5. col. 752., Turonensis I. Can. 8. *ib.* col. 76., Aurelianensis I. Can. 3. *ib.* col. 544. Item quoque docent antiqui Patres, atque Scriptores, quos ne omnes percerneam, contentus ero testimonio S. Irenæi Contr. hæres. l. 3. c. 3. opp. t. 1. p. 175. ed. Ven. 1730., S. Eusebii Hæres. 20. *Euseb. nit. opp. t. 1. p. 138. ed. Coninie 1682.*, S. Basilii Ep. 61. ad *Adrianum*, opp. t. 3. p. 156. ed. Paris. 1735., S. Leonis M. Ep. 32. ad *Eufrasium &c.* opp. t. 1. col. 859. ed. Ballerin. Ven. 1753., S. Innocentii Ep. ad *Carthag.* Concilii Patres inter epistolæ Augustini Ep. 181. opp. August. t. 6. 2. col. 638. ed. Ven. 1729., S. Ambrosii Ep. 40. ad *Ticinenses* opp. t. 1. 6. p. 124. ed. Ven. 1781., S. Augustini Contr. Ep. *Parmentian. l. 3. n. 13. col. 64.*

opp. t. 9. ed. cit., S. Hilarii in *Fragm. II. oper. histor. n. 8. col. 628. t. 2. ed. Veronæ 1730.*, Eusebii *Histor. n. 3. c. 28. p. 123. ed. Cantabrig.*, Synesii *Ep. 58. p. 201. ed. Paris 1633*.

§. IV. Vetus Ecclesiæ disciplina duplicem habuit excommunicationem, mortalem, & medicinalem (1) Hæc pro levioribus criminibus, & in eos infligebatur, qui peccata sua agnoscebant, & pœnitentiam, pacemque postulabant. Huiusmodi excommunicatio *æκοισμῖς*, hoc est *separatio* dicebatur, eaque duos gradus habebat. Alii enim à sola Eucharistiæ participatione, & alii etiam à fidelium precibus excluderentur, ac tantum cum catechumenis preces fundere debebant (2). Horum neuter arcebat ab Ecclesiâ; quæ gravior erat majori excommunicationi affixa pœna.

(1) Mortalem, & medicinalem excommunicationem apposite distinguit Augustinus *Serm. 351. de Pœnit. opp. t. 5. part. 2. col. 1359. ed. cit.* his verbis: *Not vero à communionē prohibere quamquam non possumus (quanti- cūq; hæc prohibitio nondum mortalis sit, sed medicinalis) sed nisi aut sponte confessum, aut in aliquo sive seculari, sive ecclesiastico iudicio nominatum, atque convictum.... Cujusmodi regulam etiam Paulus Apostolus in eandem ad Corinthios epistolā insinuas- se intelligitur, cum quibusdam talibus commem- moratis criminibus, ecclesiastici iudicii formam ad omnia similia ex quibus- dam daret. At enim scripsit vobis in epistola non commisceri fornicariis &c. Quibus verbis satis ostendit, non temere, aut quomodolibet, sed per iudicium auferendos esse malos ab Ecclesiæ communione; ut si per iudicium auferri non possunt, tolerantur potius, ne perire malos quisque evitando, ab Ecclesiā ipse discedent eos, quos fugere videtur, tinciat ad gloriā. Locus hic Augustini dū in primis ostendit evidenter; alterum est, quod externum forum haberet Ecclesiā, alterum autem, quod minor excommunicationem non solum in foro pœnitentiæ, sed etiam in foro externo infligeretur. Nam inquit Augustinus, tum mortalem, tum medicinalem excommunicationem non esse irrogendam, nisi adversus sponte confessum, aut in aliquo sive seculari, sive ecclesiastico iudicio nominatum, atque convictum. Quotusquisque ad forum pœnitentiæ referendam putet pœnam infligendam adversus eum, qui in seculari, sive ecclesiastico iudicio nominatus, atque convictus sit? Magnus est etiam error illorum, qui medicinalem excommunicationem cum publica pœnitentia confundunt, quasi nulum inter unam, atque alteram discrimen intercedat. Omnis quidem publica pœnitentia erat medicinalis excommunicationis, quoniam utraque in pœnæ genere conveniebat; sed non omnis medicinalis excommunicatio erat publica pœnitentia, aut eam necessario secum ferebat. Patet id ex Concilio Eliberitano *Can. 14.*, cujus hæc verba sunt: *Urgimus, quæ ut-**

ginitatem suam non custodierint, si eosdem, qui eas violaverint, duxerint & tenuerint, eo quod solas nuptias violaverint, post annum sine poenitentia reconciliari debebunt. Hæ mulieres medicinali excommunicatione tenebantur, ideoque Eucharistiæ participes esse non poterat; & tamen nullam publicam poenitentiam agere debebant, ut recte illum canonem interpretatur A basinzus p. 165. ed. Neap. 1770., sed post annum sine poenitentia reconciliari debebant.

(2) Theodoretus Ep. 77. Eulaliæ opp. t. 3. p. 647. ed. Paris 1642. Arceantur, inquit, à participatione sacrarum mysteriorum, à catechumenorum autem oratione non prohibeantur, neque Divinarum Scripturarum auditione, neque magistrorum auditione. Eodem spectant Gregorius Thaumaturgus. Ep. canon. Can. 5. & 8 p. 40. ed. Paris. 1621., Basilii Ep. canon. t. 1. ad Amphilo. h. Can. 4. opp. t. 3. p. 271. & 272. ed. Paris. 1730., Concilium Herdensæ Can. 4. Concil. t. 5. col. 752. Collecti. Labbæi, & Eliberitanum Can. 21. t. 1. col. 964., ex quibus vis, & ratio medicinalis excommunicationis intelligitur.

§. V. Erat etiam medicinalis, aut minoris excommunicationis loco illa unius Episcopi, aut Ecclesiæ ab alio Episcopo, Ecclesiæque separatio, per quam fiebat, ut duo Episcopi inter se neque darent, neque acciperent litteras formatas, neque alter alterius ab se separatæ Ecclesiæ filios ad communionem admitteret. Hujusmodi excommunicatio locum habebat, si aliqua Ecclesia, aut Episcopus aliam Ecclesiam in fidem, aut in disciplinam peccare intelligeret (1). Sed mutua hæc excommunicatio, si Ecclesiæ sibi invicem subjectæ non essent, proprie ecclesiastica censura non erat, sed tantum erat divisio, & separatio communionis, quam una Ecclesia, alteri, cui non subesset, denegare poterat.

(1) Ita S. Epiphanius, uti patet ex ejus Ep. ad Joan. Episc. Hierosol. opp. t. 2. p. 312. ed. Colome 1682. Joannis Episcopi Hierosolymitani communionem reject, quod eum Originis errores defendere intellexerat.

§. VI. Mortalis excommunicatio ferebatur in reos gravium criminum, atque in illos, qui sui sceleris poenitentiam agere detrectabant. Hæc in antiquis canonibus *anathema*, hoc est *omnimoda separatio*, & *anathema* nimirum *execratio* appellatur, quod esset maxima execratio, quæ adversus homines componi poterat. Qui ita erant execrati,

ab Ecclesiâ penitus ejiciebantur, ac non solum ab Eucharistia, sed etiam à fidelium precibus, atque ab audiendis scripturis in ecclesiastico conventu excludebantur (1).

(1) Formulam hujus excommunicationis describit Synesius *Ep.* 58. p. 201. *ed. Paris.* 1633. Unde intelligimus, quod cum in aliquem lata erat mortalis excommunicatio, vicinæ Ecclesiæ, & interdum etiam omnes per totum orbem Ecclesiæ ejus rei certiores fiebant per litteras, ut omnes id ratum haberent, & excommunicatum ab omni communione repellerent, & execratum haberent, omnique aditu, & sermone prohiberent. Quæ omnia, pluribus ex antiquitate collectis monumentis, fuscè describit Binghamus *Orig. eccles.* l. 16. c. 2. §. 8. & *seq. tom.* 7. p. 84. & *seq. ed. Hæc Magdeburg.* 1761.

§. VII. Nunc excommunicatio alia major, alia minor appellatur. Minor excommunicatio est, per quam aliquis à suscipiendis sacramentis, obtinendisque beneficiis arcetur, eamque contrahit, qui cum homine majori excommunicationi subjecto, extra crimen communicat; nam qui criminis particeps est, & ipse majori excommunicatione implicatur (1). Major excommunicatio est, quæ hominem prorsus ejicit ab Ecclesia, atque à societate, & communione Christianorum. Hæc excommunicatio proprio nomine anathema appellatur (2), cum in ea ferenda publicæ ac solennes cæremonie adhibentur, quæ pœnam augment non vi separationis, sed horrore solemnitate, qua illa constituitur (3).

(1) *Cap.* 29. & 55. *de sentent. excomm.*

(2) Anathema ab excommunicatione differt propter solemnitates, & cæremonias, quæ in eo ferendo adhibentur, quæque describuntur in *Can.* 106. c. 11. *qu.* 3., reipsa utrumque unum, & idem est. Hinc olim excommunicationis, & anathematis vocabulum promiscue recipiebatur. Sed recentioritate anathema ab excommunicatione distingui coëpit. Gratianus *Can.* 12. c. 3. *qu.* 4. refert Engeltrudam uxorem Basilidis non tam excommunicatione, sed etiam anathemate crebro perire soluisse. Similiter anathema ab excommunicatione distinguitur in *Can.* 11. c. 11. *qu.* 3., à Concilio Turonensi II. *Can.* 24. apud Libbe in t. 6 *Conc.* col. 546. *ed. Ven.*, & ab Adriano II. *Ep.* 15. apud eundem t. 10. col. 419. Pontificatus Romanus par. 3. tit. 17. §. 1. p. 168. *ed. Catilani Romæ* 1740. respectu habito ad solemnitates, quæ anathema, & excommunicationem discriminant, tres excommunicationes numerat, minorem, majorem, & anathema. Illud hoc loco animadvertendum videtur, quod excommunica-

tio etiam inter poenas monachorum recensetur in Regula S. Benedicti c. 23. & seq. apud Holstenium *Cod. Regular. t. 1. p. 124. ed. d. gust. Vin- delic. 1759.*, in Regula S. Isidori c. 16. & 17. p. 191., in Regula Magis- tri c. 19. 23. 80. p. 251 254. 278. Erat autem hæc excommunicatio in- terdum à mensa, interdum ab oratorio, illa pro levioribus, hæc pro gra- vioribus culpis infligebatur. Confer Regulam S. Benedicti l. cit. c. 24. 25. 44. p. 114. & 128. A mensa excommunicatum sequestratum a mensa ap- pel- lat Regula Magistri l. cit. c. 23. p. 254. nam qui hoc poenæ genere te- nebatur cum reliquis Monachis ad mensam ire non poterat, uti excommu- nicatus ab oratorio repellabatur, in quo ceteri Monachi preces fondebant.

(3) In antiquis canonibus, atque in omnium damnatione hæretico- rum sane frequens est anathematis nomen. Concilium Carthagine singulos canones suos concludit his verbis *ἀνάθεμα ἔστω ανὰθημα σὶν*, hoc est. ab omni Ecclesie communione se junctus, & ab omnibus execratus habea- tur, qui Concilii legibus non obtemperaverit. Iisdem pluraque Concilia verbis utuntur; id autem sumptum videt ex ea Patris formula in Ga- lat. 1. 8. *etiam si nos, aut Angelus ē cælo evangelizet vobis prater id, qd vobis evangelizavimus, anathema sit.* Verum ipse Augustinus l. ad Co- rinth. XVI. 22. vocabulo *Anathema* addit & alterum *Maranatha*, quod & interdum veteres Synodi præstiterunt. De hujus vocabuli *Maranatha* sig- nificatione magna opinionum dissensio est. S. Joannes Chrysostomus Hom. 44. in I. ad Corinth. n. 3. opp. t. 10. p. 410. ed. Paris 732. hoc vo- cabulum Hebræum esse dicit, & significare *Dominus noster venit.* Quod Hebræica voce Apostolum expressisse censet, tum ut *dispensatis* huius sermonem confirmaret, quod ex illis maxime composuerit se ad iterum venis- tum ut eos pudore afficeret, quasi diceret: *commisistis omnem legem tantum dignatus est descendere; vos autem in Israelitico, & pervertitis peccare.* S. Hieronymus Ep. 26. ad Marcellam n. 4. opp. t. 1. col. 131. ed. Valartii Perone, verbum *Maranatha* magis Syriacum, quam Pætreum putat, eoque Apostoli in Hebræis perversitatem suam exprehensio voluit: ut sit sensus, si quis non amat Dominum Jesum, *anathema sit: & illo im- plecto deinceps inferatur, Dominus noster venit.* Quod sapientiam sit adver- sus eos in oñis peritiamibus velle continere, quem venturum se emiserit. Hæc est sententia Hilarii Diaconi, cujus opera oia Amosii nomine cir- cumferebantur, in I. ad Corinth. XII vers. 22. in approb. opp. S. Arthuro- sii t. 7. p. 193. ed. Ven. 178. S. Augustinus *Maranatha* Syriacum vocabu- lum esse affirmat Ep. 20. n. 15. opp. t. 2. col. 464. ed. l. & significare donec Dominus redeat. Hebræus Hieronymus, pluresque alii veteres Interpretes, uti patet ex Pli Synopsi criticæ in I. ad Corinth. Ad I. 22., verbum hæc ita explicat, *Dominus venit ad iudicium*, quem dicit Iudas Apostolus aliter *venire Dominum eum tamen nolle ut, ut erat, iu- dæiam adversus omnes, & redigant qd omne ex illis sint in pñe* & id quidem simile esse statuit gravi hæc excommunicatio, & id quod utebantur, quamque *Schammata* appe- loant. Infantem enim, ab hæreticis tres excommunicationes tribuitur. Iosephus Nidai, apud Ciceronem, & apud Schammata. Postrema hæc excommunicatio omnium gravissima erat,

ac per eam reus criminis post omnia humana remedia cum execrationibus à reipublica, & fidei communione sine spe veniæ ejiciebatur, & o-
 li Divino judicio relinquebatur. Memorat *Anathema maranatha* Concilium
 Toletanum IV. c. 75. t. 6. Conc. col. 1471. Collect. Lab æi. eoque ver-
 bo hoc significari docet, ut *per litio in a lventi Domini cit.* Cui simile est
 decretum Concilii Toletani XVI. c. 107 t. 8. Concil. col. 69. *iv.*, & ana-
 thema *maranatha* est etiam excommunicatio lata à Concilio Remen i an-
 ni 900. t. 11. col. 672. a lversis eis, qui Fulcone n Remensem Archie-
 pisc ipam rerum ecclesiæ suæ defensorem jussu Bald uini F andriæ Co-
 mitis interfecerant. Latè ea de re disputant Baronius *ad an.* 57. n. 173.
 t. 1. p. 475. *ed. Luca*, Bidghamas *Orig. eccles.* t. 16. t. 2. §. 16. 17. t. 7.
 p. 113. *3 seq. ed. cit.* & Selvagius *Antiquit. Christian.* l. 4. c. 1. §. 8.

§. VIII. Est item excommunicatio vel lata, vel ferendæ
 sententiæ. Hæc à judice per sententiam irrogatur, illa au-
 tem nullam judicis sententiam postulat, sed à jure ipso in-
 fligitur, eique locus est *ipso facto*, nimirum statim ac ali-
 quis crimen admisit, & canonis decreta violavit. Ex formu-
 lis quæ in Ecclesiæ legibus usurpantur, facile intelligitur,
 quæ ferendæ, quæ latæ sententiæ excommunicatio sit. Illa
 enim concepta est verbis, quæ pœnam indigentiam osten-
 dunt, qualia sunt *excommunicetur, segregetur vel præcipimus*
sub pœna excommunicationis hæc autem ipsa verborum for-
 mula significat pœnam solo juris ministerio constitutam ut
 sunt verba *excommunicatus sit ipso jure, vel facto excom-*
municationem, incurrat. Formula hæc excommunicationis;
 quam statim ipsa violatio legis indigit, non recentioris dis-
 ciplinæ, ut quidam putant, sed antiquissimæ in Ecclesia
 est (1).

(1) Godescalcus Rosemundus Lovaniensis Theologus *Confess.* 20. è
 medio totius vellet excommunicationes latæ sententiæ. & eas contra per-
 petuum usum totius Ecclesiæ periculosas aut facer prædicat, quem novi
 quidam è turba Ultrajectorum Quiesie li assecutorum sequuntur. Siam
 vero sententiam tueri conatur potissimum auctoritate Gersonis, qui ta-
 men in *Tract. d. Vita spiritual.* an. l. et 4. *probat.* 14. opp. t. 2. p. 40.
ed. Antwerp. 1736. ostendit hæc generis excommunicationis improbat. Con-
 tuitum tamen, excommunicationem latæ sententiæ hæc efficere, ut absque pro-
 cessu alio juri tali, aut novo constituto non possit juxta statim, probato, vero, vel
 contrariato, ferre juris sententiam, & eandem pœnare: non sic ubi canones
 essent solum ferentiæ sententiæ; quoniam innotuisset, & pro error secun-
 dum terminos juris præquirentur multiplices. Quod quidem est consenta-

neum juris disciplinæ, quæ requirit sententiam, qua crimen declaratur, quonia in foro externo nemo excommunicatione implicatus haberi potest, nisi prius constet, eum esse reum criminis, cui censura ipso iure adjuncta est. Verum in foro interno nulla requiritur iudicis discretio, sed qui crimen patravit, cui conjuncta censura est, statim coram Deo, cui nota, & perspicua sunt omnia, excommunicatus efficitur. Suam enim contumeliam, & Ecclesiæ contemptum satis aperte declarat, qui peccat in legem, à qua scit illico, & ipso facto constitutas esse censuras adversus illos, qui ei non obtemperant. Ita vere, & solide argumentatur Suarez in *de Censur. disp. 3. sect. 8. n. 3.*, & Gonzalesius in *c. 48. de Senten. excom. n. 6.*, omnium vero accuratissime ea de re disputat Theophilus Raynaudus de *Monit. eccl. part. 2. cap. 20. opp. t. 14. p. 514.* quo quidem loco graviter, & egregie refutat Ayalam improbantem censuras latæ sententiæ, quod nullam canonicam admonitionem sequuntur, atque ostendit, admonitionis loco esse ipsam legem, quæ omnibus objecta est, quæque inflictæ censuræ pœna aliquid fieri jubet, aut vetat. Van-Espenius *Jur. eccl. univ. part. 3. tit. 11. c. 6. num. 29.* Cavallarius *Institution. canonic. part. 3. cap. 35. §. 7.*, aliique expresse quidem improbare non audent excommunicationem latæ sententiæ, sed eam recentiori ætate inventam fuisse, ac tantum XI, aut XII. Ecclesiæ sæculo usurpari cœpisse arbitrantur. Sed qui ita sentiunt, sese omnis antiquitatis plane rudes, & imperitos fateantur necesse est. Nam excommunicatio latæ sententiæ originem repetit ab ipso Apostolo, cujus hæc verba sunt *ad Galatas 1.8.* *Si quis verbis evangelizaverit, præterquam quod accipitis, anathema sit.* Ergo hæreticus non hominis sententia, sed ipso facto anathema est, statim ac doctrinam tradit, quæ Pauli doctrinæ adversetur. Ipse Paulus *ad Titum III. 10. & 11.* post unam, & alteram correctionem scelestorum devitari jubet solent; inquit, *quia subversus est qui ejusmodi est, & relinquit, cum sit proprio judicio condemnatus.* Quem Pauli locum ita interpretatur Augustinus in *Can. 29. Caus. 24. quest. 3.*, *qui subversus est hujusmodi & peccat, & est a semetipso damnatus.* Hæreticos, quoniam defugere oportet, quia proprio judicio, vel a semetipso damnatus est, nonne est hæreticus, qui propter ipsam crimem; non propter hominis sententiam huic pœnæ subijcitur? S. Jadas Apostolus *Epist. cum vers. 19.* memorat hæreticos, & scelestos, qui segregant semetipsos, animas, spiritum non habentes. Certè hi omnes non per iudicis sententiam, sed per crimen semetipsos segregant à fidelium communione; quæ latæ sententiæ excommunicatio est. S. Justinus Martyr. in *Dialog. cum Tryphone Judæo. n. 35. p. 132. ed. Paris. 1742.* de schismaticis, & hæreticis inquit: cum horum nemini communicamus; cum atheis, & impiis esse, ac iustus, & exleges scimus. Cur Christiani cum schismaticis & hæreticis non communicabant? Propter ipsum crimen, quod ab iis admissum fuisse sciebant non propter aliquam hominis sententiam, quæ contra eos lata fuisset. Ecce martyrum Christianos, qui à fide defecerant, ipso facto ab Ecclesiæ unitate, & communionem excidisse, ostendunt in primis tum S. Cyprianus ad Clerum Romanum, & Antonianum, tum Clerici Romani ad eundem

Cyprianum litteræ, quæ extant *p. 241. 206. 209. opp. Cyprianæd. Amstelæd. 1700. Concilium Eliberitanum Can. 1. 2. 3. t. 1. conc. col. 992. Collect. Labbei, ed. Ven. eos, qui post Baptismum Idolis immolassent, ipso facto à fidelium communione rejicit. Sane adversus Christianos, qui Idolis sacrificium obtulissent, non propria confessione, non testibus, non probationibus, non sententia opus fuisse, sed eos facto ipso in excommunicationem incidisse, rectissime animadvertunt Cavæus *Prim. Christian. part. 3. c. 5.*, & Binghamus *Orig. eccles. l. 16. c. 3. §. 10. t. 7. p. 163. ed. cit.* Eadem est ratio Synodi Ancyranæ *Can. 1. & seq. t. 1. col. 1487.*, & eadem etiam Concilii Antiocheni, quod *Can. 1. t. 2. col. 586. ipso facto excommunicatos, & ecclesia ejectos* statuit eos, qui contra Nicæni Concilii decreta pascha celebraverint, similiter propter idem facinus ipso facto alienos ab Ecclesia judicat Episcopos, Sacerdotes Diaconos, eosque deponit, atque eandem pœnam ad eos quoque producit, *qui audent iis communicare post depositionem*. Synodus Gangrensis omnes canones, qui sunt viginti numero, conclusit verbis *anathema sit*, uti patet *ext. 8. Conc. col. 569.*, quibus quidem verbis excommunicatio ipso jure contra repugantes constituta significatur. Similiter Synodus Turonensis *l. Can. 8. concil. t. 5. col. 76.*, & Venetica *Can. 3. t. 5. col. 80.* contra criminosos quosdam ipso jure excommunicationem ferunt, eandemque excommunicationem memorat Concilium Constantinopolitanum *S. Flaviani Act. 2. col. 963. 966. 970. 931. t. 4. conc. Synodus T. letana IV. Can. 75. concil. t. 6. col. 1471.* contra rebelles, & regni proditores ipso facto anathema constituit his verbis: *qui contra hanc nostram definitionem præsumperit, anathema maranatha, hoc est perditio in adventu Domini sit.* Sola præsumptio contra synodi definitionem satis est, ut quis *anathema maranatha sit.* Quid aliud late sententiæ excommunicatio est? Quid dicam de duodecim anathematismis à S. Cyrillo Alexandrino adversus Nestorium scriptis, quos probantur Erihesini, & Chacedonensis Concilii Patres? Quid de testimonio Auctoris operis *de Vita contemplativa*, quem alii fuisse putant Prosperum Aquitanicum, qui medio sæculo V. florebat, alii Julianum Pomerium qui eodem sæculo vitæ usura fruebatur? Is auem *lib. 2. cap. 7.* diserite tradit, esse ætate clericos grave aliquod crimen admittentes statim in foro conscientiæ, & coram Deo in suspensionem incidisse, quam quidem excommunicationis speciem fuisse, recte animadvertiunt Albaspinæus *Observ. l. 1. c. 2.* & Svicerus *Thesaur. Eccles. t. 1. p. 601.**

§. IX. Jamvero mortalis, seu major excommunicatio hominem plane separat, atque distrahit ab Ecclesiæ communione, ita ut non amplius ejus membrum, sed tamquam ethæicus, & publicanus habeatur. Itaque cadit omni jure, quod per Baptismum acquisiverat, sacramentis, sacris officiis, ecclesiastica potestate communibus suffragiis, atque omni fraternitatis jure privatur (1). Interim Ecclesiæ seu

Christiani pro eo preces fundere possunt, ut redeat ad bonam mentem; quoniam hoc merum est officium misericordiæ, nullam autem in sacris communionem inducit (2).

(1) Solebant Apostoli Christianos excommunicatos tradere *Satanæ in interitum carnis*, uti patet ex *I. ad Corinth. V. 5. II. ad Corinth. XII. 21. I. ad Thymot. I. 20.* Hinc à viris doctis quæsitum est, quid per hanc hominis traditionem *Satanæ* intelligi debeat? Alii autem sunt, qui eam fuisse putant excommunicationem, quæ hoc quoque nomine appellabatur, quæque solum animum, non corpus afficiebat. Alii contra existimant, excommunicatos, ac *Satanæ* traditos non solum spiritalem pacem perituisse, sed etiam corpore à *Satana* fuisse vexatos. Atque hæc quidem sententia est Joannis Chrysostomi, Ambrosii, Hieronymi, & Augustini. Sed hæc extraordinaria potestas fuit, quæ Apostolis à Christo data est, quæque post eorum mortem desuit. Fuisse hanc controversiam expendit Binghamus *Orig. eccles. l. 16. c. 2. §. 15. t. 7. p. 106. & seq. ed. cit.*

(2) S. Thomas in 4. *Sentent. dist. 11. qu. 1. art. 4.* Et merito à Leone X. *Const. Exurge 44. t. 3. par. 3. 487. Bullar. Roman. ult. ed.* damnatus est error Lutheri *art. 23.* agentis quod excommunicationes sunt tantum externe pene, nec privant hominem communione spiritus sanctus Ecclesie orationibus. S. Cyprianus *Ep. 62. ad Pompen. col. 244. ed. Ven. 1758.* excommunicationem vocat *spirituale gladium*, quod superbi, & contumaces necantur, dum de Ecclesia ejiciuntur. Neque enim vivere foris possunt, cum dolus Dei unctus sit, & nemini salus esse nisi in Ecclesia possit. Confer etiam S. Augustinum in *Deuteron. l. 5. q. 39. col. 749. opp. t. 3. & in Evangel. Joam. tract. 50. n. 11. col. 838. t. 4. ed. Ven. 1756.* S. Innocentium I. *Ep. 29. ad Concil. Carthag. n. 8. apud Constantium col. 894.*

§. X. Verum in nova disciplina magna ex parte mitigatus est rigor, per quem omnem plane cum excommunicatis societatem, & communionem defugere jubemur. Scilicet Martinus V., ut mala, & pericula removeret, quæ vetita communicatio cum omnibus excommunicatis attulisset, sapienter constituit (1), ut eos tantum evitemus, in quos excommunicationis sententia à *judice publicata*, vel *denunciata specialiter*, & *expresse* est, itemque eos, qui palam in clericum sacrilegas manus injecerant, quos etiam à *judice* non denunciatos devitare debemus. Hinc ortum discriminis inter excommunicatos *vitandos*, & *toleratos*; & inde idcirco, non autem horum vetita communicatio est (2).

(1) Martinus V. P. in *Extravag. Al. evitanda*, quam integram describit S. Antoninus in *Summa Theolog. tit. 25. c. 3. par. 3. col. 1414. ed. Verona 1740*. Sunt qui hujus decreti veritatem in discrimen revocant, quoniam, ajunt, nulla ejus mentio est in actis Concilii Constantiensis, atque ejus veritas tantum nititur testimonio S. Antonini, aliorumque scriptorum, qui Antonini fidem sequuti sunt. Ita, præter cæteros, Van-Espe-nius *Jus eccles. part. 3. tit. 11. c. 5. §. 15*. Sed, ut recte observat Benedictus XIV. de *Synod. Dioces. l. 12. c. 5. n. 4*. Antonini fides nutare non potest, quoniam ejus ætate decretum illud Martini V. in hominum manibus versabatur, & plures erant, qui illud in Constantiensi Concilio propositum quidem, sed rejectum, aut saltem ad quinquennium arctatum contendebant; contra quos ipse Antoninus ostendit, decretum Concilio fuisse probitum, eique vim perpetuam attributam, ac testem appellat Julianum tunc A. ditorem Generalem Cameræ Apostolicæ, deinde Cardinalem ea ætate insignem doctrina virum. Accedit, quod decreti veritatem ostendunt certa, & authentica documenta edita à Dumontio *Cod. jur. gent. diplomat. t. 2. p. 111*, ab Hermanno Vonder Hardt *t. 1. Concilii Constantiensis p. 1055. ed. 1710*, qui ex tribus Mss. Cæsareæ, & Brunsvicensis Bibl. Codicibus Concilio coævis illa edidit, Senkenbernero *Recass. Imper. t. 1. p. 111. & seq. ed. Francofurt. 1747*, & Harzeio *t. 5. Concil. Germaniæ p. 127. & seq., & p. 142. & seq. ed. Colonia 1763*. Hæc autem monumenta in Germania reperta sunt, præsertim in Civitate Magdeburgensi, aliis ve, uti Hirtzelmius ostendit, neque sunt Bullæ sub plumbo, sed capitula pacti conventi, sive concordati inter Martinum V., & Nationem Germanicam in Concilio Constantiensi an. 1413. firmata; cujus quidem concordati illud est caput VII. Hæc autem concordata Romæ servabantur in Cancellaria Cardinalis Joannis Episcopi Ostiensis, & Vice-Cancellarii, qui ex voluntate ipsius Martini præcipientis, quod capitula prædicta, & quolibet eorum dentur cuilibet ea habere volenti communiter, seu divisim in authentica forma sub sigillo D. Vice-Cancellarii cum subscriptione notarii; sic quod fidem faciant exhibita ubicumque, ea distribuit. Re vera eadem concordata cum illa forma, quam Martinus præscripserat, descripta extant apud Harzheimiam *luc. cit.* Hæc quoque decreti veritatem ostendunt Concilium Basileense *Sess. 20. c. 2. t. 17. conc. col. 315. Collect. Labbæi*, Gallicanus conventus Burdigalensis an. 1438 n. 36. apud Cabasutium, Concilium Lateranense V. *Sess. 11. §. Statuimus insuper t. 19. conc. col. 95*, in quibus ejusdem decreti mentio est; denique consensus omnium, à quibus illud ubique receptum est.

(2) Martini decretum perpetuum esse, atque ad universam Ecclesiam pertinere, duo sunt, quæ invicte demonstrant. Primum educitur ex testimonio, quæ paulo ante descripsi, alterum ex totius Ecclesiæ consuetudine, quæ ipsius legum interpretes est. Porro S. Antoninus *loc. cit.* testatur, sese à Juliano Casarino Cardinali hunc legisse, decretum illud esse perpetuum; & Andreas Episcopus Posnanien-sis cum anno 1423. Senis Concilii causa moraretur, Martinum ipsum regem, ut decretum suum prorogaret, sed ei responsum est à Cardinali Juliano, suam illam peti-

tionem inutilem esse, quoniam Pontifex idem decretum perpetuum esse voluerat. Ac totius Ecclesiæ consuetudinem pluribus allatis testimoniis, confirmant Suarezius de *Censur. disp. 9. sect. 2. n. 5.*, Cardinalis Petra, ad *Constit. 18. Innocentii IV. t. 3. Comment. ad Constit. Apostolic. Cabasatus Norit. Eccles. de Concil. Basil. p. 534. ed. Lugduni 1580. Benedictus XIV. de Synod. diæcesan. l. 12. c. 5. n. 4.*

§. XI. Itaque cum hæreticis, schismaticis, cæterisque similibus, qui expresse, ac speciatim excommunicati non sunt (1), vetita in re civili communicatio non est (2). Hi quidem devitandi sunt, sicuti demonstratum supra est, propter periculum, atque discrimen, in quod vocantur, qui ex eorum societate, & consortio iisdem infici erroribus possunt, quibus illi infecti sunt, non autem sunt devitandi propter excommunicationem, qua generatim hæretici, & schismatici obligantur. Itaque cum his hominibus caute, & prudenter, tamquam cum malis, agere debemus memores omnium, quæ de vetita eorum tolerantia sancita sunt; at si quis ob justam aliquam causam cum iis sermones conferat aut etiam eorum templa curiosus ingrediatur, minime incidit in excommunicationem quæ adversus eos, qui cum excommunicato vitando communicant, est constituta.

(1) Sunt qui constitutionem Martini V. ad hæreticos, atque schismaticos pertinere inficiantur, & sunt qui hanc constitutioni derogatum putant à Concilio Lateranensi V. *Sess. 11. §. Statuimus*, à quo confirmatum est id, quod pridem à Basiliensi Synodo *Sess. 20. §. 2.* sancitum fuerat. Ita, præter cæteros, sentiunt Sotus in 4. *dist. 25. qu. 1. art. 1. v. 3.*, Bellarminus de *Roman. Pont. l. 2. c. 30. §.* Neque valet *opp. t. 1. p. 344. ed. Ven. 1721.*, Turrecremata *Sum. Eccles. Pot. l. 4. part. 2. c. 20.* Auctor libri *Traité Theologique, où l'on demonstre, que les sabbats ne peuvent communiquer en matiere de religion avec les ennemis de la B. Unigenitus*, Fagnanus in c. 1. n. 53. de *Schismat.* Sed Martini decretum loquitur universe de omnibus excommunicatis cujuscunque sententiæ, aut censure ecclesiasticæ ab homine, vel à jure, ac tantum excipit nominatim illos, in quos sententiæ excommunicationis à *Judice publico*, vel *denuntiata specialiter*, & *expresse est*, quique palam in clericum sacrilegas manus injecerunt. Ergo si tantum certi excommunicati sunt excepti, non cæteri cujuscunque sententiæ, aut censure ecclesiasticæ ab homine, vel à jure, quibus verbis etiam hæreticos, & schismaticos comprehendere nemo inficiabitur, manifestum est, eos etiam, cum speciatim excommunicati non sunt, ad Martini decretum pertinere. Adde quod novum illud jus à Martino V. constitutum est, ut devitarentur scandala, quæ orie-

bantur ex consortio hæreticorum, & scismaticorum, quorum magnus erat numerus, cum Constantiensis Synodus habita est. Illa autem Basileensis, & Lateranensis Concilii decreta, quibus jus à Martino inductum, è medio sublatum fuisse videtur, minime observata monet Benedictus XIV. *de Synod. dioces. l. 6. c. 5. n. 2.* Confer etiam Suarezium *de Fid. disp. 21. sect. 3. n. 2.*, Sanchezium *de Præcept. decalog. l. 2. c. 9. n. 3.* Pirhingium *Jus canon. l. 5. tit. 39. sect. 4. §. 1.*, Azorium *Instr. moral. l. 8. c. 11.*, Card. de Lugo *de Viri. disp. 22. sect. 1. n. 1.*, Card. Petram *ad Constit. Apostolic. t. 3. n. 39. p. 183.*, Amortum *Theolog. moral. t. 1. tract. 3. sect. 2. §. 2.*, Ballerinum in not. ad S. Antoninum *l. 3. edict. cit. col. 1414. & seq.* At enim duæ sunt ejusdem Martini constitutiones, altera *In eminenti*, quæ extat apud Labbæum *t. 16. Concil. col. 768.*, & altera *Inter cunctas*, quæ ab eodem Labbæo descripta est *l. c. col. 756.*, & in hiis quidem constitutionibus omnis videtur cum hæreticis vetita communicatio. Idem quoque à Martino V. decretum est in Concilio Senensi an. 1423. apud Labbæum *t. 17. Concil. col. 99.*; atque à Paulo IV. in *Const. Cum ex Apostolatus 27. t. 4. par. 1. p. 354. Bullar. Roman.* Verum recentiores hæ constitutiones, quibus Martini V. constitutioni *Ad evitanda* derogatum videtur, nihil obstant, quoniam, ut testatur Benedictus XIV. *de Synod. Dioc. l. 6. c. 5. n. 2.*, eadem constitutio in suo semper vigore permansit, non obstantibus subsequentibus Constitutionibus &c. Accedit quod duæ in æ ipsius Martini constitutiones *In eminenti*, & *Inter cunctas* antiquiores sunt extravaganti *Ad evitanda*, & ideo recentiori constitutione jura comprehensorum antiquioribus, si forte obsat, è medio sublatum est. Quamquam si rectè expendatur Constitutio *In eminenti* Martini V., ea forte pertinet ad illos, qui hæreticorum errorum participes fuerint, aut vetat communionem cum hæreticis, qui uti tales denunciati sunt apud iudices, qui in eam rem inquire jubentur. Eodem etiam decretum Concilii Senensis, & Constitutio Pauli V. referri commode possunt. Mirum vero non est, quod in Martini constitutione *Inter cunctas* hæretici in Ecclesiis catholicorum sepulturam habere prohibeantur; neque vero effici ex eo potest, quod ut catholici sepulturam, ita societatem, & communionem cum hæreticis habere nequeant. Nam illa, quæ catholicis permessa est, communicatio cum hæreticis sine metu excommunicationis, commodum respicit, & utilitatem Catholicorum, qui liberati sunt à metu, quo tenebantur, contrahendæ excommunicationis, si cum hæreticis ita, ut supra monui, communicarent. Verum sepultura ecclesiastica cedit in commodum hæreticorum, atque in dedecus Ecclesiæ; & ideo vetita hæreticis ecclesiastica sepultura argumento esse non potest, quod etiam catholicis sub poena excommunicationis vetita sit cum hæreticis communicatio. Comprehendam paucis. Constitutio *Ad evitanda* hoc habet propositum, ut Catholicis, qui communicant cum hæreticis nominatim, non excommunicatis, omnem abigant contrahendæ excommunicationis metum. Cum hæc vero quid habet commune ecclesiastica sepultura, à qua hæretici repelluntur?

(2) Sunt, qui non tantum in humanis, sed etiam in divinis, & sacris

catholicis cum hæreticis communicationem permissam putant. Ego ea de re sententiam exponam sapientissimi Pontificis Benedicti XIV. de *Synod. dioces. l. 6. c. 5. n. 2.* Ipse autem inquit: *quamvis per canonem Concilii Constantiensis, qui incipit Ad evitanda, qui in suo semper vigore permansit, non obstantibus contrariis subsequentibus Constitutionibus Concilii Basileensis, & Lateranensis nonnihil relaxata fuerit disciplina in eo, quod pertinet ad conversandum, atque etiam in divinis communicandum cum hæreticis, qui tolerantur.... non idcirco tamen arbitrari debeat catholici, sus sibi esse indistincte cum hæreticis; quamvis non denunciatis in rebus sacris, & divinis communicare; siquidem Paulus V. post maturam rei discussionem non utique licere definiit Catholicis regni Angliæ hæreticorum templa adire, ritibusque interesse, quos inibi exercent. Tum ostendit, non deesse Theologos, qui alicujus culpæ reos negant esse catholicos, qui cum hæreticis, & schismaticis nominatim non denunciatis in divinis communicant, atque ab iis etiam sacramenta percipiunt; modo id faciant ob gravissimam, aut necessariam causam, sacramenta administrentur ritu plane catholico ab hæreticis, aut schismaticis valide ordinatis, communicatio in divinis neque ullum præbeat indicium, aut conjecturam faciat erroris à catholico homine approbati, neque scandalum, aut offensivam pariat. Monet tamen ipse Benedictus, primum quod huic sententiæ quamplurimi adversantur; deinde quod etiamsi vera habeatur, tamen cum omnes enumeratæ circumstantiæ simul, & conjunctim adesse debeant.... fore impossibile est, quod catholici, qui se cum hæreticis in sacris, divinisque commiscant, culpa vacare possint. Quare Urbis Congregationes, inquit, illicitam semper reputant communicationem, de qua est sermo, doctamque concinnant instructionem ad Missionarios, ubi opus fuerit, transmittendam, ubi rationes expendantur, propter quas vix unquam accidere potest, ut in praxi sit innoxia catholicorum cum hæreticis communicatio in divinis. Confer etiam Giraldum *Episop. Jur. Pontific. l. 5. tit. 39. sect. 926. p. 761. & seq.*, à quo sacrarum quoque Urbis Congregationum ea de re declarationes describuntur. Si qui tamen catholicis hæreticorum, aut schismaticorum templa ingrediatur, ut ea curiosius inspiciat, atque etiam sacris eruditionis causa intersit, non ut eorum sit particeps, aut quidquam à probe, quod catholicæ veritati adversetur, is minime in sacris, atque divinis communicare dicitur, neque culpæ reus haberi potest.*

§. XII. Potestas ferendi excommunicationem à Christo data est Ecclesiæ Præpositis, hoc est Episcopis, atque in primis Summo omnium capiti Romano Pontifici, in quos ipse contulit clavium potestatem (1). Hi suo jure (2) excommunicationis pœna animadvertunt in Christianos, qui gravius deliquerunt, aut huic pœnæ subjecti sunt omnes, qui Ecclesiæ potestati subsunt, sive divites, sive pauperes stant, sive alieno pareant, sive summo potiantur imperio (3).

Nam hi quoque Ecclesiæ legibus parere debent, quamquam eorum summa sit in re civili potestas; ipsis vero non licet aut censuras ferre, aut in earum justitiam inquirere (4), quoniam ea res tota tantum sacræ potestati comissa est.

(1) Cum Romano Pontifice, quem Christus constituit unitatis centrum, atque Ecclesiæ fundamentum, convenire omnes debent, qui catholici haberi, ac revera esse volunt. Ex quo facile intelligitur, quæ sit vis excommunicationis, quæ à Summo Pontifice lata est. Nimirum cum ille, qui jure in omnes catholicos habet, aliquem excommunicatione, & anathemate plectit, eum non solum à sua, & Romanæ particularis Ecclesiæ communione sejungit, verum etiam ejicit, atque præcidit ab unitate, & communione totius Ecclesiæ catholicæ quæ ipsi tamquam capiti, & catholicæ communionis centro adhæret, ac jure Primatus adhærere debet; nec fieri potest, ut quis ab eo præcisus non sit etiam præcisus ab ipsa Ecclesia, quæ ex divina institutione cum ipso unitatis-centro annexa, & conjuncta est. Hinc *jura communionis* ab unitate cum Sede Apostolica dimanare S. Ambrosius cum Aquilejensi Synodo docuit *Ep. 6. opp. t. 3. col. 850. ed. Ven. 1751.*, & excommunicationes ab aliis Episcopis late nullius momenti sunt, cum eos, qui ab aliquo etiam majorum Sedium Antistite excommunicati fuerunt, suæ communionis participes, & sibi *inconvulse unitos* Apostolica judicavit auctoritas, ut inquit Vigilius P. in *Constit.* apud Labbæum *t. 5. Concil. col. 1348. ed. Ven.* Hinc merito S. Cyrillus Alexandrinus Episcopus, etsi Nestorii Constantinopolitani errorem, ac pertinaciam exploratam haberet, tamen ab ejus communionem discedere noluit, nisi primum Cælestini Romani Pontificis sententiam audiret: apud Constantium *inst. Cælest. Ep. 8. col. 1085.*, ipse autem Cælestinus aliorum Episcoporum sententias haud metuendas dixit, si ab ipsis excommunicati, vel depositi in Apostolicæ Sedis communionem permaneant. Confer ejusdem Cælestini *Ep. 11. n. 3. Ep. 12. n. 2. Ep. 14. n. 7.* apud Constantium *col. 1106. 1111. 1146.* Quare perperam, ac nimio abreptus æstu Firmilianus *Ep. 75. inter opp. S. Cypriani col. 356. ed. Ven. 1758.* Schismatis accusat Stephanum Pontificem, qui iures Episcopos in controversia de baptismo hæreticorum communionem privasse credebatur, dum Stephanum his verbis alloquitur: *Excedisti enim te ipsum; noli te fallere; siquidem ille est vere schismaticus, qui se a communione ecclesiasticæ unitatis apostatam fecerit.* Perperam, inquam; nam Summus Pontifex excommunicatione in aliquos animadvertens sese quodammodo ab illis quidem separat, sed cum eosdem præcidat à centro unitatis, quod sibi adhæret ex divina institutione, non se, sed illis a communione ecclesiasticæ unitatis, & ab Ecclesia amputat, atque secernit; & ideo recte S. Iræneus, qui non eo, quo Firmilianus, æstu rapiebatur, plane intellexit fore, ut Asiani Episcopi ab Ecclesia præcisi, & amputati haberentur, si à Summo Pontifice propter controversiam de Paschate excommunicarentur, cum Victorem rogavit *Ne tam multas Ecclesias omnino prop-*

ter traditionis ex antiqua consuetudine inter illos usurpata observationem, à corpore universæ Ecclesiæ penitus amputaret, uti testatur Eusebius *Hist. Eccl. l. 5. c. 24. p. 213. ed. Luffm. 1746.* Quod autem obijciat de vniuersibuldam pietate præstantibus, qui floruerunt in scholis acibus Metetii Antiocheni, & Acacii Constantinopolitani, quique Apostolicæ Sedis communionem caruerant, egregie diluitur à Petro Balerinio de *Vi ac ration. Prin. R. Pontif. in append. ad §. 1. c. 1. p. 307. seq. ed. Aug. Vind. del. 1770.* At Febronius Romani Pontificis excommunicationes metuendas, atque eas ad jurisdictionem referendas negat. Inquit enim, quod antiquæ ratio excommunicationis, ejusque jus non erant effectus jurisdictionis respectu excommunicati. Nimirum sicuti olim communi concedebatur, cum quis etiam alienos subditos suæ communionis participes faciebat, ita excommunicatio, quæ communioni opponitur, nihil aliud erat quam aliquem à sua communione repellere; quod cum fieri posset etiam in eos, qui subditi non sunt, & in quos etiam nulla propria jurisdictio est, hinc excommunicatio ad jurisdictionem alius pertinere videtur. Tunc videlicet proprie Episcopi jurisdictionem exercent, cum suos subditos excommunicatione plectunt, non item cum animadvertunt in eos, qui sibi subjecti non sunt. Ita argumentatur Febronius, qui Summo Pontifici subesse negat eos, qui aliis Episcopis subditi sunt, quod sane idem est, ac tollere primatum jurisdictionis, quam Summum Pontificem in totam Ecclesiam habere, inter catholicos omnes constat. Sane si hac jurisdictio sese effundit in Ecclesiam universam, si quotquot in ea versantur Romano Pontifici subijciuntur, si ipse Christi institutione præest omnibus tum Episcopis, tum vixis gregis Domini, manifestum est, quod cum ipse fert excommunicationem, non in alienos subditos, sed in eos, quos sibi vere, & proprie jure primatus subiectos habet, sententiam dicit. Itaque quemadmodum excommunicatio Episcopi in suos diocesanos verus est actus jurisdictionis, quoniam in eos imperium, & potestatem habet, ita excommunicatio Romani Pontificis in omnes Christianos verus, & proprius est jurisdictionis actus, quoniam ita fert indoles, & natura Primatus, ut omnes ei subijciantur. Ex quo facile evertitur quod Febronius dicit de non metuendis Romanorum Pontificum excommunicationibus. Nam si Pontifex jurisdictionem in omnes Christianos habet, omnes certe tenentur excommunicatione, quæ ab eo lata est. Inelegantissima est autem distinctio inter Papam, & Curiam Romanam, cum excommunicatio non à Curia, sed à Summi Pontificis auctoritate vim habeat, eodemque habenda loco est altera distinctio inter Sedem Romanam, cuius præsentem Summum Pontificem, quam distinctionem late retulit Balerinus de *Vi ac ration. Prin. R. Pontif. c. 14. §. 5. n. 23. seq. p. 241. seq. id. cit.*

(2) Quæstionibus in *Proposit. 90.* quam cum cæcis damnavit Clemens XI. *Constit. Unigenitus 187. p. 340 t. 10. Bullar. Romana i ceteris,* inquit auctoritatem excommunicandi habet, ut iam exerceat per primos pastores, de consensu saltem præsumpto, totius corporis. Idem enim eo sentit Van-Espenius de *Censur. c. 2. §. 1.*, eodemque recidit sententia De papi de *Antiq. Eccles. discipl. Diss. 4. c. 1.*, Febronii de *Statu Eccl. c. 1.*

S. 6^o, ceterorum, qui damnatam Edmundi Richerii sententiam sequuntur, & clavium potestatem collectam menibus Ecclesie omnibus inesse arbitrantur, sed ejus usum, & exercitium ad Episcopos, & Sacerdotes pertinere. His vero preest Luheras, qui in nefario opere, quod *Cupritivatem Bayonicam* inscribit, opp. t. 2. p. 85. ed. Wittemberg. 1562. omnes, inquit, summas sacerdotes, potius Christiani summus; sacerdotes vero, quos vocamus, ministri sunt ex nobis electi, qui nostro nomine omnia faciant, & Sacerdotum auctoritas nihil est, quam ministerium... Neque Papa, neque Episcopus, neque alius hominum habet jus unius glorie constituendæ super Christianum hominem, nisi id fiat ejusdem consensu, quidquid aliter fit, ipso auctoritate spiritus sit. At innumera sunt testimonia Patrum, qui uno omnium consensu decernunt, clavium, seu ligandi solvendi que potestatem Ecclesie Patribus à Christo datam fuisse, illorum autem nemo omnino est, ut animadversum Bossuetius de l'Historie des variations. lib. 15. n. 120. & 121., qui hanc potestatem cunctis Ecclesie membris sive disjunctim, sive collectim traditam existimet. Id nosci potest ex Clemente Romano Petri audite Ep. 1. ad Corinth. n. 40. apud Constantium Ep. Rom. Pontif. col. 28., Ignatio Ep. ad Ephes. n. 6. apud Cotelerium PP. Apostolic. t. 2. p. 13. ed. Amstelæd. 1724., Irenæo, cujus ex l. 3. Contr. hæres c. 3. seqq. descripsit, egregieque illustravit loca Renatus Massuetius Diss. 3. in Oper. S. Irenæi art. 3. n. 16. seqq. t. 2. p. 123. ed. Ven., Polycrate Ephesio, cujus ex epistola sententiam refert Eusebius Hist. l. 5. c. 24. p. 243. ed. Cantabrig., Clemente Alexandrino Pædagog. l. 1. c. 6. p. 120. ed. Ven. 1757., Origene Hom. 22. in Numer. n. 4. t. 2. opp. ed. Maurin. Paris & Comment. in Math. tract. 12. n. 14. t. 3. p. 529, Saturnino Tolosatium Episcopo apud Ruinartium Act. martyr. n. 1. 5. qq. p. 109. seqq. ed. Veron. 1731., Demetrio Alexandrino, Alexandro Hierosolymitano, Teoctisto Cæsariensi, Babyla Antiocheno, Dionysio Alexandrino apud Eusebium Hist. l. 6. c. 8. 10. 11. p. 265. seq. c. 27. p. 292., c. 34. p. 298., c. 44. & 46. p. 316. & 319. l. 7. c. 5. p. 323., c. 7. q. 11. p. 327. 329. 334., Cornelio Romano Ep. ad Cyprianum apud Constantium Ep. Rom. Pontif. col. 135. seq., Cypriano Ep. 3. ad Rogation. p. 172. ed. Amstelæd. 1700., Ambrosio de Penitent. l. 1. c. 2. n. 7. p. 253. t. 5. ed. Ven. 1781., Athanasio Ep. ad Constant. in Histor. Adrianor. ad Monach. n. 44. opp. t. 1. p. 293. ed. Patavii 1777., Gregorio Nazianzeno. Orat. 1. p. 31. ed. Colonie 1695. Orat. 9. p. 158. & Orat. 17. p. 271., Basilio Ep. 42. ad Chilonem n. 4. opp. t. 3. part. 1. p. 128., Ep. 69. ad Athanas. n. 1. p. 161., Ep. 161. ad Amphuloch. n. 2. p. 250., Ep. 189. p. 427. ed. Maurin. Paris. 1730., Paciano Ep. 1. ad Sympronium in Biblioth. PP. t. 4. p. 306 & seq. ed. Lugdun. 1677., Optato Milevitano Contr. Donatist. l. 2. c. 4. & seq. p. 35., & l. 7. c. 3. p. 111. & seq. ed. cit., Joanne Chrysostomo de Sacerdot. l. 2. n. 2. opp. t. 1. p. 572. ed. Maffaueon. Paris., & l. 3. n. 5. p. 385. Homil. 3. ad Pop. Antiochen. n. 2. t. 2. p. 38. Mitto cæteros Ecclesie Patres, ut aliquem faciam scribendi modum, & mitto auctoritatem tot Conciliorum, quæ usque ad hanc nostram ætatem numerantur, quæ semper ab Episcopis habita sunt, & in quibus contra

hæreticos lata est excommunicatio, legesque ecclesiasticæ ab Episcopis constitutæ. Placeret tamen adhuc pauca quendam seligere ex innumèris, quæ dari possent, Gallicanæ Ecclesiæ testimonia. Anno 1728. cum ex voluntate Ludovici XV. Christianissimi Regis Parisiis Episcopi 31. ad habenda comitia convenissent, de consultatione quadam sententiam rogati dixerunt, fundamenta impeti fidei nostræ, oppugnatique principia, quæ nos ab hæreticis discernunt, opinione eorum, qui spiritualem potestatem à Christo Ecclesiæ datam residere defendunt in integra societate, ab eaque committi, credique Pastoribus usum, & exercitium hujus potestatis. Vide opusculum inscriptum *Représentations justes, & respectueuses à Nosseigneurs les Cardinaux, Archevêques, & Evêques, assemblés extraordinairement à Paris par les ordres du Roy pour donner à sa Majesté leur avis, & jugement sur un écrit imprimé, qui a pour titre Consultation &c.* His autem Episcopis 31. præiverant Antistites centum, qui anno 1720., & antea quadraginta, qui anno 1713. & 1714. Parisiis comitia celebrabant, quibus porro alii plus sexaginta adhæserant. Horum autem doctrina fuit: *Il est vrai, que le pouvoir d'excommunier a été donné à l'Eglise en la personne des Premiers Pasteurs, & si la proposition ne alloit pas plus loin, elle seroit orthodoxe; mais il n'est pas vrai, que les Premiers Pasteurs le reçoivent du corps de l'Eglise, c'est à dire des fideles. Le prouver d'excommunier fait partie des clefs, que Jesus-Christ même donna aux Apôtres immédiatement, & dans leurs personnes aux Evêques, qui sont leurs successeurs. Consultez les Conférences de Luzon t. 7. Conf. 19. qu. 1. p. 299. L'instruction Pastorale approuvée par l'assemblée de Messieurs les Cardinaux, Archevêques &c. proposée à Messieurs les Prelats absens in Process. verbal Cleri an. 1713. & 1714. p. 111. ed. an. 1714. item Le Mémoire présenté au Roy par l'Archevêque de Cambray l'an. 1734. & Déclarations Regis 4. Aug. 1720., & 24. Martii 1730. t. 12. Act. Cleri Gallie. p. 1642. & 1645. Alia bene multa Gallicanæ Ecclesiæ, quin etiam Ecclesiarum omnium, Patrumque ea de re testimonia habet Mamachius, qui totum hoc argumentum innumèris propè collectis monumentis solide, copioseque tractavit Ep. 3. ad Febron. per 100. l. 2. §. 1. & seq. p. 27. & seq. Videri sunt etiam ipse Mamachius Anrj. Christian. t. 5. p. 259 & seq., Petavius de Hierarch. Eccles. l. 3. c. 14. & seq. t. 6. p. 165. seq. ed. Venet. 1757., P. la Fontaine Constit. Unigenitus theol. prop. 3. col. 1139., Niccolius in lib. Les prétend. réformez. convainc. de schisme, Bossuetus Histor. variat. l. 15. n. 120. & seq., Jo. Baptista Faure Diss. diverr. Richeristas in thesaur. theol. t. 12. opp. 4. p. 263. ed. l. c. 1703., Bilierrinius de Potest. eccles. Sum. Pont. & Conc. gener. c. 1. §. 1. seqq. p. 1. seqq. ed. Augustæ Vindelic. 1770. Veith peculiari libro cui titulus Kucherii systema confut., Zaccaria in Anti-Febron. t. 1. c. 4. Diss. 1. & Diss. 3. della Forza obbligatoria della disciplina.*

(3) Magistratus, ac Principes ecclesiasticis censuris fuisse subjectos eodem modo, quo reliqui omnes subiciebantur, late ostendit Binghamus Orig. eccles. l. 16. c. 3. §. 5. t. 7. p. 130. & seq. ed. cit. Præterea ejus rei testimonia sunt in Concilio Eliberitano Can. 2. 3. 55. 56. t. 1. Con-

cil. col. 992 & 998 Collect. Labbæi, in Concilio Valentino II. t. 6. col. 669 Arclatensi l. Can. 7. t. 1. col. 1451. apud Synesium Ep. 5. p. 201. ed. Paris. 1633., Basilium ad Athanas. Ep. 61. p. 155. t. 3. ed. Paris. 1730. Ambrosium Ep. 40. n. 17. ad Theod. opp. t. 6. p. 134. ed. Ven. 1781. Eusebium Histor. eccles. l. 6. c. 34. ibique Valesium in Not. p. 298. ed. Cantabrig. Jo: Chrysostomum in S. Babylon Contr. Julian. & genil. n. 6. opp. t. 2. p. 645. ed. Montfauconii Paris., Paulinum in Vit. Ambrosii n. 19. opp. Ambrosii t. 7. p. 6. ed. cit., Theodoretam Histor. l. 5. c. 18. p. 1. ed. Cantabrig. Confer etiam Acta Clerici Gallicani t. 12. p. 10. & p. 569. seq. ed. Paris. 1740. Henricus Hungaria Rex ab Innocencio III. P. petiit, atque impetravit, ut ejus consilarii, & familiares nisi pro manifestis & rationabili causa, & canonica monitione premissa excommunicatione non afficerentur, sicuti patet ex ejus Ep. 511. l. 1. t. 1. p. 295. ed. Bidezii Paris. 1687. Quia etiam Galliarum Regibus à Romanis Pontificibus concessum est, ut in terra Regia nemo sine speciali mandato Sedis Apostolicæ excommunicationem, vel interdictum ferre posset, sicuti constat ex literis Philippi VI. an. 1335. apud de Lauriere t. 2. Ordinat. Reg. Franc. p. 103.

(4) Marsilius Patavinus in Defensor. Pacis sæculo XIV. aliquem excommunicare, atque à Divinis officiis arcere sine fidelis Legislatoris, hoc est sine Principis auctoritate nulli Episcopo, aut Sacerdoti, vel eorum collegio licere existimavit. Quotquot sunt Protestantes, qui vel Anglicano schismati adhaerent, vel Principi in sacra jura omne tribuunt, vel Ecclesiam collegi in membris esse arbitrantur, & ea est, qui ei cogentem potestatem adiungit, quique supra descripti sunt, Marsiliu errorem sequuntur. Sed antea etiam Petrus de Corbaria Anti-Papa, alique, quorum meminit Johannes XXII. in Extrav. g. Dulcis alia diuina apud S. Antoninum 4. 2. Theol. t. 11. c. 7. §. 5. asseraverunt, omnem jurisdictionem, quam Prælati habent majorem, quam alii, ab imperatore procedere, quod est à Principe etiam jure excommunicationis repetere. Idem est error Valdensium, Wicleffii, Joannis Hussi, Lutheri, Calvini, Meantoniis. Van-Espenius de Censur. c. 2. §. 5. licet Principis in Gallico censurarum auctoritatem tueretur. Auctor anonymus, cui titulus La Chiesa e la Repubblica dentro i loro limiti, Principes jure habere contentali cognoscendi jurisdictionem, aut jurisdictionem excommunicationis, idemque sentiunt Vanetius, Continius Auctor libri Riflessioni sulla Bella Pace, Pereira Dottorina del diritto Chiesa intorno la supremazia pontificia, Antoinis Genovesius de Jur. Eccles. c. 8. §. 38. in externis actionibus, quo divinas jura propugnantur, & in Repubblica ministrantur, Sacro Imperio in civilibus contentum putat. His præterea Prætor Saggius, Fexerius, Simon Vigorius, Da-Pianus. Giammusius, ceteri similes. Sed hunc de sententia late refutavit M. Antonius Capellus Majoria in lib. Bononiæ edito an. 1610. Advers. prætor. p. 104. R. g. Angl. c. 13. & seq. Arclat. E. l. 1. p. 112. & seq. Duval. de Sup. Pontif. in Eccles. potest. in Basilien. l. 1. q. 1. Rocavertius t. 3. p. 405. & seq., Franciscus Antonius de Simonibus de Rom.

Pontif. judicial. potest. t. 2. c. 21., de Marca in libello, quem an. 1646. Barcinone edit, atque iterum impressit Baluzius in *prolegomenis* ad opus de *Concord. Sacerdot. & Imper.*, Cardinalis Tencin Arch. Ebredunensis *Mandement*, contre le memoire des MM. les 40. *Avocats de Paris pour le Sieur Samson*. p. 17., Auctor tractatus de la *Jurisdiction ecclesiastique* in t. 6. *Autor. Cleri Gallicani*, Archiepiscopus Parisiensis Beaumont in *Celebr. Instruction*. an. 1756. De l'autorité de l'Eglise, Auctor operis *Des deux puissances*, virique clarissimi Gerbertus princ. Theol. Can. sect. 1. de *Jur. Sacr.* p. 22. seq. & c. 3. sect. 2. §. 83. & seq. *Princip. Theolog. exeg.*, *Zaccaria de Discipul. diss.* 2. & 3., & *Anti-Febron. vindic.* *Dier.* 12. c. 1. *Mimachus ad Febron.* Ep. 1. §. 19. t. 1. p. 301. & seq. Sane Christus non Principibus, sed solis Apostolis, atque in primis Petro tribuit excommunicandi potestatem, quæ in potestate ligandi fundata est, eam ab uno Christo Paulus repetit, eaque semper Ecclesia usa est jure suo, neque ullæ anquam in eo negotio partes laici Principis fuerunt. Sunt autem prope innumera testimonia Patrum, qui laicos Principes in res omnes ecclesiasticas imperia non aliquid, & auctoritatem habere negant; atque hi, præter cæteros, sunt Athanasius *Histor. Arianor. ad Monach.* n. 11. p. 277. n. 14. & 15. p. 278. n. 17. p. 279. n. 33. p. 287. & n. 52. p. 297. opp. t. 1. *ed. Patavii* 1777. Osius Cordubensis apud Athanasium *ib.* n. 44. p. 297. Lucifer Calaritanus l. 1. *pro Athanas.* p. 61. *ed. Ven.* 1778. Hilarius Pictaviensis l. 1. *ad Constant.* n. 1. t. 1. col. 535. *ed. Verona* 1730. Liberius P. apud Athanasium *Histor. Arian.* n. 36. p. 288. & apud *Constantinum Ep. Rom. Pontif.* col. 431 & seq. Basiliius M. Ep. 235. p. 344. t. 3. *ed. Paris.* 1730., Gregorius Nazianzenus *Orat.* 17. *opp. t. 1.* p. 271. *ed. Colonia* 1690., Gregorius Nyssenus *Opp.* t. 3. p. 366. *ed. Paris.* an. 1639. Ambrosius Ep. 20. n. 19. p. 48. & Ep. 21. *ad Valentinian.* p. 52. *opp. t. 6.* *ed. Ven.* 1781. & *Serm. contr. Auxent.* n. 5. p. 56. & n. 30. & seq. p. 62. & n. 36. p. 63. t. 6., Martinus Turicensis apud Silpitiu Severum l. 2. *Histor. eccles.* p. 346. t. 4. *Biblioth. PP. ed. Lugdun.* 1677. Hieronymus in *Italam* c. 17. v. 10. *opp. t. 4.* *ed. 725.* *ed. Palmaria* 1771. & Ep. 14. *ad Himeri.* n. 8. col. 33. t. 1., Joannes Chrysostomus *Homil.* 3. *ad Pop. Antiochen.* p. 36. t. 2. *opp. ed. Paris.* 1730. & *Serm. contr. c. 14.* p. 390. t. 1. & Ep. *ad Episc.* & *Præb.* n. 1. *ed. Paris.* 1730. t. 3. p. 526. & Ep. *ad Innocentium I. P.* p. 5. 7. t. 4., Optatus Milevitanus *de Schism. Donatis.* n. 13. p. 14. *ed. Antwerp.* 1702. Anastasius Ep. 43. *ad Gloriam & Eleusium* n. 20. col. 97. *opp. t. 2.* *ed. Maurin.* *Ven.* 1729. Isidorus Pelusiotes l. 3. Ep. 249. p. 239. *ed. Ven.* 1733. Gregorius P. Ep. *ad Anastas. Imp.* apud Libbæum t. 5. *Conc. eccl.* 566. Felix III. Ep. *ad Zozim.* apud eundem *ib.* col. 147., Iovinianus Damascenus de *Imag.* n. 2. 6. 12. *opp. t. 1.* p. 33. *ed. Le Quien Paris.* 1712. Non potius agnoscerent hæc disceptantes, si non ppi imperat res Constantinus post habitum a Concilio Arduense, vide Augustinum *cit. Ep.* 41. Theodosius Ep. *ad synod. Ephesin.* an. 431. *Proc. I. C.* 35. *quod. Conc. as. III.* *verum* 3. *Proc. n. 277.* *ed. ch.* & Valentinianus apud Symonem *Histor. l. 6. c. 7.* p. 227. *ed. Cantabrigiæ & Ambrosium Ep.* l. 1.

§. XIII. Excommunicatio tantum fertur in Christianos, quoniam ex Ecclesia expelli non possunt infideles, qui jam extra Ecclesiam sum (1), & vero fertur à legitima Potestate in eos, qui sibi subjecti sunt. Quare excommunicatio Episcopi illos afficit (2), qui in ejus diœcesi sunt, excommunicatio Summi Pontificis omnes obstringit, quotquot Ecclesiæ in orbe Christianos subsunt, quoniam ejus potestas, & jurisdictio complectitur Ecclesiam universam. Parere autem excommunicationi, etiam injustæ, quæ tamen à legitima Potestate lata sit, Christiani omnes debent (3); quoniam subjectorum est obedire legibus, quæ à Præpositis feruntur, neque ipsis de earum justitia agere judicium licet.

(1) *Quid mihi de his, qui foris sunt, judicare?* Inquit Apostolus I. ad Corin. V. 12.

(2) Ad Episcopos, qui sunt Apostolorum successores, pertinet jus excommunicandi. Præclare S. Thomas in 4. Sentent. dist. 18. qu. 2. art. 2. questione. 1. In foro conscientie, inquit, causa agitur inter hominem, & Deum; in foro autem exterioris judicii causa agitur inter hominem, & Deum, ideo absolutio, vel ligatio, quæ unum hominem obligat, & quod Deum, tantum pertinet ad forum penitentiae. Sed illa, quæ hominem obligat in comparatione ad alios homines, ad forum publicum exterioris judicii pertinet; & quia per excommunicationem homo à communione fidei non separatur, ideo excommunicatio ad forum exterius pertinet, & illi solum possunt excommunicare, qui habent jurisdictionem in foro judiciali, & propter hoc soli Episcopi propria auctoritate, majores Prelati possunt excommunicare, non Presbyteri Parochiales. Hinc in Can. 1. c. 15. qu. 2. excommunicatio Mucro Episcopi appellatur. Paulus Mengonius dissertatione Florent æ edita an. 1732. de Eminentiiori Parochiæ dignitate supra canonicos nixus Decretali Alexandri III. i. c. 3. de Offic. juhc. ordin. demonstrare conatur, etiam Parochos ordinariam in foro externo jurisdictionem habere, eosque idcirco ferre excommunicationem posse. Sed eum refutavit Jo. Dominicus Larius alia dissertatione Pisæ edita ann. 1733. Revera Parochos ea potestate carere, inter omnes constat, idque, præter cæteros, late ostendit Gonzalez in cit. c. 3. n. 2. Illa autem Alexandri constitutio, qua Mengonius nititur, pertinet ad Parochum, qui non ordinarius, sed extraordinarius jure, videlicet ex peculiari privilegio, aut ex præscripta consuetudine, vel ex aliquo simili jure excommunicationem infligerat.

(3) S. Gregorius M. Hom. 26. in Evang. S. Joann. n. 6. opp. t. 1.

col. 1556. ed. Paris. 1705. Id autem, inquit, qui sub manu Pastoris est, ligari timeat vel injuste, nec Pastoris sui iudicium temere reprehendat, ne etsi injuste ligatus est, ex ipsa tumido reprehensionis superbia, culpa, quæ nunc erat, fiat. Confer etiam S. Augustinum de Baptismo Contr. Donatist. l. 1. c. 17. opp. t. 9. col. 93. ed. Ven. 1733., Nicolaum I. P. ad Episc. & Cleric. Patriarch. Constantinopol. Ep. 19. n. 6. apud Labbæum t. 9. Concil. col. 1381., & Concilium Quindecimburgense an. 1085. Can. 1. apud eundem t. 12. col. 631. Id vero est intelligendum de excommunicatione, quæ evidenter injusta non sit. Nam excommunicatione, quam injustam esse manifesto constat, neque in interno, neque in externo foro aliquem obstringi, fere omnes sentiunt, ut ostendit Fagnanus in c. 11. de Solut. n. 10. & seq. Sed Quesnellus Prop. 91. 92. 93. generatim statuit, omnem injustam excommunicationem non esse metuendam, quoniam per eam ab Ecclesia non eximus, sed potius est imitari S. Paulum, & Jesus sanat vulnera, quæ præceptis Primorum Pastorum festinatio infligit, sine ipsius mandato. Petrus de Marca Concord. Sacerd. & Imper. t. 1. c. 3. §. 6. & 7. crimina ecclesiastica, ac secularia distinguit, & pro his postremis nonnisi injuste, & illegitime censuras infligi posse contendit. Doctrinam hanc, quam pridem Jo. Parisiensis, Gersonius, & quidam alii tradiderant, arripuit Ginnonius à Bianchio notatus, & arripuit etiam Pereira in libro *Dottrina de la Chiesa &c.* Continuus Auctor libri *Reflessioni sulla Bolla Canæ* excommunicationem tantum propter hæresim, morumque doctrinam ferri posse asseverat, planque despicit censuras, quæ propter disciplinam in causis temporalibus, aut mixtis infliguntur. In idem fere recidit sententia Febronii c. 9. §. 7. n. 8. de Stat. Eccles., & Auctoris libri *La Chiesa è la Repubblica dentro i loro limiti* p. 127. Adversus hos omnes copiose, accurateque scripserunt Paulus à Luguno *Anti-Exapl. prop. 91. & seq. t. 2.*, Viva Thos. Quesnell. prop. cit., Fontana *Const. Unigenitus theol. g. prop. 1. 3. & 4. cit. prop.*, Languerius *Prem. Avertissem. aux Appellans.* an. 1718. n. 15., Bianchius in Giannonium t. 2. l. 6. §. 3. n. 5. p. 411., Cl. Zaccaria *Diss. 3. della Forza obbligatoria della disciplina* p. 279., & *Anti-Febron.* t. 3. *Diss. 3. c. 2.* Vidende sunt etiam les Conférences de Luzon *Conf. 194.* t. 3. p. 333. & seq. t. 7. Sane Christus, qui Ecclesiam non audivit, tamquam ethnicum, & publicanum haberi voluit; & hoc quidem loco habere potestatem etiam Ecclesiam constituendi disciplinam, inter Catholicos omnes constat. Paulus I. ad Corinth. V. 5. excommunicavit incestum Corinthiensem propter publicum scandalum, quod ad disciplinam pertinet. Sunt autem prope innumera ex antiquitate ecclesiastica monumenta excommunicationum, quæ propter disciplinam in rebus temporalibus, aut mixtis infliguntur. Seligam S. Leonem M. Ep. 4. t. 1. col. 616. ed. Ballein. Ven., cujus hæc verba sunt. *Hoc itaque admonitio nostra deserviat, quod si quis fratrem contra hæc constituta venire tentaverit, & prohibita fuerit ausus admittere, a suo se noverit officio submovendum, nec communionis nostræ futurum esse consortem, qui socius esse nolit discipline.* Patres Concilii Arelatensis an. 314. contra Donatistas habiti Can. 7. t. 1. Concil. col. 1451. Collect. Labbæi: de

Præsidibus, inquit, qui fideles ad Præsidatum præstolantur, placuit, ut cum promoti fuerint, litteras accipiant ecclesiasticas communicatorias, ita tamen, ut in quibuscumque loci, gesserint, ab Episcopo ejusdem loci cura de illis agatur, & cum ceperint contra disciplinam agere, tum demum a communionem excludantur. Similiter adversus eos qui violarent disciplinam in rebus temporalibus, aut mixtis, statuta est excommunicatio à Concilio Carthaginensi IV. c. 95. t. 2. Concil. col. 1444. Collect. ejusd., à Concilio Aurelianensi III. Can. 22. § 23. t. 5. col. 1280., à Concilio Arvernensi an. 535. Can. 15. t. 5. col. 952., Matisconense II. anni 585. Can. 5. t. 6. col. 675., à Concilio Trullano seu Quini-Sexto Can. 69. 71. 74. 96. t. 7. col. 1379 § seq., Constantinopolitano IV. Œcumenico. Can. 17. t. 10. col. 644. ed. Ven.

§. XIV. Quando autem excommunicatio gravissima est inter pœnas ecclesiasticas, nonnisi ob grande crimen irrogari debet; cum nihil pejus Christiano homini possit accidere, quam ab Ecclesia separari, eique interdicti sacris, atque aditu, congressuque orthodoxorum. Hinc cum ferenda est excommunicatio, primum expendere oportet genus criminis, ut noscatur, num illud tam gravi pœna sit dignum (1); deinde monendus est criminosus, ut se colligat, atque à pravo instituto removeatur (2). Quæ monitio bis, ac tertio repetitur, eaque *competens*, & *canonica*, appellatur (3), quoniam ex ea satis constat criminosum in peccatis obfirmitate animo hædere.

(1) *Can. 41. 42. 43. c. 11. qu. 3.* Vide etiam Augustinum *de Fid. & oper.* c. 19. & 26. *opp. t. 11. col. 550. & 558. ed. Ven. 1707.*, & S. Leonem M. *Ep. 10. c. 8. opp. t. 1. col. 640. ed. Bâlerin. Ven. 1753.*

(2) Concilium Tridentinum *Sess. 25. c. 3. de Reform., Can. 42. c. 11. qu. 3.*

(3) *Cap. 48. de Sentent. excomm., c. 5. col. in 6.*

§. XV. Synodus Lugdunensis, quæ habita est Gregorio X. Pontifice, iudiciis sive tres admonitiones, sive unam pro omnibus adhibere permisit; verum una hæc admonitio instar omnium est; nam aliquot dierum intervalla sunt observanda, antequam sententia feratur, nisi aliud necessitas fieri jubeat (1). Tridentina Synodus (2), ut coerceret arbitrium iudicum, qui etiam non admonitos excommunicabant,

duas saltem monitiones emittendas statuit, antequam ea poena irrogetur.

(1) *Cap. 9. eod. in 6.*

(2) Concilium Tridentinum *loc. cit.*

§. XVI. Excommunicatus à suo Episcopo ab alio absolvi nequit (1), excepto Summo Pontifice, qui ab aliis inflictam excommunicationem ex ampla, quam habet in tota Ecclesia, jurisdictione remove potest (2). Lata vero ab una Ecclesia excommunicationis sententia in aliis quoque servanda est (3). Nam ea poena territorio non circumscribitur, sed criminiosum sequitur, quocumque ipse venerit (4); ac præterea mutuum foedus, & conjunctio Ecclesiarum ita postulat, ut ab aliis quoque Ecclesiis ratæ firmæ habeantur poenæ, quas una Ecclesia in fontes constituit. Hinc mos inolevit, ut Ecclesiae per litteras encyclicas certiores facerent cæteras Ecclesias de iis, quos communione prohibuerant (5); neque alia nunc disciplina est (6).

(1) *Can. 2. c. 11. quest. 3. Concilium Carthaginense II. c. 7. apud Labbæum t. 2. Concil. col. 192. ed. Ven., Lugdunense II. Can. 4. t. 6. col. 530., Ivo Carnotensis Ep. 76. opp. par. 2. p. 38. ed. Paris 1647. Vide Fagnanum in c. 12. de Peniten. & remiss. n. 80.*

(2) Confer S. Leonem M. Ep. 32. opp. t. 1. col. 859. & seq. ed. Ballerin. Ven. 1753. Mitto reliqua exempla, quorum ecclesiasticæ historiæ plenæ sunt.

(3) *Cap. 1. de Tregua & pace. Consule præterea Canones Apostolorum 10. & 25. apud Cotelierum PP. Apostolic. t. 1. p. 443. & 446. ed. Amstelæd. Concilium Eliberitanum Can. 53. t. 1. Concil. Collect. Labbæi col. 998., Arelatense I. Can. 16. ib. col. 1452., Nicænum Can. 5. t. 2. ib. col. 63., Antiochenum Can. 6. eod. t. 2. col. 587. ibi, Sardicense Can. 13. eod. t. 2. col. 678. Cesaraugustanum Can. 5. t. 2. col. 1196., Milevitanum Can. 18. t. 3. col. 384.*

(4) *Adi-sis Fagnanum in c. 1. de Tregua & pace n. 6. & 7.*

(5) *Can. 20. c. 11. quest. 3. Vide etiam S. Cyprianum Ep. 59. col. 56. ad Cornelium p. 259. ed. Amstelæd. 1700. S. Augustinum Ep. 235. al 74. ad Deuterium opp. t. 2. col. 848. eod. cit., Socratem Hæst. l. 1. c. 6. p. 10. ed. Cantabrig., Concilium Toletanum t. Can. 11. t. 2. Concil. col. 1472. Collect. cit.*

(6) *Consule Pontificale Romanum tit. 17. par. 3. §. 12. p. 181. ed. Catalani Romæ.*

TITULUS XIX.

De Interdictum.

- | | |
|---|--|
| I. Interdictum locale, personale, mixtum. | IV. & V. Generalis interdicti modus. |
| II. Generale, vel particulare. | VI. In quo feratur interdictum? |
| III. Quod generale, quod particulare sit? | VII. Poenæ eorum, qui interdictum violant. |
| | VIII. Cessatio à divinis. |

§. I.

Interdictum est censura, qua quibusdam locis, aut personis Divinis officiis, Sacramentis, atque usu ecclesiasticæ sepulturæ interdictur, Est autem vel locale, quod locum ipsum afficit, ita ut eo quidem loco abstinere se quisque debeat à divinis officiis, à Sacramentis, ab usu Ecclesiasticæ sepulturæ, non item cum non amplius in eo loco versatur; vel personale, quod personam attingit, & quocunque eat persona, eandem sequitur; vel mixtum, quod & locum, & personam comprehendit.

§. II. Est item tum locale, tum personale interdictum vel generale, vel particulare. Locale interdictum generale est, quod ad integram nationem, regnum, provinciam, civitatem, diœcesim; particulare, quod ad unam tantum Ecclesiam pertinet. De utroque hoc interdicto notandum est, quod interdicta civitate, etiam *suburbia*, & *continentia ædificia*, interdicta Ecclesia, etiam *Capellæ*, & *Cæmeterium Ecclesiæ contigua* interdicta censentur (1).

(1) *Cap. 10. & 17. de Sentent. excomm. in 6.*

§. III. Personalem interdictum generale fertur vel in totum Clerum, quo nomine reliquus populus minime continetur, vel in populum, & hoc quidem interdicti genus non comprehendit clerum, nisi aliud cautum nominatim sit (1). Particulare autem personale interdictum certos obstringit homines nominatim expressos, cæteros non obstringit Generalium interdictorum non recens, ut quidam pu-

tant (2), ratio, institutioque est. Nam antiquissima ætate interdicto quandoque subjecta constat universa collegia, & civitates, & provincias, & regna ipsa ob atrox aliquod Regum, & Magistratuum facinus, ut populus interdicti tedio victus suo luctu, & querelis Principem ad officium revocaret (3).

(1) *Cap. 16. de Sentent. excom. in 6.*

(2) *Rossellius lib. 8. Pontif. juris. l. c. 1. n. 31.* nondum constare inquit, quoniam tempore generalis interdicti usus invaluerit. *Morus l. 2. Exercit. c. ult. à sæculo X. ejus initium repetit; eademque est sententia Van-Epenii Jus Eccl. univers. par. 3. tit. 11. c. 9. §. 19. Claudius Fleury in Inst. Canonic. par. 3. c. 21. §. 2. primum generalis interdicti exemplum se deprehendisse inquit sæculo VI., sed tamen generales excommunicationes, & interdictum tantum post S. Gregorium VII. invaluisse. Binghamus Orig. Eccles. l. 16. c. 3. §. 7 p. 156. & seq. 1. 7. ed. cit. multis exagitat generalia interdicta, neque alia est sententia Cavalarii Inst. Canonic. par. 3. c. 36. §. 4. & 5. Continus Auctor delle Riflessioni sulla Bulla Cene p. 18. interdictum vocat Nuovo modo di scomuniche, che per mille anni era stato ignoto nella Chiesa. Ante hos Apertata M. Antonius de Dominis de Republ. l. 5. c. 9. n. 38 & Paulus Sarpinus in Tract. sept. Theolog. Ven., & peculiari opere dell'interdetto multa contra generale præsertim, ac locale interdictum scripserunt Graviter tamen, ac solide contra hostes interdicti d'sserunt Bellarminus *Risposta al trattato dei sette teologi di Venezia sopra l'interdetto di N. S. P. Paolo V.*, Rutilius Benzoni de Justit. Pontific. interdict. Baroniæ Parones. ad Rempubl. Ven., Fagnanus de Justit. & validit. censur. Pauli V. denique sunt etiam Auctor operis Conférences Eccl. siatiques d'Angers pour l'anne 1712. t. 1. p. 324., & Cl. Zaccaria Diss. 3. della Forza obligatoria della disciplina num. 37.*

(3) Generalis interdicti satis clarum exemplum est in Canone 29. Apostolorum apud Cotelierum PP. Apostolic. t. 1. p. 447. ed. cit., cujus hæc verba sunt: *Si quis ordinatus Episcopus administrationem, & curam populi sibi traditam non suscepit hic sit segregatus. . . Sin vero profectus Episcopus non recipiatur sed propter populi malitiam, ipsi qui item sit Episcopus, Clerici vero civitatis segregentur, quia ejusmodi populi contumaces non faciunt correctores.* Habes hic generale interdictum in totum clerum constitutum. Etiam Basilius Ep. 270. opp. t. 3. p. 517. ed. Paris 1730. intergram pagam, quod raptorem cum rapta puella susceperat, neque eam restituerat, interdicto subiecit. Generalis quoque interdicti exempla sunt apud S. Gregorium Taronensem *Histor. Franc. l. 8. c. 31. col. 404. ed. Paris 1699*, & in Concilio Agathensi an. 506., cujus decretum extat in c. 2. de Purgat. canonic. ubi propter bannum Christianitatis contrarios nemo-tatur, Nam bannus Christianitatis eo loco est interdictum, quod in Can. 6.

Sinodi Confluentinæ dicitur *bannus Dei*, & in Concilio Tiburiensi *Can. 9. bannus Episcopalis*. Confer Gonzalezium in *c. 2*, & Cironium *Observat. jur. Canon. l. 1. c. 16*. Recentiori ætate generalia interdicta occurrunt in Constitutionibus Synodalibus Gualterii Archiepiscopi Senonensis, quæ editæ sunt an. 828., ubi interdictum comprehenditur his verbis *antiquum statutum Con. illi provincialis renovantes Harduinus t. 6. Concil. par. 1. col. 560.* item apud Muratorium *Annali d'Italia an. 872. t. 5. p. 1. p. 135. ed. Rome 1752.* qui narrat Hadrianum II. P. Neapolitanum Civitatem interdicto obnoxiam se esse, apud Hincmarum Remensem *Ep. 30. 31. 32. opp. t. 1. p. 591. & seq. ed. Paris. 1645.* qui interdictum memorat initio sæc. li IX. ab Hincmar Laudunensi latum adversus Ecclesiam suam, apud Nicolaum II *Ep. 3 in Histor. Franc. Duchesni t. 4. p. 1199. ed. Paris. 164*, in Concilio Lemovicensi II. *Sess. 2. t. 11. Concil. Collect. Labbæi col. 1244. ed. Ven.* apud Ivonem Carnotensem *Ep. 50. 121. & 164. opp. t. 2. p. 23. 54. 113. ed. Paris 1647.*, apud S. Gregorium VII. *l. 1. Ep. 81. & l. 2. Ep. 5. t. 12. Concil. ejusd. Collect. Labbæi col. 291. & 302.* apud Alexandrum III. in *c. 11. de Spm. al.*, & in *c. 22. de Offic. & potest. jud. deleg.*, in Chronico Mauriniacensi *l. 3.* apud eundem Duchesnium *Histor. Franc. t. 4. p. 387.* Qui minus probant generalia interdicta, laudant S. Augustinum *Ep. 250. ad Auxilium opp. t. 2. col. 878. el. cit.* qui reprehendit Auxilium juvenem Episcopum, quod inconsulto; ob Classicani peccatum, totam ejus domum anathemati subjecerat. Sunt autem hæc Augustini verba: *aucti fortasse aliquos magni nominis sacerdotes quemquam cum domo sua anathematizasse peccantium. Sed forte si essent interregati, reperirentur idoneam reddere inde rationem. Ego autem, quoniam si quis ex me quærat, utrum recte fiat, quid ei respondeam, non invenio; nunquam hoc facere ausus sum de quorundam facinorosis unanimiter a vobis Ecclesiam perpetratis, nisi gravissime commoveret. ... Quomodo vel Deo vel hominibus justam possumus reddere rationem, si animas innocentes pro scelere alieno spiritali supplicio puniamus.* Quibus quidem verbis non negat Augustinus, quandoque magni nominis Iis opus ob crimen patris familias totam ejus domum anathemati subjecisse, ilque eos fecisse justis de causis, adeo ut idoneam reddere sui facti rationem possent; quamquam ipse nunquam eorum exempla sequutus fuit. Ergo ex hoc Augustini testimonio manifestum est, ea ætate generalia interdicta adhiberi, & vero justis de causis ab egregiis Episcopis adhiberi consuevisse. Damnat deinceps ipse Augustinus abusum generalis anathematis, quo parvulis etiam domus excommunicatæ baptizantur, aliisque innocentibus sacra mysteria cum æternæ salutis periculo idinebantur; sed non item damnat minores censuras, & interdicta sacrorum, quamquam generalia, cum nimirum publica ratio ea postularet a contaminatæ domus, aut gentis flagitia coercenda, vel spes ad meliorem frugem recandendi principes familiarum peccantes productis pœnis ad filios, & subditos, sive si criminis essent participes, sive flagitio implicati non essent. Sane quæ Augustinus dicit, ad generalis tantum anathematis absum pertinent. Species quædam generalis interdicti continetur in *Can. 8. c. 17. quæst. 4.*, quem

canonem Gratianus tribuit Augustino *Ep. 187. ad Bonifac.* Verum hæc epistola Augustini re vera non est, eamque idcirco post Erasmus, & Iovianius Theologos repudiarunt PP. Maurini, atque inter spuria Augustini opera descripserunt in *Oppent. Ep. 6. t. 16. opp. col. 137. ed. Benet. 176*. At enim per generale interdictum etiam qui criminis re non sunt, poenam perferre coguntur. Principio novum, atque insolens non est, quod pro alicujus crimine tota familia puniatur quod multis ex Sacris Literis petitis exemplis ostendit Gratianus in *quo. 3. Caus. 24.*, & in *L. 5. Cod. ad L. Jul. Majest.* etiam filii pro patris scelere poena afficiuntur. Confer etiam Herodotum *l. 3. c. 118. 19. p. 208 ed. Lening. 1679.*, Q. Curtium *Histor. Alex. M. l. 6. c. 11. n. 20. p. 411.*, & *l. 8. c. 6. n. 28. p. 558. ed. Lugdun. Batav. 1658.*, Justinum *l. 1. c. 2. p. 159. ed. Amstelæd. 1619.*, Ammianum Marcellinum *l. 23. c. 6. par. 266. ed. Lugdun. Batav. 1673.* Prodest autem pro crimine ejus, qui familiæ, aut societati præest, poena etiam ad totam familiam, ac societatem, ut ille hujus saltem amore, ac pietate motus, aut victus querelis sese à scelere facilius abtineat, aut redeat ad bonam mentem, cum crimen perpetravit. Atque hoc quidem generale interdictum extremi remedii loco est, & quasi cogente necessitate enititur, cum scilicet personale interdictum prorsus inutile fore prospicitur, aut experiendo deprehensum est. Ita necessitas, quæ hoc extremum remedium adhiberi jubet, injustitiæ notam absterget. Accedit, quod si per civile interdictum etiam insontes poenæ subiciuntur, eam quidem perferunt tamquam membra societatis, inquam merito poena constituitur. Fac duas esse respublicas, quarum altera sese alteri res quasdam, quibus ea caret, dat iram promiserit, modo ipsa certa servet pacta, quæ mutuo conventa sunt. Negligunt hæc pacta illi, qui reipublicæ sunt; præpositi; quare altera respublica nihil præstat eorum, quæ servatis pactis præstare debuisset. Magnum exinde capiunt detrimentum non solum rei publicæ Præfecti, qui pacta contempserunt, sed etiam ceteri, qui eadem re publica continentur, quoniam carent rebus, quibus omnino indigent; & hi quidem quamquam nulla propria culpa tenentur, poenam tamen perferunt propter culpam Præfectorum suorum. Quis jure reprehendat rempublicam, quæ aliqui non dedit res necessarias, quas tantum servatis pactis dare debuisset? Omne vitium est Præfectorum, qui pactis defecerunt, quod omnes eorum reipublicæ subijciunt, quoniam insontes, damnum capiunt; sed nullum est vitium alterius reipublicæ, à qua spectis, contemptisque pactis nihil dandum est. Simili modo inter ecclesiasticam, civilemque rempublicam pactum conveniunt videtur, ut alteri alteri præbeat sacramenta, & cetera ad eternam salutem necessaria; modo hæc sacros ministros aliat, Ecclesiæ legibus obediat, cetera absoluit, quæ ad eternam salutem consequendam Ecclesiæ necessaria iudicantur. Si illi, qui præstant civili reipublice, eamque reprobent, Ecclesiam contempnunt, neque mutuis pactis obtineperant, reprehendendum putabimus Ecclesiam, quod negat civili reipublice ea, quæ tantum sub certis pactis danda sunt, præsertim cum in faciat Ecclesia, ut populi salutem curet? Adde denique, quod ut ge-

nerale interdictum minus lædat innocuos; prov isum est, ut pueri, atque a l vitæ exitum properantes ea habeant, quæ ad eternam salutem necessaria sunt.

§. IV. Generale interdictum, ne asperius videretur; quod omnes nullo descrimine comprehendat, Romani Pontifices certis cohibere legibus, & emollire studuerunt. Ergo non tantum parvulorum baptismus, & morientium pœnitentia generali interdicto excepta est (1), sed etiam data facultas, ut interdicti tempore divinum verbum populo nunciatur, & pueris baptizatis Confirmatio tribuatur (2). Similiter concessum est viaticum decedentibus; & ecclesiastica sepultura clericis, qui interdictum servarunt, & pœnitentia ad sacra bella profecturis, crucisque signum recipientibus, & aliis peregrinis, quamquam integra valetudine uterentur (3).

(1) *Cap. 12. de Sponsal. & matrim.*

(2) *Cap. 43. de sentent. excom.*

(3) *Cap. 11. de Pœnitent. & remiss. Confer etiam Benedictum XIV, Const. Quoniam 86. §. 5. 1. 1. ejus Bullar. p. 174. ed. Rom. seu Venet. 1754.*

§. V. Præterea Gregorius IX. permisit, ut in unaquaque hebdomada privata Missa celebraretur, exclusis tamen excommunicatis, atque interdictis campanisque silentibus, & clausis januis, ac submissa voce, atque ut conficeretur corpus Domini, quod decedentibus in Pœnitentia conceditur (1). Denique Bonifacius VIII. magis etiam temperavit, atque lenivit generale interdictum, lata lege, qua sancitum est, ut sanis omnibus, modo excommunicati non sint, pœnitentia tribuatur; ut in cunctis ecclesiis, & monasteriis in loco interdicto sitis; modo ipsa speciatim interdicta non sint, neque ullam interdicto causam dederint, Missa quotidie celebretur. aliaque divina officia peragantur, submissa tamen voce, portis clausis, non pulsatis campanis, & exclusis interdictis; ut in festis Natalis Christi, Paschæ, Pentecostes, Assumptionis Mariæ Virginis (quibus Martinus V. (2) festum Corporis Christi, ejusque octavam addidit) solemniter divina officia celebrentur, exclu-

sis excommunicatis, & admissis interdictis, modo ii, qui sua culpa causam interdicto dederunt, ad altare non appropinquent (3).

(1) *Cap. 57. de Senten. excommunic.*

(2) Martinus V. *Const. Ineffabile* 23. p. 461. t. 3. part. 2. *Ballar. Roman.*

(3) *Cap. 24. de Senten. excommunic. in 6.* Clemens autem VIII. *Const. Sacrae* apud Giraldum *Exposit. Jur. Pontific. part. 1. l. 5. tit. 38. sect. 911. p. 745.* Fratribus minoribus S. Francisci etiam diebus festis Ss. Francisci, Bonaventurae, Antonii Patavini, Ludovici, Bernardini, Clarae, Elisabeth, ac Martyrum ejusdem Ordinis, Didaci, & Portiunculæ Missam solemniter celebrare permisit.

§. VI. Interdictum nonnisi ob gravem culpam est ferendum (1), neque comprehendit Episcopos, aliosque superiores Prælatos, quamquam generale sit, nissi expressa eorum mentio facta fuerit (2). Emissum autem ab Episcopo interdictum etiam à Regularibus observandum est (3).

(1) Confer Benedictum XIV. *de Synodo Dioces. l. 10. c. 1. n. 3.*

(2) *Cap. de Senten. excommunicat. in 6.*

(3) Concilium Tridentinum *Sess. 25. c. 12. de Regul.*

§. VII. Violantes interdictum gravis criminis rei sunt, quoniam Ecclesiae auctoritatem contemnunt. Clerici, qui scienter in loco interdicto divina officia celebraverint, irregulares fiunt, eaque irregularitas tantum à summo Pontifice tolli potest (1). Item qui interdictos in loco sacro sepeliunt, excommunicationem contrahunt, cujus absolutio Episcopo reservata est (2). Excommunicantur quoque Regulares, etiam exempti, qui generale, aut locale interdictum à Summo Pontifice, vel ab Episcopo indictum non servaverint (3).

(1) *Can. 1º. §. 1. de Senten. excommun. in 6.*, quæ decretis tanquam loquatur de sola celebratione, quæ ad celebrationem Missæ referenda videretur, tamen Interpreti non sententia ad omnia divina officia produciuntur.

(2) *Clement. 1. de Sepultur.*

(3) *Can. 1. de Senten. excom.*

§. VIII. *Locale interdictum cessatio à Divinis* interdum appellatur (1); quoniam divina cessant in locis interdictis. Sed proprie *cessatio à divinis* sine iudicis decreto ipso jure inducitur, ac per eam prohibentur clerici divina officia peragere, ac sacramenta administrare in aliqua peculiari ecclesia, quæ homicidio, aut adulterio, aut alio crimine polluitur (2); ut salutaris populo terror, & criminis horror incutiatur. Non est tamen censura, cum non sit pœna, quæ ad emendationem irrogetur, sed potius gravis ab Ecclesia concepti doloris indicium est. Itaque ejus violatio gravis quidem culpa est, haud tamen irregularitatem inducit (3). Verum Regulares eam violantes excommunicantur (4).

(1) *Clement. 1. de Sentent. excom.*

(2) *Cap. ult. de Consecr. Eccles.*

(3) *Cap. 18. de Senten. excommunic. in 5.*

(4) *Clem. 1. de Senten. excom.*

TITULUS XX.

De Suspensione.

- | | |
|--|--|
| I. Suspendio quid, & quomodo à reliquis censuris differat? | IV. Quando, & quomodo suspensio irroganda? |
| II. Quid duplex suspensio est? | V. & VI. Quomodo suspensio tollatur? |
| III. Suspendio generalis, & partialis, item perpetua, ac temporaria. | VII. Pœna clerici violentis suspensionem. |

§. I.

Suspensionis vocabulo intelligimus illud censure genus, quo clericis ob propriam delictum ecclesiasticæ potestatis, & jurisdictionis usu interdicitur. Ex quo noscitur discrimen quod inter suspensionem, aliasque censuras intercedit. Nam hæc pertinet ad omnes fideles, illa autem tantum adversus clericos constituitur, quoniam eorum tantum est propria ecclesiastica potestas, & jurisdictio. Etiam excommunicatio aliquem privat ecclesiastica potestate, ve-

rum id facit propter communionem cum reliquis fidelibus à qua excommunicatus repellitur; at suspensio adimit potestatem, quæ cum officio, & beneficio conjuncta est. Distat etiam ab interdicto suspensio, quod per illud clerici prohibentur usu rerum sacrarum, sed ea ratione, quod hæc fidelibus omnibus communes sunt; at vero suspensio earum usu interdicitur, quod ab officio, aut beneficio dependet.

§. II. Triplex suspensio est, nimirum ab officio, à beneficio, atque ab utroque simul. Suspensio ab officio clericum exercere vetat universa ecclesiastica officia, quæ vel ab ordine, vel à jurisdictione pendent, modo sint vera officia ecclesiastica; non enim suspensi ab iis repelluntur, quæ etiam laicis sunt communia, uti sunt ingressus in ecclesiam, publicæ preces, sacramenta. Suspensio à beneficio clericum excludit à percipiendis beneficii fructibus, atque aliis, quæ ab eo pendent, non tamen ab officio repellit; quoniam angustior in odiosis significatio & interpretatio est (1). Denique suspensio à beneficio simul, & officio facit, ut clericus beneficii fructibus carere debeat, & simul ecclesiastica munera exercere prohibeatur (2).

(1) Quæstio tamen est num suspensio ab officio secum ferat etiam suspensionem à beneficio, quod propter officium datur. Perique id negant, quia si suspensus ab officio etiam à beneficio suspensus haberetur, frustra in jure suspensiones modo ab officio, modo à beneficio infligerentur.

(2) Suspensionis poena antiquissima in Ecclesia est, eaque à Patribus abstinendi, interdicens, aut prohibendi vocabulis significatur. Confer. S. Cyprianum *Ep. 4. ad Pompon.*, & *Ep. 34. à Presbyt. & Diacon.* p. 174. & 217. *ed. Amsteland 1700.*, S. Ambrosium *Serm. . in psalm. 118. n. 24. opp. t. 3. 244. ed. Ven. 1781.*, Concilium Eliberitanum *Can. 50. t. 1. Concil. col. 998. Collect. Labbæi. Carthaginense IV. Can. 68 ib. t. 2. col. 1444.*, & vide etiam Beveregium in *Con. 11. Apostol. apud Cotele- rium PP. Apostol. t. 1. p. 465. ed. cit.*, item Concilium Ancyræ in 32. *dist. 50.* Quin etiam vetus est distinctio suspensionis à jure percipiendi redditus ecclesiasticos, & à jure ecclesiastico officia exercendi. S. Cyprianus *cit. ep. 34. ad Presbyt. p. 218.* de quibusdam inferioribus clericis, qui deliquissent, inquit: *Interim se à divisione mensura tantum continent, non quasi à ministerio ecclesiastico privati esse videantur.* Quibus verbis hi clerici tantum à redditibus ecclesiasticis, non item ab ecclesiastico officio excluduntur. Similiter S. Gregorius Turonensis *Hist. l. 8. c. 20. col. 392. ed. Paris 1699.* narrat, Ursicium Cadurcensem Episco-

pum ab Episcopali ordine fuisse suspensum, sed ei tamen relicta Ecclesiæ rerum administrationem. Synodus autem Aurelianensis l. in *Can. 14. dist. 81.* universam suspensionem ob graviora crimina irrogatam nominatim expressit.

§. III. Generalis suspensio tum officium, tum beneficium complectitur, quique ea pœna affectus est eorum, quæ ad alterutrum pertinent, quidquam agere, aut attingere prohibetur. Sed interdum aliquis tantum pro parte suspenditur, & his quidem ea, quibus ei interdictum est, gerere nequit, non item reliqua; veluti si quis prohibitus sit confessiones excipere, is recte exercet cætera quæ suspensionis pœna comprehensa non sunt. Suspensio hæc *partialis* dicitur, cui *plena*, seu *generalis* opponitur. Est item suspensio perpetua, ac temporaria; illa clericum perpetuo, salva tamén dignitate, à sacris officiis excludit, hæc tantum ad certum tempus, ultra quod pœna non profertur. Quævis autem suspensio, sicuti excommunicatio, vel lata, vel ferenda sententiæ est, quarum altera juris auctoritate ipso facto, altera iudicis sententiæ irrogatur.

§. IV. Nulla suspensio sine causa ferenda est, quamquam ea non ita gravem requirat culpam, qualem excommunicatio, atque interdictum postulant (1). Quæ causa exprimenda est in scriptis, in quibus suspensio infligitur (2); verum in suspensionibus latae sententiæ lex ipsa iudicis instat (3). Est autem à Praelato ferenda suspensio tantum in suos subditos, atque ab uno Episcopo suspensus tamquam suspensus ab omnibus habendus est, donec legitime à proprio Episcopo absolvatur.

(1) Clericos ob culpas non ita graves suspensos fuisse, constat ex Concilio Epæonense *Can. 4. t. c. 5. Concil. col. 7. 2. Collect. Labbei.*

(2) *Cap. de Sentent. excom. in 6.* Id vero locum habet, quando suspensio adhibita judiciali methodo affigitur. Nec enim prohibetur Episcopus ob causas sibi notas, quæ in foro externo ex actis iudicialibus minime patent, suspensionem infligere, & vero clerici, qui huic Episcopi mandato non obtemperant, irregulares evadunt. Quod quidem constitutum est Tridentini Concilii legibus *in c. 1. sess. 13. de Reform.* Consule Benedictum XIV. *de Synod. Dioces. l. 12. c. 8 n. 3. A. 5.*

(3) Suspensionum latae sententiæ plura in jure exempla sunt. Huc enim spectant *c. 3. de Usur. c. 3. de Clandest. despons. c. 7. §. ult. c. 25.*

c. 43. c. 44. *de Elect.*, c. 14. *de Vit. & honest. Cleric.*, Concilium Tridentinum c. 1. & 6. *Sess. 24. de Reform. matrim.*, aliaque similia.

§. V. Indicta ad certum tempus suspensio, eo elapso, expirat ipso jure, neque opus habet hominis sententia, à qua removeatur. Sed suspensio, quæ nullo definito tempore inflictæ est, relaxari debet ab eo, qui eamdem inflixit; relaxatur autem, si suspensus resipuerit.

§. VI. Numquam autem suspensio, quamquam nullo certo tempore obstricta sit, spem veniæ ac restitutionis excludit, in eoque differt à depositione, quæ perpetuam, ac sine ulla spe veniæ exercitii, atque usus ordinum privationem inducit. Accedit, quod clerici sacris officiis, aut ecclesiasticis stipendiis suspensi dignitatem, & beneficium non amittunt, sed tantum privantur fructibus beneficii, aliisque inde pendentibus, sui que ordinis, ac dignitatis munera exercere prohibentur. Verum depositio non solum clericum ab omni munere ordinis, ac beneficii repellit, sed eum etiam officio, & beneficio omnino privat, titulumque aufert, ita ut ad illud sine nova collatione redire nequeat.

§. VII. Clericus suspensus, si quo interim fungatur munere, unde prohibitus est, irregularis efficitur (1). Nullam tamen irregularitatem contrahit, si quid gerat eorum, quæ ab ordine necessatio non pendent, & id porro gerat non ex officio clericali, sed tamquam laicus quilibet, uti sunt quedam minorum ordinum munera, quæ in ecclesiis ex recepta consuetudine etiam à laicis exercentur (2).

(1) *Cap. de Senten. de re judic. in 6.*

(2) *Consule Fagnanum in Cap. 2. n. 15. & seq. de Cleric. excommun. ministran.*

TITULUS XXI.

De absolute à censuris.

I. Absolutio à censuris quid?

II. Quotuplex?

III. & IV. Quis censuras tollat?

V. Absolutio *ad cautelam*.

VI. Absolutio *ad reincidentiam*.

VII. Censuræ in mortuos, earumque relaxatio.

Semel inflictæ censura per absolutionem, aut relaxationem tollenda est; ut quis potestatem, gradum, locumque recuperet, unde dejectus fuit. Est autem absolutio à censuris, quæ in antiquis monumentis *pax*, *relaxatio*, *venia*, *communio* appellatur, relaxatio pœnæ, sive vinculi, quæ præscripta ab Ecclesia forma conceditur. Danda est hæc venia seu relaxatio non facile, & imprudenter, sed cum ejus, qui pridem deliquerat, comperta emendatio est (1).

(1) *Can. 33. Caus. 23. qu. 4.*

§. II. Et quoniam duplex est Ecclesiæ forum, interius & exterius, ac censuræ in utroque irrogantur duplex item est absolutio; altera quæ in foro exteriori, altera quæ in foro interiori conceditur. Absolutio in foro interiori datur à Sacerdote, qui Pœnitentiæ sacramentum administrat, eaque hominem Deo reconciliat; absolutio in foro exteriori tribuitur à judice, qui censuram inflixit, eaque post sententiam externam pacem restituit. Utraque absolutio suis finibus continetur. Itaque qui in interno, aut externo foro solutus censura est, non item in altero foro solutus habetur.

§. III. Abrogat autem, tollitque censuras Judex, qui easdem inflixit, aut ejus in munere successor, aut delegatus, aut superior (1). Quæ vero à lege sunt constitutæ vel ab Episcopo, vel etiam à Sacerdote, qui potestatem habet administrandi sacramentum pœnitentiæ, tolli possunt (2); unde fere generalis omnium censurarum absolutio præmitti solet. Sed Presbyter remove nequit censuras, quæ Summo Pontifici, aut Episcopo reservatæ sunt; nisi ei facultas hæc speciatim concessa fuerit.

(1) *Cap. 20. de Offic. Jud. ordin.* Vide etiam Concilium Nicænum *Can. 5. t. 1. Concil. col. 35. Collect. Labbæi.*

(2) *Cap. 29. de Sentent. excommun.*

§. IV. Excommunicatio minor à quovis Presbytero pro excipiendis confessionibus approbato tolli potest (1); & quivis Presbyter etiamsi approbatus non fuerit, in articulo

mortis, ut dimittendi peccata, ita relaxandi censuras habet potestatem (2). Verum qui ita absoluti sunt, sublato mortis periculo, in quo antea versabantur, sistere se Romano Pontifici, aut ejus Legato debent mandata accepturi; secus. Eodem excommunicationem contrahunt (3). Sed & in iis, quæ Summo Pontifici reservata sunt suam interdum Episcopus potestatem exercet. Nam ipse suos subditos absolvit à casibus occultis Pontifici reservatis (4), tollitque censuras etiam Papæ reservatas, quibus obstricti sunt ii, qui Romanum iter suscipere nequeunt, quales sunt mulieres, senes, valetudinarii (5).

(1) Confer Gíraldum *Exposit. Jur. Pontif. par. 1. l. 5. tit. 39. sect. 9. 1.*

p. 772.

(2) Concilium Tridentinum *sect. 14. de Sacram. pœnitent. c. 7.*

(3) *Cap. 22. de Sentent. excommun. in 6.*

(4) Concilium Tridentinum *Sess. 24. c. 6. de Reform.*

(5) *Cap. 13. de Sentent. excommunic.*

§. V. Præter absolutionem à censuris, quæ post emendationem, aut finitam causam iis conceditur, qui crimen admisērunt, est etiam absolutio *ad cautelam*, quæ datur ad majorem cautionem, ut omnis, quæ forte esse potest, dubitationis causa removeatur. Ea porro adhibetur in omnibus rescriptis, bullisque Apostolicis, ne quid impedimento sit, quominus concessa gratia vim & exitum habeat, itemque à Sacerdotibus, qui sacramentum pœnitentiæ administrant, sacramentali absolutioni præmittitur, ne propter censuram à jure illatam, & ignotam inutilis absolutio sit. Denique locus est generatim absolutioni ad cautelam, cum incertum est, num quis censuram contraxerit, aut cum de vi illatæ censuræ dubitatur (1).

(1) *Cap. 40. de Sentent. excommunic.*

§. VI. Est & absolutio *ad reincidentiam*, quæ datur ad certum tempus, aut ad certum actum, ita ut tempore elapso, aut actu peracto ita absolutus iterum censura implicetur. Quæ absolutio dari solet cum certa lege, videlicet ut

lædens intra difinitum tempus læso satisfaciat, aut certa pietatis opera suscipiat, cui legi satisfaciendum est constituto tempore, quo elapso censura reviviscit, & qui legi non satisfecit, cum nulla justa causa impediretur, rursus in censuram incidit.

§. VII. Nec tantum vivis excommunicatis, sed etiam post eorum obitum sæpe ab Ecclesia censuras relaxatas fuisse constat. Nimirum si quis moriens ante impetratam pacem certa dedisset pœnitentiæ, aut emendationis argumenta, vel eo mortuo appareret, injustas esse censuras in eum latas, ab Ecclesia censuræ ipsæ removebantur, ut omnibus constaret, eum in Catholica communione decessisse. Dabatur olim hæc absolutio facto ipso, quia defuncti nomen vel sacris dyptichis restituebatur, vel ejus nomine factæ oblationes ab Ecclesia accipiebantur, atque ita ipse catholicæ communioni restitutus habebatur (1). Sed nunc ii, qui morientes censuris solvi non potuerunt, atque ab Ecclesia eo beneficio digni judicantur, certa precum, ac verborum formula absolvuntur (2).

(1) Ita Theodoretus. *Histor. l. 5. c. 35. p. 235. ed. Cantabrig.* narrat, Alexandrum Antiochenum sacris dyptichis restituisse S. Joannis Chrysostomi nomen, quod in illis plures annos omisum fuerat. Sunt & alia absolutionis à censuris post obitum concessæ exempla apud Mabillonium *Annal. Bened. l. 53. n. 33. & l. 61. n. 42. & 43. t. 4. p. 409. 543. 544. ed. Lucæ 1735.* locis quælibet. Neque tantum absolutionis mortuis concessæ, sed etiam excommunicationis in mortuos latæ in ecclesiasticis historiis exempla sunt. Ita Cyprianus *Ep. 1. ad Cler. Furnitæ. p. 169. ed. Amstelæd. 1700.* oblationem, fieri precesque in Ecclesia fundi vetuit pro Geminio Victore quod contra ecclesiasticam regulam Presbyterum tutorem suo testamento constituerat. Pene simile decretum extat in Codice Canonum ecclesiæ Africanæ *Can. 81. apud Harduinum Collect. concil. t. 1. col. 907.* ubi de Episcopis, qui ethnicis, aut Hæreticis heredes scripserat, habentur hæc: *post mortem anathema à dicatur, atque ejus nomen inter Dei sacerdotes nullo modo revivetur.* Hinc Augustinus *Ep. 185. ad Bonifac. n. 4. opp. t. 2. col. 644. et Ven. 1729.* de Ceciliano, quem Donatistæ accusabant, dicit hæc: *Si vera essent, quæ ab eis Ceciliano objectæ sunt... ipsum jam mortuum anathematizavimus.* Alia etiam consequenti ætate occurrunt exempla ejusdem ecclesiasticæ disciplinæ.

(2) *Cap. 28: de Sentent. excommunic.*

RECENSIO

TITULORUM TOMI QUARTI.

TITULUS I.

De Ecclesiæ in coercendis criminibus potestate. . . Pag. 3 .

TITULUS II.

De Delictis, & eorum divisione. 18

TITULUS III.

De Apostasia. 21

TITULUS IV.

De Hæresi. 29

TITULUS V.

De Schismate. 44

TITULUS VI.

De Vetita tolerantia hostium Religionis. 48

TITULUS VII.

De Libris improbatæ lectionis. 56

TITULUS VIII.

De hæreticæ pravitatis inquisitoribus. 72

TITULUS IX.

De Simonia. 84

TITULUS X.

De Maledicto sive blasphemia. 95

TITULUS XI.

De Sacrilegio. 96

TITULUS XII.

De Perjurio 98

TITULUS XIII.

De Divinatione 102

TITULUS XIV.

De Magia 106

TITULUS XV.

De Delictis venereis 107

TITULUS XVI.

De Usuris 103

TITULUS XVII.

De Pœnis, & censuris ecclesiasticis 138

TITULUS XVIII.

De Excommunicatione 143

TITULUS XIX.

De Interdicto 170


TITULUS XX.


De Suspensione 176

TITULUS XXI.

De Absolutione à censuris 180

FINIS TOMI QUARTI.





A FD/1486



UNIVERSIDAD DE SEVILLA



600713885

C 28183253

